



XIV  
29.69.

11798/B

D. IV

18/6



75





ΑΝΔΡΟΠΟΛΟΓΙΑ ΑΝΑΤΟΜΙΚΗ

SIVE

SERMOCINATIO

DE

CORPORE HUMANO

EJUSDEMQUE

OMNIUM AC SINGULARUM PARTIUM  
ANATOMICA DESCRIPTIO

IN

Alma Cæsareo- Archiducali Universitate OEnipontana  
DD. Auditoribus suis ad Calamum dictata, explicata atq; demonstrata,  
modò verò

Per

FRANCISCUM CAROLUM  
ANTONIUM

EGLOFF DE STAADTHOFF,

MEDICINÆ DOCTOREM,

ET

In Memorata Universitate Anatomix PROFESSOREM  
Publicum ac Ordinarium

*Typis submissa,*

Quam unà cum Parergis ex Universâ Medicina in fine annexis  
publicâ disputatione horis ante & pomeridianis  
defendendam suscepit

NOBILIS & DOCTISSIMUS

D O M I N U S

HIERONYMUS LEOPOLDUS BACCHETTONI,

Precentis Romanus,

AA. LL. & Phylosophiæ Doctor, Chyrurgiæ Licentiatus,  
nec non Saluberrimæ Medicinæ Candidatus.

Anno 1726. Mense Junio die

P E R M I S S U S U P E R I O R U M.

Formis Mich. Ant. Wagner, Aul. Cæs. & Univ. Typogr. & Bibliop.



THE UNIVERSITY OF CHICAGO

LIBRARY

OF THE

PHYSICAL SCIENCES

AND

THE

LIBRARY

OF THE

PHYSICAL SCIENCES

AND

THE

LIBRARY

OF THE

PHYSICAL SCIENCES

AND

THE

LIBRARY

OF THE

PHYSICAL SCIENCES

AND

THE



OF THE

LIBRARY



# ALMÆ TYROLEOS

CELSISSIMIS & REVERENDISSIMIS  
CONFŒDERATIS,

AT QV E

INCLYTIS PROVINCIÆ STATIBUS &c.

## PATRIÆ PATRIBUS.

REVERENDISSIMIS , EXCELLENTIS-  
SIMIS , ILLUSTRISSIMIS,

PERILLUSTRIBUS , ILLUSTRIBUS ,  
PRÆNOBILIBUS,

AMPLISSIMIS , CLARISSIMIS

A C

CONSULTISSIMIS VIRIS,

DOMINIS ac PATRONIS  
D. D. D.



# DEDICATIO.



## PATRES PATRIÆ.



Ic Vos veneror, sic appello : Immortali quidem Vestro merito, & meo quodam (nî fallor) jure. Fiducia mihi ex hac præscriptione, atque sincerissima ad Vos cum tenui dicatissimæ mentis testimonio properandi alacritas. Imò princeps & veriùs omnis causa, qua me lætissimîs auspiciis Vestra ad genua deducit Sacer Æsculapii Genius, PATRES PATRIÆ, inquam : Quod nominis orna.



# D E D I C A T I O.

ornamentum quibuslibet titulis coronisque anteferendum Mar-  
co Tullio Ciceroni omnium primo erepta supremæ cladi Urbs  
& administrata præcipuo amore ac vigili sollicitudine Respu-  
blica imposuit; gloriæ verò pacisque amplissima serenitas Im-  
perio suo, Orbi videlicet Romano, parta atque firmata in O-  
ctavianum deinceps Augustum propagavit. Olympicis alii,  
aut Obsidionalibus, aut Civicis, aut Navalibus superbiant: Afri-  
cani, Germanici, Britannici, Dacici cognomen jactent; nul-  
læ triumphalem crinem tam honoræ frondes, nulla laureatum  
clypeum tam sonora Epigraphe exornabit, quàm præ cæteris  
eximium illius emicat decus & clarescit fama, qui Patriæ Pa-  
ter ex vero consalutatur. Ex vero autem Vos à me, quin ab  
Alma Tyroli universa. Sive enim Celsissimos & Reverendissi-  
mos Confoederatos, sive ipsos inclytæ Regionis STATUS con-  
templemur, ita summam decentissimi Nominis prærogativam  
opere & merito exæquatis, ut illinc Augustos, hinc Tullios  
angustiori quidem, sed non minùs felici Republica miremur  
redivos. Unde siquidem olim appellationi tam dulci ac ma-  
gnificæ origo? Palàm est, quòd à paterno amore, providen-  
tia, studio & cura publicæ salutis, gloriæ, prosperitatis. *Pa-  
triæ Patrem* (Senecæ verba sunt lib. 1. de Clem. c. 14.) *appella-  
vimus Principem, ut sciret datam sibi potestatem patriam, quæ est  
temperatissima, Liberis consulens, suag. post illos ponens.* Sed hu-  
jus quidem ævo, quod Principum illorum vitijs jam ab auro  
in ferrum degeneraverat, moniti locum obtinuit Nomen, quod  
antehac meriti erat honestamentum; id modò insinuans fa-  
ciendum, quod à Cicerone & Octaviano, in quibus illi pri-  
mordia, factum prædicabat. Factum item à Vobis, qui &  
perpetuò facitis, dum seu subditorum, seu concivium, atque  
universim populi totius, tam ipsi pro dignitate, potestate, jure  
ac munere quivis suo, quàm per Legatos ac Deputatos, ad  
Provincialia præsertim Comitia selectos atque collectos, saluti



## D E D I C A T I O.

& felicitati, tanquam Liberorum ea sit, temperatissimè consulitis, Vestramque propriam longè post publicam ponitis utilitatem. Quanta namque Vobis cura pro Aris, pro focis? pro belli pacisque studiis? pro commerciorum fide, securitate, frequentia? pro dispensandis æqua præportione commodis atque oneribus? pro obstruendis querimoniæ aut turbarum fontibus? pro arcendis quacunque ex scaturigine periculis? pro retegendis promovendisque abundantia venis in universum Provinciæ Corpus salubriter sese diffusuris? Non est, quòd Romæ suos Numas, Fabios aut Marios, Athenis suos Areopagitas, Spartæ suos Ephoros Tyrolis invideat; tantis quippe Principibus, Rectoribus atque Tutoribus fulta, quantis florentissima unquam aut usquam Regna & Respublicæ. Video itaque Provinciam ipsam non molli quidem, sed masculo Virginis cultu insignem sub validissimo providentiæ atque amoris Vestri præsidio latam quietamque ( quantum minacia hæc universæ Europæ tempora ferre possunt ) considerare. Video consurgentem novo, solido ac magnifico opere, destinatam consilij publicis Provinciale Curiam. Video montium sinus pretiosis turgentes visceribus; Hortos, vineas, agros ditissima specie renidentes; Athesin & OEnum cum minori annuum fontiumque vulgo fertiles undas alacri strepitu provolventem. Atque hæc omnia quid aliud loquuntur, nisi quòd Vos *Patria Patres* resona per amænissimas Valles Echo ingeminet? Hanc proinde Romani Imperij Arcem, hoc vivis munitum rupibus Germaniæ vallum, hoc præcipuum Austriacæ potentia propugnaculum, hanc Regno comparandam, quin & præferendam Provinciam (ita Veteres recentésque Authores loquuntur; ne meis quisquam verbis præsumptioni vertat) Vos autoritate, amore, consilij studiisque irremissis sic tuemini, ut immortalis Vestro merito *Patres Patriæ* dicamini. Verùm & à me, & meo quodam jure fieri confido non improvidè, quòd *Patres Patriæ*

Vene-



# DEDICATIO.

venerabundus Vos appellem. Supercilium isthic aliquis fortasse ducat, mireturque ab exteræ nativitatis homine præsumi, ut Tyroli tanquam Patriæ sese asserat, & ex Attico Laconem fingat. Fatebor equidem, non in hac me Provincia imò nec Gente, primas hausisse auras, sed Italo sub cœlo, Romana in Ditione. Attamen & Vos gaudetis quamplurimorum esse Liberorum charitate & gratiâ Patres, siquidem vel exteri pro genuinis sese filijs reverentiâ & obsequiô approbent; Atque ego non ijs duntaxat notis, quas incolis omnibus licebit esse communes, verùm propinquiore, ut opinor, jure civem me Tyroli, mihi Tyrolim Patriam vendico. Benignè feretis hanc libertatem potius ac fiduciam, quàm arrogantiam aut temeritatem, si reputare dignemini, hominem nativitate, sed solâ, exterum sua, id est Romana sequi jura. Quem enim lateat, diuturna Parentum Domicilia filijs, quamquàm alibi progenitis, Jus Patriæ ac Civitatis apud Romanos aliasque passim Gentes vel addixisse vel contulisse? Idque tunc maximè, quando de Repub. parentes ipsi benè fuerint meriti; Liberos autem, quos alibi susceperant, intra Reip. aut ipsius Urbis fines à teneris educârint? Conspiciant hæc ad Vestrum erga me favorem, ad meam ex Vestro Patrocinio felicitatem. Avus quippe meus triginta ipsos annos non modò Tyrolis intra fines domiciliô usus, sed per omne id tempus Almæ Provinciæ obsequijs devinctus. Avo successit Pater, in eundem hujus Patriæ famulatum à Magno LEOPOLDO, Universitatis OEnipontanæ Augustissimo Fundatore, jam anno elapsi Sæculi penultimo clementissimè subrogatus. Atque hi quidem ambo per continua propè duodecim Lustra suam ita curam laborésque assiduos & fideles impenderunt, ut Vestræ hodiedum Gratix & Avi memoria & Patris vita maneat consecrata; sic miseris atque pauperibus gratuitâ etiam operâ succurrere festinârunt, ut illum jam diu exsolutum corpore gratitudo famæ non panitenda, hunc (modestè pro Patre

# D E D I C A T I O.

tre dicam) præfens aliquis conscientiæ fructus delectare valeat. Hæc dum attingo, neminem fore reor, qui in invidiam trahat; quasi Progenitorum obsequia, qualiacunque demum illa, jactare aggressus sim. Quin benegnitatem magis Vestram, quæ in eosdem summa semper eluxit, commendatum imus. Hoc insuper Parens ipse imbecillitatis suæ haud immemor pridem destinaverat, ut monimentum aliquod demississimi pariter ac gratissimi erga Vos animi poneret, simulque suos Vestro in obsequio commissos fortè errores apta pro viribus compensatione redimeret. Me itaque quinquennem Caltrīs - precum, & ex patria Italia in Vestram hanc Metropolim transferens ea spe educavit, ut ( si tamen Divini Numinis vocatio accederet ) ijsdem, imò amplioribus ac sublimioribus artibus studiisque exercitus eadem, quin & majora atque utiliora inclytæ Provinciæ fidelissimi famulatûs tributa per omnem vitam pendere sufficerem. In hanc artium scientiarumque semitam ultrò & superis ( sic spero ) ducentibus me dedi: Ubi Paternis insistens vestigiis, motu etiam ejus ac ære propugnatis ex universa Philosophia Thesisibus, supremam hujus Facultatis Lauream haud alio fine ambivi ac retuli, nisi ut Vestris eam obsequiis per ulteriora olim dicarem. Non tamen solò bienniò; quod abinde lapsus, rectiorem ad propositos modò fines callem institi, sed jam antè tum ad inferiorem, tum ad superiorem Medicinam contuli mentem. Et in arte quidem Chirurgica, graviore præsertim illius parte, Lithotomia nimirum & Ophthalmica, sub Patris maximè aliorumque Magisterio sic processu, ut ex ea universa Patavij examinatus, & plenam sub solennibus formulis approbationem sim consequutus. Expertus namque Parens quantum ex universali Chirurgia præmemoratis ejusdem difficilioribus & particularibus speciebus accresceret subsidij, quantumque Medicæ summæ ab Chirurgica auxilij, atque huic ex illa esset perfectionis, sua-

fu



# D E D I C A T I O.

fu ac sumptu suo effecit , ut ambarum conjunctione animum  
 excolerem , Vestro & Provinciæ universæ commodo fieri ra-  
 tus , si Universalis Chirurgicæ ars , parùm hæcenus in Patria  
 hac florens aut culta studiosius haberetur , & Medicinæ sub-  
 limiori , salutari nexu , accederet. *Adjicit enim remedijs Me-*  
*dicina Consilium* ( ut Romanus morum Medicus , Seneca lo-  
 quitur *epist. 94.* ) & recipit à Chirurgicis remedijs auxilium.  
 Quapropter cùm amor Vester , *Patria Patres* , non ad politi-  
 cam duntaxat subditorum & filiorum , sed corporalem insu-  
 per sospitatem protendatur , gratum Vobis nos facturos , Pa-  
 ter atque ego , censuimus , si in id majori , quin totius Me-  
 dicæ Sphæræ & virium nisu ac latitudine tenderemus , quod  
 ejusdem Parentis atque Avi mei præstitis per tot annos obse-  
 quijs novam per me jungeret aucionem. Id ut perficiam ,  
 prioribus Vestris in Progenitores meos gratijs ut gratus re-  
 spondeam , ut Patriæ Saluti cum fructu adlaborem , en me  
 cinctum & accinctum. Haud vulgaris equidem Medicis ho-  
 nor , eos Legum Præsidibus ac Civitatum Rectoribus , atque  
 hos illis , à Sapientibus ( illo præsertim , quem modò produ-  
 xeram , *l. 1. de ira c. 5.* ) comparari : At non minor , si ijs-  
 dem *Patria Patribus* ad Reipub. corporalem vitam & integri-  
 tatem ex voto liceat famulari. Etsi enim Scripta mortalibus  
 æterna Lex faciat , ne semper felix sit Medici cura , id nec  
 laudi derogat , nec arti *Nam si omnia fecit , ut sanaret* , ( ejus-  
 dem Sapientis vox est *l. 7. de benef. c. 13.* ) *peregit Medicus*  
*partes suas* , uti Reip. Præsides muneris sui numeros explevê-  
 re , si communi saluti omnem contulerunt industriam , quam-  
 vis partes aliquas aut membra politica experiantur conclama-  
 ta. Restat igitur , Parentis nomine apertam demississimæ gra-  
 titudinis testificationem , meæque ad obsequia Vestra paratif-  
 simæ mentis publicum specimen ut Vestros ad pedes depo-  
 nam. Deceret Laudum Vestrarum Oratoriam Anatomen im-

# D E D I C A T I O.

mortalibus cedris scriptam , aut æterno insculptam adaman-  
 ti offerre Epitomen saltem laudum. Id verò quia nec Tul-  
 lius linguâ , nec Phidias manu posset , humanæ Epitomen  
 Anatomices humillimè pronus porrigo , Vestræ eam & cum  
 illa meipsum Protectioni & Gratiæ suppliciter devovens at-  
 que commendans. Neque dubius de favore post tot in Pro-  
 genitoribus meis testata Paternæ indulgentiæ beneficia lætus  
 ad Vota demum convertor. Omnipotentem Cœli Regem  
 ac singulares Patriæ Patronos, quos ( ùt in Iconismo expres-  
 simus ) ad Vos & Tyrolim universam benignè respicientes  
 contueri mihi videor , deprecari fas sit , versis in melius  
 Velleij Paterculi verbis ( *lib. 2. histor. Rom. in fine* ) quæ ta-  
 men ipsum hoc profana Religione frustra optârunt , quod  
 nos facerrima fide animati orando impetrare haud ex vano  
 confidimus. *Jupiter Capioline* ( *DEUS Vere , Trine &*  
*Unice* ) *Auctor & Stator Romani Nominis , Gradive Mars ,*  
*( Debellator stygis , Redemptor orbis CHRISTE ) per-*  
*petuorumque Custos Vesta Ignium , ( perpetuò illibata Virgo*  
*DEIpara ) & quidquid Numinum hanc Romani Imperij mo-*  
*lem in amplissimum terrarum-Orbis fastigium extulit , ( Dive He-*  
*ros Georgi , beatissima Anna , ter felix DEI-hominis Avia ;*  
*Sanctissimi Præsules Vigili & Cassiane , ac quique Cœlitum*  
*hanc Romani Imperij Arcem munistis , texistis , evexistis ,*  
*firmastis & firmatis ) Vos publica voce obtestor atque precor ,*  
*servate , protegite hunc STATUM , hanc Pacem , ( hos*  
*PATRIÆ PATRES , Proceres , Principes ) at cum-*  
*primis hunc PRINCIPEM ( AUGUSTISSIMUM*  
*CÆSAREM CAROLUM VI. Dominum no-*  
*strum Clementissimum ) Eique functo longissima statione mor-*  
*tati , destinate Successores quàm Serenissimos , sed eos , quorum*  
*services tam fortiter sustinendo terrarum-Orbis Imperio sufficiant ,*  
 quàm




# DEDICATIO.

*quàm hujus suffecisse ( & pro Patriæ nostræ gloria , tranquillitate , commodis sufficere ) sensimus , ac sentimus. Ita testatur , vovet , precatur*

**PATRES PATRIÆ,**

*Demississimus Vester Clientis ac  
Devotissimus Servus*

**HIERONYMUS LEOPOLDUS BACCHETTONI ,  
AA. LL. Philosophiæ Doctor , Chi-  
rurgiæ Licentiatas , Medicinæ Candi-  
datus.**



# APPROBATIO THEOLOGICA.

**L**Egi *Ἀνθρωπολογίαν Ἀνατομικὴν*, sive Sermocinationem de Corpore Humano, ejusdémque omnium, ac singularium partium succinctam descriptionem Anatomicam, in qua non tantum omnia cum Orthodoxæ Fidei placitis, ac bonis moribus congruunt, sed etiam illa, quæ ibidem pertractantur, eam claritudinem à perspicacissimo Prænobilis ac Magnifici D. Auctoris sui ingenio participant, ut non vicariæ rerum voces, sed ipsæ res, quas explicandas suscepit, legentium oculis inspicendæ videantur offerri; accedit grata aliàs rarò cum claritate jungi solita synopsis: Ut adeo hanc Sermocinationem eximio Prænobilis & Magnifici Auctoris ingenio, egregiâ Nobilis D. Defendentis peritia, & publica luce ad utilitatem plurimorum dignissimam censeam.

Ludovicus Simonzin Soc. JESU,  
SS. Theologiæ Doctor, ejusdémque in Moralibus Professor Ordin. ac p. t. Sacræ Facultatis Decanus.





# A P P R O B A T I O M E D I C A .

**C**um Tractatus hic , Anatomicâ Prænobilis & Magnifici Domini Authoris Sermocinatione , admirandam Corporis Humani structuram , tam historicâ , eâque exactâ , cunctarum ejusdem partium descriptione , quàm apprimè convenienti usum dilucidatione , Literato Orbi sistat maximè conspicuam , in singularem Nobilis & Doctissimi Domini Defendentis , aliorumque Philiatorum utilitatem ; hinc luce & laude publicâ cenfeo dignissimum.

Theodoricus Fridericus Statlender  
de Melans & Vaidburg , Medicinæ Doctor , Prax. & Aphor.  
Hipp. Prof. Ord. Senior ac Physicus Primarius , h. t. Ex - Decanus.




*Nobili ac Doctissimo Domino*  
Defendenti.

**M**acte animo , te castra vocant , patet area Laudum ,  
 Messis adest , propria quam peperere manus  
 En Musæ jam ferta legunt , bivertice Pindi ,  
 Culmine quæ Superûm nuntius ipse feret.  
 Illud Pallas amat , Laurum sine sanguine donat ,  
 De se tam nimium quem meruisse liquet.  
 Exue corde metus , virtus tua dimovet hostes ,  
 Arma procul fugitat , Pallas amica fovet.  
 I, Cape , quod Superi merito tibi jure , quod ipse  
 Largitur Medici Præses Apollo chori.

*In signum amicitia*

Joannes Jacobus Payr ,  
 Collega.





*Nobili, ac Doctissimo Domino Defendenti  
in arenam Medicam descendenti.*

**T**Ympana magnanimo sonitu te ad prælia, campum,  
Castra vocant, animat gloria, fama, decus.  
Certandem est LEOPOLDE, novus tua tempora Laurus  
Cinget, quæ binis jam micuere comis:  
Dum te primò Sophum, Chirurgumque inde probasti,  
Orbe fuit notum nomen & urbe tuum;  
Jam modò dum *Medicam* invictè descendis arenam,  
Certa, quò *Medici* nomine dignus eris.  
Ast si fortè dolos, discrimina, retia, nodos  
Diversosque struat gens inimica, sciat,  
*Mortis* qui potuit falcem, quoque frangere nodos,  
FRANCISCUS poterit dexteritate sua.  
Prodi ter felix, feliciæque arma capeffe,  
Hostica nunc telis obrue tela tuis.  
Sicque fuga diras latitantes corpore Pestes,  
Agmina morborum disjicis arte tua.  
Non LEOPOLDE *satis*; quòd per te annosa *Charontis*.  
Puppis sit toties ludificata *Senis*.  
Nec satis innumeros homines quòd subtrahis orco  
Et facis hos longos vivere posse dies.  
Sed rumpes *Parca Lachesi* molimina vitæ,  
Ut sua cogatur volvere fila retro.  
Ergo age, fata dabunt felicia tempora vitæ,  
Hæc sunt, quæ Tibi dant Candida vota mea.  
Ita sInCera aC DeVota Mente In æternI honorIs pIgnVs VoVet.

*Amicus Servus & Collega addictissimus*

Josephus Antonius Mar. Kraus,  
Saluberrimæ Medicinæ Studiosus.

*Pranobili Excellentissimo Magnifico Viro*

DOMINO DOMINO

FRANCISCO CAR. ANT. EGLOFF de STAADTHOFF,  
Medicinæ Doctori & in Universitate OEnipontana Anatomix Pro-  
fessori publico ordinario.

*Domino ac Patrono suo gratiosissimo.*


**C**edit *Apollo* tuo facunde *Libellæ* Labori ,  
    *Progeniesque* tuas *Docta* veretur opes ,  
Sidera nec vanis *Gallenus* clara tenebris  
    Terreat , *Hypocratis* , gloria rapta cadit ,  
O *felix* ! quicumque suo de pectore factum  
    Edidit , hunc pariter gloria tanta beat.  
*Fatorum factum* , *Soror* imperiosa sororum ,  
    Atque nites Medico splendida *Stella* polo ,  
Hæret iners plectrum ? Justos quos reddat honores ?  
    Quæ sibi pro meritis gratia digna tuis ?  
Spes dubio sed amica viret , FRANCISCÆ vocaris .  
    Nunc quoque quæso tuum nomen & omen habe.  
Sic quas sollicito malegrata Talia negarat ,  
    Has ferat ignaræ mens benegrata vices ,  
Apprecor hoc solum *Piliam* devince Senectam ,  
    Fervidus & Jugi vertice vivat olor.  
Ut frænata diu *Pandora* capsula stertat ,  
    Mors paveat fulmen , Patria prona colat.

In Signum debiti Honoris , observantiæ , ac servitutis

*Discipulorum Servorûmque Infimus ,  
& Humillimus*

Hieronymus Leopoldus Bacchettoni,  
Defendens , ac Medicinæ Candidatus.






# PRÆFATIO AD LECTOREM.



*In sanè B. L. deliberabam, mentéque dubius hærebam, an Antropologiam istam Anatomicam in lucem sim daturus, probè enim gnarus, quanta, eaque pulcherrimis Aeneis adornata figuris passim prostant Opera Anatomica; Oceanum certè Anatomica scientiæ mecum dixeris, illud Celeberrimi ac Solertissimi Joannis Jacobi Magneti serenissimi atque Potentissimi Regis Prussie Archiatri Magnum theatrum Anatomicum nuper in lucem editum: maximâ pariter laude dignum mecum pronuntiaveris illum, omnium fermè in manibus versantem, latino & Germanico Idiomate impressum Accuratissimi ac Clarissimi DD. Verhayen librum Anatomicum; & ut Oculatissimos Malphigios, Celeberrimos Ruyschios, Bidloos, Morgagnos, Veslingios, Bartholinos, Bayhinos, Heisteros & alios quam plurimos Anatomica scientiæ famigeratissimos Scriptores silentio præteream, non potui, inquam, non diu de libri hujus incompti, nullisque Iconibus aut tabulis Aeneis adornati ortu atque publicâ impressione hæsitare: Verùm enim verò, quoniam (Deo sic disponente) ejusdam D. Medicina Candidati (in titulo Libri denominati) hocce opusculum unacum in fine annexis parergis sub meo præsidio publicè defendendi, atque omnes sumptus in sese suscipien-*



ſcipientis pruritu, Occaſio tam opportuna & inextricabilis ultro ſe mihi obtulit, ut recuſandi non daretur mihi locus amplius, itaque hunc ſtampa ſubjicere, & præcipuè in gratiam & uſum DD. Medicina Candidatorum in publicam lucem edere decrevi.

Habes itaque B. L. & tu præſertim Medicinæ Candide, ſuccinctam, attamen verò exactam & claram humani corporis, ejusdemque omnium & ſingularum, tam in, quàm externarum partium, Anatomicam deſcriptionem: Fruere proin ac pro lubitu utere iſtâ, & illam, quam parvitas Operis conceſſit declarationem Anatomicam, in tui, proximique utilitatem & commodum deprome; ſi verò B. L. vel typi, vel abſtruſæ & intricata hujus ſcientiæ aliquos inveneris atque annotaveris errores, hos humani ingenii fragilitati, meaq; præcipuè tenuitati adſcribas velim: Vale atque fave.








# PROEMIUM

## A JOVE PRINCIPIUM.



Nthropologia Anatomica, quâ omnium & singularum humani corporis partium organica structura, figura, magnitudo, numerus, situs, connexio & usus, succinctâ, licet exactâ tamen descriptione & explicatione anatomica, hocce in libello omnibus, præcipuè verò Medicinæ Tyronibus ob oculos ponuntur: verum enim verò cum variè ac diversimodè à Litteratorum turba contempletur homo, & quidem primò, quatenus ex animâ rationali, tanquam immortalitatis ente, & simul corpore materiali resolubili variisque alterationibus obnoxio conflatum est animal, itaque, quæ simpliciter animam immortalem, ejusdemque actiones concernunt, Theologicis; quæ verò ejusdem principia Physica cum essentialia tum ad integrantia quâ talia respiciunt, philosophicis speculationibus potius indaganda relinquuntur: illa verò, quæ ad corporis humani organizationem ipsam, sive ad machinæ Hydraulico-phnevmaticæ (utpote variis alterationibus, resolutionibus & morbis subjectæ) indagationem & examinationem spectant, in Medicinâ sive in Medicorum Scholis examinanda veniunt: Est autem Medicina juxta Hypocratem sect. primæ aphor. primo, ars

longa, vita brevis &c. quapropter suis innixa fundamentis hæc  
 è variis fontibus desumitur, quamobrem leguntur in institutio-  
 nibus in ordine ad consequendam praxim quinque libri, Phy-  
 siologia, Pathologia, Semiologia, Hygienis, & Terrapevtica,  
 quæ ultima includit artem pharmaceuticam, cui & Botanica,  
 Chymica, atque ars culinaria famulantur; His verò scientiis ve-  
 luti totidem ad Medicinam perfectè addiscendam requisitis, jure  
 optimo primo loco annumerate placet scientiam anatomicam,  
 quæ est illa primaria Chyrurgiæ & Medicinæ Columna, quâ me-  
 diante per plurimas corporum factas dissectiones, non solum in-  
 fallibilis partium in homine absconditarum cognitio, verum e-  
 tiam earundem structura, figura, situs, numerus, magnitudo,  
 connexiones, cohærentiæ, officium, & usus innotescunt; sed  
 & insuper ex demonstrationibus anatomicis nervosissima proba-  
 tionum argumenta in Medicina eliciuntur, quare manus frequen-  
 ter dissecandis cadaveribus admovendæ sunt, ut ex eorum sæpe  
 institutis sectionibus, atque ad oculum factis demonstrationibus,  
 quivis Medicinæ Tyro, saltem quoad scientiam anatomicam red-  
 datur perfectus: cum verò ratio & necessitas postulet, ut sectio  
 anatomica primò in infimo ventre instituatur, siquidem hic veni-  
 ter non tantum partes citæ putredini obnoxias, sed insuper etiam  
 excrementorum & sæcum cloacam obtineat, igitur ut foetoris &  
 putredinis proxima occasio declinetur, atque reliquarum partium  
 comoda demonstratio neutiquam impediatur, sic illa viscera, quæ  
 facili negotio suâ corruptione & foetore totum cadaver  
 inficere possent, omnium primò amovenda  
 sunt: quare.





# LIBER I.

*De partibus infimi ventris continentibus tam communibus quàm propriis ac etiam de partibus contentis.*

## § I.

*De Divisione Corporis humani in genere, & externa.*



Ividitur primò totum Corpus humanum, quà illud ab Anatomicis consideratur generaliter in *caput* tanquam in supremum (cui fulcri instar collum substernitur) 2dò in *thoracem* utpote in medium & 3tìd in *abdomen* sive infimum ventrem, & tandem in *artus*, quorum superiores *brachia* & *manus*, inferiores verò *crura* & *pedes* complectuntur: est autem infimus venter, de quo nobis in hoc libro Sermo, spatium illud, quod superius undique & circumcirca *diaphragmate*, in Regione epigastrica & antèrius *Cartilagine ensiformi* sive *mucronata*, à lateribus *costis* notis sive *spuriis*, inferius & antèrius *ossibus pubis* & *Coxendicis*, posterius ossè sacro & *ossibus Illij* tandèmq; *lumborum* vertebriis circumscribitur, internà suì cavitatè in regione *Epigastrica* *ventriculum*, in dextro hypocondrio *hepar*, in sinistro *lienem*, in medio *omentum* & *intestina*, item in lumbis *renes* & *capsulas atrabilarias*, in regione pubis *vesicam urinarum*,

*riam, uterum*, multasque alias partes cum alimentorum resolutioni distributionique, tum excrementorum segregationi atque expulsionem, tandemque sobolis procreationi & generationi infervientes complectens. Externè verò regio stomachalis à cartilagine mucronatà incipiens & umbilicum versus excurrens *epigastrium* dicitur, cujus partes laterales utrinque *hypocondria* vocantur, media regio umbilico circum circa trium circiter digitorum spatio definita regio *umbilicalis* appellatur, spatium verò inter umbilicum & pudenda medio interjacens *hypogastrium* sive *aqualiculus* dicitur, latera ejus utrinque *Ilia* nuncupantur, pars verò media infra hypogastrium in adultis pilis tecta *pubes*, latera verò ejus *inguina* dicuntur, sub inguinum concursu inter excrementorum exitum spatium illud *perinaum* vocatur, protuberantior verò ejus pars *Carinna* audit, quæ est futura à pudendo versus posteriora excurrrens, ubi foramen rotundum existens *anus*, circulus verò rugosus & nigricans *anulus* dicitur, qui musculo *Sphinctere* dicto præditus est, posterior autem abdominis pars, quæ ab extremis costis usque ad os sacrum, atque ejus finem ossis Coccygis protenditur, *dorsum* vocatur, & superius *lumbos* inferius verò *nates* seu *clunes* complectitur.

## §. 2.

## De Cuticula &amp; Cute.

**I**Nter partes abdominis continentes aliæ sunt communes, aliæ propriæ, inter illas primo occurrit *cuticula* & *cutis*: Cuticula Græcis *Epydermis* vel *cutis* *eflorescentia* dicitur, eo quod à quibusdam animalibus certis anni temporibus exuatur, & est *pellicula tenuissima sensus expers atque exsanguis, cuti firmiter adharens & excommuni principio seminale non minus ac reliquæ corporis partes adintegrandas generatur*; tenuissima autem hæc esse debuit cuticula, ut impressiones ab objecto tactili causatæ facilius ad papillas nerveas per cutem disseminatas admittantur, vascula nulla vel arteriosa vel venosa obtinet, necesse enim est oscula & extremitates vasorum ab aliquo operculo tecta esse. *Ufus cuticulae est cutem tueri, vasorum oscula tegere, molestam & dolorificam sensus tactus receptionem moderari nimirumque transpirationis & præsertim sudoris esfluvium impedire.*

Cuti-



*Cuticula* subest *Cutis*, quæ duplex est exterior nempe & nervea atque *pellis* vocata interior & *carnea*, quamollior & rarior existit atque *Chorion* dicta, quæ instar rete cujusdam mirabilis ex omnis generis Vasculis capillaribus nempe *arteriolas* venulis variis lymphaticis & fibrillis nerveis minimis componitur, *ut sit tactus proprium organum & instrumentum*:

Sub Cute & maximè sub ejus textura reticulari copiosæ & parvæ constitutæ sunt glandulæ *subcutaneæ* zdùm Malphigium *miliaries* appellatæ Mycroscope observabiles Vasculis suis excretoriis exteriora versus ad cuticulam nempe spectantibus instructæ, quorum orificiola cutis poros constituere videntur, per has glandulas cutaneas serum ex Sanguine arterioso per vasa capillaria allato emulgetur, sicque subtilissima feri portio salibus hæterogeneis ac inutilibus imprægnata separatur, & per vascula excretoria sub halituum insensibilium forma *transpiratio insensibilis* dicta è corpore humano eliminatur, vel certis occasionibus ipse sudor erumpit: Cutis non tantum foraminulis minoribus ubique cribri instar pertunditur: sed insuper majoribus ac per se conspicuis patet foraminibus, ut in ore, naribus, oculis, auribus, pudendis tam virorum quam foeminarum, quibus natura tanquam viis regis cum pro alimentis necessariis corpori supeditandis, tum pro excrementis ex eodem eliminandis utitur:

*Arteriolas, venulas & nervulos* cutis habet copiosissimè texturam cutis reticularem sua congerie conficientes insuper arteriolarum non tam nutritioni per sanguinem Chylosum copiosè advectum, quam insuper sero superfluo per transpirationem insensibilem per memorata Vascula secernendo prospiciunt; quoniam extremis suis in cutem implantantur ramulis; hinc sudoris & transpirationis materiam suppeditant.

*Vena* totam cutem etiam pererrant ut Sanguinem post secretionem feri superfluum & post nutritionem residuum ad cor revehant;

*Fibrilla* etiam *nervea* innumeræ in gratiam *organi tactus* per cutem disperguntur. Verum enim verò in cute humana tenuissimi pili undique pullulant, si volas manuum aliasque paucas exceperis partes, est grandiores præcipuè notantur in *capite*, item

in adultioribus in *pube, mento, labiis, pectore & sub axillis*, itémque in *cubitis, memoribus & tibiis* præcipuè in viris robustioribus.

Cutis rursus natura sua aliquatenus est extensibilis, verum quia per fibras nerveas ac Vala partibus sibi subjectis adhæret, extensio illa non potest ultra proprios terminos sine dolore fieri:

Cutis substantia varia est, variat enim ratione *atatis, temperamentorum regionum & sexus*, in pueris enim tenuior, & porosior, quàm in adultis, in fæminis quoque quàm in viris tenuior, & variat insuper in ipso individuo, mollior & rarior enim est in *facie*, in *pene*, & *scroto*, durior verò in *cervice, cruribus, plantis pedum & dorso*, crassa est in *collo*, crassissima est in *capite* tenuis verò in lateribus Corporis, unde *titillatio* tenuior in facie & tenuissima in *labiis* reperitur.

Ufus cutis est imò, ut mediantibus suis papillis *nerveis* sit verum *tactus organum* add ut totius Corporis sit *integumentum*, adeoque ut omnes partes *ambiat, contineat, vestiât ac tueatur*, 3tiò ut per glandulas suas milliarias subcutaneas sive per minimas diverforum vasculorum extremitates mirè inter se se contortas particulas massæ sanguineæ *heterogeneas* segregato sero immixtas per *insensibilem transpirationem* aut *sudorem* foras eliminat; Ideoque tota quanta est foraminata, ut tam alimentis quàm excrementis locum admissionis & emissionis concedat.

### § 3.

#### De Pinguedine.

**C**Uti proximè subjacet *pinguedo*, quæ est *substantia unctuosâ sive gelatinosâ & in membrana adiposâ cellulis non aliter ferme quàm succus aurantiorum vel limonum in membranosis sua pulpe cavitatibus inclusâ & concreta continetur*: Porro existimamus unctuositatem hanc è Sanguinis arteriosi cellulas membranæ adiposæ undique perreptantis *seroso chylosâ* porzione deduci, dum scilicet sanguis quod habet in abundanti *oleoso gelatinoso-sulphurei* per modum cribrationis in memora-  
tas



tas cellulas deponit: Hæc substantia, si mediocri quantitate corpori inest Sanitati conducit, si verò nimiam in molem excrescat Corpus *torpidum* malèque *dispositum* reddit: Quare Arist. Lib. 2do de partium animalium historia. Cap. 5to *nimiam pinguedinem sterilitatis causam esse pronuntiat*, quia chylosa Sanguinis substantia, quæ aliàs in genitale cedere deberet semen in nimiam pinguedinem transit:

Univerſo Corpori Circumfusa est *pinguedo* exceptis labiis palpebris internis, & prout aliqui volunt membro virili, quibus oneri & impedimento fuisset: Præter membranam propriam adiposam dictam, pinguedo juxta communem Authorum opinionem intertextas habet *copiosissimas glandulas*, quibus mediantibus Sanguinis chyloſo - oleoſo - sulphurea portio per arterias delata cribrationis ac filtrationis instar segregatur, segregatæque in cellulis *tunica adiposa* deponitur & tandem in *unctuoso-gelatinosam* concreſcit substantiam: *Pinguedo* abdominis tres habet venas & totidem arterias nempe *mammillares externas* supernè descendentes 2do *Epigastricas* infernè ascendentes, & *lumbales* à lumbis emergentes.

Uſus pinguedinis est partes vicinas, musculos nempe ligamenta & tendines, vasa, ipsamque cutem ne rigida & ad motum inepta sint lubricare, sicque corpora sicca humectare & unctuositate suâ oblinire hinc eadem flexiliora ac tractabiliora reddere. 2dò vasa quædam munire & pulvinaris instar sub vario decubitu incurvatione nempe, extensione, fessione & innixu variæque Corporis positura contra ictus, contusionem & compressionem munire, custodire atque defendere. 3tiò spatiola inter musculos, vasa & cutim vacua complere & hinc corpus æquale, album molle pulchrum & formosum reddere, hinc tabidi & vetulæ deformes sunt. 4tò acrimoniam Sanguinis salinam gelatinosam & dulcibus suis particulis nempe blande oleoſo sulphureis demulcere, sicque morbos marasmodos à salino acribus succis dependentes impedire.

#### § 4.

##### De Panniculo Carnoso.

**P**inguedini in homine proximè substernitur *panniculus carnosus seu membrana carnosæ* aliquibus *musculus membranaceus*

*ceus* dictus, hæc membrana omnes totius corporis & in specie musculosas partes tanquam universale integumentum circumten-  
dit, & veluti Zona omnes conjungit, estque *membrana valida fi-  
bris carneis dotata*, quibus mediantibus membranæ adiposæ &  
hæc perforatâ etiam ipsi cuti firmiter annectitur; hæc exquisito  
pollet sensu, quare acrioribus laceßita humoribus, sive sero lym-  
phâque plus minus accida vel acri vellicata totum corpus qua-  
dam concussione ac rigore convellit, germanicè *Es schäuderet  
über dem ganzen Leib*; *simplex* hæc Membrana plerumque est  
sed non raro *duplex* imo *4druplex* in carnosis & pinguibus inveni-  
tur, si exacta fiat separatio; In brutis *mobilis* sed in homine  
*immobilis est*, quod enim de mobilitate frontis adducitur, cer-  
tum est hanc à musculis non autem ab hac membrana fieri, *dor-  
so* firmiter adhæret ibidémque *crassissima est*, atque inde origi-  
nem vulgo habere putatur; *Arterias venas & nervos* in se deri-  
vatos habet, ex quibusdam ramulis arteriarum venarum & ner-  
vorum cuti prospicientibus, ac in transitu in eam secedentibus.

*Usus est partes vicinas munire & totum corpus ut cutis in-  
ternè ambire, pinguedinem continere, ne diffuat*; aut à continuo  
musculorum motu liqueßcat, item *vasa ad cutim obeuntia fulcire*.

Sub membrana carnosa observatur tenuis quædam altera  
*membrana musculoſa* vocata. Hæc continet ac immediatè investit  
*universum genus musculorum* à capite usque ad pedes, præter-  
quam in facie, collo & manibus, illósque à vicinis partibus ac  
simul etiam ipsos musculos à se invicem distinguit.

*Usus est musculos investire illósque Zinguli instar arcè con-  
stringere, ne in motu contenti à se invicem facilius dislocentur.*

## §. 5.

### De Musculis in genere.

**R**Emotis integumentis comunibus conspiciendi veniunt *mu-  
sculi universi*, de quibus modo in genere agemus. Est  
igitur musculus *pars organica ex fibrarum fibrillarumque  
tam tendinearum. quam carnearum congerie præcipuè conflata,*  
qua



qua omnis motus & maximè voluntarius perficitur, hæque fibræ pro varietate prædicti motus, partiumque quas movent vario ordine ac quantitate ab uno tendinoso extremo ad aliud nempe à *Capite ad caudam* decurrunt: Diximus musculum partem esse *organicam* quandoquidem actionibus non parvi momenti peragendis est destinatus, eumque in finem determinatam ac propriam conformationem accepit:

Corpus musculi variis constituitur partibus *communibus* scilicet & *propriis*; propriarum sunt *tendines* seu musculorum duæ extremitates, quarum una *caput* altera verò *cauda* vocatur, his verò pars media *venter* nuncupatur, fibris præcipue plurimis dotatur quivis musculus, quibus interjacent venæ arteriæ, vasa lymphatica, nervi ac saculi adiposi.

Inter partes communes ima se offert *membrana musculi communis*; quæ comuni nomine *membrana musculoſa* vocatur, hæc frequenter complicata reperitur cum musculorum tendinibus, speciatim circa strictiora sepimenta, ut *cubiti, femoris tibiæ* &c.

*Membrana musculi propria* musculi corpus *immediatè* concludit, sed sæpe circa tendinosas extensiones cum membrana communi ita complicatur, ut ab eadem prorsus inseparabilis sit, est autem hæc membrana veluti tela quædam membranacea ex nervosis fibris variè contexta, & cujus pariete interna undequaque enascuntur transversa plurima fila, totam Musculi compagem altè penetrantia, & in varios quasi arcus interfecantia, quod optimè cernitur in musculo *gluteo maximo* & in *deltoidæ* &c.

*Fibra* musculi præcipuam ac nobiliorem ejus partem constituentes distinguuntur in *extrema*, seu *tendines*, & in medium, seu *musculi ventrem*, extremorum verò alterum, quod ossi minus mobili adhæret, musculique origo; vulgo *ejus caput*, alterum autem extremum quod mobiliori ossi seu parti movendæ, quæcumque demum illa sit, infigitur, *cauda* & *tendo* nuncupatur, medium verò corpus inter musculi caput & caudam existens *venter* dicitur.

*Tendines* seu *extremitates* musculorum, à fibrarum tendinearum collectione constitutæ differunt à musculi medio seu ven-

tre & à fibris carneis *colore & firmitate*, colore quidem, quia tendines albicant, rubet econtra musculi venter, differunt autem & *firmitate*, quia densata stamina fibrarum tendinearum, quibus ipsi tendines constant, & *durio rem rigidior emque* quasi *chordam* componunt firmiora laxiores verò contentæ medii ventris fibræ carneæ sunt utpote, compagem molliorem constituentes fibræ autem musculi *carneæ motrices* diversæ naturæ non sunt à fibris *tendinum*; sed ea tantum est differentia, quòd fibræ in medio scilicet musculi ventre divulsæ ac dispersæ in tendinibus verò arctius unitæ deprehendantur, & licet Fibræ musculi ventris *rubra* appareant, illæ tendinum verò *alba* videantur, hæc differentia tantum extrinseca est, nam si modo exactè elueris Sanguinem (à cujus affluxu fibris Carneis *rubedo* inducitur) tunc mox in illis ac in fibris tendineis eadem *albedo* conspicietur.

## §. 6.

### De Musculis in specie.

**M**usculi plurimum differunt inter semetipsos, & eorum differentia petuntur, vel à *toto eorum corpore* vel à *partibus* vel à *substantia* vel à *figura* vel à *magnitudine*, *situ*, *ortu*, vel *insertione*, unde varia sortiti sunt nomina, e.g. à figura; musculus *quadratus*, *triangularis*, *rotundus*, *cucullaris*, &c. Item à situ, *Pectoralis*, *radialis*, *cubitalis*, *oesophagiæ*, à magnitudine, *major*, *minor*, *vastus*, *gracilis*. Abortu *externus internus*, *sublimis*, *profundus*; principaliores verò denominationes ab officio & *movendi modo* desumuntur, unde nempe *aniscalptor* dicitur, alii sunt musculi *flectentes* & in specie articulum ad angulum acutum, alii *extendentes* qui ad lineam rectam, *adducentes*, qui ad internam; *abducentes*, qui ad externam partem movent; item alii *levatores*, qui sursum, *depressores*, qui deorsum movent; *Rotatores* denique membrum in orbem circumgiran, tandem etiam distinguuntur in musculos *antagonistas*; & sunt hi musculi, qui motum prioribus contrarium edunt, ut sunt respectu *flectentium*, *extendentes*, & *adducentium abducentes*, *levatorum depressores* & hinc vicissim.



De numero *musculorum* anatomici non conveniunt, diligentior enim scrutatio Recentiorum, neglectos ab antecessoribus detexit plures. Insuper alii ex pluribus unum & vicissim alii ex uno plures faciunt, dissensionis verò hujus rationem reddit Gal. Lib. imo de ortu musculorum. Cap. imo *connascuntur*, inquit, *nonnulli subinde sibi invicem muscoli, ita ut videantur unus esse.*

Ufus Musculorum est alius agentium, alius quiescentium, dum enim agunt instrumenta sunt proxima motus voluntarii, est autem tota actio musculi sita in *contractione fibrarum ejus carnearum*, quibus tendines quasi chordæ validiores continuati in suppetias veniunt, & fit dum pori seu cavitates fibrarum tam carnearum quàm *tendinosarum* ex sanguine arterioso tum à spiritibus animalibus in eos intrusis ita replentur, ut fibræ in *latitudine* amplientur in longitudine verò abbrevientur, haud alia ratione, ac si videmus, funis alicujus fila per aquam aspersam intumescere, hinc in *latitudine* ampliari, in *longitudine* verò ita decurtari, ut pondera etiam maxima funi appensa, contractione inde orta attollantur, quare hanc actionem tum ab influxu Sanguinis arteriosi Spiritibus vitalibus turgidi, tum à spirituum animalium per fibras tendineas copiose influentium mutuo in musculis concursu fieri statuimus.

## §. 7.

### *De Musculis Abdominis.*

**P**Ræmissa generali musculorum descriptione nunc ad particularem & quidem propriorum musculorum abdominis constitutionem & numerum devenimus: sunt igitur communiter quinque musculorum abdominis paria; ast propter varias musculorum rectorum inscriptiones Authores in hoc numero discrepant inter se.

*Primum* autem par exhibent *musculi obliquè descendentes* ob fibras à parte superna ad infernam obliquè descendentes ita dicti; hi sunt maximi & latissimi, & totum sui lateris abdomen obvelant, utrinque oriuntur ex superna parte, 6tæ, 7mæ, 8væ & 9næ costæ, insuper digitatim ac serrata quadam specie utrinque hic musculus accomodatur, ac applicatur originationibus

musculi thoracis nempe serrati antiçi majoris, insuperque etiam membranoso principio ex transversis Lumbalium vertebrarum processibus, è costa quoque ossis Illij hic musculus in utroque latere enascitur ab omnibus itaque hisce principiis, obliquè & utrinque per anteriora abdominis descendens tendine tandem admodum lato & nervoso desinit in *lineam albam* partem scilicet *illam candicantem*, quæ à cartilagine mucronata per medium abdominis & umbilicum usque ad os pubis se extendit, & nihil aliud est quàm musculorum abdominis *concurfus tendinum*, supra umbilicum latior, infra eum verò angustior existens, Perforatus est, utrinque hic musculus in viris per *processus Perithonai*, cum vasis iisdem inclusis, ad testes usque excurrentes, in mulieribus verò per uteri *ligamenta rotunda* circa inquina successivè in pinguedinem ossis pubis se se diffundentia & tandem in ipsum os pubis desinentia.

*Secundum* par constituunt *musculi obliquè ascendentes* ubi in utroque latere musculus obliquè ascendens, obliquè descendentem proximè substernitur. Originem hic ab osse Illion, item à spinis vertebrarum ossis sacri, & quoque à vertebrarum lumbalium processibus ducit, ac supra in costas, nempe nonam, 10. 11. 12. quæ obliquè ascendit, ac tendine suo vel magis fibris suis nerveis per transversim in *lineam albam* ut reliqui excurrit, Fibras autem habet prioribus oppositas illas decussatim se se *intersecantes*.

*Tertium* par *Rectorum*, est, quod à recto fibrarum ductu sic *denominatur*, hoc validissimum est, & latitudine tres digitos transversos, crassitudine verò minimum digitum æquat, ab utroque latere cartilaginis ensiformis, item à sterno & quatuor costarum notarum cartilaginibus oritur, hic rectà descendens validissimo ac tendinoso fine in os pubis utrinque inseritur, in descensu *binis, ternis*, ac interdum *quaternis* transversis *inscriptionibus* veluti in plures musculos dividitur, & revera plures esse musculos, tum ocularis inspectio, tum eorum ratio & actio probat; Nam hæc perpetua est regula; omnis Musculus movetur versus suum principium, & ibi est principium, ubi nervus musculo inseritur; sed hic varij nervi inseruntur, ac singulis intersectionibus interjiciuntur, ergo plures sunt muscoli, deinde contractus musculus



lus rectus, si unus esset, non posset æqualiter omnes partes subiectas intestina nempe debito modo comprimere.

*Arterias & venas accipiunt musculi recti ab Epigastricis ascendentibus & à mammariis descendentibus*, ex quorum vasorum Anastomosis aliqui haud inconcinne consensum uteri cum mammis deducunt.

*Quartum* par sunt musculi *Pyramidales* à figura pyramidali sic dicti, qui rectis infimo incumbunt loco, hi ab ossibus pubis orti quanto longius ascendunt, tanto angustiores fiunt, & sic tendinibus acuminate in punctum *linea alba* desinunt nonnuncquam hi musculi ambo. Vel saltem alteruter desideratur ac maxime ubi quatuor inscriptiones rectorum inveniuntur, qui tum vices *pyramidalium* supplent.

*Quintum* par præbent *musculi transversæ*, ob fibras transversas sic dicti, hi situ sunt infimi, & oriuntur à ligamento quodam ex osse sacro prodeunte, ac musculum sacro lumbum tegente, deinde procedunt etiam ab infimâ costâ, & ab osse illi, ac finiunt membranoso tendine in *lineam albam*, ubi tenaciter Peritonæo adhærent, hinc sine laceratione ab illo separari vix queunt, horum peculiaris *usus est intestinum colon comprimere*.

*Usus* omnium musculorum abdominis est: *ventrem inferiorem comprimere*, sicque alimentorum per vasa ac viscera non tantum impulsione, quam econtra excrementorum ani & vesicæ urinariæ, insuperque foetus maturi expulsionem in fæminis promovere, quum autem partium comprimendarum diversus numerus, sic unus non sufficisset musculus: ergo plures in diversis locis à provida natura secundum varios angulos, rectos nempe obliquos & transversos agentes constitui debuerunt musculi.

*Thoraci* etiam abdominis musculi præsertim in validâ inspiratione & expiratione suppetias ferunt: hi musculi hoc peculiare habent, ut *non foras* sicut reliqui in eorum actione, *sed intus* intumescant, ut sic melius officio foecum nempe expulso præesse queant.

## §. 8.

## De Perithoneo.

**O**Mnibus abdominis musculis remotis, in conspectum venit *Perithoneum*, ita dictum, quia omnibus in abdomine contentis visceribus circumtenditur. Est autem *Perithoneum membrana tenuis, densa, lubrica, mollis, sed valida* ut laxari & extendi possit *interius* totam abdominis cavitatem succingens, omnesque partes in ea contentas amice vestiens, atque singulis illis partibus extimam largitur tunicam, in viris & in mulieribus, in his autem crassior est *ab umbilico usque ad os pubis* ut in foetus gestatione magis distendi possit: *Duplicatur* Perithoneum, & ejus duplicatura manifestè apparet, ubi intra suam duplicaturam comprehendit *venes, uretheres, vesicam urinariam & vasa deferentia*, *superficies* ejus exterior non nihil aspera & fibrosa est propter connexionem cum musculis, interior verò levis est, & humore unctuofo illita, ideo ut motus intestinorum facilius perfici possit, igitur per fibras suas anterieus musculis abdominis connectitur, inferius ossi pubi & Ischio, lateraliter ossi illij; retro verò ossi sacro & vertebriis lumborum, sed insuper perforatur *Perithoneum* multis in locis, superius nempe ubi diaphragmati connectitur perforatur per *gulam, venam cavam* & nervos octavi paris; inferius ad latera in viris perforatur per *processus Perithonai* utrinque descendentes in scrotum, & in se vasa spermatica continentes inque scroto magis dilatati tunicam testium vaginalem constituentes, in mulieribus verò etiam perforatur per hujuscemodi processus ad *inguina tendentes*, & ligamenta uteri *rotunda* in se includentes, item inferius per *intestinum, rectum, & vaginam uteri*, anterieus & in medio abdominis per *umbilicum* ac ibidem in foetu per *vasa umbilicalia* in adultis coalescentia perforatur;

Quæ verò de ortu *Perithonai* inter Auctores controversia existit nobis ventilando operæ pretii haud esse videtur, cum primò res exigui sit momenti & in usu loquendi potius, quam ad praxim conducatur.



Arterias & venas habet *Perithonæum*, superius à *phranicis* in medio à *mamariis* & *Epigastricis*, inferius à *lumbaribus* nervos accipit à vertebra thoracis & lumborum.

*Ufus Perithonæi* est viscera suis in locis continere, eadè-que ab invicem dividere & separare exteriorem omnibus tuni-  
cam communem largiri, quo feliciores eorundem sint actiones,  
deinde partibus sibi substratis ad melius obeundum motum pro  
firmamento esse.

## §. 9.

### De Omento seu Epiploon.

**R**emoto *Perithonæo* & aperto abdomine primo sese offert  
omentum Græcis *Επιπλῶν* dictum, hoc intestinis im-  
mediatè superstratum est, quorum etiam anfractus ingre-  
ditur, hoc plerumque ad umbilicum cessat in nonnullis verò  
infra umbilicum ad os pubis usque protenditur.

*Constat omentum* gemina alâ superiore & inferiore; superior  
firmiter circa fundum ventriculo annectitur, item mediante *Pe-  
rithonæo diaphragmati*; *Epatis & lienis cavo*, inferior ala *lienis  
simo intestino duodeno & colon* neçtitur; Unde sub ventriculo  
transit, & junctis oris, tam in dextro quam in sinistro latere  
sensim descendunt alæ, & paulo in angustum contractæ *manicam  
Hypocratis* dictam aut marsupii formam constituunt: Per omenti  
substantiam præter pinguedinem ubivis exiguæ & plurimæ glan-  
dulæ intersparguntur, insuper & arterias & plurimas venulas  
perreptantes à cæliacis & meseraicis propaginibus ortas recipit.

*Ufus Omenti* primo ob adipis copiam est *ventriculi fundum  
etidè-que intestina* blando calore fovere, sicque accidentaliter  
digestiones feliciores efficere, unde omento exciso flatus ructus-  
que plurimi experientiâ teste generantur, item arteriis, venis,  
vasisque lymphaticis &c. ad ventriculum, intestinum duodenum,  
colon & lienem tendentibus securum iter ac transitum nempe va-  
sa memorata, fulciendo præbere.

## §. 10.

## De Ventriculo.

**A** Blato omento mox adest *ventriculus* quasi parvus venter dictus, & in parte Epygastrica sub diaphragmate tantillum versus hypocondrium sinistrum situs, qui diaphragmati per œsophagum Epato per ligamentum peculiare membranaceum; lieni per omentum renibus per nervos mediante plexu nerveo mesenterii; Omento per ejus alam fundo ventriculi alligatam denique pancreati per Perithonæum connectitur.

*Figura* Utriculæ lusoriæ Pastoriceæ Cinem Dublsack similis est; & constat *fundo & duobus orificiis*, fundus est illa ventriculi pars, quæ major rotundior & capacior, vel à sinistro hypocondrio sensim dextrorsum in modicam longitudinem & angustiam inclinans sese extendit; egredientemque chylum perpetuo amplexu comitatur, & impedit, ne quid cibi indigesti facillè ex ventriculo exeat, ubi ad finem orificium dextrum, vulgo orificium inferius dictum, propriè autem *Pilorus seu Janitor* cernitur, qui instar musculi Sphyncteris fibras habet transversas & orbiculares ac mediante quodam circulo crassiori intestino duodeno conjungitur. *Orificium verò sinistrum* vulgò orificium superius & propter tenerrimum sensum atque cum corde consensum, quem habet hodienum *cardios*, sive *cor* dicitur; & est œsophago ac diaphragmati è regione cartilaginis ensiformis firmissimè annexum & continuum, hoc orificium quamvis altero orificio patentius in gratiam transmissionis ciborum deglutitorum sit, ut autem post cibos assumptos rursus aliquo modo se claudere possit, hinc fibras habet orbiculares & carnosas.

*Magnitudo* variat pro varietate *sexûs, ætatis & magnitudinis* corporis, cujus proportioni plerumque correspondet ventriculus, ast voraces magnique bibones, plurimo cibo ac potu se se infarciētes majorem habent ventriculum, cum veluti corium sit extensibilis, quò magis verò extenditur ejus substantia, eò tenuior, hinc debilior & ad digestionis negotium ineptior fit, qui communiter triplici & 2. dùm recentiores quadruplici constat tunica, quarum prima & externa *communis* nuncupatur,



tur, eò quod à *Perithonæo* oriatur, secunda *carnosior* est, fibrisque carnis omnis generis refertissima, ideoque robusta & valde incrassata conspicitur. Tertia *rugosa ac nervosa* est, æsophagi oris, & labiorum tunicæ continua, ne aliquid ventriculo ingratum facillè ore excipiat, hinc materiæ peccantis inque ventriculo latitantis sapor in ore percipitur. Quarta & intima spongiosa, mucosa & *crusta villosa* dicitur, hæc glandulas versus nervæam obtinet, ex quibus minutissimis etiam & in secunda tunica conspicuis liquor iste decantatus *menstrum nempe stomachale* in cavitatem ventriculi præcipue digestionis tempore exstillare creditur. Venas partim à venæ Portæ trunco, partim ab ejusdem ramis Mesenterico nempe & splenico accipit, venæ autem & arteriæ ventriculo propriæ vocantur *gastrica*; à trunco venæ Portæ oritur *gastrica dextra Pylorica* dicta, eò quod ad Pylorum spargatur; A Ramo autem splenico producit *gastrica major*, quæ supernam ventriculi regionem Coronæ instar cingens ideoque *coronaria* vocatur, cernuntur venæ gastricæ plures minores dictæ, & rursus apparet vena magna proprio nomine *vas breve* dictum; hæc modo extra, modo intra lienem egreditur: & ad ventriculum nunc uno nunc multiplici surculo protenditur; venæ insuper ab omento ad ventriculum tendentes vocantur *gastro Epiploica*, & datur vena *gastro Epiploica sinistra ab inferiori ramo vena splenica*, orta quæ partim sinistrorsum ad ventriculi fundum partim per omentum distribuitur; Item vena *gastro Epiploica dextra* quæ consimili modo exsurgens dextrorsum ad ventriculi fundum etiam ad omentum tendens ibidemque distribuitur.

*Arterias* recipit ventriculus ab arteriæ magnæ *ramo caliaci* ejusque tum à dextra tum à sinistra propagine, plurimasque ibidem venis enarratis comites arteriolas obtinet; Insuper etiam plurimos habet Stomachus nervos à *vago nervorum pari & intercostali* item à *ramo stomachico recurrente* ubi circa superius sive sinistrum orificium admirabili quadam reticulata textura hi nervuli concurrento illud amplectuntur, propterea ibi adeo exquisitus oboritur sensus, unde cordis nomine hoc orificium plerumque gaudet alii m. nerviculi adeunt ventriculi fundum à prima & 2. da dorsi vertebra emergentes, & ad pylorum usque decurrentes, unde mirum non est, quod percusso & affecto cerebro ventri-

trculus perturbetur, & vomitiones oboriantur, ut in hæmicrania apparet, atque vicissim malè affecto ventriculo cerebrum compatiatur.

*Usus* ventriculi est *cibum & potum recipere*, illumque *digerere, attenuare* & in materiam pulvisformem chymum vulgò dictum resolvere atque convertere.

### §. 11.

#### De intestinis in specie.

**V**entriculo à Pyloro ad anum usque continuatâ serie annectuntur *intestina*, quæ sunt *oblonga membranacea, concava, teretia varièque circumgyrata corpora & canales*, itisque ut ventriculus gaudentes tunicis in toto abdomine circulariter siti ac septies circiter longiores illo, in quo sunt homine; differunt eadem figura & usu, propter quam diversitatem duplicia sunt *intestina*, *tenuia* scilicet & *crassa*, tenuia ob Membranarum tenuitatem, ita dicta, suntque eadem circumcirca partim supra partim infra umbilicum, munus eorum est chylum in *ventriculo elaboratum in se suscipere, magis resolvere & sic succum nutritium perfectum in vasa chylifera intrudere*; hæc rursus dividuntur in tria, quarum primum *duodenum*, 2. dùm *jejunum* 3. tium *illion* dicitur, *duodenum* nomen à 12. digitorum transversorum mensura accepit, *ductus choledochi* & simul *ductus pancreatici* insertionem tortuoso ingressu admittit, situm est hoc intestinum in dextro latere sub Epate ac superius *Piloro* posterius *lumborum vertebris* è latere sinistro *pancreati* connectitur; unde lymphæ salino spirituosæ non sine providæ naturæ optimâ intentione ad hoc intestinum apportatur, insuperque per ductum choledochum *bilis* etiam ad hoc intestinum advehitur, quibus mediantibus duobus succis in hoc intestino concurrentibus *chymus sine massa nutritia* è ventriculo in *intestina* demissus magis resolvitur attenuatur, volatilifatur, & rore quasi vitali imbalſamatur, atque in chylum verum transmutatur, sicque ad translocationem per vasa lactea habilior, ad nutritionem verò aptior & perfectior redditur.

*Venam* hoc intestinum propriam habet *duodenam* dictam Arteriam à dextro *caliaca ramo*, nervos verò exiguos à *Stomachicis*.



Secundum intestinum, quod in duodeni fine incipit, *Jejunum* dicitur, idè quia propter irritationem à bilis proximè influentis acrimonia causatam plerumque vacuum invenitur, hoc *longitudine* 12. ferme palmas *latitudine* digitorum circiter adæquans, multis gyris intortum, sub *pancreate* prope spinam dorsi, in regione umbilicali versùs sinistrum latus situm est venas habet à dextera *Meseraica* reliquibûsque intestinis communes; Arterias à *Mesenterico ramo superiore* nervos ab *oetavi sive vagi* paris ramo. Ast eo in loco ubi hoc intestinum vacuitate cessante *turgidulum* fit cum aliquali rubedine *tertium* tenuium intestinorum *Illion* dictum initium sumit. Hoc sub umbilico ad Illia & coxas utrinque situm est; idèoque *turgidulum* fit, quia chylus volatilis ac perfectus in hujus intestini gyrorum multitudine copiosè aggeritur & tantisper sistitûr, hinc ubi à fibris carnis paulo constringitur, pars purior & subtilior chyli in vasa lactea hîc copiosissimè existentia intruditur, pars verò terrestrior transcolatioi ineptior ad crassa intestina promovetur, *Illeon* omnium intestinorum *longissimum* est, & ideo frequentius in scrotum delabi potest, unde *hernia intestinalis*, item volvulus & Illiaca passio *miserere mei* etiam dictum in hoc intestino contingit.

## §. 12.

### De Intestino Cæco Colon & recto.

**A**D finem hujus intestini occurrit *valvula* quædam magna, penes quam crassorum intestinorum primum atque *intestinum cæcum* dictum, quia in parte altera impervium est, occurrit.

Quod intestinum nil aliud est, nisi quædam *apendicula parva instar oblongi vermis adharens* longitudinis circiter quatuor digitorum transversorum, exiguam cavitatem in adultis plerumque vacuum, sed in fætu excrementis repletam habens.

*Usus* ejus est *lympa sua chylum terrestriorem diluere*, atque ad distributionem particularum saltem aliquarum chylosarum in intestino Colon adhuc contentarum conducere, item regurgitationem excrementorum impedire.

C

Crasso-

Crassorum intestinorum alterum *intestinum Colon* est, quod initium in latere dextro penes renem dextrum sumit versus Epatis cavam, & vesiculam felleam ascendendo, cujus contactu *flaventine* tingitur; tum transverso sub ventriculi fundo itinere, ubi etiam omento annectitur versus hypocondrium sinistrum & lienem tendit, ibidem ad angulum facto *inflexu & reflexu* versus renem sinistrum, hinc ad os Illion & denique ad os pubis, ubi verò subsistens seque iterum versus renem sinistrum attollens iterumque dilabens ad intestini recti principium & tandem ad anum usque progreditur; *figurâ* ab omnibus aliis intestinis discrepat, est enim *colon intestinum anfractuosum & cellulosum longissimum & latissimum* in homine, *ligamentum* habens duplex, quorum alterum *latum* colon reddit cellulosum, alterum ad fœces ibi immorantes ac flatus causantes expellendas datum est: variis partibus annectitur *Colon*, quare plerumque in cognoscendo affectus putatitios lienis, vulgò *melancolico hypocondriacos* dictos, & distinguendo dolores collicos à Neuphriticis & Stomachicis & vice versa sæpissimè falluntur Medici practici.

*Ufus* intestini colon est mediântibus venis lacteis etiam *saltem paucibus*, ad hoc intestinum tendentibus, extractioni particularum chylosarum adhuc dum inservire, tum ad *excrementorum collectionem, & retentionem facere*, Calore suo ventriculum partesque vicinas fovere, ad initium intestini Coli apponitur *membrana orbicularis* valvulæ loco, regurgitationi fœcum flatuumque obstaculum præbens, hinc Clysterum materia ad intestina tenuia plerumque pervenire nequit.

Tertium & ultimum crassorum *intestinum rectum* vocatur eò quod recto itinere desinat in anum sive podicem, hoc ossi sacro à summo ad extremum ossis Coccygis usque incumbit, eique per *Perithonaum* adhæret, atque in viris *collo vesicæ*, in mulieribus vero *cervici uteri* mediante musculosa quadam substantia connectitur, longum est quasi sesqui palma, latum digitos circiter tres, crassitudine verò & carnositate omnia intestina superat.

Unde magnus harum partium consensus tam in viris quàm in mulieribus adeo, ut subinde exulcerato hoc intestino *excrementum* sæpe in fœminis per *pudendum* ejiciatur; tres habet hoc intestinum



num tunicas, foris multa pinguedine obductas; venas obtinet *Hæmorrhoidales* dictas tam internas quàm externas, illæ à *ramo vena portæ*; hæ verò à *ramo hypogastrico* venæ cavæ oriuntur. Venas committantur Arteriæ partim à *ramo Mesenterico inferiori*, partim ab arteria *Hypogastrica* orientes; Nervi quatuor etiam huic intestino inseruntur ab *extremo spina dorsæ* derivati, qui acutum illi sensum inferunt, pro ut in tenesmo experimur: extremitas hujus intestini *anus seu podex* dicitur, hoc foramine, & annulo rugis nempe annularibus plurimis dotato, prædicitum ideo ut quoties ad voluntatis arbitrium excrementa per hoc intestinum expurgari necesse sit, illud aperiri latèque diduci, ac tum pro rei necessitate iterum contractis rugis claudi queat. Igitur ad hoc officium ritè peragendum ano inserti sunt *tres musculi*, quorum primus *Sphincter* sive ani constrictor, & reliqui duo *lavatores* nuncupantur, hi ab ossium coxendicis & ossis sacri, ligamentis ori descendunt distincti ad Sphincterem, eique infertionibus commiscuntur, ut post fœcum exclusionem hoc intestinum sursum retrahatur, ac *ani prolapsus* impediatur, Sphyncter verò anum circulariter amplectitur, aperit, & suo tempore claudit illum ac constringit, ne invitis nobis excrementa elabantur, quare pessimum in ægrotis signum, si non percipientibus illis fæces effluant, utpote *resolutionis nervorum* mortisque propinquæ indicium.

## § 13.

## De Intestinis in Genere.

**P**Articulari peracta *Generalis* sequitur intestinorum descriptio, quare longitudo horum simul sumptorum, ut plurimum *septies* superat longitudinem hominis, in quo continentur, plurimos propterea *gyros & convolutiones* acceperunt, excepto eorum *principio & fine*, ideo ne ingressus alimentorum & egressus excrementorum impedirentur, insuper ut propter convolutiones istas alimenta ad debitum concoctionis tempus usque contineantur.

Annectuntur intestina firmiter *Mesenterio*, & mediante illo *lumbis* suspenduntur, & à cavitate ossium *Illii* sustinentur.

*Substantia* omnium intestinorum cum substantia ventriculi eadem est, contexta ex quatuor *tunicis* nempe externa & com-

muni à *Pheritonæo*, 2da *carnosa glandulosa*, 3tia *nervosa & rugosa*, 4ta *intima crusta villosa* dicta panno bomicino aut piloso non absimilis; prædita sunt insuper *copioso muco*, quo mediante contra humorum diversorum acrimoniam muniuntur.

Venas habent à *vena porta* ramificationibus, per quas sanguis à nutritione residuus in Epar ut bilis ibidem ab hoc segregetur, ab hinc verò per venam cavam ad cor reportatur, Arterias verò à *caliaca & Mesenterica* tam superiore quàm inferiore recipiunt, quibus sanguis chylo nutritio turgidus pro nutritione intestinis apportatur, plurimæ per illa disperguntur *vena lactea*, quæ chylum in se absorptum per Mesenterium ad *receptaculum chyli* deportant, nervos denique ab octavo pari vago nanciscuntur, moventur intestina motu proprio *peristalico* dicto procedens ex contractione fibrarum motricium præsertim *spiralium*, quas in propriis tunicis dispersas habent.

Usus intestinorum est non solum *alimenta in ventriculo digesta ulterius resolvere & perficere*, sed insuper segregationem portionis *utilioris ab inutili* facere, ut nempe ex iis portio utilis & chylosa in *vasa lactea* intrudatur, inutilis verò & stercorea extra corpus foras nempe per *anum* eliminetur.

## §. 14.

### De Mesenterio.

**M**esenterium à situ nomen desumpsit, quia in medio intestinorum positum est, & intestina instar circuli in orbem *completitur, & colligit*, hoc etsi unum esse videatur, tamen dividitur in *Mesareon & Mesocolon* illi tenuia, huic crassa intestina adhærent; oritur à ligamentis vertebrarum lumbalium & validissimo nexu præcipuè primæ & tertiæ *lumborum vertebra* alligatur, unde magni illius lumborum cum intestinis consensus causa deducitur; *figura* ejus fermè *circularis* est, si geminus excipiatur processus, quibus mediantibus intestinum Colon dextro reni & Epati annectitur, in sinistra parte id ipsum lieni & mediante intestino recto dorso alligatur; *Magnitudo* spitamæ est à centro ad circumferentiam: *longitudo* verò ejusdem circumferentiæ trium



trium ulnarum est, rursus circumferentia in *plicas innumeras* contrahitur, ut intestinorum longitudinem coarctet, ac in convenienti situ ordinéque contineat constat *membrana* duplici & validâ, *Perithonæo* continuâ, insuper pinguedine undique infarctâ vasis glandulisque plurimis intersparis:

*Quare* usus ejus præcipuus, ut nempe vasa sibi interjecta in tam longo itinere fulciat, & quasi super pontem quemdam tutum ad intestina iter præbeat, ac ab omni *disruptionis periculo* tueatur, insuper & calorem intestinis impertiendo.

*Venas* habet Mesenterium à *vena Portæ* Arterias à ramo arteriæ magnæ *Mesenterico dextro sinistroque* nervos à ramis octavi nervorum cerebri paris.

## §. 15.

### De Vasis Lymphaticis, & Venis Lacteis.

**P**Ræter hæc verò vasa insuper quoque vasa Lymphatica & *vena lactea* ab *Asellio* primo detectæ & chylum nempe albicantem vehentes innumeris sparsis ramulis inter *duplicem* Mesenterii *membranam* deprehenduntur, à qua robur suum accipiunt, ne in vehementiori equitatione, alióque vehementi corporis motu rumpantur, numerosissimæ *venæ lacteæ* in intestinis tenuibus observantur, præsertim cum *chylo turgescant*, non enim facile in conspectum, nisi turgescant, veniunt, quare scrutandæ non sunt, nisi in vivis animalibus largo à pastu *quatuor horis* dissectis quo tempore chylus plerumque distribuitur, pauciores in intestinis crassis deprehenduntur, interum omnes obliquo ductu, per *mesenterium* nunc seorsim à vasis reliquibus, nunc unâ cum illis varióque ductu, nunc recto, nunc comites suos decussantes ad glandulas Mesenterii ascendunt, & imprimis ad glandulam majorem *Pancreas Asellij* vocatam tendunt, ibidémque collectæ majoribus non nihil tubulis ad *receptaculum chyli* sub glandula dicta majore latens, deferuntur, ubi omnem chyloso serosam substantiam deponunt. Hæ venæ lacteæ suas habent *valvulas* chyli ab intestinis introitum admittentes.

*Regressum* verò impediētes, quæ licet ad visum facillè demonstrari nequeant propter summam earum *tenuitatem*, nihilominus tamen satis probantur, quòd si hæ venæ lacteæ magnam glandulam versùs premantur, *mox inaniantur*, econtra verò si pressio à magna glandula *intestina versùs* ducatur, *intumescant*, nec chylus sine periculo ruptionis harum venarum intestina versùs propelli possit.

*Ufus* igitur *venarum lactearum* est chylum ab intestinis per venas lacteas primi generis ad glandulam memoratam Mesenterii magnam *Pancreas asellinum* dictam, ab hac autem per venas lacteas secundi generis ad *cysternam seu receptaculum chyli* à Pecqueto inventum deferre. Hoc probat succi contenti chyli nempe *color albicans* per tunicas horum vasorum transparens, qui in animalibus 3. 4. & 5. à pastu horis dissectis lacti similis cernitur, & finita chyli distributione disparet, tuncque tenuissima ista vascula istius liquoris defectu *concidendo* omnino conspectum effugiunt, quare in cadavere humano plerumque morbo & longa inedia emaciato, & demum elapsis aliquod post mortem horis aperto, vix aut ne vix hæc vasa lactea cernuntur.

## §. 16.

### De Receptaculo Chyli.

**D**Escriptis igitur venis lacteis ad *receptaculum chyli* deveniendum quod situm est sub centro Mesenterij circa lumbales vertebrae Mediâ fere regione inter musculos *Psoas* Renes & Capsulas atrabilarias, exactè tamen in omnibus medium lumborum locum non servat; sed in brutis plerumque versùs sinistrum inclinatus, nempe juxta *venam cavam descendantem* & in angulo *arteria magna* prope renem sinistrum rariùs autem ad dextrum aut in medio lumborum situm habet, in brutis plerumque unicum est unâque cavitæ præditum subinde intercedente membranula quasi in duas cellulas distinguitur; Bartholinus aliquando in humano cadavere *tria notavit receptacula chyli*, duo majora invicem posita sed mutuâs ramulis lacteis juncta inter *venam cavam descendantem* & *Aortam*, & quidem in *illo angulo* quem



quem venæ emulgentes cum cava & Aorta descendentibus faciunt, *tertium* verò superius diaphragmati ejusque principio plerumque nerveo sub apendice vicinè positum deprehendit.

*Figura hujus receptaculi* à potiori rotunda & compressa est, nonnunquam etiam ovalis, sæpe implet spatium inter musculos lumbales & renes ad glandulas atrabilarias usque expansum, in hominibus minor est quàm in brutis, sed in homine vesiculosa ejus substantia solidior & crassior existit.

*Usus Cysternæ seu receptaculi est chylum è lacteis Mesenterii venis omnem in se recipere, eundemque ad ductum thoracicum & abhinc in venam subclaveam deferre.*

## § 17.

### De Ductu Thoracico.

**I**N superna Cysternæ seu Chyli receptaculi parte sub diaphragmate assurgit ramus latiusculus *ductus chyliferus seu thoracicus* dictus, qui tenui ac pellucida membranulâ constat spinæque circiter mediæ *sub arteria magna* incumbit, hinc ulterius sursum procedens circa quintam & sextam thoracis vertebra[m] versus sinistrum latus deflectit, atque sub pleura & glandula *Thymi ad venam subclaveam Sinistram* ascendit, in quam propè exortum venæ jugularis internæ modò duplici modò simplici ramo *se insinuat*, ejusque verò aperturæ in interiori venæ subclavæ cavitæte *valvulâ* obducitur, quâ mediante chyli ingressus e ductu chyliifero liber in venam subclaveam conceditur, regressus verò in ductum thoracicum obstante hâc valvula semilunari præpeditur.

Insuper & ipse quoque ductus thoracicus multas intus habet valvulas, easque geminatas *figura semilunares* chyli ascensum admittentes promoventesque, descensum verò impediētes hinc fit, quòd contentus in hoc ductu chylus *sursum* digito facilè *deorsum* vero propelli minimè possit, igitur per hunc Canalem chylus mediante copiosa affluente è glandulis Mesenterii lymphâ attenuatus sursum ad venam subclaveam devehitur; qui motus chyli in altum haud parum à valvulis ipsius ductus adjuvatur, ab illis enim chyli partes, quæ semel ascenderunt, ubique per totum ductum

ne delabi possint, sustentantur adeoque *adjuvante motu diaphragmatis musculorum Psoas* & maxime *pulsu arteria magna descendens* atque motu peristaltico viscerum & intestinorum à receptaculo omnis chylus necessario & Mechanicè *sursum* propellitur, interea verò cum chylus ex receptaculo per ductum thoracicum sursum ad venam subclaveam ita movetur, vasa lymphatica diversis è locis prodeuntia, inque ductum thoracicum tendentia lymphidum liquorem advehunt chylo permiscendum ad illius *lentorem*, quo facilius sursum fluat diluendo impediendum, hujus itaque chyliferi ductus demonstratio *non semper* facilis est, quidpe cum tunica sit pellucida, & sub pleurâ lateat non tam manifestè in conspectum venit, si *chylo vacuus* fecerit, qualis esse solet in illis multis post pastum horis, vel post longam inediam apertis cadaveribus, manifestè verò apparet, sic *chylo turgeat*, ac proinde in canibus *tertia* vel *quarta post pastum hora* mactatis facile visui occurrit, ubi sæpe etiam ingressus venarum lactearum in magnam Mensenterii glandulam & dein in ipsum receptaculum chyli manifestè conspiciuntur.

*Usus* ductus Thoracici est, chylum ad *venam subclaveam sinistram* hinc per venam cavam ad *cor devehere*, quod non solum ex insertione ductus & valvularum situ probatur, sed ex eo etiam patet, quod si *lac copiosum* syphone in ductum chyliferum injiciatur, mox in venam subclaveam, hinc in venam cavam & per hanc ad dextrum cordis ventriculum una cum Sanguine venæ subclavæ & venæ cavæ inexistente deferatur, ac dein per vulnus isti ventriculo inflictum effluere conspiciatur.

## §. 18.

### De Pancreate vero.

**E**xplanatâ jam ductus thoracici venarumque lactearum historia jam ad partes infimi ventris & quidem *Pancreas verum*, contemplandum redibimus, quod quasi *totum glandulosum laxum & informe* corpus est ad primas lumborum vertebrae subposteriori ventriculi parte & ad latus sinistrum intestini duodeni situm à quo usque ad lienis regionem extenditur atque membrana tenui à Perithonæo investitum suspenditur.



*Figuram* obtinet *oblongam* & *depressam* longitudine tres vel quatuor subinde etiam 6. vel 7. adæquat digitos transversos. *Substantia* ejus *tota glandulosa est*, constat enim ex multis glandulis *racematim* inter se coherentibus, & communi membrana inclusis: *Colore* pancreas palidus est, vix levissimam Sanguinis tincturam referens, ita ut neque in substantia, neque in colore ullam carnosarum partium similitudinem habeat, in *pancreatis medio* ex minutissimis glandularum vasculis excretoriis undique hic concurrentibus *Canalis singularis* mediocris capacitatis excurrit, & secundum ejus longitudinem versus *intestinum duodenum* tendens ab inventore *ductus visurgianus* appellatur. Hic unicusest, per medium hujus visceris decurrit, & brevia numerosaque ac exilia vascula excipit, quæ in hunc ductum ex omnibus glandulis concurrunt, è quibus totum Pancreas constituitur, & humorem lymphaticum salino spirituofum (in memoratis Pancreatis glandulis ex massa Sanguinis segregatum) instar minimorum rivulorum in memoratum ductum & mediante hoc ductu ad *intestinum duodenum* pro insigni ibidem usu deferendum effundunt. Quare ductus Pancreaticus *quatuor interdum 5. vel 6. digitorum transversorum* latitudine à Pyloro in *intestinum duodenum* proximè ab insertione ductus choledochi inter binas hujus intestini tunicas *tortuoso modo* implantatur, ac inferitur, & non raro ductus iste etiam in ipsum *ductum biliarium* exiturientem aperitur. Insuper notatu dignum est, quod in ipso ducto Pancreatico succus inexistens *nunquam* inveniatur, & hoc ideo fit, quia declivi via succus memoratus celeriter in *intestinum duodenum* fluit, eodem verè modo sicut *urina* è renibus per *uretheres* in vesicam urinariam fluens propter rapidum transitum *nunquam in uretheribus*prehenditur.

*Venas* Pancreas à ramo *vena porta & splenico*, *Arterias* ab *arteria caliac* ramo *sinistro* interdum etiam ab *arteria splenica* habet. *Nervos* exiguos ob octavo pari & in primis à *plexu superiori abdominis* sed exiles recipit.

*Ad usum* Pancreatis tanti equidem is neutiquam à veteribus habitus fuit, quanti hodiernum à recentioribus æstimatur, quare tam multifariæ de Pancreate opiniones passim in Auctoribus prius conspiciuntur. Gallenus Lib. 5to de usu partium Cap. 5to

ait: *usum Pancreatis esse fulcire vasa*, quæ ibidem distribuuntur hinc tantum *pubvinaris loco* ventriculo substerni ac Distributioni vasorum fervire existimat. Alij chylum ex intestinis admittere, alij crudiores sanguinis portionem expurgare, alii esse quasi vesiculam bilariam lienis & hinc lienis ægrotantis vicem subire, alij Pancreas chylum recipere, eumque ad majorem perfectionem excoquere, & alia similia putârunt: Cùm autem Pancreas sit corpus verè *glandulosum*, hinc prout omnes glandulæ lympham Salino spirituofam ex massa sanguinea segregat, segregatumque per ductum suum tanquam humorem lymphidum, & quasi salivalem & maximè necessarium in *intestinum duodenum* effundat, *eum in finem* hoc fit, ut in *ciborum reliquias* per Pylorum in duodenum prolapsas necdum à particulis essentialibus & homogeneis *sufficienter extricatas* imisceatur, eosque per novam resolutionem *attenuat, resolvâtque* ac talimodo particulas spirituofas à crassis inutilibus ac fœculentis liberet. Equidem bilis per *ductum choledochum* in idem intestinum duodenum influens sale suo *Alkalino volatili oleoso ac Sulphureo* tanquam *Balsamo* ad memoratum hoc *chylificationis negotium* plurimum contribuit. Ex hoc igitur fundamento, quod nullus sanæ mentis in dubium vocabit, eruimus ex succo Pancreatico ac quoque alkalino Sulphureo bilioso utroque nempe 2.dùm statum suum naturalem bene valente *maximam sanitatis partem* dependere, malè e contra valentibus *plurimos morbos*, hæctenus *lienis, Epatis, Mesenterique*, aliarumque partium vitis assignatos à modo dictis *vitiatis & destructis Succis* procedere, hinc propter horum nimiam pravamque in intestinis *effervescen-tiam*, vomitus *acido amari*, rugitus, flatus, tensiones diarrheæ, dissenterix, Colicæ passiones, alique *plurimi morbi* resultant, unde febrium aliorumque *morborum chronicorum* exordix hac in parte sæpissimè existunt; Juxta proverbium illud vitia in prima digestionis regione existentia, neque in 2.da neque in tertia facile corriguntur.

## §. 19.

## De Epate.

**A** Pancreate ad *Epar seu jecur* revertimur, quod eximium viscus in *extro hypocondrio* sub diaphragmate situm vastæ magnitudi-



tudinis in superiori parte *convexum* seu rotundum in inferiori seu infimâ parte, quâ ventriculi dextro lateri incumbit *concavum*, & calore suo ad faciliorem ciborum digestionem conducit, Epar numero communiter unum & indivisum est, quandoque sed raro divisum, inque lobos distinctum alicubi accidit, ubi verò duo apparent id *prodigiosum* vocamus, quia divisura isthæc præternaturalis est, quoniam sine illa in homine, qui rectè incedit melius ventriculum, complectendi munus obire potest.

*Substantiam* Epar habet *mollem & rubicundam* instar Sanguinis concreti & cum firmitas simul appareat, propterea *parenchyma* vocatur; Color rubicundus oculis obviis ratione suæ texturæ ei non est *proprius*, sed *ascititius*, & à copioso sanguine mutuatus, quia aqua elatum *palescit*, vel leviuscule *flavescit*, insuperque per noctem aquæ immersum deposito in aqua sanguine *album* evadit; Dividitur Epar quo ad figuram in partem *superiorem* satisque *rotundam*, quâ diaphragma spectat, & ista pars *convexa* seu *gibba* vocatur, estque pars æqualis & lævis, in qua posterius *sinus* cernitur, qui *vena cava* transitum præbet, & dividitur etiam in partem inferiorem *cavam* seu *sinam* dictam, qua ventriculum & intestina spectat, estque ista pars inæqualior, in qua duo etiam sunt *sinus*, unus ad dexteram partem pro vesica biliaria alter ad sinistram, qui subiacenti Stomacho cedit. Epar immediate membrana investitur tenui, qua mediante *diaphragmati* annectitur & suo modo suspenditur, quæ à Perithonæo ortum habet in hac membrana vesiculæ subinde conspiciuntur aqueæ, *hydatides* dictæ, ex quibus ruptis teste Platero hydrops sæpius oritur.

Connectitur Epar undequaque cum partibus vicinis per *tria valida ligamenta*, & primo abdomini per *venam umbilicalem*, quæ in adultis post partum coalescit, & in *ligamentum* abit, 2dò superius diaphragmati à dextra parte per *ligamentum latum membranofum tenue*, sed tamen validum à Perithonæo, qua diaphragma cingit ortum, & hoc *ligamentum suspensorium* dicitur, tertio denuò diaphragmati superius sed à sinistris per aliud ligamentum à Perithonæo natum, quod *teres* & validissimum est, 4tò posterius ubi vena cava transit, & hîc gibba in parte Perithonæo adhæret; Nervulos recipit Epar exiles quatuor, duos à *sexto pari*, tertium à *Stomachico*, & quartum ab *intercostali*;

majoribus & pluribus Epar non indiguit nervis, quia non exactè sentire, sed *bilis segregatorium* existere debuit.

Observantur insuper in Epate canales qui, *pori bilarii* dicuntur, itidem vasa lymphatica plurima Epar perreptantia succumque limpidum simul ac pellucidum ferentia cernuntur. Arterias obtinet exiguas à *caliaco ramo dextro* juxta venam portæ illud ingredientes, nam substantia Epatis arteriis vix opus habet, cum ei sanguis sat copiosus per *venam portæ* affluat (quæ hîc arteriæ munere fungitur) qui ei ad *humoris biliosi* segregationem convenientior est, quàm sanguinis arteriosus. Venas habet duplices, & quidem in superiori parte *vena cava* Epati annectitur, quæ plurimis furculis & propaginibus ipsum Parenchyma subit, his propaginibus in inferiori parte occurrunt ramuli *vena portæ*, qui simul per totum hoc viscus percurrunt.

Usum Epatis Aristot. Lib. 5. de partibus animalium declarat, his verbis *Cor & Epar omnibus animalibus necessario sunt*; illud propter caloris originem, hoc verò coctionis gratia; Ast Aristotele prolixius Epatis usum docet Galen. Lib. 4. de usu partium Cap. 3. sic inquit: *ipsum autem Epar, postquam id nutrimentum accepit*, à famulis jam præparatum & veluti rudem quamdam delineationem ac obscuram sanguinis speciem referens, inducit eidem *ultimum ornatum* ad *sanguinis perfecti generationem*, & rursum idem Galenus capit. 12. in eodem Libro disquirat, quænam pars Epatis sanguinem generet, rejectisque venis, arteriis, nervis, tunicâ, poris, & vesiculâ fellis, tandem *soli carni Epatis* sive Parenchymati id muneris tribuit, *Caro ait*: Epatis, quæ est *primum & proprium sanguificationis ipsius organon & venarum principium*, quam sententiam plerique postea amplexi sunt. Igitur Epar venerantur antiqui ut reipublicæ animalis *supremum præsidem* tradito ei *Hematoseos Ministerio*, prout nempe ex venis meseraicis liquidum nutritium per venam portæ in eum immediate deferri, inque *purpureum* ibidem cruorem, coquendum autumabant. Ast valde decepti fuere veteres, & præclariores de rebus jecoris notitias debemus *recentiorum indagini industriaq;* ac præcipuè celeberrimo *Pecqueto*, qui antea invisos & novos chyli ductus *venas nempe lacteas* detexit, per quas chylus ab intestinis immediate ad Epar, ut Galenus vult *neutiquam* deferretur, sed



sed ut superius dictum à venis lacteis *primi generis* absorptus ad glandulam magnam *Pancreas Asellii* dictam, in eadem novâ ibidem lymphâ affluente dilutus, per vasa lactea *secundi generis* ad cysternam seu receptaculum chyli, à quo per ductum thoracicum sursum versus jugulum in *venam subclaveam* infunditur, ubi sanguini *primò* mixtus deportatur ad *venam cavam*, à qua nullo modo in *Epar* sed immediatè ad *dextrum cordis* ventriculum lege circulationis vehitur, ibique sanguini magis comiscetur, ac in pulmonibus vi spiritûs aereo nitrosi summè *exaltatur, volitilifatur*, ac tandem ad nutritionem *perfectè habilis & aptus* redditur: Cum igitur *Epar* tam vastæ magnitudinis parenchyma à natura constitutum sit, existimamus illum non tantum à dextrâ *Hypocondrii cavum* replendum sed ad alium majorem usum constructum esse, interea tamen nullum *publicum* in viventium Corporibus, sed *privatum* exercere officium, adeoque inter *partes ministrantes* non verò *principes* numerandum esse censemus. Hinc *perillustis Matphigius* *Epar glandulam maximam conglomeratam*, bilem ex massa sanguinea secernentem esse observavit; Et *Glyssonius* *Epatis Parenchyma colatorium quoddam peculiare* esse existimavit, per quod sanguis & humores percolantur, atque *alteratio peculiaris* ipsis in *Epatis* percolatione imprimatur, *Epatis* igitur munus est *bilem seu humorem felleum* ex massa sanguinea ob suam peculiarem *acinoso vasculosam* structuram segregare segregatamque cum ad vesiculam felleam per porum bilarium tum ad intestinum duodenum per ductum cysticum amandare, ut ibidem ciborum reliquiis se imisceat, & mediante tali menstruo non solum chylus dissolvatur, sed *balsamico quasi rore* imbuatur, & sic ad totius corporis nutritionem ejusdemque sustentationem aptus reddatur.

## §. 20.

## De Ductibus Biliferis &amp; Vesicula fellea.

**A**D *bilis* in *Epatis* substantiâ acinosa separatae receptionem in dextra & cava *Epatis* parte duo sinus insculpti sunt, *vesica* nempe *bilaria*, & *Canalis seu porus bilarius*, illa tam arctè *Epati* insinuata est, ut fermè media ejus pars in ipso

abscoudita fit, parte verò altera, qua ab Epate libera est dextro *ventriculi lateri* ac intestino *Colon* incumbit, adeoque intestinum hoc *flavo* per tunicas *Cystis* felleæ transudante *succo* eodem colore tingit: *Magnitudinem* Vesicula felleæ habet in aliis minorem, in aliis præcipuè verò biliosis majorem, ut plurimum longitudine duos *Digitos transversos*, latitudine verò digitum pollicem æquat, figuram obtinet *pyriformem* è latiore enim & rotunda basi, definit in apicem angustum & rotundum, igitur *Cystis* seu vesicula fellea *in fundum & cervicem* dividitur, quorum ille à *Cervice* sacculi instar pendulus est Colore bilis contentæ modo *flavo* modò *aruginoso*, modò *nigricante* tinctus, *Cervix* fundo est *durior* sursum spectans oblongatur & angustatur, donec in meatum tenuem *ductum cysticum* dictum abeat, qui in communem ductum intestina petentem definit, duplici donatur membrana una exteriori membranosa à *Perithonæo* orta, quæ partem vesiculæ extra Epar pendulam investit, & eam Epati annectit, eademque est cum Epatis exteriori membrana altera interiori propria crassiore & *mucosa* *crasso* intus contra contenti humoris biliosi acrimoniam munita: Venas & arterias gemellas *Cysticas* dictas, illas à trunco *vena portæ*, has ab arteria *Celiacâ dextrâ*: Nervulum obtinet parvum vix conspicuum à *sexto paris exili* propagine Epatis tunicam perreptante: *Usus* igitur vesiculæ felleæ est ad aliquod tempus *bilem retinere*, & postea hanc versus *intestina expellere* ad supra memoratos usus; Alterum vas *Porus bilarius* est, & est Canalis oblongus & latus, qui non procul à *venæ portæ* trunco ex Epate procedit, hic canalis sub ingressu in *Parenchyma* Epatis dividitur, & altero ramo dextram ejus, altero sinistram partem totam perreptat medius ubique inter venarum *Portæ & Cavae* radices percurrentes ac *bilem* ex omnibus jecoris angulis segregatam congregat, atque in *ductum communem* exportat: Hinc *porus bilarius* extra Epar conspicuus ad differentiam ductus *Cystici ductus Epaticus* dicitur, & est Canalis, in quem omnes pori bilarij capillares furculi per Epatis substantiam dispersi, *bilem fluidiorem* ibidem secretam absorbentes se se exonerant, atque *bilem* per ductum *choledochum* ad *intestinum duodenum* maximo usui inserviendum deportat, hic *Porus bilarius* *principalioris* est usus, quàm vesica fellea, nam multa animalia *vesica fellea* carent non autem *poro bilario*, *ductus communis* incipit, ubi *Epaticus*

*icus & ductus Cysticus connectuntur, & angulum efformant, & ideo dicitur ductus communis, quia in eum tam ductus Cysticus quàm ductus Epaticus se se exonerant, in concursu horum duorum ductuum Canalis communis extra Epar figuram Græcorum Y efformat, linea sinistra ductum cysticum, dextra verò ductum Epaticum designat, progressus amborum in unum conjunctorum ductus communis sive choledochus appellatur, qui circa duodeni intestini finem, vel intestini jejuni principium nonnunquam sed rarò ipsum ventriculi fundum (unde frequentissimus flavæ bilis vomitus cum summâ oris amaritie) in Pycrocolis Græcè dictis oboritur obliquè & tortuosè inter utramque intestini tunicam plerumque simplex aliquando geminus inseritur, & versùs intestini cavitatem aperitur, succumque alkalino Sulphureum, vulgò *biliosum* dictum ad imbalsamandum ac à putredine & accescentiâ præservandum chylum motumque peristalticum intestinorum promovendum ad intestina deponit:*

## §. 21.

### De Liene.

**E**X Epatis parte opposita in sinistro nempe Hypochondrio positus est *lien sive splen*, qui tanquam alterum Epar ad Corporis æquilibrium sub diaphragmate inter ventriculum & costas notas situs est, cavum suum cavo Epatis habet adversum, gibbum verò dorso, neque extra costas propendit, neque tactu deprehendi facile potest, nisi justo sit *tumidior*, & antrorsum ac deorsum versùs *umbilicum* inclinet:

*Figuram* obtinet variam, ut plurimum tamen *lingue bovina* non absimilis est, unde *linguosum* viscus à nonnullis dicitur, foras ad latus sinistrum *gibbosum* est, nonnunquam ad costas notas impressiones habens, parte cavâ adjacentem ventriculum respicit in hac parte per mediam longitudinem lineâ quadam albâ eminentiis quibusdam dotatâ observatur. *Longitudo* lienis in hominibus diversa est, pro corporum & constitutionum diversitate, plerumque longitudinem habet 6. *fermè digitorum* latitudinem *trium transversorum*, crassitiem verò *pollicis*; Parenchyma ejus

vesti-



*vesiculosò vasculosum* est, hinc spongiosum & rarum secus quàm Epatis, quod solidius & compactius est, in fœtu *rubet*, in adultis *subnigricat*, in senibus *livescit*, parte convexa *diaphragmati* unde respirationis subinde difficultas, simâ verò seu depressa parte *reni sinistro* per tenues membranaceas fibrillas è Perithonæo enatas adhæret, itidem *omento ventriculo* ac vicinis partibus annectitur. Duplici circumdatur membrana una exteriorè à *Perithonæo*, propria verò à vasis lienem ingredientibus pronata, & eleganti ac mira fibrarum implicatione contexta per hanc membranulam & arteriæ, venulæ nerviculi copiosi ac vasa lymphatica instar *retis cujusdam* intertexta sunt.

Arteriis irrigatur duabus una ad *elatiorem*, altera ad *demissiorem* partem ingrediente hæc ab arteriæ *caliacæ sinistra* ramo, quæ vulgo *arteria splenica* vocatur, illa ab ipso *Aorta trunco* exeunte & flexuoso ductu secundum Pancreatis latus ad lienem procedente deducitur, ac in plurimos ramulos per lienem disseminatur, à quibus plus minus compressis in affectu hypocondriaco inveterato nota illa *pulsatio in sinistro hypocondrio* plerumque causatur. *Venam magnam* lien ex sima parte emittit, quam etiam *ramum splenicum* appellant, qui ramus innumeris radicibus parenchymati inhæret, ex quibus sensim coeuntibus, modò tres, modò plures majores rami efformantur, mox extra lienem in unum nempe *ramum splenicum* coeuntes, qui transversim sub *ventriculo* per omenti superiorem alam in *venam portæ* excurrit, in eamque se exonerat, per quam sanguis in Epatis Parenchyma pro segreganda inibi materia Alkalino biliosa ingreditur. Porro in dictis venis prope exitum à liene *valvule* dantur foras spectantes, sicque constructæ, ut è ramo splenico nihil ad *lienem* sed contra ex liene sanguis in *ramum splenicum* & ab hoc ad *venam portæ* libero transitu influere possit, ex supra porro dictis venis, ramus maximus *vas venosum breve* vocatur, quod etiam *ramum splenicum* ingreditur, cujus radices à *ventriculo* proveniunt & ejus fundo inhærent, atque à diversis ductibus duo vel tria vasa breviter constituuntur, quæ omnia in *ramum splenicum* incurrunt, unde antiquorum error, qui *Sanguinem acidum* à liene in *ventriculum* eructandum pro *apetitu* ciendo putârunt; Ast verò sanguis in venis brevibus contentus non ad *ventriculum* sed à *ventri-*  
tri-

*triculi tunicis* redux in *vas splenicum*, hinc ad *venam portæ* & ab illa in *Epar* deportatur, ubi segregatione materiæ biliosæ factâ à ramulis *vena cava* reabsorptus per hanc ad *dextrum cordis ventriculum* unâ cum sanguine *novo chylo* imbuto, ac per *venam subclaveam* apportato deducitur, rursus ab ani parte inferiore *vena* quædam sursum ascendit, ac etiam sæpius memoratum ramum *splenicum* sed in inferiori parte ingreditur, suumque sanguinem ab inferioribus ani partibus reportantem in illum ramum *splenicum* infundit, & modo dictæ venarum radices per anum disseminatæ *vena hæmorrhoidales internæ* ac in praxi multum observabiles nominantur. *Nervulos* lien à sexti paris ramo inter costali sinistro non solum per tunicam sed per ejus substantiam dispersos recipit.

## §. 22.

## De Usu atque officio Lienis.

**D**E Lienis officio seu actione, tam variæ & diversæ exstant opiniones, ut veritatem assequi planè operosum sit. Galen Lib. 4. de usu partium Capit. 15. ejusque affectu putârunt, lienis actionem esse *succos limosos & crassos*, itaque *Melancolicos in Epate & Stomacho genitos per ramum splenicum & vas breve attrahere, ac colligere*, eosque in sua substantia excoquere, id est crassum ac terrestre à puriori segregare, tum rursus partem *purior* in ventriculum per *vas venosum breve* ad famem excitandam, partem verò *crassiorem* & impuriorem partim per *ramum splenicum* ad intestina, partim per *venam hæmorrhoidalem* ad podicem deponere. Quam verò opinionem refutavit Bacchius, Riolanus & Bartolinus hoc nitentes fundamento, quod lien nihil quidquam per ramum *splenicum ab Epate* (vel per *vas venosum breve à ventriculo*) recipiat; & hoc probat motus sanguinis in vivorum animalium sectionibus institutus, & *valvularum* constitutio *injectiones & inflationes*: Vesalius, Platerus, Spigelius alique Anatomici multi, hoc viscus *deficiente Epate sanguificandi munere fungi crediderunt*, confirmati in sua sententia, quoniam lienem *Epatis Vicarium* ab Aristot. nuncupari audiverunt, insuper videntes liene malè affecto sanguificationem

lædi, & lienis vitia ac Epatis morbi propemodum iisdem remediis tolli: itaque hoc viscus *vicarium Epatis* nominârunt & lienem esse *viscus sanguificans* non minus ac Epar statuerunt, istum autem sanguinem in liene confectum *nutritioni viscerum* in abdomine *contentorum* inservire putârunt, hanc verò sententiam plurima de *sanguificatione* in scriptis nostris dicta satis evertunt, cum enim sanguificatio sit actio *simillaris*, & non *organica*, hinc neque in liene nec in Epate nec denique in ipso corde efficitur. Rursùm *Gesnerus Piso & Corringius Hypoc.* insecuti *solum potulentum* à liene *ex ventriculo* exsugî, & ab hoc in venas distribui existimant, ast cum nullæ dentur viæ, per quas lien humores è *ventriculo* attrahere possit relicto inibi chylo; alius à nobis lienis investigandum erit usus. Cum igitur in toto corpore humano non detur viscus, in quo tot *Arteriolarum venarumque nervulorum* ac *vasorum lymphaticorum* & ut aliqui volunt, glandulis intertextis commixtorum detur confluxus. Itaque concludimus sanguinem ex venis Meseraicis venosum & propter *defectum lymphæ* quæ, in intestinis pro *fluiditate chyli* conservanda magna parte ad venas lacteas, glandulam majorem, receptaculum chyli, ductumque thoracicum apportatur, sicque *crassum* ac ad circulationem minus aptum in lienem refluxum sanguinem Primo nempe in liene propter copiosum sanguinis arteriosi ac spirituum animalium per nervos delatorum, nec non lymphæ copiosæ per vasa lymphatica concursum, sanguinem inquam *crassum* hîc de novo fermentari; id est in liene *mobilem magis*, *spirituosum volatilem* hinc *fluidiorem* & ad circulationem aptiorem reddi.

Secundò hunc sanguinem venosum ac à venis meseraicis refluxum in liene vi prædictorum concursu exaltatum, propter mirificam hujus visceris structuram *certam ac specialem energiam concipere*, ut hîc sanguis per ramum splenicum non in venam cavam, sed in *venam portæ*, & ab hîc immediate in *Epatis substantiam* delatus ad *bilis* seu particularum Alkalino Arearum tanquam *chyli sanguinisque balsamum*, faciliorem in Epate *segregationem subsequendam præviè disponatur*, quæ insuper *energia* sanguini in liene impressa ita totam massam disponit, aptamque reddit, ut scilicet diversæ sanguinis particulæ hac virtute exaltatæ liberiores conserventur, hinc occurrentibus reliquarum partium structuris  
sub



sub debitâ v. g. *saliva*, *succi Pancreatici*, *menstrui gastrici* formâ facilius separentur, & his rationibus sanguinis compages in *liene*, coneurſu *spiritûs arteriosi* ac *liquidi nervosi* lymphæque salino spirituosæ nova *energia* atque *virtute* imbuitur, & fovetur; Unde facîle patet, quare hoc Viscere malè se habente tota massa sanguinea *lenta crassa vappida mucida ac viscosa* & ad circulationem minùs apta uti in affectibus *hypocondriacis* & *scorbuticis* frigidis contingit, evadat. Hinc sanguine idonea fermentatione ac volatilisatione destituto, necessariò *cachexia*, *hydropes* plurimique morbi chronici inducuntur.

## §. 23.

## De Renibus.

**P**Erpensâ Epatis lienisque structura his propinquos & profundiori loco collocatos *renes* scrutabimur, qui à Græco verbo *Reo id est fluo* eò quòd per eos *urina* fluat, nomen traxere, *Nephri* etiam vocantur, quod vocabulum *mingentes* dicit, ideo renum dolor *Nephritis* vocatur, siti sunt utrinque in *lumbis* juxta ultimas costas intra *Perithonæi duplicaturam* absconditi parte simâ introrsum, gibba verò extrorsum spectantes, ac sub Epate & liene ad venæ cavæ & arteriæ magnæ, spinæque lumborum ac musculis *Psoas* dictis, atque sub his latentibus crurum *magnis nervis* utrinque incumbunt *renes*, unde fit, quod in *Calculo reni* inexistente *Stupor* in ejus lateris *Crure* perſentiatur, duo communiter *renes* sunt, ut uno læso alter suo fungatur officio, hinc non tam facîle *urina* supprimatur, rarissimè plures vel pauciores adſunt, ut plurimum autem dexter ren sinistro est *inferior* situs, ut cedat magnitudine jecoris, cui proximè subjacet: longi sunt *renes* quinque *digitos transversos*, tres lati, & unum crassi, rarò autem utriusque magnitudo *aqualis* est, quia sinister dextro ferme semper *major* invenitur.

*Figura Phaseolum* aliquo modo referunt, exterius sunt gibbi seu convexi, interiori verò ubi scilicet venam cavam & arteriam magnam spectant, concavi sunt, ast eorum latera paululum sunt elata.

Supervicies non minùs quàm in epate lævis est ac lubrica, in *ſatibus* *renes* sunt *inaequales*, ac si ex pluribus *coagmentati* essent

essent *globulis ac lobulis*, quam formam etiam in adultis servant, maxime in bove, urso, & vitulo.

Investiuntur binis tunicis, quarum exterior à Perithonæo oriunda renes laxè ambiens multum pinguedinis in obesitis sustentat, quæ renes penè occultat, ac propterea hæc *tunica adiposa* vocatur, interior ab extremitatibus vasorum enasci creditur, ac renes exactè admodum succingit, sed tamen ab iis facillè & sine substantiæ dilaceratione separari potest.

Color renum *obscurè ruber est*, malè verò affecti, quem admodum in reliquis visceribus contingit, variè colorantur.

Connectuntur renes per membranam externam, quæ à Perithonæo est, *lumbis & diaphragmati*, per vasa emulgentia junguntur venæ cavæ & Aortæ, per Uretheres *vesicæ*, & dexter ren *cæco intestino* quandoque jecori, sinister verò lieni & *intestino colon*, hinc propter flatuum & excrementorum copiam exacerbatur neuphriticus dolor.

Ipse renum *substantia*, quatenus visui occurrit, apparet quasi fibrosa ex concursu & comixtione minimorum vasculorum intercedente aliqua carnositate, variis exiguisque alveolis dorata, externo contactu duriuscula, sed interius tamen modicè spongiosa coloris rubicundi, versus pelvim verò magis palidi, sed hæc omnia nostro iudicio *glandularum minimarum* variis vasculis intertextis congeries sunt.

In Rene interiore continetur *pelvis seu infundibulum*, quod nil aliud est, quàm *sinus membranaceus* factus ex urethere in cavo, renis expanso ac dilatato, & ab apertis ramulis, quorum ut plurimum sunt octo, vel decem instar fistularum proveniente, quibus singulis imponuntur *caruncula* vulgò *papillares* dictæ instar glandularum, sed minus sunt coloratæ atque duriores reliqua carne magnitudinis pisi, superius latiusculæ, inferius convexæ perforationes angustissimas habentes, quæ vix *capillum* admittunt.

## §. 24.

### De Vasis emulgentibus.

**I**N renibus omnis generis reperiuntur vasa nempe arteriæ & venæ *emulgentes dictæ*, nerviculi, vasa lymphatica & uretheres, de quibus inferius dicemus: *Igitur arteria* emulgens utrim-

utrimque ex arteria Aorta descendentis trunco producitur, & sinam renis partem subit, geminata prius hinc diversis ramis per ejus substantiam dispergitur, ac in minimos & invisibiles furculos evanescit, per hanc sanguis copiosus in renes defertur, partim pro renum vasorumque nutritione, partim ut in renum glandulosa ac mira pororum fabrica serum superfluum à sanguine segregetur, ac tum sub forma urinae evacuetur:

Vena verò emulgens paulò amplior est arteria, hæc innumere radicibus in unum truncum concurrentibus reni ac ejus denique glandulosæ substantiæ inhæret, ac ex sinâ renis parte exiens in cavam procedit, in quam aperitur, ejusque ad cavam ingressui mox valvula insignis opponitur ab inferiori parte sursum spectans, ita sita, ut sanguini liberum in cavam transitum concedat, sed ejusdem refluxum è cavâ in emulgentem impediat, ex quo certum est sanguinem per solam arteriam emulgentem in renem impelli, ejusdemque partem à nutritione residuam ac à magna seri quantitate liberatam per venam emulgentem refluere in cavam, ex qua ad cor pro ulteriori sanguinis circulo continuando defertur.

Vasa lymphatica renum faciliè demonstrantur, si post elutriationem partis vena emulgens ligetur ac tum coloratæ & repetitæ injectiones in eadem vasa lymphatica celebrentur, nervuli renibus sunt quidem exigui à vagi paris plexu atque à ramo Stomachico producti, ac per renum substantiam dispersi, & tandem concurrentes in uretheres se se extendunt, & his acutissimum sensum conferunt, hinc etiam in causa sunt, quod in neuphriticis doloribus, ubi Uretherum principium afficitur, mox ventriculus in consensum protrahitur subvertatur, ac vomitus enormes oboriantur, econtra quatenus nervuli tenuissimi ac per ipsam renum substantiam dispersi sunt: ideò renum dolores gravativi sunt, qui tamen augentur mox, ubi calculus in uretherum principium pelvim dictum tanquam nervoso-membranosum hinc summe sensibile ingreditur.

## § 25.

### De Usu atque Officio renum.

**U**sus igitur & actio renum est redundantem serositatem, ac cum hac varia sâlia Hæterogenea ex massa sanguinea segregare



gare, hinc sub forma *urina* foras extra corpus amandare, quæ autem ratione & quomodo hæc actio fiat, controversia semper fuit inter Auctores, cum alii serum hoc expurgari voluerunt, virtute renum *attractivâ*, alii per venarum *expulsionem*, alii hoc fieri crediderunt propter *humoris serosi peculiarem* ad renes vergentiam.

Nos nostram opinionem ex *Mechanicis* petitam *fundamentis* exponemus. Igitur præmittimus, quod una eademque in corpore nostro & *sudoris & urina* sit materia remota, & tantum segregatoriorum locorum diversitate *urina* & sudor distinguantur, unde est, quod, qui per æstatis decursum habitu corporis rarefacto & poris cutaneis valde reserratis, multum sudant, *parum mingant*, e contra verò, qui hyeme densata cute, porisque ejus à frigore occlusis parum sudant, *multum mingunt*, hinc quoque accidit, quod quandoque *diaphoretica & sudorifera* exhibita, *diuretica* evadant, quia liquatum & attenuatum serum propter clausos cutis poros ad glandulas renum hinc *carunculas Papillares* & ex his in *pelvim & uretheres* deturbetur.

Itaque sanguis per *arterias emulgentes* ac pulsus arteriis communem in *renes* continuo motu propellitur, isque sanguis in omnes renum partes protrusus necessario etiam ad *glandulas* renum propellitur, in quibus particule aquosæ propter singularem glandularum structuram, pororumque conformationem utpote tenuiores ac fluidiores à crassioribus & oleoso sulphureis tanquam per cribrum vi continui *pulsatorii motus* sequestrantur, ac à glandulis per ductus suos excretorios ad *carunculas papillares* amendantur, ex quibus per certos porulos ac meatus in *pelvim* aquosa hæc portio defluit, adjuvantibus ad hoc negotium plurimum vasis lymphaticis, quæ lymphæ suæ affluente, particulas salino acidas diluunt, hinc fluidiores ac pororum renalium *structura* magis proportionatas reddunt, & ad hanc translocationem fertque in corpore & sanguine abundantis segregationem maximè faciunt. Residuus verò sanguis à radicibus *venarum emulgentium* reabsorbetur & ad venam cavam deportatur: aliis mediantibus renibus *materiam seminis* præparari affirmare arrisit, ita ut renes *libidinis sedes* ab ipsis crediti fuere, propterea in gonorrhæa *lumbis* Medicamenta nonnulli applicant. Hanc fovit sententiam vasorum spermaticorum cum renibus aliqualis societas.

Quo-

Quoniam autem à renibus ejusque vasis nihil in seminis officinas immediatè derivatur, ideo non videntur renes peculiarem præparare materiam pro seminis generatione, nihilominus renes dispositionem non spernendam sanguini pertranseunti impertiri credibile est, quatenus salinæ aliæque Hæterogeneæ particulæ per renes cribrandæ ac excernendæ dum non excernuntur, sed in massa sanguinea remanent suâ præsentia & acrimonia seminis materiam taliter inficere possunt, ut *infecundum* reddatur: contra verò ubi exacta glandularum in renibus structura viget, ac sanguinis massa ab hujuscemodi *salibus exaltatis* & inquinamenti cum urina liberatur, tunc facilius *fermentatio* perpetuatur, unde tam variis cribrationibus ac particularum Homogenearum combinationibus & spirituofarum exaltationibus ultimò tandem in *testibus semen spirituosum album fragrans ac fecundum* efficitur.

## §. 26.

### De Capsulis atrabilaris.

UTrique reni in eminentiori ipsorum regione, quâ venam cavam spectat, glandulæ adhærent, & isthæc *renes succenturiati* ab aliis verò *capsula atrabilaria* vocantur, & hæc sunt duo corpora glandulosa in *fatu* renibus immediatè adherentia in *adultis* verò separata, ac inter venas emulgentes, & renes prope *vena cava & Aorta* truncos descendentes sita, ac mediante adiposa renum tunica, ita firmiter *diaphragmati* adhærent, ut sæpe exemptis renibus à negligentioribus Anatomicis prætervideantur; sed membranæ diaphragmatis nexu relinquuntur, hinc repertu difficiles sunt: numero tot sunt, quot sunt renes, cuilibet enim reni *una capsula* adhæret.

*Magnitudo* earum non semper æqualis est ut plurimum nempe dextra sinistram superat, aliquando tamen hæc illam, cavitatem habent intrinsecus instar *nucis vomica* magnam, in quâ humor aliquis *faculentus niger* continetur.

*Substantiam* possident renum substantiæ non multum absimilem, sed laxiorem coloris nunc rubicundi & adiposi similis.

*Figura* fermè renibus respondet, sed instar pastæ depressæ & ex quadrato oblonga sunt.

*Venas & arterias* ex emulgentibus derivatas habent interdum ex trunco Aortæ unum alterumve surculum accipiunt: *Nervulos* admittunt exiles à vagi paris *ramo stomachico* ad propriam renum tunicam decurrentes, tenui quoque investuntur tunica, qua mediante ipsis *renibus & diaphragmati* annectuntur: *Usus harum glandularum est*, ut *lymphâ suâ salino spirituosâ sanguinem* ex renibus per venas emulgentes *reflaum* ac in renibus *sero salso acidoque purgatum*, nec non  $\ominus$  *volatili* orbatum (in urina enim magna tum  $\ominus$  *lis fixi*, tum *volatilis* continetur copia) denuo non tantum diluant, sicque eundem sanguinem ad circulationem continuandam disponant. Sed insuper *novo quasi fermento* memoratum à renibus *reflaum sanguinem* ejusque *perditam salsuginem*, una cum partibus subtilioribus suo *penetrantissimo liquore* ex parte compensent, atque sic impedian, quominus sanguine in motu suo seigniore reddito circulatio ejus subsistat, sicque motus vitalis extinguatur. Adde, quod *liquor nigricans*, qui in interna harum glandularum cavitate ut plurimum reperitur, de  $\ominus$  *Alkali volatili* neutiquam de *acido* participet.

## §. 27.

### De Uretheribus.

**E**X utroque rene propendent ductus *Uretheres*, quasi urinæ ductores dicti, hi sunt *Canales albi & teretes*, ex rerum substantia egressi, ac in *vesicam implantati* serum in renibus transcolatum *excipientes* & in *vesicam deportantes*.

*Hi Ductus* oriuntur è renum sinu interiori, cujus varii parvique ductus & canales concurrentes, tandemque in unum coeuntes *uretherem* efformant.

*Numero* communiter *uretheres* bini sunt, utrinque nempe unus, aliquando duo & plures in utroque inguine cernuntur ante insertionem tamen in *vesicam* in unum coeuntes:

*Magni-*



*Magnitudine oblonga sunt vasa, crassa & concava paleam lata, at in calculosis sæpius cavitates eorum duos digitos admittere deprehensa fuit.*

*Figura teretia sunt oblonga instarque litteræ S incurvata: Membranam duplicem habent unam communem à Perithonæo & validam, alteram propriam substantiæ vesicæ interiori similem, hinc nervosam & crassam, fibrisque, ut distendi queat, dotatam. Notatu dignum est, quòd dilatatione semel factâ non amplius hæc tunica intra contrahatur.*

*Usus uretherum est, ut per eos tanquam per canales urina in renibus segregata in vesicam deferatur, item aliquando etiam arenulæ & calculi.*

Ingreditur autem urina tortuoso ductu in vesicam retrò & paulo ante cervicem ejus, ibique uretheres inseruntur, quorum implantationi duæ membranæ transversæ valvularum adinstar apponuntur, quæ urinæ facilem concedunt ingressum in vesicam; regressum verò in uretheres prohibent.

## §. 28.

### De Vesica Urinaria & Uracho.

**I**gitur de vesica juxta ordinem acturi dicimus, quòd vesica sit pars membranacea intus cava, quæ urinam à renibus per uretheres apportatam asservat, & suo tempore, vel propter pondus vel acrimoniam molestam excernit, sita est in parte Hypogastrica & regione pubis intra geminas Perithonæi tunicas, & quidem in cavitate illa pelvi dicta, quæ ab ossibus, sacro nempe coxarum & pubis efformatur in viris recto intestino incumbit, glandulisque prostaticis jungitur, in mulieribus uteri collo adhæret, & in utrisque ossibus pubis antè firmius alligatur, præterea connectitur etiam umbilico per Urachum.

*Figura est oblongè globosa & rotunda seu Pyriformis intus magnam habens cavitatem, ut capax sit ad recipiendam, & ad longum tempus retinendam urinam, à fundo sensim coarctatur in collum angustum unde dividitur vesica in duas partes, in fundum nempe & cervicem.*

Fundus *superiorem & latiore* vesicæ partem in se comprehendit, in quo sursum ad umbilicum porrigitur *urachus*, qui una cum propinquis Arteriis umbilicalibus in adultis in validum, *ligamentum* evadit, *decubitus fundi in cervicem* impediens, *cervix* seu collum inferior & angustior vesicæ pars est, & in *urethram* aperitur, per quam urina emittitur, in viris collum est tantisper *longum & angustum* & non nihil *contortum*, quia penis corporibus carvernosis subjectum sursum sub *ossibus pubis* ab ano ad penis exortum fertur, cui posteriori parte glandulæ binæ *prostate* dictæ apponuntur.

In feminis *brevis & lata cervix* est, *recta deorsum protensa* & uteri collo superius implantata in utroque sexu, *cervix carnosâ* est plurimis fibris contexta præsertim transversis, quæ collum vesicæ constringunt, ne *nobis invitis* urina effluat, & musculus hic orbicularis ab officio *Sphincter* dictus apponitur, qui si lædatur aut Paralyfi afficiatur *miçtio involuntaria* oboritur.

*Substantia* vesicæ est partim *membranosa* ob robur ad extensionem & corrugationem, partim *carnosa* ad motum efficiendum, triplici constat membranâ prima & extima *membranosa* à Perithonæo, mediâ *carnosâ*, & tertia intimâ *nerveâ* muco obductâ; media ab aliis dicitur *musculus depressorius* totam vesicam ambiens, internè *copioso muco* ideò obducitur, ne ex urinæ *acrimonia* lædatur, *tribus foraminibus* pervia est vesica, quarum duo minora paulo ante cervicem *uretherum ingressui* patent, de quibus supra dictum, *tertium majus in cervice* est, per quod urina emingitur.

*Arterias* in viris ab hypogast. recipit ad cervicis latera implantatas, in feminis à vasis uteri.

Venas arteriis comites habet, quæ sanguinem resumptum in venam Hypogastricam effundunt; Nervos à paris vagi, ramo & medullâ ossis sacri habet.

*Usus* vesicæ *urinariæ* est *notissimus*, nimirum quòd *defluxum* à renibus *urinale lixivium* instar *matula* recipiat, & per multas horas asservet, ut homo interim negotiis suis somnòque incumbere possit, quod demum justo tempore sine dolore ac incommodo *pro libero hominis arbitrio foras extra corpus expellatur*.

## §. 29.

## De Partibus genitalibus virorum.

**Q**uandoquidem materiæ occasione natura hominem producere *immortalem* non potuit. Ideo summus rerum Opifex (ut fragilitati generis humani succurreret) *commodum auxilium* machinatus est; quo illum non tantum per aliquod annorum millia sustineret, sed ad æternitatem quasi nova sobole proveheret, in quem finem *organa generationi inservientia*, quibus opus hoc necessarium perficeretur tam *affabre* extruxit, ut jure merito acclamare possimus hîc Deum optimum maximum, si alicubi magnum certe non solum *providentia*, sed & *inscrutabilis sue sapientiæ* testimonium reliquisset, igitur communi nomine membra ista *partes genitales sive pudenda* ab Authoribus appellantur, ideo nempe, quoniam iis importuno tempore & loco detectis pudore afficiamur, partium itaque genitalium aliæ *maribus* aliæ *feminis* à natura sunt datæ, at de iis hoc capite tantum agemus, quibus mares gaudent, Primo igitur loco occurrunt *vasa præparantia* ita dicta, quod sanguinem à veteribus pro feminis generatione aliquo modo *præparare* credebantur: sunt autem hæc vasa in utroque inguine in *processu Perithonæi inclusa*, & ad testiculos tendentia numero *bina*, una nempe *arteria* & una *vena*, vena in dextro latere ex trunco *vena cava*, in sinistro verò ex *emulgente* oritur, arteria verò utrinque ex *trunco Aorta* descendente nascitur, ab his initiis in utroque latere arteria & vena *præparans* paululum progressæ mox simul sociantur (quare hæc vasa à figurâ *Pampiniformia* & *Pyramidalia* dicuntur) hinc per communem membranam à Perithonæo in homine recta per eundem processum supra musculum *Psoas* atque uretheres utrinque in illius lateris processu una cum musculo *cremastere graciliq. vagi paris nervo* extra abdomen in scrotum descendunt, atque ibidem ulterius in quovis latere majore ramo in *testium* minore verò in *Epydidymidum* substantiam penetrant.

*Usus* arteriarum præparantium est, *sanguinem ad seminis confectionem* & etiam ad *testium nutritionem* deferre; venarum verò est, sanguinem à feminis generatione & nutritione residuum in *dextra parte* à testibus sursum ad *venam cavam*, in



*sinistra verò parte* ad venam *emulgentem* revehere, ne autem sanguis per has venas ascendens denuo ad testes delabatur, igitur memoratæ venæ *valvulis semilunaribus multis* duplicata serie dispositis & *sursum spectantibus*, sanguinisque relapsum impediendis præditæ ac munitæ sunt.

## §. 30.

## De Testiculis.

**T**estes sive testiculi numero communiter duo sunt, ut deficiente uno alter alterius defectum suppleat; sunt autem testes *duo corpora ad radicem penis extra abdomen pendula & in scroto tanquam in suo involucrio contenta*:

Figurâ sunt ovales seu oblongi & rotundi, sed una parte obtusiores & ampliores, altera verò angustiores, *illa Caput testis, hæc verò fundus* dicitur; pars verò altera inter caput & fundum media superius *dorsum*, inferius verò *ventrem* habet, involvuntur testes duabus tunicis *communibus* & tribus *propriis*, quarum prima communium etiam sub nomine *Scroti* venit, quod constat cuticulâ & cute teneriore ac molliore in burfam expansa, inque medio sui *septo* provisâ, quo mediante testes in dextrum, sinistrumque dividuntur, secunda communium interiorum scroto proximè adhærens, tunica *dardos* vocatur, quæ ex panniculo carnosio nascitur. Prima verò propriarum *Erythroides* dicta, quæ ad extra sibi adnatum habet *musculum cremasterem sive suspensorem*, quo mediante in utroque latere, testes quando opus est ad corpus adducuntur, & iterum demittuntur, insuper etiam memorata tunica ob prædictum musculus rubet, hinc etiam tunica *rubella* ab aliquibus vocatur: Propriarum secunda *tunica vaginalis*, sive *Elytorides* appellatur, hæc in utroque latere ex Processu Perithonæi orta, hinc adeo dilatata est, ut instar vaginæ testiculum cum suis vasis involvat, atque sustineat, tenuis quidem est hæc tunica, sed valida, insignem enim acquirit robur à musculo *cremastere*, cui valide etiam annectitur. Tertia propriarum quæ immediatè testes involvit, cingitque.

*Nervea*, & à colore albo *albuginea* vocatur, & hæc à fibrillis nervulorum per substantiam testium dispersis ortum ducit.

Sub-

Substantia testium aliis *glandulosa*, aliis *medularis* & *pulsa-*  
*cea* credita fuit; at Recentiorum diligentia detexit, testes nil  
 nisi *minutissimorum vasculorum congeriem esse*, ita si absque dis-  
 ruptione dissoluta extenderentur, hæc vasculorum mira congeries  
 facile viginti ulnarum longitudinem excederet, apparent autem  
 hæc vascula quàm maximè in testiculis *glyrum* & *canis lascivi*  
 femine turgidis.

*Magnitudine & figura* testes in viro parvum ovum pulastræ  
 aut majus columbinum referunt, licet subinde in diversis subjectis  
 magnitudo varia sit, sed non tamen variant in figura; Gaudent  
 testes præter Arterias, etiam copiosis vasis lymphaticis, quæ in-  
 tra tunicas testium orta una cum vasis *deferentibus* sursum in  
 abdomen ascendunt, seseque in Cisternam chyli exonerant,  
*nervos* tandem habent ab octavo scilicet vago pari item à primo  
 & secundo lumborum pari.

### §. 31.

#### De Officio Testiculorum.

**U**sus igitur testium est *semen conficere*, in quo nobiscum  
 accuratiores naturæ indagatores ferme omnes conveniunt,  
 at qua ratione id contingat, tam diversimodè expo-  
 nunt, ut quod sentiendum sit meritò, dubitare possunt omnes:  
 Quare ut rei veritas clarius nobis innotescat, sciendum primo est  
 tantum duo vasorum genera esse, quæ aliquid ad testes apportant  
 scilicet *arterias & nervos*: ergo ex iis necessariò *seminalis ma-*  
*teriæ* quærenda & invenienda est, cum autem ex nervis tantam  
 materiam seminis provenire nullis rationibus probari possit, igi-  
 tur dicendum erit; semen *materialiter* generari ex *sanguine ar-*  
*terioso chylo turgido*, *formaliter* verò ex *spiritibus* tam *animali-*  
*bus* per nervos, quàm *vitalibus* cum ipso sanguine arterioso in  
 hanc materiam concurrentibus, & sic nobiscum plerique sentiunt  
 Anatomici, at quomodo hoc fiat, non explicant: nos verò existi-  
 mamus *semen ex sanguine arterioso* taliter fieri & confici, qua-  
 tenus vasa sanguinea cum congerie vasculorum seminalium testes  
 constituentium continuitatem habent, hinc ipsæ arteriæ, quæ  
 hæc vascula seminaria in amplexu suo firmissimè detinent, subti-

liorem materiam chylosam in horum vasculorum cavitatem deponunt, crassiore sanguine tamquam inproportionato per venas redeunte, tunc subtiliori sanguinis chylosæ portioni ac generationi feminis idoneæ inque vasculis seminariis depositæ, mox sese adjungunt communi Anatomicorum consensu *spiritus animales*, qui per nervos etiam in substantiam testium copiosi deponuntur; hi igitur spiritus animales una cum memoratâ & in vascula seminalia depositâ subtiliore sanguinis arteriosi chyloso spirituosa portione hinc tam proprio *spiritu vitali* quàm adventante *animali* imbutâ *semen perfectum* constituunt, quod dein per vasculorum seminariorum ductus longos & mirificos ad *Epydidymides*, tum ad *vasa deferentia* hinc *vesiculas seminales* & tandem in *uterum* per membrum virile ejaculatur, ab hinc dein spiritus feminales per ductus *aura seminalis* ad *ovaria* usque excurrunt tanquam ad locum receptionis *aura seminalis* à Deo optimo maximo ordinatum, interea temporis, quo seminalis materia per longissimos ac gyrosos testium vasculorum ductus propellitur, & circummeat, in eorum anfractuosis cavitatibus ita elaboratur, ut quæ in ipsorum testium substantia adhuc dum *aquea & cineritica* sicque minus perfectâ existerat in Epydidymibus *lactea & crassa* evadit, quæ seminalis materiæ elaboratio *nostro judicio* contingit, quatenus partes aqueæ ab illa separantur, spiritusque semper plures eidem admiscentur, qui materiam feminis per vascula sua excurrentem magis *spumescere* facientes & sic *fragrantiam* ei concillant sicque ultimam perfectionem largiuntur, quod *Hypocratem* similiter intellexisse credimus, dum dicit *spumam & fragrantiam esse de essentia feminis*: unde patet vasculorum seminariorum in testibus miros circumflexus itidem Epydidymidum & vasorum deferentium longissimos ductus primariò à studiosissima rerum natura ideò conformatos esse, ut seminalis materia diuturniori morâ magis adinvicem commisceatur, ac in horum gyrorum transitu melius elaboretur, & quemadmodum intestina plurimos æquè habent gyros primâ & principalissimâ ratione, ut chyli per vasa Meseraica distributio sit quàm perfectissima, ita & vascula testiculorum semen conficiant, tantis *gyris & circumflexibus* sunt involuta, ut semen magis meliusque elaboretur, atque ut cum Aristotele loquar, *spumescat, fragrantiam spiret, colorémque album & consistentiam majorem* contrahat. Secundarium verò naturæ intentum est,



est, ut tardior *seminis sit motus*, & nimia in *venerem propensio* refroenetur, quemadmodum enim animalia, quæ intestina non circumgyrata habent, *voraciora* sunt, sic & ea animalia, quæ meatus rectos habent *seminales propensiora in libidinem* sunt, *castiora* verò, quibus vasa sunt *gyrofa*, & anfractior seminis via est.

Hinc optimum semen est, quod spiritu plenum, *unde seminis odor & fragrantia*, quodque exiguis plurimis bullulis *unde spuma* & denique minimum seri comixtum habet, unde *seminis consistencia* provenit; modò singulorum vasorum in testibus hætenus repertorum usum explicavimus, sicque maximum generationis fundamentum ex ipsissimo naturæ fundo desumptum, pro viribus nostris exiguis deteximus.

## §. 32.

### *De Epydidymidibus sive Paraestatis.*

**I**gitur absolutis iis, quæ de testiculis dicenda erant, ad *Epydidymides*, in quas vascula testium seminaria seminalem materiam transmittunt, sermonem dirigimus. Sunt autem *Epydidymides*, aliis *Paraestata* dictæ, si foris conspiciantur, *duæ quasi oblongæ & utrinque Capitata glandula* testium dorso incumbentes, illique immediatè membranulâ communi læviter cohærentes, sed arctius testium extremitatibus connexæ. Si igitur nos aliquis interroget, quid sint *Epydidymides*? Respondemus *corpora esse testium adinstar etiam vasculosa variis & miris flexibus inter se contexta*, hoc verò probatur, & manifestè cernitur, si dextrè solvantur ligamenta sive membranacea vincula, quibus ista corpora admirabili non minùs quàm fermè inexplicabili serie & modò coarctata complicatæque colliguntur, ac ad invicem coercentur, cum enim solutis membranulis corpora ista instar funiculi dissolvuntur, atque extenduntur, & si propiùs considerantur, tunc *vascula filamentosa atque teretia esse* manifestè deprehenduntur, sed obducta substantiâ quadam peculiari, qualis in toto corpore non reperitur, si verò auferatur hoc operculum, quo corpora hæc undequaque cinguntur, testibusque annectuntur, mox apparebunt anfractus quàm plurimi, qui instar *fili cujusdam implicati* in longitudinem trahi possunt.

In-

Interim benè observandum est, hos flexus plexisque sibi invicem ita connecti, ut à crassioribus Anatomicis faciliè pro uno simplicique corpore habeantur, postquam tamen dexteritate summâ ac patientiâ plexus corporum Epydidymidum jam dissoluti sint, tunc longitudo unius-cujusque Epydidymidis in mediocri animali corporis illius, (in quo sunt) longitudinem quinque ulnarum facile excedit; unde constat primò testes ab Epydidymibus non differre, nisi quòd illi ex variis, hæ verò maxima sui parte ex uno tantum ductu, sed paulò crassiori variòque inter se complicato consent: secundò Epydidymides à vase deferente etiam non differre, nisi quòd hoc recto, hæ verò quasi serpentino ductu incedant. Hinc rectè dicit Hypocrates Lib. de ossium natura textu 21. Eunuchos non citari ad libidinem, quia ademptus sit illis transitus seminis:

Usus Epydidymidum quod attinet, est semen in testibus confectum magis magisque perficere, quapropter vascula illa Epydidymides constituenta tam admirabilibus flexibus & viarum longitudine à natura sunt constructa, ut nempe diuturniori ibidem morâ seminis superflua serositas per vasa lymphatica reabsorbeatur, sicque perfectum ac elaboratum semen efficiatur, & in hoc conveniunt omnes, quodquod hætenus de testibus & Epydidymidibus Recentiores scripserunt Authores.

### §. 33.

#### De Vasis deferentibus Vesiculis seminalibus atque Glandulis prostaticis.

**S**emen itaque tam in testibus quàm in Epydidymidibus jam memorato modo confectum, ulterius decurrit in certa vasa semen deferentia dicta, quæ à testibus sensim ascendunt in cavitatem abdominis, & intrant per idem foramen, per quod vasa præparantia exierant, hæc vasa, quamquam re vera sint Arteria Prostatis continua, substantiam tamen habent crassiorem & nervosiorē, cavitatem verò satis obscuram: Regnerus de Graff tractatu de virorum organis generationi inservientibus sic inquit: vas deferens manifesta cavitate donatum est, quæ ut me-

melius conspiciatur, aperiendum est hoc vas 6. vel 7. digitis trans-  
versis supra testiculum, & *immissus flatus*, vel *liquor coloratus*  
beneficio syringæ versùs testiculum propellendus est, ubi videbitur  
vas illud *distendi* & colorem per mediam ejus cavitatem  
primo recto ductu testiculum versùs recurrere & postea observabitur  
*liquorem* se in ipso vase de latere in latus revolvere, &  
tandem cum ipso vase sensim incurvari, ad eum ferme in modum,  
quò serpentes & anguillas ocyùs repere cernimus, atque  
sic *revolutionibus in orbem & ad latus* factis usque ad corpora  
testiculorum excurrere, sic igitur *pater ejus cavitatis* versùs testes,  
quomodo autem eadem vasorum deferentium *cavitas versùs vesiculas seminarias*  
observari possit, illud loco citato pagina 28. idem describit Auctor sic in-  
quiens: *si clarè & distinctè cognoscere cupiatis*, intrudatis tubulum in vas deferens, quod si vel  
flatu vel liquore aliquo distendatur, observabitur citiùs *vesiculas seminales*  
distendi, quam quidquam in urethram erumpere possit.

Porro vasorum deferentium *initium est* juxta Epydidymides  
inferiori sede, hinc vasis preparantibus per tenuem membranam  
annexa ascendunt una cum his per *processum Perithonai* utrinque  
in abdomem, quo ubi pervenere, reflectuntur deorsum *vesicam*  
versùs, hujus *posticam partem* quàm primùm attigere, inter  
hanc & inter intestinum rectum procedunt usque ad collum  
vesicæ, ubi ampliantur & dilatantur, postmodum verò rursus  
angustantur & tandem angusto exitu in cellulas quasdam pecu-  
liares ab Anatomicis hodiernis *vesiculas seminales* dictas ter-  
minantur, quæ vesiculæ inter vesicam urinariam & intestinum  
rectum sitæ sunt, & collo vesicæ *posticè* annectuntur, si foris spe-  
ctantur uvæ racemo comparantur, si verò intus cernuntur, *granorum mali punici cellulas* eleganter æmulari videntur.

Usus primò vasorum deferentium est, *semen in testibus Epydidymidibus perfectè elaboratum sursum per processum Perithonai ad vesiculas seminales deportare.*

Vesicularum verò seminalium usus est, *semen prolificum colligere & aservare usque ad debitum congressus tempus*, memorata  
verò vasa illa deferentia postquam efformavere *vesiculas seminales*  
prope *glandulas prostratas* duobus subtilissimis ductibus *caruncula*



*culâ* munitis utrinque ex dextra & sinistra parte in *urethram* terminantur, in quam semen denique effundunt.

*Insuper* non procul à vesiculis feminalibus visuntur *glandula prostata* dictæ, quæ sunt corpora spongiosa antè & postè depressa, à lateribus verò rotunda nucis juglandis magnitudine membranâ densa, fibrosâ & validâ involuta, vesicæ urinariæ ad radicem penis junctâ parte unâ *vesiculis feminalibus*, parte verò altera *urethra* continua sunt, in quam quibusdam etiam ductibus minutis ;(intendidem *carunculis* valvularum instar obductis) patent.

*Gaudent* vesiculæ feminales & glandulæ prostaticæ venis & arteriis ab hypogastricis & Meseraicis inferioribus scaturientibus. *Nervos* à plexibus nervorum in abdomine sitis recipiunt.

*Usus* glandularum prostaticarum est, ut in illis lymphaticus & serosus quidam humor (prout in omnibus glandulis fit) segregetur, qui ipso coitûs tempore in *urethram* per certos ductus excretorios infunditur, ibique cum semine mox commiscetur, ut mediante isto liquore subtilissima atque optimè elaborata seminis portio involvatur, & sic fluxilior reddita per penem in uterum ejaculetur.

## §. 34.

### De Pene & Urethra.

**M**Odò ad organum, quod seminis jam confecti elaborati coarctati excretionique dicatum est, sermonem nostrum dirigimus, hoc communi nomine *membrum virile sive penis* vocatur, est autem penis situs in infima ventris parte inferiori, & quidem in medio, ut commodius fieret congressus & aliis partibus impedimento non esset. Originem ducit à valido & robustissimo fundamento scilicet ossibus pubis, quibus suis radicibus firmissimè implantatur.

*Figuram* habet penis *longam & teretem* non quidem mathematicè rotundam, quia in superiori parte, quæ *dorsum* dicitur, latiusculus est.

*Magnitudo* in ætate proventis ut plurimum *unius spithamæ* est, licet quo ad crassitiem & longitudinem subinde in aliis major  
in

in aliis minor existat, sunt, qui dicunt ex nasi forma penis magnitudinem cognosci posse, ast in dissectione cadaverum contrarium sæpe observatum fuit.

Constat penis aliquâ peculiari & propriâ substantiâ non ossêâ ut in cane, lupo, vulpe, glyre & vespertilione, non etiam cardilagineâ, non itidem carneâ, sed tali, quæ laxari & ad seminis ejaculationem debitè extendi potest, itaque adeo peculiari & propriâ, qualis in nulla alia corporis parte invenitur, insuper partes penis constituentes, aliæ sunt continentés, seu externa, alia contenta seu interna, continentés sunt cuticula, cutis panniculus carnosus, absque tamen pinguedine, ne scilicet ejus erectio, vel voluptas titillationisque sensus impediatur; internæ verò seu contentæ penis partes sunt, urethra, duo corpora nervosa sive cavernosa, septum, glans, & 4. musculi & vasa.

Urethra est canalis seu fistula urinaria, hæc media & inferior penis pars est, duplici constans tunica, quarum externa carnosâ & spongiosa & pluribus transversis fibris circumdata, hæc ad intensionem seu erectionem penis etiam distenditur, ac turgescit propter celeriores seminis ejaculationem, & postea rursus una cum pene flaccescit, unde mutuum cum duobus corporibus cavernosis habet commercium: Interna urethræ tunica membranacea est, & cervici vesicæ continua, eandem quoque à principio usque ad finem obtinens amplitudinem calami scriptorii ad instar, exquisitissimi etiam est sensus quàm maximè verò in extremitate glandis, ubi non nunquam liquor acris per gonorrhæam subsistens, exulcerationem summè dolorosam efficit.

Usus urethræ est, urinam vel semen & calculos extra corpus emittere.

### §. 35.

#### De Corporibus Cavernosis, Balano & Musculis

##### Penis.

**A**D latera urethræ posita sunt duo corpora nervosa sive cavernosa dicta, quæ etiam adeo specialem habent substantiam & structuram, qualis planè non reperitur, sunt nempe quasi duo folliculi oblongi exterius undique crassa albâ nervosa.

volâque membranâ muniti; aptè comparantur *canna* seu *arundini indica Germ. Ein Spanisch Rohr* oriuntur ab inferiori ossium pubis sede distincto à se invicem principio, ita ut in exortu suo quasi cornua vel litteram Y efformare videantur, ut urethræ inter utrumque locum medium concedant, ubi verò ossa pubis derelinquunt singula corpora membranâ quâdam investiuntur; & postmodum interventu *septi medii* invicem conjunguntur, ita quidem ut propè glandem septum hoc intermedium evanescat, & duo ista corpora nervosa rursus in *unum coalescant*, atque hinc fit, ut penis semper æqualiter erigatur; Interna horum duorum corporum nervosorum substantia *spongiosa est*, & innumeris quasi fibris mirabili figurâ hinc inde excurrentibus ac membranam continentibus componitur, hæc corpora *spongia instar* materiâ sanguinis semper plenâ deprehenduntur.

*Ufus* horum corporum est *erectionem penis pro coitu verò ac legitimo ut plurimum producere, eamque productam ad debitum tempus usq; stabilire.*

Duobus ergo corporibus nervosis & urethrâ jam descriptis in anteriori quasi parte apponitur substantia quædam reliquis penis partibus carnosior apparens, quæ apud Anatomicos *Balanus* à similitudine verò *glans* appellatur; hæc pars solet ordinariè excedere magnitudinem corporum nervosorum, quæ coronæ modo & quasi circulo cingit, arteriori tamen parte aliquantulum *acutior est*, tegitur hæc pars extra veneris æstrum, ut plurimum cute, quæ inter Anatomicos *præputium* nuncupatur, hæc intra duplicaturam admodum *meabilis est*, hinc faciliè revolvitur & reducitur, adhæret tamen pars præputii, quæ glandi adjacet summâ extremitate circa corporum nervosorum finem, hoc est immediatè retro glandem, ita ut duplicaturâ suâ tantum glandem tegat, cui glandi infima parte annectitur ope tenuissimi vinculi, quod *frænum* nominari solet, glans sive balanus immediatè cuticulâ *Epydermide* dictâ tegitur, ideòque exquisito tactûs sensu præditus est, eum scilicet in finem, ut coitus majori voluptate peragetur.

Musculi penis 4. numerantur, quorum duo collaterales & penis *erectores* plerumque vocantur: Originem ducunt à coxendicis ossis appendice, alii duo musculi *dilatantes* dicuntur; & hi



ab ani sphinctere prodeunt, & invicem internis lateribus juncti aliquo gradu sub canalis parte exteriori excurrunt, & terminantur in membranam crassam corporum nervosorum.

*Usus* horum musculorum est, & *penem erigere & urethram dilatare*; ad quod erectionis negotium nos corpora nervosa etiam *summè concurrere* firmiter (ut superius dictum est) credimus.

*Vasa* penis habet externa & interna; externa à *pudendis* venis & arteriis oriuntur, & supra penis dorsum excurrunt, interna ab *hypogastricis* oriuntur, & per internam corporum nervosorum substantiam & urethram exspatiantur.

*Nervos* obtinet penis insignes & multos, ab ossis sacri medulla provenientes, quorum pars magna intima penis corpora & glandem penetrat.

### §. 36.

#### *De Partibus genitalibus mulierum externis.*

**Q**uemadmodum mas & foemina inter se differunt temperie, colore & mollitie, aliisque in corpore apparentibus notis, ut plurimum tamen à se invicem discrepant, *ratione formæ, structuræ, sitûsque partium genitalium*; Mas enim in alio generat, fœmina autem in *semetipsa*, igitur explicatis organis generationi inservientibus masculini sexûs, ordo modò postulat (ut non *luxuriæ sed obligationis nostræ causâ*) etiam organa generationi in sexu fœminino pariter inservientia secundum veram *RRtiorum* inventa pro viribus describamus, sunt autem partes mulierum genitales *aliæ externæ, aliæ internæ*, externæ dicuntur illæ, quæ circa *dissectionem* aut diductionem conspiciuntur, sunt autem primò *labia vulvæ; monticulus veneris & fissura magna*, quibus adjungere possumus

*Pubem & Perinaum*, quæ omnia pudendorum nomine indigiti possunt, ideo quòd importuno tempore & loco hæ partes detectæ mulieribus pudorem summum asferre soleant.

Igitur primò *labia vulvæ, sunt illa corpora*, quæ inter pubem & Perinæum & inguina prominula, ac pubem versùs crassiora &

rotundiora sunt, ibidémque in extremitate coeuntia *Monticulum veneris* immediatè supra ossa pubis situm constituunt, cujus monticuli externa substantia *cutis*, interna verò *copiosa pinguedo* est, cujus beneficio hæc pars monticuli instar attollitur; ast posteriora versùs magis magisque attenuantur & incurvantur labia, ita ut propè Perinæum in *ligamentosam cutim* definant, constant labia partim ex communibus totius corporis integumentis partim ex carne propriâ molli ac fungosâ duriusculo adipe contexta; inferuntur labiis per totam ejus internam faciem *musculi tenues & lati*, qui à Sphynctere podicis oriuntur, & per labia vulvæ extenduntur; ideo ut, dum mictione opus est, horum musculorum adminiculo hæc labia diducantur, & rursùm constringantur.

In medio labiorum occurrit *rima seu fissura magna*, quæ inter labia, ab ossium pubis inferiori parte ad anum usque fermè pertingit, ita ut inter *rimam & anum* spatium *perinaum* dictum vix pollicis transversî latitudinem excedat, hanc rimam in adultioribus *pili* è labiis & inguinibus enati obtegunt.

*Usus* hujus rimæ est, *tanquam per canalem penem ad vaginam & ipsum uterum dirigere*, urinæ, menstruis aliisque excrementis exitum præbere, & principaliter fætus exclusioni inservire; & hæc de partibus mulierum genitalibus externis & citra harum partium *diductionem* conspicuis dicta sunt.

## §. 37.

### De Partibus memoratis interioribus.

**D**uctis labiis mox in conspectum se produnt partes internæ & primo quidem *ala seu Nympha* dictæ, hæc statim intra labia sitæ, illæque secundum longitudinem appensæ sunt. *Substantiam* habent *rubicundam*, partim carnosam, partim membranosam, mollem & fungosam tenui tunicâ investitam in *crassitie & magnitudine* pro ætatis diversitate inæquales sunt, in virginibus *tenuiores* nec multum latæ sunt, in adultioribus verò & multâ prole beatis *crassiores & latiores* evadunt, nec tamen ultra labiorum dimidiam partem excedunt.

Figura Nympharum naturalis nulli magis accedit, quàm *ovale* figura secundum longitudinem per medium divisæ; *Nympha* venas & arterias unà cum labiis habent communes, & etiam insignes, ac per illarum interiorem substantiam dispersas, hæc vasa in gravidis sæpe adeo tument, ut *varices* fermè æmulentur; oriuntur ab *Illiacæ ramo interiori pudendo* dicto, nervos accipiunt à 6to nervorum pari.

## §. 38.

## De Clytoride.

**P**Atesfacto magis partium internarum sinu in superiori & anteriori pudendi muliebris parte inter Nymphas medio prominet teres & glandiforme corpusculum à Græcis *Clytoris* dictum, quod è duobus corporibus nervosis in unum coeuntibus fermè adinstar *membri virilis* componitur. Oriuntur autem hæc corpora nervosa ab ossis Ischii tuberculo interno distincto principio, dein coeunt in unum, ac illud breve, teres ac glandiforme corpus constituunt, quod propriè *Clytoris* dicitur.

*Hoc corpusculum* ferme ejusdem constitutionis est, ac *penis virilis*, & etiam suo modo, dum necesse est, erigitur ac flaccescit, differt tamen à membro virili, quod *nullam urethram* aut similem canalem *Clytoris* habeat, neque *perforetur*, sed cæco foramine virilem quasi glandem mentiatur, item differt etiam *magnitudine* à virga virili cum *Clytoris* vix minimum adæquet digitum, sed in statu naturali exactè *uvulam seu calumellam* representet.

Obtegitur *Clytoris* aliquà membranà in fissura anguli acuti corrugatâ existente, quæ cum instar præputii membri virilis revolubilis sit, ideo ob illam similitudinem etiam *præputium* vocatur, *magnitudo* hujus membranæ sive præputii ordinariè tanta observatur, ut flaccescentem *Clytoridem* omnino tegat: *Musculos* clytoridi annexos esse itidem judicamus, & sunt in specie *duo musculi*, qui ab ossibus coxendicis oriuntur, & supra ejus crura excurrunt, iisque implantantur, qui sua contractione corpus *clytoridis* unà cum glande suo *erigunt atque distendunt*.

Vasa



Vasa Clytoridis, quod attinet, ea sunt *arteria, vena & nervi*, arterias & venas recipit ab *arteriis & venis pudendis* dictis item à valis *hemorrhoidalibus*, quæ sanguinem cum spiritu vitali in libidine copiosè apportant, hunc verò sanguinem residuum venæ itidem *pudenda dicta* revehunt, & tandem ad truncum cavæ hinc ad cor reducunt. *Nervos* à sexta conjugatione habet, qui per clytoridis dorsum excurrentes admodum magni sunt, & ad omnes pudendarum partes disseminantur.

## §. 39.

## De Urethra &amp; Prostatis Mulierum atque Hymene.

**U**teriori ingressu sinûs muliebris meritò *meatus urinarius* nobis perscrutandus venit, qui recto intinere à collo vesicæ in vaginam descendit, & ne erremus cum *Idiotis Mulierculis*, quæ in urinæ suppressione *catheterem in vaginam vulva* intrudunt, credentes ex illa parte mulieres urinam reddere, igitur digito circiter minimo transverso *sub clytoride* parte supernâ immediatè supra vaginæ orificium externum *inter Nymphæ* foraminulum mediocris magnitudinis protuberat, quod *meatus urinarius* dicitur; quam protuberantiâ strictè loquendo malè *carunculam* aliqui Anatomicorum appellant, quâ mediante *urethra* sive meatûs urinarii orificium claudi volunt; hoc nobis verisimile minimè videtur, cum in fœminis haud magis quàm in viris in urethræ extremitate talis *caruncula* requiratur; ideo quia musculus *sphincter* dictus sufficienter collum vesicæ urinariæ constringit, ne præter voluntatem nostram urina effluere queat. Secundò ab externis injuriis vesica ejusque meatus urinarius, ut lædatur haud metuendum est, cum hæ partes à Nympharum productionibus ac labiorum tegumentis satis superque satis defendantur, ac custodiuntur. Iste verò meatus urinarius sive urethra in mulieribus duorum circiter digitorum transversorum *longitudinem* obtinet, latitudo ordinariè *calamum scriptorium* in sua cavitate capit, sed lævi opera *ita dilatari* potest, ut digitum auricularem facillimè admittat, imò meatus iste in calculo vesicæ mediante instrumento (*speculum dicto*) ita dilatari potest, ut *calculi instar* ovi

*ovi columbini* per eum extrahi possint, *duplicem* etiam iste meatus urinarius *membranam* habet, unam interiùs & tenuem, alteram exterius & carnosam.

In inferiori parte propè meatùs hujus exitum exstant *ruga*, quibus diductis *duo foramina* sive utrinque unus *notabilis ductus* existit, per quos materia quædam pituitoso-serosa semini viorum analoga ut plurimum *in congressu* erumpit, hi ductus sursum ascendendo terminantur in aliquam substantiam membranousam & albicantem & totum fermè *urethra canalem* externè ambientem, ita ut non adeò malè substantia illa *mulierum prostata* sive *corpus glandulosum* possint appellari.

Usus harum *prostatarum* est, ut *mediante liquore seroso* per ductus excretorios apportato *jucunditate* aliquà pudendæ mulierum partes irrigentur, lubricentur, ac humectentur, ast liquore memorato participante aliquali falsedine, mulieres inde *salaciores* redduntur.

Subinde etiam fluor mulierum albus sive *gonorrhæa* latè sumpta à *prostatibus istis* provenire à Recentioribus putatur.

Ulterius progredienti *foramen parvum* occurrit, quod *orificium vagina* dicitur. Hic plurimi Anatomicorum, præcipuè verò Clarissimus Heisterus, in Ephem. nat. cur. Cent. VII. pag. 379. Tab. VI. fig. 5. membranam illam decantatissimam *Hymen* dictam atque in sui medio in virginibus propter menstruorum effluxum tantisper *perforatam* locatam esse volunt, per quam *illibatam infallibiliter virginitatem* probare contendunt.

Cùm verò in annosioribus puellis præter rugosam memorati orificii vaginae coarctationem ab aliquibus Anatomicis nihil fermè inveniatur, igitur illam specialem membranam, *Hymen* dictam aliqui in dubium vocant dicendo: ordinariè & in statu naturali in virginibus præter vagina ejusdemq. Orificii exterioris coarctationem plurimis mediantibus rugis factam nullum virginitatis dari signum ac munimentum; dolorem autem & cruentationem in primo foeminarum coitu ideo plerumque supervenire credentes, quatenus memoratæ rugæ in orificio vaginae existentes, quæ mediantibus fibrillis membranaceis coarctatæ sunt, in primo coitu ob confricationem & intrusionem fortiolem penis majoris dilatantur, hinc

fibrillæ membranaceæ venulæque capillares inter hæc rugas latitantes *dilacerantur*, unde necessario & dolor & *cruentatio* primo in coitu oboriri debet.

## §. 40.

*De Partibus mulierum genitalibus internis & in specie de Vagina uteri.*

**I**Nter partes mulierum genitales internas principatum obtinent vagina uteri, orificium uteri internum, dein ipse uterus, testes, sive potius ovaria & tubæ fallopianæ, quibus vasa præparantia arteriæ, venæ, vasa lymphatica variæque ligamenta & nervi, tanquam partes secundariæ famulantur, quas omnes eodem ordine (quo *ab externis ad interna* hætenus progressi sumus) depingemus, incipiendo modò ab ipsa *uteri vagina*, quæ ab aliquibus etiam *cervix uteri*, sed minùs propriè talis dicitur. Nam vera uteri *cervix* est illa uteri pars, quæ *ostiolum illud angustum* in sese reconditum habet, quod penis nunquam aut rarissimè ingreditur.

Est autem *uteri vagina propriè canalis mollis, laxus & largus* à sinu pudoris incipiens & ad uteri orificium internum deficiens, in quo *membrum virile* non aliter quàm gladius in sua vagina excipitur.

*Sita est vagina uteri* in Hypogastrio sub ossibus pubis in anteriori parte vesicæ urinariæ, à posteriori autem *intestino recto* firmiter annectitur, ita ut exulcerato intestino recto fæces per *sinum pudoris* profluant, & vice versâ.

*Substantiam* obtinet *nervosam ac spongioso-membranaceam*, qualis intestini recti esse solet, continetur duplici membranâ, quarum exterior ab utero, interior verò à pudendo ascendit.

*Figurâ* oblongâ & adedò *affabrè* fabricata est, ut in coitu undique peni sese accomodet, extra coitum verò latera vaginæ in se concidunt & vacui; ac flaccidi intestini cujusdam figuram refert. *Longitudo* ejus ordinariè 7. 8. vel 9. transversos digitos æquat, hinc satis accuratè cum membro virili erecto convenit.



*Latitudo* fermè eadem ac intestini recti est, nihilominus hæc etiam prout ejus longitudo variat, in coitu enim modò fit *longior* modò *brevior*, modò *constringitur*, modò *dilatatur*, prout majori vel minori libidine fœminæ agitantur.

*Rugosa* cernitur vaginæ uteri *interna superficies*, aded ut *bovis palato* haud malè comparaveris, plures habet *plicas* in anteriori parte propè vesicam, econtra verò pauciores versùs intestinum rectum, cui incumbit (harum itaque beneficio aded *contrahi*, ut modò pudendo uterus fermè incumbat, atque aded *laxari* potest, ut vagina supra vesicam præsertim *in coitu* multùm eleve-  
tur) rugæ istæ in virginibus atque in mulieribus nondum matres factæ *crebriores* atque *densiores* sùnt, in iis verò, quæ sæpius pariunt, aut frequentiori congressu utuntur, sensim quasi *obliterantur*, unde uteri vagina in illis mollior, in his verò durior imò in scortis subinde quasi *cardilaginea* evadit: In sæpè memorata uteri vagina per totum ejus ductum plurimi reperiuntur poruli *lacuna* dicti & maximè circa meatûs urinarii insertionem, per quos tam majores quàm minores materia *seroso-pituitosa* ad partes genitales in veneris oestro lubricandas humectandasque affluit, quæ tam copiosè in falacioribus fœminis subinde erumpit, ut etiam extra pudenda sæpius profluat, & hæc est illa materia ab antiquis nostris pro verò *mulierum semine* habita, quæ tamen neutiquam *semen prolificum* est, cùm ex naturæ instituto, si tale daretur *semen* in mulieribus, illud certè *in uterum* tamquam *locum* generationi destinatum, nullo modo verò extra *corpus fœmineum* effluere, & quasi *excrementum* in terram projici deberet.

*Arterias & venas* habet uteri vagina in magna copia ab *Hypogastricis & hæmorrhoidalibus*, quæ per totam ejus substantiam sparguntur, sanguis enim, quo in coitu turget vagina *voluptatem* in utroque sexu non parùm excitat, secundo impedit, ne semen in vaginam injectum in itinere suo versùs uterum ullo modo refrigeretur, sicq; *in fœcundum* reddatur.

*Uſus* vaginæ uteri est, *membrum virile erectum excipere*, *emissum semen in uterum dirigere*, profluenti menstruo famulari, ac nascituro partui ejusque comitatu secundinis nempe debitum transitum præbere.

## §. 41.

## De Orificio uteri interno.

**A** *Vagina* uteri sursum digrediendo mox ad *cervicem uteri* propriè talem devenimus. *Est autem cervix uteri ea pars, qua à fundo uteri sensim angustiore reddito in se orificium uteri internum, sive os matricis dictum continet; hoc orificium oblongum est, & rimam habet transversam, atque ab Authoribus glandi penis assimilatur, videntur autem illi tantum ad usum, non verò ad substantiam & propriam ejus figuram respexisse, licèt enim, quando clausum est prominulâ & obtusâ suâ rotunditate, caput penis quodamodò referat, non tamen ex carne, ut glans penis constat, sed ex fibris membranosis mirè inter se corrugatis, unde suam habet constrictionem & expicabilitatem plenissimam, quâ ita dilatari potest, ut foetui maximo (viâ factâ,) exitum, & hunc subinde etiam sine magno labore concedat permittatque: econtra post susceptum semen orificium hoc uteri internum adèò arctè clauditur, & lento viscoso, atque subflavescente humore tam exactè obsignatur, ut vel apicem acûs vix admittat, nec ante tempus partûs ullo modo, nisi fortè per libidinem admodum ferventem, (ut in superfatatione contingere potest,) referatur.*

## §. 42.

## De Utero.

**J** Am recto tramite ad ipsum uterum deducimur, qui immediatè cervici adhæret, & est locus quidem situ humilis, sed altâ consideratione & admiratione dignus, quemadmodum acutissimi ingenii scriptores eum satis intelligere non posse ingenuè fatentur.

*Dicitur* itaque uterus apud Latinos *Matrix*, ideo quamdiu factum in se continet *matris vices* in alendo & conservando gerit, item mulieres *matres efficit*, si enim utero carerent, nunquam matres fieri possent.

Uterus numero tantum unicus est, licèt aliquando præter naturæ ordinem bipartitus aut duplex inventus fuerit, situs est in

*Hypogastrio* seu abdominis parte infima inter *vesicam* & *intestinum rectum*, tanquam inter duo pulvinaria & in robustâ cavitate *pelvi* dicta ex ossibus illi coxendicis & osse sacro efformatâ; rationem hujus situs reddit Galenus Lib. 14. de usu partium Cap. 3. tio inquires: sive *conceptionem* aut *conformationem fatus* spectes, *ejusque incrementum*, tunc *uterus* in hac cavitate optime situs est, quandoquidem sine nullius partis læsione pro fœtus incremento in maximam molem hîc distendi comode potest, atque etiam egressuro fœtui exitus ad inferiora facilis datur; insuperque ab omnibus externis injuriis fœtus hîc protegitur, & conservatur, ab anteriori namque parte ab *ossibus pubis*, à posteriori ab *osse sacro*, & à lateribus ab *ossibus Illion* tanquam tutissimis mœnibus circumdatur, quare natura in fœminis *coxarum* capacitatem *ampliores* efformavit, quàm in viris, unde & *nates* habent ampliores.

*Figura* uteri varia, in adultis & non gravidis ordinariè *Pyriformis* est; Cùm instar *Pyri* uteri fundus rotundus sit; & sensim cervicem versùs sicut *vitrum urinale* æqualiter in sua rotunditate angustatur.

In gravidis primis gestationis mensibus *vesica urinaria* non absimilis est; pededentim tamen magis magisque distenditur, & quidem ita ut postremis mensibus ad figuram *Spharicam* proximè accedat, attamen cervix sive collum (quod probè notandum est) uteri *dilatationem* non insequitur, sed pristinum statum fermè semper retinet.

*Ad uteri* quoque figuram spectare videtur ejus *cavitas*, quæ unica eaque exigua est, & vix *fabam* vulgarem suâ magnitudine capit, differt insuper tota ejus substantia & magnitudo variè in uno eodemque individuo, in puellis enim uterus *perexiguus*, cutaneus, exsanguis & albus, venisque quasi destitutus digitique majoris summum articulum, aut *fabam majoris* magnitudinem non excedens, cùm verò maturæ viro sunt, *Pyri* magnitudinem & formam refert; in mulieribus fœcundis *ovi anserini* amplitudine conspicitur, in sterilibus eadem ac in virginibus magnitudo est, in vetulis *flaccidus* & *pallidus* cernitur, quo autem sæpius conceperunt, eò *crascescit* magis uterus; à partu statim, dum cernitur magnitudine quasi *capiti* æqualis est, valdeque *crassus*, item va-



sis plurimis sanguine plenis reperitur. Hinc contra Galenum & Vesalium oculari experientiâ constat: uterum durante graviditate, licet ad fœtus incrementum extendatur, non tamen tenuiorem fieri, sed perpetuo ad fœtus incrementum usque ad partum *ampliorem & crassio rem* reddi, quod admiratione & consideratione dignissimum est, eò quod uterus, quò magis *dilatatur*, eò magis simul *incrassatur* ejus substantia, e contra contrarium in *vesica & ventriculo* contingit; hinc postremis mensibus *suâ crassitie* pollicem aut duos digitos transversos æquat, cujus causa copia *succi nutritii* unâ cum sanguine arterioso pro fœtus nutritione affluentis, ac in uteri spongiosam substantiam se se insinuantis eandemque dilatantis *revera* existit, quare post partum uteri substantia *mox decrescit*, quia fibris per eam dispersis seseque rursum contrahentibus vulgò die Nach-Wehen causatur, dein avulsa placenta è vasis sanguiferis apertis primo sanguinis, tum è vasis lymphaticis feri, tandem ex ipsâ uteri substantiâ mucî copia germanicè die Schleich-Wasser und Mutter-Schleim / quibus per modum spongiæ uteri substantia graviditatis tempore imbuta erat, *exprimitur* sicque lochiorum fluxus vulgò die Reinigkeit der Kinder-betterin / causatur ac producitur.

### §. 43.

#### De Uteri Substantia.

**S**ubstantia uteri in non gravidis *membranaceo-carnosa nerveâ* que esse conspicitur, adèd ut *dilatari ac contrahi* pro necessitate queat; propterea dura & veluti ex pluribus membranis nerveis compacta est, foraminosa simul & tubulis infinitis pervia, quod optimè cernitur, ubi superfluo sanguine vasa implentur, & intumescunt: duabus membranis investitur uterus, unâ communi & alterâ sibi propria: *communis membrana* valida & crassa est, externam ejus faciem undique tegens & à *Perithoneo* originem habet, *propria membrana* est illa, quâ interna uteri facies regitur, atque originem ab ipsâ uteri substantia ducit, & hæc fibrosa est.

*Vasa uteri* sunt, arteriæ, venæ, nervi, vasa lymphatica, tubæ fallopianæ & ductus proprii, *Arteria* originem habent, par-  
tim

tim à *spermaticis*, partim ab *Hypogastricis*, has ad uteri fundum, illas ad ejus cervicem excurrere scribunt Authores, item arterias non recto, sed *deflexuoso* ductu per uterum excurrere putamus, ut tantò melius absque ruptionis periculo, tempore ingravitationis *distendi* & uteri mollem insequi possint.

*Vena* uteri partim à *vasis preparantibus*, partim ab *Hypogastricis* venis utrinque procedunt, quarum rami etiam ut *arteriarum* per uteri fundum atque cervicem decurrunt. Hic notandum est duplò vel triplò plures *arterias* & majores *venis* per uterum excurrere (procul dubio) ut major *succi nutritii copia* pro foetus nutritione ad uterum mediante *sanguine arterioso* deportari possit.

Plurima etiam ab utero oriuntur *vasa lymphatica*, quæ externam ejus substantiam perreptando sensim coeunt, ut rivulorum adinstar augeantur, donec ad magnum *chyli lymphæque receptaculum*, (ubi terminantur,) pervenerint, *nervos* uterus suscipit duplicis generis nempe à propaginibus rami interni sextæ conjugationis, & à nervulis ossis sacri.

## §. 44.

### De Ligamentis Uteri.

**P**orro ut uterus suo in loco firmiter & validè detineatur, propterea *ligamenta* habet quatuor, duo nempe *superiora* & duo *inferiora*; *superiora membranosa mollia & lata* sunt, ut utero distento cedere & contrahi, & rursus facilè extendi possint, dum is sarcinam deposuit; oriuntur à *Perithonæo* & lateribus uteri, supernè non solum alligantur, sed insuper præcipuà sui parte, *vasa, testiculos*, sive *ovaria* & *tubas fallopianas* quodammodò *amplectuntur*, ac in se ipsis quasi recondunt, *dilatantur* hæc ligamenta instar velorum magni navis, & ab aliqua similitudine etiam *ala vespertilionum* appellantur, adnascuntur denique *ossibus Illion*, & sic uterum utrinque alligant, ut in nulum latus deflectere possit.

*Verùm ligamenta inferiora rotunda*, intus nervea extus verò *carnosa* sunt, unde ab aliquibus *cremasteres*, seu *musculi suspensores*

*fores* vocantur: oriuntur à fundi uteri lateribus, iis præsertim in locis, ubi *tuba Fallopiana* utero committuntur, & inter duplicaturam Perithonæi versùs *inguina* utrinque descendunt, & sicuti vasa spermatica in maribus, ita hæc ligamenta rotunda in mulieribus extra *abdominis cavitatem* excurrunt, hinc fæminæ eadem ratione ac viri *Herniis inguinalibus* sunt obnoxia, quatenus scilicet *Perithonaum* eodem in loco, ubi ligamenta exeunt præter modum dilatari potest, postquam verò abdomen reliquerunt obliquè super os pubis in *pinguedinem* copiosè ibidem existentem excurrunt, & propè *clitoridem* in multas partes divisa terminantur & evanescent.

Insuper præter ligamenta descripta habet uterus *fibras quasdam tenues*, quibus connectitur, posterius *ossi sacro* mediante intestino recto, cui uterus incumbit, antè verò annectitur *vesica*, hinc proverbium illud: quare superbit homo, cum inter *stercus & urinam* nascatur.

Usus horum ligamentorum est, *uterum in sua sede præcipuè in postremis gestationis mensibus* dum in magnam molem is excrevit, *firmiter continere*, & *ab utraque parte detinere*, quò minùs in hanc aut illam abdominis partem declinet, cum autem uterus mediantibus fibris ac quatuor enarratis ligamentis partibus firmiter alligetur. Interroget aliquis, quomodò uterus in Hystericis & Hypochondriacis affectibus, *ad fauces*, ut apud plurimos in confesso est, ascendere possit?

Respondemus *illud impossibile esse*, nam uterus in cadaveribus, ubi aliàs omnia ligamenta magis laxa sunt, duabus manibus apprehensus licèt maximà vi, nequaquam tamen supra *os sacrum* efferrì & protrahi potest, cum præter ligamenta etiam *vesica urinaria, intestino recto & mediante vaginà pudendi partibus externis* validissimè adnatus sit, *globi autem* fauces ascendere visì partim *ex flatibus hystérico hypocondriacis* ascendentibus, potissimum verò *ex spasmodicâ nervorum recurrentium octavi paris circa caput laryngis & Pharyngis contractione* producantur.



## § 45.

*De Vasis præparantibus Mulierum.*

**V**asa præparantia in mulieribus etiam *quatuor* sunt, nempe *duæ arteria & duæ vena*, prout in virorum organis generationi inservientibus descripsimus, præcipuè tamen arteriarum differentiæ observantur, primò quòd arteriæ spermaticæ in mulieribus *non recto* ut in viris ductu ad testes seu ovaria properent, sed *variè contorqueantur*, modò rursùs de latere in latus flexæ *serpentino ductu ovarii* appropinquent. Secundò quòd arteriæ præparantes mulierum nunquam tam *longè sicut vivorum* deprehendantur, quia virorum testes extra abdominis cavitatem propendent, mulierum verò *ovaria sive testes in abdominis cavo propè uterum* existant, tertiò differunt quoad *divaricationem & insertionem*, divaricantur enim vasa spermatica arteriosa in mulieribus tardius quàm in viris, ita etiam circa insertionem non exigua diversitas reperitur, nam in viris ordinariè in *duos ramos* finduntur, quorum unus & quidem primarius ad *testiculum*, minor verò ad *Epydidymides* excurrit: in mulieribus autem primus divisionis ramus *ad uterum*, alterum verò *ad ovarium* progreditur, qui ordinariè in fæminis propè ovaria rursus in duos vel tres ramos subdividitur, sicquè unius subdivisionis ramificatione *ovaria*, alterius verò *tubæ Fallopianæ* gaudent.

*Venarum itidem præparantium* in mulieribus talis fermè constitutio est, ut in viris, præterquàm quòd multò *breviores sint*, & quòd non tantùm ad testes sed ad tubas & ad ipsum denique uterum excurrant, vasa jam descripta in *pregnantibus ac puerperis* ampliora sunt, quàm in vacuis, ita ut desiderata ac necessaria succi nutriticii copia mediante sanguine arterioso copiosè apportetur.

*Usus* horum vasorum est in fæminis *non ad seminis generationem sed ad ovorum prolificationem*, ad partium *fatûs nutritionem* ac menstruorum expurgationem facere, sanguis enim arteriosus in omnium partium poros, ad quos ramificationes pertinent particulas chylosas & nutritias deponit, reliquo verò sanguine chylo orbatò per venas ad cor redeunte.

## §. 46.

## De Testibus mulierum.

**T**Andem ad *testes muliebres* quod attinet, hæc certè quoad situm figuram, magnitudinem, substantiam, integumenta & denique maximè *quod ad usum* à virilibus plurimùm differunt; Primo enim situm obtinent non *extrà* ut in viris, sed in *intima* abdominis cavitate, utrinque duobus digitis transversis ab uteri fundo distantes, cujus lateribus annectuntur valido quodam ligamento ab Antiquis Anatomicis *vas deferens* appellato, eò quòd *semen per illud à testibus ad uterum transferri crediderint*, ab altera parte mediante membranà circa ossis illion regionem Perithonæo firmiter annectuntur, ita ut ex utraque parte quasi suspensi & affixi sint testes muliebres: uterum aliquantulùm insequuntur, propterea ut tantò meliùs atque feliciùs id, ad quod nati sunt, perficere possint.

*Quoad Figuram* mulierum testes tam anticà quàm posticà sui parte lati atque depressi sunt, sicque à virilibus multùm discrepantes, in inferiori namque parte *gibbum semiovale* obtinent, in superiori verò magis *plani quàm gibbosi* evadunt, itaque testes mulierum à suis vasis & ligamentis separati, figuram *semiovalet depressam* exhibent, supervicies eorum magis *inaequalis* quàm in maribus existit, quia propter contenta in illis *ovula* aliquid inæquale protuberat, item in aliquibus locis propter decisa *ovula aliqua scissura sive cicatrices* conspiciuntur.

*Magnitudo* eorum pro ratione ætatis non parùm variat, in pubescentibus *dimidiam* virilis testiculi magnitudinem obtinent, licèt respectivè proportionis latiores & *succi pleniores* existant, in provectionibus *maiores & duriores*, ast in senibus & maximè decrepitis *emarcescunt*, in infantibus verò & recens natis vix *grana s.* ponderant; integumento unico, sive una tantùm membrana investiantur testes muliebres à Galeno *dardos* vocata, quæ à testium substantia difficulter divellitur.

*Oritur* à Perithonæo hæc membrana atque una cum vasis sanguiferis ad testes properantibus illos involvit, & hæc *communis de mulierum testium involucris opinio est.*

## §. 47.

## De Substantia Testium Mulierum.

**A** Blato testium muliebrium involucrio *subalbida eorum substantia* nobis contemplanda venit, quæ toto cœlo à virilium testiculorum substantia differt; hi enim *vasculose* sunt substantiæ, & ex *vasculis seminariis* constructæ, quæ artificiosè dissoluta *triginta ulnarum longitudinem* exedunt; famellarum verò testiculî neutiquam ex *similibus vasculis* constantur, sic nemo unquam etiam adhibitâ quacumque diligentia illos *disolvere* poterit: Revera igitur interna testium muliebrium substantia componitur ex *multis fibrillis membrana intertextis, ac laxè sibi invicem unitis*, in quorum intercapedine plurima *rotunda* reperiuntur *corpuscula*, quæ sunt *vesicula liquore lymphido plena*, etiam præter has nervuli & vasa præparantia observantur, quæ non solum totam testium substantiam perreptant, sed ipsas quoque *vesiculas* subeunt, in quarum tunicis tandem minutissimi dispersi vaforum ramuli evanescent, & hoc haud aliter ac in *avium vitellis ovarii racemo adhuc annexis* contingere videmus; inveniuntur etiam subinde sed præter naturam in mulierum testibus morbofis *Hydatides, lapilli, Steotemata* & alia similia.

Itaque ex jam enarratis unusquisque facillè colliget propter has *vesiculas* tota muliebrium testium substantia adedè mirificè fabricata & constructa esse. Nos igitur has *vesiculas* cum RR. Anatomicis & præcipue DD. *von Horne ovula*, testes verò mulierum *ovaria* nuncupabimus propter accuratam similitudinem, quam cum ovis in *avium ovariiis* contentis obtinent, nam illa etiam in *famineis ovulis liquorem instar albuminis ovi* continent, qui jucundo spectaculo conspicitur, dum ovula ista coquantur, tunc liquor contentus *consistentiam albam* ac gratum saporem albumini ovorum cocto similem acquirit.

Nihil refert, nec opinionî nostræ contrariatur, quòd faminarum ovula non *duriori cortice* ut avium & pullorum ova, sed tantum simplici tunicâ involvantur, ratio est, quia ex avium & gallinarum corporibus hæc ova *excluduntur*, & dein *cubantur* à gallinis & avibus, ovula humana verò in *corpore famineo* scilicet



cet in utero manent, atque ab utero tanquam testâ ab omnibus externis injuriis quàm accuratissimè muniuntur.

Insuper *ovula* in omni animalium genere reperiri confidenter asserimus, quandoquidem ea non tantum in *avibus*, *piscibus*, *oviparis*, sed in *vivi-paris* quadrupedibus animalibus, imò in ipsa muliere evidentissimè conspiciantur, ast *ovula isthac* pro animalium genere multum inter se differunt, nam in cuniculis & leporibus vix *rapa seminum* magnitudine excedunt, in porcis verò & ovibus ad *pisi magnitudinem* accedunt, in vaccis *cerasi amplitudinem* quandoquidem superant.

Differunt etiam pro ratione ætatis ideò in junioribus *minora*, atque *immatura* in prævectioribus *majora* & *matura* liquore turgent, præterea adeò copiosa sunt, ut in uno subinde ovario sive testiculo muliebri viginti & plura lymphidissimo liquore turgida numerentur ovula.

Dicunt adversarii vesiculas istas non ovula, sed *hydatides* esse: Respondemus nos non inficias ire, inveniri subinde præter naturaliter genus quoddam vesiculorum in ovariis; quas *hydatides* esse lubenter concedimus, differunt autem *hydatides* à veris *ovulis*. Primò quòd non adeò *lympido humore* repletae ac turgidae conspiciantur, sicut *vera ovula*: secundò quòd *filamenta arteriolarum & venularum in hydatidum tunicis* nullatenus conspiciuæ observentur, prout in *ovulis*; quemadmodum ratio *nutritionis* in hydatibus nulla est, econtra verò in *ovulis*: tertio quòd duplici tunicâ *hydatides* ordinariè constent, quæ facili negotio ab invicem separari possunt, & liquor in eis contentus coctione tardè indurescat, econtra verò *ovulorum tunica* ab invicem difficulter separantur, & in his contentus lymphidissimus liquor coctione illico & statim indurescit.

Instant inveniri etiam *glandulas in ovariis*, quæ pro *ovulis* accipiantur; Nego sequelam, ad primum autem dico, quòd in glandulis non inveniat liquor *talis lymphidus* in glandularum *cavitate* contentus; cùm glandulæ spongiosæ sint naturæ & *pelvi* sive cavitate propriâ careant, secundo glandulæ sunt *corpora*

*pora dura, compacta* & nullatenus *diaphona*, & in duas *partes corporeas* facile dividi possunt. Secus autem ovula, quæ cavitate magnâ pollent, ac humorem lymphidissimum in sua *pelvi* continent, inque duas *corporeas partes* dividi nequeunt, sed apertis statim effluit *liquor*, hinc *tunicæ concidunt*, nihilque præter membranas remanet.

Porro *ovula* in ovariiis generantur, atque perficiuntur eodem modo, quatenus scilicet sanguis per arterias præparantes ad *ovaria* affluens in membranosa illorum substantia materiam *ovulis generandis & nutriendis* dispositam atque idoneam deponit, reliquo sanguine & humoribus partim per *venas præparantes*, partim per vasa lymphatica redeunte, igitur *ovariorum* sive *testium muliebrium* usus est, *ovula suo modo generare, fovere, & ad maturitatem promoveri*, matura autem usque ad debitum fecundationis tempus asservare, eaque tum in coitu *spiritu genitali* maris fecundata in *tubas fallopianas* protrudere, & sic ad *uterum amandare*, ut ibidem contenta in ovulo fætus *stamina ac delineamenta* undequaque diducantur, & extendantur, sicque debita organizatio ac Embryonis conformatio perficiatur.

## §. 48.

### De Fecundatione ovulorum.

Quomodo autem *ovula à semine virili* fecundentur, & per *quas vias* ab ovariiis ad ipsum uterum traducantur, præstat dilucidare: itaque oculis clarè cernitur, quòd ab uteri fundo ex utroque latere progrediantur *duo canales teretes & rotundi* atque suo modo *pervii* ab utero inquam enati, qui versus ovaria progrediuntur, & *ductus aura seminalis rectè nuncuari* possunt, per quas seminis virilis in uterum ejaculati pars subtilior nempe *spiritus seu aura seminis* ab utero ad ovaria avolat, ibidemque unum vel alterum ovulum dispositum in ovariiis contentum penetrat, hinc ipsum in ovulo contentum ac quiescentem spiritum vitalem resuscitat, sicque ovulum fecundat, & à potentia in actum deducit. Insuper dantur alii duo canales longi & rotundi *tuba fallopiana* dicti, quorum substantia membranoso

nerveosa atque carnosa, & ideo ut facilius, dum necesse est, *dilatari*, item *extendi aut contrahi* possit, duabus etiam constant membranis, unâ scilicet internâ & *rugosa*, quæ ab interna uteri membrana producitur, altera externâ, quæ ab externa uteri membrana oritur, *Cavitas* harum tubarum ac constitutio earum varia est, ubi enim exoriuntur, nempe ad latera uteri ibidem cavitatem *tam exiguam* habent, ut stylum majorem non admittant, in progressu verò ita dilatantur, ut *semidigitum* recipiant, in fine propè testiculos rursus coarctantur, ut clausæ esse videantur, revera tamen *extremitas* ista versùs *ovaria* tendens *clausa non est*, sed *fimbriis seu papillis nerveis*, quibus extremitates tubarum constant concidentibus, taliter aparet, quod tubis in aquam calidam positis Myroscopii beneficio cerni potest. Notatu dignum est, quod *extremitas seu infundibulum tubarum Fallopiarum non hiet* in ovaria, sed ab illis tantillò distet, in coitu autem fecundo per titillationem veneream *papilla nervea seu infundibili fimbria* instar membri virilis aut *proboſcidum cochlearum* sese erigendo & expandendo ita extenduntur, ut *ovarium* suis papillis sic diductis & *extensis* 5. quasi digitis apprehendant, sicque *ovulum* spiritu genitali maris *fecundatum* per modum infundibuli memoratâ *extremitate* suâ suscipiant, susceptumque per canalem sive cavitatem tubarum ad *uteri cavitatem* usque traducant, ubi *ovulum* hoc fecundum in omnes dimensiones extenditur, sicque in utero successivè integra *organizatio* ac fætûs conformatio perficitur.

*Longitudinem* habent *tuba Fallopiana* ab utero ad ovaria capreolari & tortuoso ductu excurrentes, non semper eandem, conspiciuntur verò 4. 5. 6. 7. 8. vel 9. aliquando digitos transversos æquare.

## §. 49.

### De Officio uteri partiumque adjacentium.

Quare his omnibus præmissis & ritè consideratis dicimus *primò, ductuum auri seminalis usum esse*, quod in coitu fecundo *subtiliori masculini seminis portioni spiritui nempe maris genitali ad ovaria properanti transitum concedant*, ut sic per



Gravobilis Magnifice ac Excellentissime Domine  
 Gnales Gabrone plurimum Venerande  
 ac Colende.

Gravobilis ac Doctissime Domine descendens.

Sumas quas possum ago gratias pro humanissima  
 isthac in visitatione, quam non solum admiror  
 quod vestra Magnifica Dominatio usque non ignatq  
 me iam per viginti octo annos tam ab omni exercitio  
 et sequentia quam philosophia speculativa  
 privatum et quasi oblivione totaliter sepelhu  
 esse. ut prout opinia mea magis utilia et ad  
 prout necessaria et postulaverit. me in Vitore  
 nemine dignatq sit. ut Gravobilis Domine de  
 scendens et meis in salubris proponendis argumentis  
 non multum nervosi haurire possit. a tamen scilicet  
 ut referat quales non oppugnandi sed solummodo unum  
 alterumque dubium proponendi corrigi et nodandi  
 gratia componere Valui hanc dubitare ut vestra  
 tam Magnifica Dominacionis quam Gravobilis  
 descendens affidui in ammalomnis in decessu  
 labor. et exinde hausta fundatissima scientia  
 sufficienter nota sit omnes satisfactioe allaturq

Dubium autem habeo quia Testis Vigesima etiam  
in poreris. ubi pro generatione non semen sed  
anula muliebria admittuntur. et si semper admittit  
dubium invidet quia Testis Vigesima Otaviam ubi cura  
= co gangrena fataliter non admittitur.

Contra Testis Vigesima etiam sic argumentor.

Ista sententia non est amplectenda perquam  
anulorum augmentatio, nutritio, amandatio  
ac Vermium <sup>et Corporum</sup> nutritio non facili potest explicari  
aliqui per ~~anula~~ <sup>Vermium nutritio</sup> non facili potest explicari go  
Probatur ita omnia iuxta Vespera sententia  
Intra corpora sperata ab ovario per tubas  
Vaginas in utero Vermium de lata vel  
Nutriuntur per intra susceptione vel iuxta  
positione sed neque potest dici ergo

De Testis substantia dicitur hoc quod sit Vasculosa  
quia Vascula Chyle pro somine sperant. glandula  
autem Testis a sanguine

De Teste in fine dicitur quod omnia tunc simpliciter  
Tunica in valvulis ac humore limpidi et dulci  
in lactatione in per albumen in resens. cum tamen  
omnia aua albumen. pro nutritione Vitellina autem



pro substantia pulli continent.  
Sed tamen experientia docet solum duplici Tunica  
uti Vasa totius Effluuium uti Gal. 4. 340. quinquagesimo  
si ad nutrimentum respondeatur. quod nutriantur  
ab intro susceptio sic Vegetatur

si nutriantur per intra susceptione debent demo-  
nstrari Vasa deferentia suum nutrimentum. ad omentum  
ut pole. Corpus separatum ad uterum delatum. atque  
hac demonstrata non est ergo.

si per aspirationem sic Vegetatur

amnis propter et accrescentia externa cuiuslibet rei  
cui opponitur sed propter totum <sup>et accrescentia</sup> ~~per~~ tunicam <sup>et</sup> ether  
nis 90. omnis autem Effluvia externa non est  
interna. 90. hac Videmus in omnibus lapidibus arbori-  
bus. Radicibus.

si dicatur quod intra nutriantur per poras tunice  
tunc sic Vegetatur.

si nutrimentum per poras tunice. sit sit per membra  
subtilissima sed per membra subtilissima non sit  
90.



Maiores et Corta non mea Crassa testis obmueret et  
si porri ita essent dicatote tunc etiam liquere lumen  
effunderet; quia et spiritus sanguis in ista Vasa sunt etiam

et minor: idem Constat ex Galieno et alij quibus  
nubetur sed ex Galieno in fole meo conuictum  
est non humoribus crassij viscidij mucilaginis quod nunc  
aut humoribus crassij non subtilibus.

Si despondeat. quadulteri sit Vnithum. proquad  
si Vreget.

Si alium uteri et Vnithum Vreget tunc debet  
semper in portu violenter euehi sed hoc non fit  
origo.

Si et quingum. tunc debet dari intermedia ubi dicitur  
per quod sanguis nutritur comunicatur. factum.

quad amula non dicitur in muliere. Suba Galopiana  
sequenti argumento probat.

Si Suba Galopiana in ista Vasa sunt testis ad amula  
transferenda esset deprimenda. Tunc deberet equal  
esse et propterea seu obinitio angustior ad uterum usque  
autem latior ut amula sine mora ad uterum transiret.

Passent. atqui iuxta Vasa Lenticula non sunt equalia  
sed in equalibus in medio aurum angustae in medio  
latissima et in medio Vasa <sup>iterum</sup> angustae ut Vasa illa  
admitant. go non sunt desinata ad aeuula sed semel  
transferenda desinata.

Prob maior in omnibus Vasis in equalibus et aequalibus  
habentibus humores eo magis aeuula facillime et  
a patiori stagnant. uti videre est in testibus  
raffioribus multas aeuulas habentibus Vasa porta  
Ventriculi cerebri quatuordecim experientia sed  
stagnatio aeuulorum fieri non solet. go.  
maior est certa

Prob minor. aeuulum a spiritu genitali in magis  
natum Vae informatur statim a spiritu genitali  
Vae non informatur. sed neitur patet dici.

Si dicatur quod informatur. tunc sic urgetur  
si est informatus et in magis natus tunc etiam habet necessarium  
suum proprium nutrimentum et salutem. in testibus Vasis  
ionis autem ut patet ibidem stagnare nec habet proprium  
salutem nec nutrimentum go.

maior est certa

minor sic habetur. quo dicitur ibi stagnare et per se

ra surgentia maiora euadent annula quo  
maiora euadunt annula eo facilius flagrant & go  
Vt si si annula flagrant potius adruptione tendunt qua  
si deservient quod ibi remorari possint. (Viniolatione)

si Viget. si in huius possit fieri multatio tunc fuit  
natura procreasset uterum sed natura nihil frustra  
fecit qd.

Vermes in Uteris non possunt Efflicari atque in Englabo  
ne in Corpore annula esse possunt.

Vt omnes Creaturae propria actione ad incrementum tendunt  
sic annula impregnata vel statim ad huc incrementum  
et Viniolationem velruptionem et deperditionem  
tendunt.



*De Substantia*

B: in Vitis thesibz dicitur quod ocella in junioribz  
sint minora et imperfecta. in maioribz latiusq;  
maiora et perfecta sunt plena. in adultis amar  
cescunt. quod est contra ratione <sup>et diuersis partibz</sup> quod omnes humores  
perfecti heterogenei ulteriori stagnatione sunt  
partes. ubi uidere est in golmorum oculis qui si  
<sup>ob</sup>ster impedimenta non possunt qd breuiter  
corumpantur ac aqua solitissima euadunt.

B: si Corosif non posset explicari cu humore cryptq  
et tunica in Plaga homini non nalet.

Maxime est distinctio ista in oculis qui nunquam  
B mensurantur. sicuti animalia non auipera.

albumen semper est nubimentum Vitellu corporis  
B substantia

B: si albumen esset corporis substantia tunc frustra  
nata genere Vitellu.

## De gangrena

illa sententia non est bona qd datur observationes  
quod gangrena curata sit statim et de possibilitate  
curari possit. aliqui dant observationes, ut se pat  
foret. Hildegard, Labrius ob qua pendente Rhenke  
Horsing qui omnes fuerunt celeberrimi practici  
et possibilitas ergo.

Tunc datur possibilitas qd auctor inferi origi potest  
sed auctor inferi. quia gangrena totus vultus est  
auido fortissimo agere aiali <sup>inferi</sup> mortificante, non auido  
et subigente, non subacte. datur auido Talia medi  
conesta auido mortificans sequentia ergo.

per spiritum maris ovulum unum vel alterutrum jam quidem antea ad *fecundationem* in ovario aptum & dispositum fecundetur, nempe quod *spiritus vitalis* in ovulo quasi in somno latitans *appulsione conjunctioneque spiritus maris seminalis resuscitetur*; Secundò ut tale ovulum ea ratione fecundatum & in ovario inclusum ab extremitate seu *infundibulo Tuba Fallopiana papillis seu fimbriis* ejusdem extremitatis explicatis ac diductis extensisque versùs partem ovarii tumente excipiat, tùmque per tubarum cavitatem in uteri pelvim traducatur.

Uteri officium est *ovum fecundum à tubis Fallopiis receptum fovere*; flamina ac foetus delineamenta in ovulo jam contenta secundum omnes dimensiones diducere & amplificare, sicq; *organizationem perfectam ac foetus conformationem perficere*. Secundò foetum ad maturitatis tempus usque in se continere, eundem ab omnibus injuriis defendere, item alimentum in sui substantiam depositum per vasa umbilicalia foetui largiri, tandèmque *foetum maturum & perfectum debito tempore constrictione sui fundi & dilatatione orificii uteri interni in lucem edere, & sic partum humanum efficere*.

## §. 50.

### De Secundinis.

**C**Arondinis locò hunc Librum claudent *partes foetus & praegnantium propriae*, quæ consistunt in membranis foetum involventibus in vasis umbilicalibus & placenta uterinà uno nomine à Medicis *secundina vocata*, eò quòd post foetum secundo quasi partu excludantur.

*Membrana* igitur foetum à primordio ejus ad tempus usque continuò involventes duæ sunt, *Chorion & Amnion* vocatæ, quæ sicut dura & pia Mater cerebrum continet, & investit, sic illæ membranæ foetum circumcingunt; sunt, qui tertiam adjungunt *Allantoidem* dictam; ast hæc licet in bysulcis & quadrupedibus, non verò in *humanis Embryonibus* invenitur, utraque hæc membrana tenuis, ast Amnio Chorion tenuior.

Est

*foetus a  
primæ  
membranis  
Chorion  
Amnion  
Allantois  
est*



Est igitur Amnion *membrana interior, tenuis, alba, mollis, translucens, totum fœtum undiquaque & proximè investiens*, continetur tamen inter fœtum & hanc membranam liquor *lympidus* tantisper *gelatinosus* instar jusculi carnis, cui fœtus toto *gestationis tempore innatat*, hunc liquorem & sapor & odor alimentitium magis quàm excrementitium esse probant: cùm verò hæc membrana fœtum proximè circumdet, facillè accidit, ut mediante liquore gelatinoso nutritio, vel capiti, vel manui, vel parti alicui agglutinetur, sicque in partu parti illi adhærendo abrumpatur, & una cum infante pars agglutinata prodeat, hinc ab anatomicis; si quasi velamen membranula isthæc caput cingat. *Galea* in infante masculo, in foemella verò *vitta* vocatur, si manui adhæreat *Chyrotheca*, si corpori toti *indusium* appellatur: At nullum partum feliciorum multò minùs *prodigiosum* denotat, quum fortuitò tantum contingat, quod ex antedictis colligitur.

*Chorion* est membrana fœtum involvens *exterior, crassa subalbida*, multis arteriolarum & venarum ramulis insignita, quæ, licet unica esse videatur, tamen in duas vel tres lamellas dividi potest, sunt, qui etiam inter *chorion & amnion* liquorem existere contendunt, sed RR. plerumque negant, interea magna inter authores exorta est controversia de harum membranarum primordiis. Nos ovula admittentes audacter asserimus, has membranas nihil aliud *præter ovuli* jam in ovario contenti *propriæ easdemque tunicas* esse: Recordemur enim dictorum, è quibus patet: spiritum seminalem ad ovulum impingentem illius tunicas nusquam diffingere (alias diffluerent unacum *colliquamento* fœtus in ovulo contenta stamina & delineationes) sed *porulos* tunicarum ovuli tantummodò permeare, & sese in ovuli meditullium condere, sicque spiritum vitalem usque huc quiescentem resuscitare, quum verò illæ ovuli tunica non crepuerint, sed & insuper *ductiles & extendibiles* existant (nam nutriuntur ab intrinseco cum fœtu, quamdiu utero inclusæ sunt) consequens est, ut ad rarefactionem & extensionem fœtus sese accommodent, nec uspiam ante statutum tempus rumpantur, sed se diducant, atque expandant, pro rata scilicet portione ad Embryonis in dies accrescentis incrementa.

Uſus harum membranarum eſt primarius: *Embryonem in utero & humores*, quibus innatat fœtus, & etiam ſuo modo nutritur, uſque ad determinatum partûs tempus continere, vaſa à placenta ad fœtum tendentia & vice verſa fulcire; ſecundò, ut ruptis illis inſtante partu humores contenti per vaginam uteri effluant, quibus mediantibus os uteri internum & reliquæ pudendarum partes humectentur, atque lubricentur, ſicque fœtus faciliùs in lucem producat.

## §. 51.

## De Funiculo umbilicali.

**A**B umbilico fœtûs procedit *funiculus inſignis*, qui oblique ſurſum aſcendens ad ſiniſtra cervicis, & hinc circumſlectendo ad occiput verſus frontem, abhinc paulatim in placentam terminatur; Hujus ope *fetus utero* alligatur; Conſtat is quatuor vaſculis involucro incluſis, nempe *duabus arteriis unâ venâ & Uracho*, qui eſt canalis, per quem urina è veſiculâ fœtûs tempore geſtationis ſecundùm antiquos in tertiam quamdam membranam *Alantoidem* dictam deportatur; Recentiores verò membranam *Alantoidem & perforationem Urachi* in fœtu humano negant.

Quare qui præter binas membranas *Chorion* nempe & *Amnion*, tertiam *Alantoidem* ſeu *ſarciminalem* obtrudunt; aut urinam inter duas priùs memoratas retineri aſſerunt, *brutorum* magis quàm *humanorum Embryonum* exploratores fuiſſe exiſtimamus.

Igitur uſus *Urachi* rejeſtâ in humano Embryone membranâ *Alantoide*, eſt unice *veſicam Perithonæo annectere*, ac illam tanquam ſuſpenſorium ligamentum, ne fundus veſicæ ſubſidere poſſit, validè ſuſtinere.

Porro à fœtu verſus Placentam duæ excurrunt arteriæ, *umbilicales* vocatæ; hæ ex ramis *arteriarum Illiacarum* internis, circa principium divaricationis oriuntur; atque tunc ſurſum ad veſicæ latera porrectæ unacum *vena umbilicali* (quæ arteriis amplior exiſtit, & ab Hepate fœtûs egreditur) funiculum umbilicalem ingrediuntur, & quamprimùm tribus vel quatuor digitis

transversis ab umbilico hæc vasa digressa sunt, non aliter ac funis aliquis apparent; unde à medicis hæc vasa suo involucro contenta & ad placentam properantia, *funiculus umbilicalis* vocantur; qui variis nodis distinctus cernitur, quod à sanguinis venosi circa valvulas retardato motu provenire nobis videtur.

Ergo primò sanguis per foetus *Arteriolas duas Illiacas* ad placentam uteri deferitur, ut ibidem depositis ex sanguine materno arterioso particulis chylosis dulcibus aërisque à matre inspirati portione imbuatur, & sic imprægnatus ille sanguis tanquam foetus nutrimentum per venam umbilicalem (etiam per placentam uteri dispersam) reabsorbeatur, atque versùs Epar foetus deportetur; Non ingrediendo tamen *ipsius Epatis Parenchyma*, sed statim per venam cavam pars hujus sanguinis in auriculam dextram, & ab hinc dextro cordis ventriculo, pars verò per *foramen ovale* venæ pulmonalis & ab hinc in sinistram auriculam, tum sinistro cordis ventriculo affertur; pars sanguinis verò in dextro cordis ventriculo contenta, non in pulmones, sed *per vas breve arteriosum* immediatè in aortam deferitur, & ex hoc una cum reliquo etiam è sinistro cordis ventriculo propulso sanguine in totum corpus & omnes partes pro Nutritione foetus diffunditur; Hinc quoque ad *arterias illiacas*, à quibus rursus ad *placentam uteri*, & sic tam intrà quàm extrà uterum foetus circulatio sanguinis perennis continetur, & hoc demonstratur per *ligaturas* ad oculum; quatenùs *Arteriæ versùs fætum*, vena verò *versùs placentam* intumescunt.

## §. 52.

### De Placenta Uteri.

Cum verò Embryo tractu temporis in foetum evadat, ocyùs provida natura & novo & sufficienti foetui suggerendo alimento, perquam sollicita est, & cum foetus *comestionis* ac ciborum ingestionis nescius *opportunist pabulum* accipere non potest, igitur amandatis foetus arterioliis illiacis, & venâ umbilicali è longinquo loco nutrimentum foetui necessarium per *funiculum*



*lum umbilicalem* apportari curavit, haud aliter, ac si aquæ scaturientes è diffitis locis ad urbem aliquam per canales traducantur: cum autem foetus utero materno inclusus communi cum matre vitâ fruatur, ita & necessario *communi* cum matre *nutrimento* ali debet, ad hoc autem negotium natura *corpore* quodam *intermedio* opus habebat, in quod *nutrimentum* à sanguine materno separatum deponetur, & *depositum* dein per venam foetus umbilicalem reassumetur, sicque foetui pro alimento apportetur: corpus verò hoc intermedium ab Anatomicis *placenta sive Epar uterinum* dicitur.

*Est* autem placenta *carniformis* *quedam massa*, *mollis spongiosa*, *ex rubro ad nigredinem vergens* foetum versùs, instar scutellæ leviter excavata, qua parte mediante *funiculo umbilicali* foetui & membranæ chorion, parte verò convexâ utero conjuncta est.

Constat ex congerie *acinarum sive papillarum*, quæ foetus atque matris vasis interjacent.

*Figuram* obtinet quasi *rotundam*, *pedem latam*, *tres digitos crassam*, circa extremitatem verò tenuiorem; Hæc innumeris & à matre & à foetu asportatis vasis sanguiferis irrigatur, quibus mediantibus mirificè in placenta concurrentibus non solum sanguinis circulatio, sed & *strictissimus inter matrem & foetum consensus causatur*, ita ut morbi matris plerumque foetui imprimantur.

Cohæret placenta spongioso quodam pulpamento uteri fundo, & licet primis gestationis mensibus, sicut fructus immaturus arbori utero *pertinaciter* adhæreat, nihilominus tamen quò major foetus evaserit, quoque maturior partuique proximior fuerit, eò facilius *ab utero* recedit, tandemque ceu fructus maturus post expulsum foetum *ab utero* vel *sponie dilabatur*, vel saltem levi negotio ab obstetrice peritâ manibus apprehensa abduci & separari potest.

Usus placentæ est, ut *mediante illâ nutrimentum unicum subtilissimâ aëris à matre inspirati portione in placenta è sanguine*

*ne matris arterioso sequestratum, & à vena fætüs umbilicali reabsorptum fætui communicetur.*

Fit autem fætüs nutritio, quatenüs sanguis maternus per arterias *spermaticas & hypogastricas* in uteri spongiosam substantiam forti pulsu impellitur, hinc etiam in *placentæ utero adhaerenti* porulos necessario instanter urgetur, ubi hujus sanguinis particulæ æthereo-chylosæ & nutritiæ in *placentæ substantia molli* spongiosa quasi *per cribrum* sequestrantur, & harum tenuiores particularum separatarum *portiones*, utpote magis *proportionatae*, etiam mediante sanguinis arteriosi à fœtu per *arterias illiacas* affluentis impulsu, in ramificationum *vena umbilicalis* oscula intruduntur, & sic undulatim per *funiculum umbilicalem* in ipsius fœtüs intimam substantiam progrediuntur, & per omnes fœtüs partes circulantur, hinc illæ nutriuntur, econtra verò *crassiores* sanguinis materni *segregata portiones* tanquam *improportionatae* respectu oscillarum *venæ umbilicalis* præterfluendo in oscula *venarum matris spermaticarum* parili modo imprimuntur, & dein lege circulatoriâ usque ad cor matris reportantur, ubi denud perenni sanguinis circulo magis magisque exaltantur, attenuantur, sicque elaborantur, ut tandem etiam ad nutritionem & fœtüs & matris aptæ reddantur.

### §. 53.

#### De Conjunctiōe ossium.

Cum verò etiam ad Medicinam præsertim in casibus Medico, Chyrurgicis multùm faciat *ossium in corpore humano* existentium habere notitiam, igitur illorum descriptionem aggrediemur; sunt autem non *unum* sed *plurima* in corpore nostro à providâ naturâ ordinata ossa; idèò ne homo immobilis trunci instar in uno loco perpetuo affirmatus hære cogatur, insuper & ad varios motus, incurvationes & flexiones edendas aptus natus sit. Est ergo os *pars durissima & siccissima ad totius corporis stabilimen, rectitudinem & figuram ordinata*, dividitur in *tres* ordinariè partes, quarum mediâ ejus pars *corpus ossis* dicitur,

tur, altera est legitima ossis protuberantia & *apophisis* seu *ossis processus* vocatur; tertia est magis quædam adnascencia ossis & *Epyphisis* seu *apendix* nuncupatur. Conjunctio ossium duplex est, nempe una *cum motu*, quæ *articulatio*, & altera *sine motu*, quæ *symphisis* dicitur. *Utraque* hæc ossium conjunctio rursus triplex est, & quidem prioris *prima species est*, quando cavitas profunda amplum ossis caput excipit, & *inarticulatio* seu *Enarthrosis* vocatur; secunda est, quando minor cavitas minus ossis caput excipit, & hæc *adarticulatio* seu *arthrodia* dicitur; *tertia* denique est, dum mutua ossium veluti per cardinem fit receptio, & hæc *gynghymus* appellatur.

*Posterioris* ossium conjunctionis totidem etiam ac prioris sunt species, prima autem est *sutura*, quâ mediante ossa per varias inæqualitates junguntur; secunda est *Harmonia*, quâ per lineam; *Tertia* est *gomphosis*, quando nempe clavis instar os ossi inferitur, prout dentes maxillis infiguntur.

Fiunt insuper memoratæ conjunctiones quatuor præcipuè modis, & primò vel intercedente cardilagine & *syncondrosis*, vel carne, & *sisarcosis*, vel ligamento, & *syneurosis*, vel tenui quædam membranâ, ut in infantibus, & *sinimensis* dicitur.

## S. 54.

## De Ossibus Capitis &amp; Maxillarum.

**H**is itaque præmissis ad specificam ossium *Sceletonis* descriptionem tendimus, unde primò ossa dividuntur in ossa *Capitis*, *trunci*, & *artuum*. Ossa ergo Capitis subdividuntur in *cranium* & *maxillas* duas; *cranium* duâbus constat *laminibus* interposito *meditullio* sive *diplœ*, & octo habet ossa, quorum primum *anticum*, sive *os frontis*, duo lateralia superiora sive *ossa sincipitis*, *quartum posticum* sive *os occipitis*, duo ossa *temporum*, quæ superius squamosa, in auribus verò petrosa & habentia processus tres *jugalem* nempe *styloidem* & *interiorem*; tandem *os spenoides* seu *cuneiforme* existens in basi calvæ, cum processibus *sellam equinam* referen-



tibus, & octavum os *Ethmoidis* seu *crybrosum* cum processu *crystato* & *vomere*, dividuntur hæc cranij ossa 6. Suturis, tribus nempe *veris*, quarum prima *sagittalis*, ossa *syncipitis*, secunda *coronalis*, os frontis, tertia *lambdoidea*, os occipitis ab ossibus *syncipitis* separans & *tribus mendosis*, quarum prima *Ethmoidæa*, secunda *Sphenoidæa*, & tertia *temporalis*, quæ memorata ossa à se invicem dividunt, hæc futuræ ad *meningum suspensionem*, *halituum transpirationem*, & ad *ossium securitatem ordinata sunt*: Huc spectant quatuor ossicula in cavitate ossis petrosi existentia scilicet *malleus*, *stapes*, *incus*, & *ossiculum orbiculare*; item *ossiculum triangulare* occipitis, & ossicula *Wormiana* inter futuras detenta, tandem *fons pulsabilis* in nuper natis membranaceus inter futuram coronalem & sagittalem medio existens.

Ossa Capitis sequuntur ossa maxillarum *superioris* nempe & *inferioris* maxillæ. Superior habet in quovis latere quinque ossa, quorum primum vocatur os *Zygomaticum* sive *jugale*, secundum *lachrimale*; 3. *maxillare* alveolos dentium continens, quartum *nasale*, quintum *palati posticum*, & hæc ossa Harmoniis junguntur. Inferior maxilla in adultis est os unicum, in recens natis divisum, & *præsepiola dentium* continet cum processu *corone* & *condyllo*: dentes sunt ossa parva plùs minùs rotunda maxillis clavorum instar per *gomphosin* infixa; 16. superiùs & totidem inferiùs numerantur: octo nempe *incisores*, quatuor *canini*, & 20. *mollares*, quorum ultimi quatuor dentes sapientiæ vocantur.

## §. 55.

### De Ossibus trunci.

Sequuntur modò ossa *trunci*, cui posterior & præcipua pars est *Spina dorsi*; quæ 24. *vertebris* constat, ob securitatem & mobilitatem factæ: sunt autem vertebrarum 7. *Cervicis*, inter quas prima *Atlas*, secunda *Epistropheus* cum *dente* dicitur; 12. *dorsi* & 5. *lumborum*, omnes foramine amplo, per quod medulla spinalis excurrit, & 7. processibus 4. *obliquis*, duobus *transversis*, & uno *acuto spina* dicto præditæ sunt, quâ tamen *spinâ* caret *Atlas*;

*Atlas*; his annectitur os *sacrum*, quod ex 6. *spuriis* atque *im-mobilibus* vertebrae componitur, in cuius extremitate appensum est *officulum coccygis*, quod præter modum in parturientibus introrsum curvatum mulieribus partum difficilem reddit: ab utroque latere ossis sacri est os magnum *Innominatum* dictum, in adultis in unicum, in recens natis mediante cardilagine in tria ossa divisum; nempe in os *Illion*, quod est superius, in os *Ischium* sive *coxendicis*, quod est inferius & posterius, & in os pubis, quod inferius & anterius existit. Cavitas verò ampla inter os innominatum, & os sacrum existens *Pelvis* vocatur: Pars altera trunci anterior & superior vocatur *Thorax*, cuius partem superiorem constituunt *clavicula* & *scapula*, quæ tres processus habent, nempe *Coracoideum*, *spinatum* & *brevem*; ex utroque latere 12. sunt costæ, quarum 7. superiores suis cardilaginibus sternum attingentes *veræ*: inferiores autem 5. *spuriæ* dicuntur; anterius in medio est os magnum, in recens natis semicardilagineum, quod *sternum* vocatur, cui in fine adhæret *Cardilago Mucronata* in neo natis ad orificium ventriculi sinistrum valde conspicua.

## §. 56.

### De Ossibus artuum.

**T**andem sunt ossa artuum, quæ in superiores & inferiores dividuntur; superiores artus pro fundamento habent *scapulas*; quæ sunt ossa duo tenuia costis superioribus & posterius *scuti instar* incumbentia, anterius sunt *clavicula*, quibus mediantibus scapulæ sterno firmiter junguntur, dein occurrit os *humeri* sive *brachii*, cuius *caput* magnum & rotundum *scapulae cervici inarticulatur*, dein à flexura brachii oriuntur duo ossa cubiti, *ulna* nempe & *radius*, junguntur superius sinibus ossis humeri, inferius ossibus carpi, processum habent *Olecranon* der *Ellenbogen* vocatum, sequuntur ossa manûs extremæ, quorum 8. *carpi*, 4. *metacarpi*, & *quindecim* digitorum cum 12. rotundis appendicibus *officulis sesamoidæis* dictis: Finem tandem imponunt artuum inferiorum ossa, quorum primum os, *femur* vocatur habens superius duos processus *Trochanteres* dictos, & unum processum

cessum *cervicem* dictum, cui caput magnum rotundum cardilagine obcrustatum appositum est, inferius itidem habet hoc os duos processus sinibus suis *tibia* ac *fibula*, insertos, sequitur denique *crus* constans duobus ossibus *Tibia* nempe & *fibula*, quorum processus inferius ad *tarsum*, duos *malleolos* internum nempe & externum constituunt: Huc spectat quoque *patella* die *Kniescheiben*; extremum pedem constituunt 7. ossa *tarsi*, quorum primum *astragalus*, secundum *calcaneus*, tertium *naviculare*, quartum *cuboides* & cetera innominata sunt. Dein sunt 5. ossa *Metatarsi*, 14. *digitorum*, cum duodecim *ossiculis sesamoidais*.







## LIBER II.

### *De Partibus medii ventris continentibus & contentis.*

#### §. I.

#### *De Thorace.*



Ost descriptionem *infimi ventris* sursum ascendendo ad medium ventrem vulgò *Thoracem* à græco verbo *Θώραξ* ἀπὸ τοῦ *Θορέω*, id est salio ob perpetuum nempe cordis in Thorace siti *saltatorium quasi motum* sic dictum nostrâ anatomicâ descriptione progredimur; hoc autem thoracis vocabulo non

in latiori ut apud Hypocratem occurrit; sed in *strictiori*, nempe cum Galeno aliisque authoribus sensu & significatione utimur: Intelligentes nempe sub nomine thoracis id tantum, quod superius *claviculis*, inferius *diaphragmate*, utroque latere *costis*, parte anteriori *sterno*, posteriori *verò vertebrae* continetur, atque circumscribitur, quare inter partes thoracis primò ea pariter ac in abdomine consideranda veniunt; partes scilicet *continentes*, & partes *contenta*, partes continententes rursus sunt alia *communes*, & alia *propria*, illæ sunt, quæ in abdomine ac per totum corporis ambitum simul visuntur, *cuticula* nempe, *cutis*, *pinguedo*, *panniculus carnosus*, de quibus autem jam superius actum est.

Hæc verò sunt *mamma*, *musculi pectorales* & *intercostales*, *costa* & *vertebra*; partes verò contentæ sunt illæ, quæ in thoracis

cavitate continentur; ut *pulmones*, *cor*, *aspera arteria* &c. de quibus in sequentibus agemus:

## §. 2.

## De Mammis.

**I**Nter partes continentes proprias primò occurrunt mammae, quæ in mulieribus *primariò* considerari solent, cum virorum, mamillis plerumque vix notabilem attribuerit natura *magnitudinem & usum*, sunt autem mammae in mulieribus *binae*; ut unâ lasâ altera præstare possit officium; nec minùs ut geminae proli idonei alimenti proventu sufficere queant; Quare describi possunt mammae, quòd *sint partes in pectore fæmineo sita monticulorum instar eminentes*, ad humorem lacteum nempe è materia sanguinis Chyloso-ferosa dulci vi specificâ glandularum structurâ segregandum, inque suis tubulis conservandum, eumque ad prolis nutritionem statò tempore subministrandum destinatae; dixi in pectore fæmineo sitae; & quidem primò ob *loci commoditatem* sive enim sedeat, sive stet nutrix, faciliè gremio exceptum, ulnisve amplexum pusionem admoveere mammis ad alendum potest. Secundò propter *honestatem*, nempe ne cum extremo pudore nutrices detegere cogantur illas partes, quas etiam natura in brutis *caudâ, quasi velo* texit; Tertiò ob *venustatem pectoris*. Magnitudo mammarum varia est, non tam in speciebus, sed etiam in ipsomet individuo, nam in aliquibus regionibus *majoribus* mulierculæ prædictæ sunt mammis, uti in Regno Senegæ, Helvetia, & Tyroli, & in insula Arnabonis, in aliquibus verò *minoribus*; ut in Ægypti insula Meroë, in Austria & Italiâ. Ita quoque in virginibus nò natis sunt *quasi nulla*, cum verò puberes evadunt, maximè dum *primus menstruorum instat fluxus*, augentur, quia verò non una tantum, sed ambæ simul æqualiter accrescunt mammae, & tunc temporis *sororari* dicuntur, cum verò expertæ sint virum, tument, præcipuè verò cum utero gestant, aut lactant. In *obesibus* in majorem molem propter pinguedinis copiam *grandescunt*, in ætate provectioribus *flacescunt*, in vetulis verò *evanescent*, ita ut nil fermè præter papillas subinde propendeat:

*Figura* mammarum subrotunda est, spatio verò interposito sunt determinatæ; nempe *semiglobum* quævis mamma refert, in nonnullis autem propter nimiam molem, vel flaccescentiam infra costas notas propendunt.

*Substantia* mammarum compages quædam candicantium glandularum est, quia componuntur mammæ ex multis *glandulosis corporibus* magnitudine diversis, variis vasculis tubulis ac ductibus inter sese coeuntibus, inde illud beneficii habent, quòd, licet aliquæ glandulæ *abscessu* pereant, non pereat tamen *omnis mammarum usus*, glandulis etiam hisce *copiosa intertexta pinguedo* est, ad conciliandum intus blandum calorem, foris autem gratam præbere æqualitatem, quandoquidem glandulæ solæ sine intertexta pinguedine *nimum dura*, & ad alendum foetum impropriationatæ forent, hæc rursus glandulæ unacum pinguedine uniuntur, simulque tenuissimâ membranâ carnosâ succinguntur, & subjectis hîc musculis pectoralibus & in specie verò *musculo pectorali humerum adducenti* annectuntur. In illa mammarum compage *majuscula quæpiam glandula* in cæterarum *veluti centro* sub ipsa papilla consistit, cui reliquæ minores circumjacent, insuper etiam *vasorum lacteorum plexus retiformis* innumeris modò dictis glandulis & pinguedini interjacet, quo mediante non solum *lacteus succus* ad omnes glandulas, sed & insuper à minoribus ad majores, usque dum tandem omnes glandulæ *suum lac* ad maximam glandulam sub papilla sitam effuderint, deferitur; quare in ipsis glandulis *pori sunt ampli* & copiosi, in quibus tanquam *in cellulis* lac, usque ad succionis tempus asservatur, & tum sugendo exprimitur, licet ob alias causas subinde etiam sponte effluat.

*Magna* glandulæ superstat *Papilla*, quæ *corpusculum est teres, ac fungosum* tenui cute cinctum, multisque foraminulis pervium; in hanc papillam lactei ductus terminantur, ac per ejusdem foraminula lac, tanquam per tubulos in os infantis cum suctione, tum pressione intruditur; Est autem *papilla isthac* exquisiti sensûs ob nervorum in ea concurrentiam, quare ex levi & grata contrectatione *voluptas* percipitur, unde matres nutricæque lubentius, & cum voluptatis quodam sensu infantibus mammæ præbent:



*Circulum* habet papilla circumjectum, qui *areola* nuncupatur; *pallida* est hæc in virginibus, *fusca* in prægnantibus & lactantibus, *nigra* verò in vetulis. Observatur in gravidis masculum gestantibus tam *Areola*, quàm papilla rubicunda.

*Arterias* atque *venas* utraque habet mamma geminas *externas* & *internas*, arteriæ ab *axillaribus*, utrinque proveniunt, & per exteriora mammarum distribuuntur, *interna* verò ab *arteria magna ramis subclaviis* oriuntur, & *mammariæ* dicuntur, atque in internas mammarum glandulas infinitis propemodum furculis distribuuntur, ac diversissimos veluti plexus efformant: Has totidem committantur venæ consimili ratione, à *ramo* nempe *subclavio*, nec non à *vena axillari* deductæ ad sanguinem vitali spiritu ac sero-chyloso imprægnatum revehendum.

Plerumque hæc vasa circa *gestationis* & *lactationis* tempora plurimum distenduntur, & ampliantur, prout experientiâ observatur.

Nervos habent à *4to* & *5to* pari *medulla spinalis*, & etiam ab intercostalibus superioribus; qui ad papillam copiosiores delati, ibique desinendo concentrati exquisitiorem eis sensum tribuunt.

Inveniuntur equidem plurimi *ductus lymphatici*, in vaccis & majoribus animalibus admodum conspicui, quorum ope copiosa lymphæ affluit, unde Chylus è sanguinis massa segregatus diluitur, hinc albescit, & fluxile evadit lac.

*Ufus* mammarum est geminus & duplex, primarius nempe & secundarius, *Primarius* est lac conficere ex massæ sanguinæ materia chyloso-serosa dulci, quæ singulari glandularum in mammis structurâ segregatur, inque harum tubulis asservatur, atque infanti suctionis tempore præbetur, secundarius verò est lac cæterasque in cavitæ thoracis *contentas partes calore suo blando fovere*, & *mulieribus formositatem conciliare*.

*Papillarum* verò usus est, *nutrici ut inserviat pro infundibulo*, *infanti verò pro Epistomio*, quo mediante illa, ut inferat, hic verò, quo promat, sugat, & lac exprimat, habeat.

## §. 3.

## De Musculis Pectoralibus.

**I**nter thoracis partes *continentes proprias* etiam musculi pectorales visuntur, qui & thoracem ex parte anteriore, & ex utroque latere, simulque & parte posteriori tegunt; hi autem duplices sunt, vel enim costis accumbunt, eisque adnascuntur & *pectorales* dicuntur; vel ipsis costis intertexuntur; & *inter-costales* dicuntur:

*Thoracis* musculi proprii *pectorales* etiam dicti utrinque sex numerantur, & est horum

*Primus subclavius*; quia sub clavicula situs est, hic spatium inter claviculam & primam costam replet; & est *primus, qui thoracem distendit.*

*Secundus* est *ferratus anticus major*, magnus est iste musculus, latus & undique carneus, *ferratus* ideo dictus, quia cum abdominis oblique descendente musculo *ferratam efformat compagem*. Oritur ex interna basi scapulæ, porrigitur tendine ad costas, *quas extollit.*

*Tertius* est *ferratus posticus superior minor*, hic sub musculo *Rhomboide* inter utramque scapulam situs est, oritur à spinis vertebrarum dorsi superiorum, & inseritur superioribus costis *ac illas sursum trahit, sicq; thoracem dilatat.*

*Quartus* est *ferratus posticus inferior major*, & hic latus & membranofus est, ferè in dorsi medio sub musculo latissimo situs, à spinis vertebrarum dorsi inferiorum ortus; inseritur ad costarum inferiorum intervalla veluti in digitos divisus, & *inferiores thoracis partes etiam hic musculus dilatat.*

*Quintus* est *sacrolumbus*, qui præcedenti substernitur, à plurimis Authoribus putatur esse communis tam dorso quam thoraci, quia ab ossis sacri posteriori parte & è lumborum spinis oritur, inseritur hic musculus quoque inferioribus costis, & *servit ad thoracem extendendum ac erigendum.*

*Sextus* tandem musculus vulgò *triangularis* dicitur, licet verum triangulum non efformet, parvus est & subtilis, in macilentis vix carnosus, intra sub sterno latitat, unde *sterni musculus* commodius appellari posset, inseritur ubique cardilaginibus costarum inferioribus, *quas adducit, & sic thoracem constringit.*

## §. 4.

## De Musculis intercostalibus.

**P**ost pectoralis thoracisque musculos visu se offerunt musculi *intercostales*, ita dicti, quia costis intertexuntur, sunt autem hi toti carnei, numero *quadraginta quatuor*; in utroque costarum latere *viginti duo*, undecim nempe *externi*, & totidem *interni*, nam semper inter *binas costas*, *bini musculi* sibi invicem incumbunt, dantur autem utrinque costarum undecim spatiosa intermedia, sive intervalla.

*Externi* musculi oriuntur à *superiorum costarum partibus inferioribus*, & oblique versùs *posteriora* descendentes, inseruntur *costarum inferiorum partibus superioribus*. *Interni* à *costarum inferiorum partibus superioribus* oriuntur, & oblique sursum ascendentes *superiorum costarum partibus inferioribus* inseruntur.

*Externi* tandem in cardilagines costarum desinunt, per modum membranarum validissimarum. *Interni* verò & costarum & cardilaginum spatiosa implent; *fibras* habent hi musculi *obliquas* quæ se mutuò interfecant instar litteræ latinæ X. hinc in Empiematis apertione sectio *recta vel tantisper cultro oblique ducendo* & semper à *costa superiori ad inferiorem descendendo* secundum nempe *fibrarum obliquarum ductum*, nullo autem modo *transversa* facienda est.

Vasa accipiunt hi musculi varia, ab arteriis & venis *azygos* & *intercostalibus* superioribus utrinque; *Nervos* verò habent à *sexto pari* unacum illis quoque conjunctis, qui è medulla dorsali spinali prodeunt.

Usus est *thoracem dilatare & simul contrahere*, *externi* costas deprimendo *thoracem constringunt*, sicque *expirationem* prom-



movent, *interni* verò costas attollendo thoracem *ampliant*, & sic ad *respirationem* conducunt hi musculi.

Relictâ ossium thoracis, sterni nempe & costarum, vertebrarum, clavicularum, & scapularum descriptione (quoniam ea in scleton demonstranda explicandâque veniunt) ad interiora propero, priusquam tamen illius penetralia referamus, modum pectus aperiendi obiter dicemus.

Igitur musculis pectoralibus utrinque pro parte remotis, ducatur culter à *diaphragmate* sursum circa & per *connexiones* illas, quibus parvæ cardilagine costis ossis alliguntur, sternumque, quod jugulum versùs semper magis accuminatur cum dictis cardilaginibus annexis, *caput versùs reflectatur*, quod verò cum sine mediastini dissectione fieri nequeat; igitur id ante ejus omnimodam dissectionem per *incisiones & apertiones* factas, sternoque quantum possibile elevato, *introspecti*endo in suo situ spectandum erit.

## § 5.

### De Diaphragmate.

**P**ectore verò aperto *septum transversum* considerandum venit; musculus enim non solum non est, sed & communem cum intercostalibus musculis internis habet usum; græcè *diaphragma* appellatur, ideò, quia transversim corporis nostri truncum in duos ventres, *medium nempe & infimum* dividit, antiquioribus græcis *Phranis*, id est mens, latinis *præcordia* vocabatur, quia eo nempe affecto, mens & sensus simulque cor perturbantur, propter *consensum maximum*, quem *nervosa & media* diaphragmatis pars cum *cerebro & corde* habet, hinc in ejus inflammatione mox *Paraphrenitis* contingere solet. Est ergo *diaphragma* *Musculus transversus partes naturales à vitalibus secernens*, atque *libere respirationis maximum instrumentum*, & præter hoc ad majora officia destinatum.

Oritur diaphragma à *Cardilagine ensiformi*, & utrinque versùs lumborum vertebrae (quia non nihil deorsum inclinât) oblique circumtenditur.

*Magni-*

*Magnitudo* ipsius tanta est, quantus est ambitus medii, & infimi ventris; *numero unicum est*; & substantiam cum omnibus musculis communem habet; *figura* ejus varia est, ubi nempe costarum spuriarum extremis alligatur *rotundum* est, ubi verò costis veris & sterno juxta cardilaginem mucronatam alligatur, *quodammodo acutum est*, in lumbis primò *acutatur*, sed mox musciculum quadratum & Psoas supergrediens *sinuatur*, tandem verò in *duos processus oblongatur*, quibus sensim acutioribus redditis validè extremis lumborum vertebrae statim supra renes inseritur.

*Constat* diaphragma duabus præcipuis partibus sive *circulis* uno *nerveo* in sui centro collocato, qui proprio nomine *centrum nerveum* nuncupatur, altero *carnoso*, qui à dicto nerveo centro paulatim membranosior factus, usque in costarum ambitum continuatur, uterque circulus & roboris & securitatis gratia constructus est, *centro nerveo* inflicta vulnera *instantissimam, irreperabilemque mortem* cum *citissima* cadaveris *refrigeratione* inducunt; sed in carnosa diaphragmatis parte inflicta vulnera *immediate & per se lethalia* quidem non sunt, prout multa passim penes Autores exstant exempla, *diaphragma* membranâ duplici vestitur, quarum superior & thoracem versus spectans, *pleura expansio est*, cui mediastinum & pericardium firmiter adhærent. Inferior verò & partem abdominis spectans, *parithonæo* accepta fertur. Perforatum est diaphragma circa medium, *dextrorsum* pro venæ cavæ, *sinistrosum* pro œsophagi & nervorum stomachicorum transitu. *Quantum* verò ad arteriam Aortam, illa *non perforat* diaphragma, sed vertebrae incumbens, arteria quasi semicirculo quodam in transitu à diaphragmate comprehenditur, etiam intra diaphragmatis apendices via præbetur *vena sine pari & nervis sextæ conjugationis ac ductui thoracico*.

*Vasa* accipit diaphragma arterias duas *phranicas* dictas ab arteriæ magnæ trunco provenientes, venas itidem duas quoque *phrenicas* dictas à venæ cavæ trunco descendente ortas.

*Nervos* utrinque valde spectabiles habet, qui per totam ejus substantiam sparguntur, sed hîc *peculiare quid* exstat, quòd nervi non è loco sive è vertebrae dorsi directè appositis, sed è *quarta vel quinta colli vertebrâ* educantur; hinc deorsum per thoracis *cavum*

cavum excurrentes, interea à *Mediaſtino* ne lædantur contenti & ſtabiliti ad ipſum diaphragma tendunt; aſt propè diaphragma rurſum in quatuor vel plures ſurculos diviſi; tum alii parti ejus *carnosa*, alii parti *nervosa* imerguntur, quod nullis aliis partibus ſub claviculis ſitis contingit, ſed *ſoli diaphragmati* proprium eſt, ſuccedunt etiam inferius nervuli à *trunco intercoſtali* & à *lumbaribus*.

*Hos* inſuper diaphragmatis nervulos plures recentiorum cum ramulis nervorum in *maxillarum* & *labiorum* muſculos diſtributis permiſceri volunt; hinc diaphragmate percuffo *riſum ſardonium* oboriri dicunt, quia convulſis iſtis, per conſenſum & illi maxillarum nempe & labiorum convellantur nervuli, hinc riſus ille (qui eſt *convulſionis ſpecies*) oriatur:

*Uſus* diaphragmatis eſt ſecundùm Galenum lib. 5. de uſu partium c. 15. *libera reſpirationis eſſe instrumentum, contractione enim ſuâ thoracis conſtrictionem, hinc expirationem. Dilatatione* verò thoracis dilatationem, hinc inſpirationem quàm maximè promovet, & ſic una cum muſculis abdominis viſcera comprimendo, primò è ventriculo *chylum*, ex inteſtinis *faces*, è veſica *urinam*, ex utero *fatum* protrudere; hinc etiam promovere *chylum* in *ductum thoracicum* videtur, quatenùs nimirum & ſuorum circa vertebraſ proceſſuum agitatione *ſubjectam cystem* comprimit.

## §. 6.

### De Pleurâ, Mediaſtino; & Thymo.

**P**oſt diaphragma cernitur *Pleura, mediaſtinum* & *thymus*; eſt autem *Pleura membrana valida dura & alba coſtis eorùmq; muſculis superextenſa, thoracis cavitatem intrinſecus ſuccingens*. Oritur à tunicis, quæ nervos intercoſtales ex ſpina doſſi egredientes tegunt, eſt *ubique duplex*, duabus ſcilicet conſtans lamellis, quarum externa thoracis cavitatem reſpiciens *dura ſed lavis & lubrica* eſt, ne pulmones in eam impingant, interna verò coſtis, muſculisque intercoſtalibus annexa *tenuior ſed aſpera & inæquâlis* eſt, inter haſ membranas ſæpiùs *materia pleuritica* colligitur: Muſculis *Mesopleuris*, coſtis, ſterno & vertebraſ firmiter cohæret, oſſibus autem intercedente *perioſtio*



*riostio* annectitur; modò in uno, modò in altero latere nerveas fibrillas ex se emittit, quarum interventu multoties in sanis *pulmo pleuræ* annectitur, sine tamen ullo respirationis incommodo.

*Pleura* habet plurima foramina conspicua, nimirum pro transitu *Æsophagi*, *asperæ arteria*, *vena cavæ*, *aortæ*, *nervorum vagi paris* &c.

*Arterias* & *venas* habet ab *intercostalibus*, *mamariis* & *diaphragmaticis*; *nervos* à *thoracis intercostalibus*, unde vulnera hæc in parte inflicta dolorum *acutissimorum* sunt causa.

*Ufus* est *pleuræ*, *thoracis latera* intus reddere *lævia*, & *equalia*, ne *pulmones* in motu lædantur, secundò *thoracem* intus *vestire*, musculos *intercostales* firmare, costasque in debito spatio & distantia continere.

Ex *pleura* oritur *Mediastinum*, quod est *membrana duplex thoracis cavitatem* & *pulmones* in *duas partes secundum longitudinem* dispeciens. À *spinæ ossibus* *pleura* oritur; quæ verò utrinquè per latera ad *sternum* ascendit, sub quo utriusque lateris *membrana isthæc* conjungitur, & sic *lamellis* conjunctis rursum reà ad dorsum porrigitur; & sic *uplicaturam* constituens *pulmones* in *duas partes* dispeciens *sepimentum* in medio *thorace* constituit, quod *Mediastinum* appellatur.

*Arterias* & *venas* habet à *mamariis* & *azygis*, insuper propriam quoque *venam Mediastinam* dictam possidet à *venæ cavæ* trunco.

*Nervos* ab octavo pari ejusque ramo recurrente & *nervis diaphragmaticis*.

*Ufus* *Mediastini* est primò *pulmones* & *thoracem* bipartiri, ut uno latere obstructo, *respiratio* in altero perpetuetur; secundò *cor cum annexo pericardio* ita suspendere, ut nullam ad partem allidat, *vasa* ad *ventriculum* & *diaphragma* tendentia stabilire; Tertiò *diaphragma* sursum continere, ne ex eo suspensum *hepar* & *ventriculus* suo pondere illud deorsum revellant.

*Thymus* verò est *glandula conglomerata* in *suprema thoracis* parte sub *jugulo* circa *divisiones venarum* & *arteriarum subclavium*

vium sita, in *fœminis* & *humidis* corporibus *major*, quàm in *viris* & *siccis*, in vitulis *lactes* germanicè *das Brüßl* / appellatur, èstque esui expetitum absonium.

*Arterias & venas* à vicinis *carotidibus & jugularibus*, *nervos* à vago pari juxta carotides descendente recipit, vasa lymphatica thymum præcipuè vitulorum perambulant venam axillarem accedentes, proprius verò *ductus* ejus lymphæ *excretorius* hucusque frustra quæsitus est.

Quoad usum videtur thymus esse *segregatorium* quoddam corpus, prout omnia glandulosa corpora esse solent; an verò *sola lymphæ* serumque sanguinis, vel etiam *chyli portio* per ramulos aliquos ductus thoracici *ad thymum* tendentes inibi segregetur, & ad certos usus quasi in diverticulo detineatur, inter Authores nondum conclusum est, ratio ultimi esse potest, quia in illis, qui vescuntur alimentis solidioribus, chylusque per ductum thoracicum non in tanta quantitate apportatur, *thymus multum diminuitur atque extenuatur*; secundo vasa ibi ascendentia majora eorumque ramos ad brachia & scapulas proficiscentes fulcire; illaque ab *ossium tactu tueri*, cum sit quasi *pulvinar*, & ad vasorum venæ nempe cavæ & arteriæ magnæ *sustentaculum* positum.

## S. 7.

### De Pericardio.

**T**andem venimus ad Pericardium, quod est *membrana cordi* *fermè immediate circumducta*, illudque tamquam *bursula* includens, igitur *involutrum, capsula, arcula, & camera* cordis dicitur, & quemadmodum *pericardium* cor comprehendit, ita illud à *mediastino* continetur, cujus *duplicatura* cor majoris securitatis gratiâ includitur; figuram cordis perfectè emulatur, sed paulò majorem; tantum verò à corde distat, quantum satis est pro libero cordismotu & humoris in hac capsulâ contenti *convenientia*; adnascitur *exteriùs* mediantibus fibris *mediastino, superiùs* venis & arteriis è corde exeuntibus, pro quorum transitu diversis in locis *perforatum est*; *inferiùs* in *homine* annectitur *centro seu parti tendinosa* diaphragmatis; in *brutis* maxime

liber est; superficies ejus exterior *asperiuscula*, interior verò summè *aqualis & lubrica est*.

Venas habet Pericardium superius à *mediastinis & axillaribus*, inferius à *phrenicis*, arterias verò adeò exiles obtinet, ut vix conspici queant, fortè quia alias cordi *vicinum est*, nervulos recipit à recurrente sinistro, & à sexto pari versùs cor transeunte.

*Usus* ejus est, *ut sit firmum cordis domicillium* prout Gal. Hypocratem in Lib. de corde interpretatur, ne illud in motu duriores tangat partes, sicque ab externis injuriis cor tueatur; secundo ut in se *contineat humorem quemdam* Pericardii cognominatum.

Est autem humor iste in Pericardio contentus, *serosus naturaliter nullius saporis ingrati particeps*, nonnihil *rubescens instar lotura carnis*; unde autem humor iste ad Pericardium perveniat, plurimum dubitatur. Antiqui è *vaporibus* è corde exhalatis illum provenire putant, alii illum *transudare* ex pericardii arteriis; alii à *glandula thymi* separari, vel aliunde per vasa lymphatica *adhuc incognita* advehi volunt; nos *congenitum* à natura hunc liquorem esse putamus.

*Usum* verò illius Hypocrates describens inquit; *continet in se Pericardium humorem serosum, qui maxime accenso corde in Medicinam sit*; quasi dicat, quantum inflammationibus obnoxiae membranæ sint, & quàm facilè effervescente sanguine partes istæ inflammantur, ostendunt nobis frequentes *pleuritides*, huic malo verò occursura provida natura per *humorem huncce lymphicum* prospexit, quo mediante cor & membranæ (ob continuum motum cæteroquin *exarrescentes*, & sic facilè *inflammationem patientes*) humectantur ac refrigerantur, hinc cordis motus *facilior* redditur, nimiaque *siccitas* prohibetur.

## §. 8.

### De Corde.

**I**ntra Pericardium continetur cor, quod est *principalis omnium viventium pars*, insuper omnium viscerum *Monarcha & sol Microcosmi* perbellè dici potest, quin imò præ omnibus in ho-



homine creatis *prærogativam ac principatum* tenet, sedet in puppi tamquam microcosmici regni *clavo*, ac omnium partium corporis *monarchiâ* potitur. Nullum animal sanguine dotatum *corde* carere potest; & esto multa de *cordis absentiâ* apud Schenkium legantur exempla, tamen illa inter fabulamenta reponimus. Describitur *cor*, quod sit *corporis pars maximè princeps carnosâ & sine tendine musculosa in pectore inter duos pulmonum lobos sita, reciprocâ sui dilatatione & constrictione sanguinem per venas ab omnibus corporis partibus recipiens, eundemque rursus per arterias ad omnes partes ejiciens*: Hoc numero *unum* est, sed in duas partes ab Anatomicis distinguitur, cujus pars superior & latior *basis*, inferior verò & angustior, quæ in mucronem acuminatur, *conus sive apex* dicitur.

Positum est à natura in medio thoracis; sed non mathematicè sumpto, quoniam secundum omnem differentiam tantisper à medio abscedit; nam quod attinet illam thoracis differentiam, quæ secundum *superiora & inferiora est*, declinat magis versus *inferiora* cor; quod verò alteram differentiam attinet, quæ est versus *dextram aut sinistram partem*, certum est, quod *basis* & mucro cordis; non nihil *versus sinistram*, licet mucro magis inclinet, præcipuè in sui contractione, ubi factâ systole pectus sub *sinistra papilla* ferit: ad tertium quod spectat, quod secundum *anteriora aut posteriora* metitur, certum est quod *basis dorsum*, apex verò *sternum* versus proclinet. *Omni nexu solutum*, & nullis vicinis partibus alligatum est cor, ut liberrimè intra sphaeram suam sese agitare possit, licet respectu vasorum à se ortonum cum partibus universis jungi dicatur.

*Cor figuram* obtinet *Pyramidalem inversam*, seu potius *turbinatam*; *Magnitudo* & si varia pro ratione nempe ætatum & temperamentorum, ordinariè tamen naturæ lege in adultis *sex transversos digitos longum est, latum verò quaternos*: Observatum est quoque illud in hominibus audacioribus & calidioribus *minus sed compactius*; in frigidioribus verò ac timidioribus *majus sed mollius*, etiam in aliis pavidis & ignavis animalibus prægrande, in audacibus verò parvum aut mediocre cor esse plerumque solet.

*Substantia cordis* caro est, græcis *Parenchima* dictum, & describitur à Galeno Lib. 2. de succorum bonitate Cap. 4. sic ajens:

*cor cateris visceribus duriores ac fibrosiores obtinet substantiam,* ac inter vasa ejus cernitur carnosæ substantiæ veluti sanguinis congelati: Itidem in corde fibræ multæ solidæ longæ prout in musculis, (quibus carnosæ substantiæ circumfistit) cernuntur, unde aliqui cor *in musculorum classem* reponunt, quare etiam Hypocrates Lib. de corde textu quarto sic ait: *Cor musculus est propter fibrosam carnis suæ substantiam,* hinc & contractione & relaxatione sui, nam prout actio musculi in sui contractione & relaxatione consistit, sic æquè cordis actio est; itaque cor ratione actionis & suæ carnis constitutionis cum Hypocrate musculus quidem *in sensu lato* appellari, rectius tamen quoad figuram *cum musculo convenire* dici potest: attamen revera musculus non est, primò quia tendine cuivis musculo necessariò caret, secundò quia actio cordis pro hominis arbitrio nec moveri nec inhiberi potest, prout è contrario omnis actio veri musculi à libero hominis arbitrio & in motu & in sui quiete dependet.

*Substantiam* cordis obvestit membrana, quæ sicut tenuissima ita & validissima est, cujus exterior superviciës æqualis esset, nisi & adeps quibusdam in locis, maximè verò *circa ejus basim* & vatorum tumor obstarent, hinc *duæ arteriæ & duæ venæ propriæ Coronariæ* dictæ visuntur; idè sic dictæ, quoniam extrinsecus cordis basim *Coronæ instar* cingunt, insuper habet cor & multa vasa lymphatica, & nervos à sexta conjugatione.

## §. 9.

### De ventriculis Cordis.

**I**N Corde duæ insignes latitant cavitates, quæ ab Authoribus *thalami, specus, sinus, antra,* sed communi nomine *ventriculi* dicuntur, habentque singulæ tantam cavitatem, ut *quatuor* vel *5. cochlearia cruoris* contineant: *ventriculus dexter* amplior est, sed brevior conum cordis non attingens, *sinister* verò angustior, sed longior ad finem cuspidis usque extensus.

*Dirimit* cordis ventriculos interstitium quoddam carnosum, aliis *diaphragma cordis*, vulgò verò *septum medium* dictum caver-nulis plenum, non verò rectis, sed planè anfractuosis, extremos illo-  
rum

rum fines, quo penetrent *stylo assequi* non licet; quare illos nullo modo *pervios* esse putamus; ex hoc enim antiquorum patet error, qui per ejus *poros latiores* sanguinem è dextro cordis ventriculo in sinistrum transmeare scripserunt; probat sententiam nostram *vas illud medium*, quod arteriam pulmonalem cum Aorta conjungit; & *foramen ovale* in cordis basi constructum, quæ provida natura in fœtibus frustra condidisset, si nempe sanguis per *septi medii poros* è dextro in sinistrum cordis ventriculum commeare potuisset: Hoc *foramen ovale* in fœtu amplum est, in adultis verò intra paucas hebdomadas *coalescit*, & *ita aboletur*, ut nulum ejus vestigium uspiam appareat; *patulum* verò reperitur in *anatibus*, *castoribus*, *lutris* aliisque Amphibiis animalibus, quæ diu in & sub aquis sine respiratione degunt.

## §. 10.

De Venis & Arteriis Cordis communibus  
atque valvulis.

Utrique ventriculo cordis implantata est vena & Arteria admodum ampla propter insignem usum, qui toti corpori exinde præstatur; implantantur verò *vena cava*, & *vena pulmonalis*, illa dextro, hæc verò sinistro cordis ventriculo mediantibus certis bursulis, quæ utrique cordis ventriculo ad latus venarum superius adjacent, & *ostiarum sive auriculæ cordis* nominantur.

Igitur dextro Cordis ventriculo inferitur *vena cava* ab amplitudine cava dicta; quæ *maximum* totius corporis vas membranosum est; tunica simplici & molli constans; per hoc vas prout omnia flumina aquam in mare, ita omnes corporis venæ sanguinem cordi referendum affundunt, dividitur hæc vena duobus ab insertionem digitis transversis in ramum *superiorem & inferiorem*, quorum ille sanguinem à *partibus superioribus*; hic ab inferioribus apportat, tum in *unum ramum* coeuntes simul-omnis in cor sanguis infunditur: verum *cordis* orificio circa insertionem venæ cavæ *circulus membranaceus* adnatus est, qui statim divisus *tres valvulas membranasas* introrsum spectantes *tricuspidales* etiam dictas efformat, & hæc valvula *liberum* auriculâ dextrâ contractâ, sanguini in cordis

ven-



ventriculum dextrum atque per *diastolem* dilatatum *ingressum* concedit; sed mox ventriculo per *sistolem* contracto retrogressum in auriculam dextram impedit, quare dextrâ cordis cavitate contractâ nitenti cruori exitus datur, & sanguis per *arteriam pulmonalem* ope trium valvularum *sigmoidum* ab intra foras spectantium in ipsos pulmones propellitur. Hoc probant *ligatura, figura, situs valvularum, injectiones &c.* retrocessus verò sanguinis à pulmonibus in dextram cordis cavitatem, obstantibus in orificio *arterie pulmonalis valvulis sigmoides* à figura litteræ græcæ  $\Sigma$  sic dictis impeditur; per hanc igitur *arteriam pulmonalem* cruor in dextram sinistramque *pulmonum* partem è dextro cordis ventriculo vi *sistole* largiter effunditur, & exinde in ramulos *venae pulmonalis*; qui in pulmonibus per Anastomosis ramulis *arteriae pulmonaris* sunt juncti, cum æquè hi per omnes pulmonum lobos instar tenuissimi retis sint dispersi; & hic sanguis primò ad *auriculam cordis sinistram*, & hæc contractâ cruor iste ad ipsum *cordis ventriculum sinistrum* ope motûs cordis *diastole & valvularum duarum Mytraliæ* foras intrò spectantium protruditur; & hæc valvulæ Mytrales æquè retrogressum sanguinis in *venam pulmonalem* vi illarum structurâ impediunt; quare tum per motum *sistolem* fortiter nempe *contracto sinistro cordis ventriculo* nitenti in egressum sanguini, ope rursus *trium valvularum semilunarium* ab intro foras spectantium aperta via in aortam sive in arteriam magnam datur, sicque per vas maximum, sanguis in omnes & singulas corporis partes per fortissimum cordis motum *sistolem* dictum propellitur.

Sic itaque per *venas* omnis sanguis revehitur ad cor, & ex corde rursus per *arterias* in singulas corporis partes idem cruor propulsatur; unde *circulatio sanguinis exoritur*, cujus inventi immortalali gloriâ lucet Harvæi nomen, quod ad oculum demonstratur.

## §. II.

### De Auriculis cordis.

**C**irca basim cordis observantur utrinque appendices, quæ *auricula* dicuntur; describuntur ab Hypocrat. dicente: *Verùm juxta vasorum exortum cordis ventriculis incumbunt,*

*bunt, corpora mollia, cavernosa, quæ vocantur auricula, vocantur autem & ita secundum Galen. Lib. 6. de usu partium Cap. 4. non quidem ab officio aut functione aliqua, sed à levi similitudine, quia cordi utrinque adjacent, sicut capitibus animalium aures; sunt autem auriculæ corpora nervosa, fibrosa, carnea, & musculoſa cavitate avellaneam excipientes ac figurâ marsupium referentes.* Duplici fibrarum serie contractiles multis fortibusque nervis ex octavo parisecondum Willis dotata & hi nervorum surculi etiam cordis parenchyma ingrediuntur, *dextra auricula, quæ ostio venæ cavæ adhæret major, tenuior & mollior est sinistrâ, quæ ad ostium venæ pulmonalis sita, & ea est minor & crassior, interna illarum superficies superficiæ ventriculorum cordis similis est, externa verò in auricularum dilatatione æqualis, in constrictione verò inæqualis est, habent contrarium cum corde motum, cum verò cordis ventriculi per diastolen dilatantur, illo momento auriculæ per systolen coarctantur, ventriculis cordis verò per systolen contractis, auriculæ per diastolen dilatantur.*

*Uſus auricularum est sanguinem aliquo modo cum chylo commiscere, sed primariò illum detinere, ne subitanæ & nimia in cor irruptione illud suffocetur.*

## §. 12.

### *De Uſu cordis & sanguificatione.*

**U**Sus verò cordis primarius est, ut sit motus sanguinis progressivi necessarium organon, sicque una cum arteriis circulationis sanguinis, quo mediante is ad omnes totius corporis partes pro earundem nutritione propellitur, *instrumentum: Cum verò sanguificatio sit actio similis, quæ in sola actione & reactione particularum salino-acidarum & alcalino sulphurearum, sicque Homo- & Heterogenearum in massa rubra contentarum vi continui motus circulatorii, principaliter verò concurrente spiritu Aereo-nitroso puriori in pulmonibus massæ sanguinæ communicato, consistat; hinc cor secundariò ob sui contractionem & particularum intimiorem commixtionem sanguificare, seu potius præ reliquis visceribus maxime ad*

N

sangu-

*sanguificationem* contribuere dici potest; quam sententiam Clariss. Boerhaffen, Willissius, Mortonus, Carolus Musitanus, Helfritius Juncken & Verhayen, fermèque omnes recentiorum Authorum confirmant; Probatur etiam *rationibus*, quia primò nec *vis specialis*, aut *flamula cordis vitalis*, aut *fermentum cordis sanguificans* nullo modo in corde consistere, & demonstrari potest.

Secundò neque illa ad sanguificationem *mora in corde sufficiens*, aut *notabilis* in sanguine *mutatio* ibidem deprehenditur, cum non in *cordis ventriculis*, sed in *pulmonibus* sanguis *coccineum illum colorem* cum *spumescentia* acquirat, & hoc Autopsia probat; Quare Chylus in stomacho ex alimentis resolutis confectus, hinc in intestino duodeno *mediante bile* ex una parte, ex altera verò affluente *succo pancreatico* magis attenuatus, & quasi imbal-samatus, dein per venas lacteas primi generis ad glandulam magnam Mesenterii (modò jam *chylus dictus*) deportatus, ubi affluente per vasa lymphatica copiosâ lymphâ ulteriùsque dilutus ac fluxilis redditus, à qua dein glandula rursùm per venas lacteas secundi generis ad ipsam Cysternam, seu *receptaculum chyli* deductus, abhinc vi motûs & affluxu continuò mediantibusque valvulis *sursum spectantibus* ac descensum impredientibus per ductum thoracicum ad *venam subclaviam sinistram* detruditur, inibique sanguini seu cruori rubicundo infusus, mox à colore albo in *rubicundum* primò mutatur, tum verò vi circulationis motûsque sanguinis continui *cruori magis subigitur, resolvitur & attenuatur*, unde & idem chylus jam jam cruori commixtus à *vena subclavia ad & per venam cavam in dextram cordis auriculam* delatus, inibi ob conquassationem magis mixtus, tum in *dextro cordis ventriculo* mediantibus spiritibus vitalibus per nervos delatis & fortissimo motu cordis systolen *totus rarefactus & attenuatus* insuper mox per *arteriam pulmonalem* in glandulosò vesiculosam pulmonum substantiam, & per minutissimos ejus recessus propellitur, ac inibi subtilissimis *aëreo-nitrosi* particulis copiosè imbutus adeò *discerpitur, & volatilisatur*, ut in *rubicundissimum coccineum & spumescentem* evadat *cruorem*, quare demum per venam pulmonalem ad *auriculam cordis sinistram* abhinc verò ad *sinistrum cordis ventriculum* deportatur, ut rursùm hæ particule chylosæ *discerptæ & resolutæ* perfectissimè in cavitate cordis *uniantur*, & dein per fortissimum *systoles motum* per *arteriam*



*teriam magnam* in omnes corporis partes impellatur, pro earundem nutritione, ac deperditæ carnis substantiæ restauratione.

*Adde*, quòd sanguinis color rubicundus non vi cujusdam exigentiæ naturalis, sed per accidens contingat, quatenus particulæ chylosæ vi *lymphæ disluentis ac motûs continui attenuantis*, præcipuè verò spiritûs *aëreo-nitrosi* in pulmonibus communicati *volatilifantis*, adeò attenuantur ac volatilifantur, ut salino-acido volatiles, & alcalino-sulphureæ particulæ invicem intimè commixtæ resolutæ ac volatilifatæ *necessariò hujuscemodi colorem rubicundum* acquirant, prout & extra corpus humanum hoc experimentum ad oculum per chymiam demonstratur, dum nempe particulæ *alcalino-sulphureæ ac salino-acidæ* invicem mixtæ per digestionem resolutæ, tum in convenienti liquore, *oleo*, vel *spiritu vini* coctæ hinc volatiles redditæ rubicundissimo semper superbiunt colore, pro ut in præparatione Balsami sapiùs contingit.

### §. 13.

#### *De Circulatione sanguinis in fœtu Utero incluso.*

**S**unt autem porro in fœtu adhucdum utero incluso circa cordis usum & vasorum coherentiam, hinc sanguinis circulationem, quæ propter respirationis fœtui denegatum usum, *viâ ordinariâ* per pulmonum substantiam (quatenus nempe *hic non instantur & dilatantur*) perfici nequit, adhuc aliqua notanda; dantur enim *viæ particulares*, per quas sanguis à pulmonibus declinando, è venâ cava per *foramen ovale* in venam pulmonalem, & ab arteriâ pulmonali per *Canalem arteriosum* seu *vas breve arteriosum* dictum in aortam transmigrat.

*Foramen verò ovale* situm est in venæ cavæ trunco inferiori, & exsurgit immediatè ante tuberculum, quod divisioni venæ cavæ adjacet, tenditque in *venam pulmonariam*, ac hiat in illam omnino propè ventriculorum cordis sinistrum, in quem suum sanguinem infundit; habetque ibidem quamdam membranulam *instar valvulæ* appensam, quæ sanguinis egressum impedit, & post nativitatem *concrefcit*; sicque foramen ovale simul concludit; *Ufus istius foraminis est, sanguinem in fœtu à partibus inferioribus*

*ribus advenientem* è venâ cavâ immediatè ad *venam pulmonariam* & ab hinc ad *sinistrum cordis ventriculum* transmittere; truncus venæ cavæ verò superior sanguinem à superioribus partibus adventantem per venam cavam ad *dextram auriculam*, hincque ad *dextrum cordis ventriculum* mandat.

*Ille autem sanguis* in dextro cordis ventriculo contentus mediante cordis contractione non per *arteriam pulmonalem* in pulmones; sed per *vas breve arteriosum* ad *ipsum aorta truncum descendentem* propellitur, à quo unacum sanguine in sinistro cordis ventriculo contento atque expulso in omnes foetus partes per fortissimum systoles motum ejaculatur; tum denuò pars sanguinis etiam per *arterias umbilicales* excurrit ad *epar uterinum*, & chylo ibidem imbuta per *venam umbilicalem* rursus revehitur versus epar hinc in *Cor foetus* (licet pauca etiam quantitas per arteriam pulmonalem ad ipsos pulmones pro eorum nutritione deportetur) post *nativitatem foetus* verò, liberâ jam respiratione acquisitâ, hinc pulmonibus expansis atque dilatatis sanguis viam liberio rem per pulmones insequens *hos ductus deserit*, atque latera & *foraminis ovalis* & *vasis brevis arteriosi* concidunt, ac cum tempore ita coalescunt, ut dein per *modum ligamenti* vasa umbilicalia concresecant hinc *foramen ovale*, & *vas breve* sive tubulus arteriosus imperforati permaneant.

## §. 14.

### De Pulmonibus.

**P**rovida natura Cordi, utpote Principali corporis nostri parti *custodiâ ac tutelâ* prudentissimè prospiciendo, illud in pulmonibus tanquam *circumvallationis* munimento inclusit; quare ordine descriptionis nostræ anatomicæ aggrediemur modò *pulmonem*, qui græcis πνεύμων, à verbo πνέω, id est, *respiro* dictus fuit, hoc parenchima seu viscus sanè omnibus animantibus, aerem inspirantibus à natura datum fuit, quoniam membrum ad conservandam vitam maximè est necessarium, quo nullus homo absque *vita extinctione* carere potest, quia nempe sine pulmonis organo artificiosissimè à summo Protaplastâ Deo constructo,

structo, nec respirare, nec vocem sonoram proferre, nec opus circulationis sanguinis in jam natis perfici poterit.

Est autem pulmo *parenchima* ex plurimorum vasorum propaginibus, asperæ scilicet arteriæ, item arteriæ pulmonalis, & venæ pulmonalis, plurimorumque vasorum lymphaticorum furculis & fibrarum nervosarum tenuissimis filamentis mirificè inter sese contextis ac tandem in vesiculas innumeras racematim coherentes desinentibus constans, cavitatem thoracis pro maxima parte replens, cor totum amplectens, ut sit proximum respirationis hinc vocis in genere edenda organon & instrumentum.

Situs est pulmo in pectoris vel thoracis cavitate, magnitudinem habet insignem, & in aeris inspiratione ita distenditur, ut fermè totam pectoris cavitatem repleat. Connectitur superius faucibus & collo per asperam arteriam, posterius vertebriis antè sterno per mediastinum; aliquando etiam ad latera adheret membrana pleura per quosdam fibrosos nexus, imò non semel alterutrum latus totum pleuræ annexum observatur, germanicè die Lunge ist ihm angewachsen / cum tamen vix aliqua respirationis difficultas observetur.

Dividitur pulmo in partem dextram & sinistram beneficio mediastini intercedentis, quæ partes lobis majores dicuntur, hinc de pulmonibus in plurali numero plerumque loquuntur Authores. Uterque Lobus major iterum dividitur in duos vel tres aliquando etiam quatuor Lobulos per quasdam fissuras, quæ margine anteriori versus posteriora excurrunt, hæ autem fissura substantiam pulmonum raro in homine per totum scindunt, aut transversum dividunt.

Pulmones inflati & seorsim spectati referunt figuram ungulae caballinae, conjunctim verò & simul considerati ungulam bubulam perfectè repræsentant, quippe pulmo à parte exteriori gibbus, ab interiori verò cavus est.

Substantia pulmonum tenera & rara dicitur ab Hypoc. Lib. 4. de morbis textu 31. raritas verò illa similis est lana carpta, vel qualis spongia esse solet, dum enim spongia in se imbibit humorem,



rem, tunc omnes ejus etiam minimi recessus & poruli adimplentur, sic quoque dum sanguine aëreque distenduntur pulmones, & inflantur, in ipsi parilli modo contingit.

*Verum Mauritius* textu quarto de veteri Medicina clariùs pulmonum substantiam intuens inquebat: pulmonum substantiam aggregatum quid esse ex levissimis & tenuissimis membranis, quæ extensa & sinuata infinitas ferme vesiculas orbiculares, ac sinuosas cellulas, prout in favis apum alveolis cernere licet, efforment.

*Quare* accuratissimus pulmonum Scrutator Marcellus Malpighius pulmonum corpus *meram vesicularum congeriem* esse affirmat, quod etiam ratio comprobat, supernatant enim pulmones in aquis instar *inflatarum vesicularum*, cum ceteræ partes carnosæ mox submergentur, unde constat, pulmones undique *aëre turgescere*, eorumque in vesiculis aërem inclusum esse, alias expansio illa & supernatio in aquis fieri non posset:

*Ulteriùs* autem pergit præmemoratus Author his verbis pulmonum describendo substantiam, *post lobos occurrunt observanda quedam interstitia*, quæ non undequaque *nudæ cavitates*, aut intercepta *inania spatiola* sunt, plures enim habent extensas membranas, quæ non tantum ab extrema superficie lobulorum lateraliter positorum, verum etiam ab interna lobulorum substantia propagantur, & modò *Parallelas*, modò *angulares* faciunt *lineas*, quæ rursus mediantibus aliis vasis minimis à lobulis egressis, atque in oppositas membranulas ingredientibus, *orbiculare quid*; id est *vesiculas* efformant; in hisce *recipitur & ejicitur aër*, veluti in amplioribus sinubus, quæ verò vesiculæ mutuam inter se habent communionem & racematim invicem adhærent, ut sic aër ab unâ in alteram comprimi possit vesiculam, ita ut interstitia sint *eadem membranula vesiculas* constituentes in pulmonibus; quæ tamen diaphanæ & tenuissimæ observantur:

*Sunt igitur* omnes vesiculæ cum interiori tracheæ & bronchiorum tunica continuæ, atque hinc ex aspera arteria in bronchia, & ex his in vesiculas *patens est via*, in illas aërem ultro citroque commeantem transmittens, sed annè vesiculæ ita sint dispositæ, ut ab una parte aër ingrediatur per alteram verò egrediatur, vel  
per

per eandem viam aër in qualibet vesicula remeet, vel annè ali-  
quæ dentur vesiculae, quæ aërem aliquamdiu retineant, & refer-  
vent, *exactè discerni* nequit, saltem quòd totus inspiratus aër  
*non illico* exprimeretur, sed in vesiculis & cavitatibus eorum ali-  
quamdiu pars illius *retineatur*, docent & canum vivorum & ho-  
minum mortuorum aperti pulmones, in quibus adhuc dum semper  
*plurimum aëris continetur*, qui manuum pressione exprimi potest.

Est igitur pulmo *aëris sedes seu habitaculum*; sed hæc pul-  
monum substantia aliquantulum rubicundior & solidior est in *Em-  
bryonibus*, quàm in *adultis*, & in *illis aquis imersa* propter aë-  
ris absentiam *subsudet*, postquam enim in lucem editus est infans,  
& respirare capit, mox vesiculæ inflantur & dilatantur, sicque  
pulmones moventur, unde sanguis in pulmonibus ab aëre reci-  
proco inflante *spumescit*, & eorum substantia ob pororum dilata-  
tionem *levis rariorque* evadit, hic ergo aër in vesiculis conten-  
tus, *præter mollitiem*, quam pulmonibus confert, etiam summè  
necessarius esse videtur, nempe ne *vascula sanguifera* pondere  
premantur, sed *permeabilia* maneant, ut in iisdem unacum san-  
guine contentus chylus, qui in dextro cordis ventriculo valde  
attenuatus fuit, insuperque mediante spiritu aëreo nitroso  
(qui verè *magnale mundi* vocari potest) in minutissimas atomos  
seu particulas discerpatur, ac sanguini *intimè* commisceatur, tum  
per venam pulmonalem ad sinistrum cordis ventriculum delatus,  
unacum sanguine ad omnes totius corporis partes ejaculetur pro  
earundem *congrua nutritione*, deperditique in singulis corporis  
partibus restauratione.

## §. 15.

### De Membrana pulmones cingente.

**P**orro dicta hæc vesiculosa pulmonum substantia extrinse-  
cus vestitur *membranâ tenui, levi & plurimis poris in-  
signibus pervia*, nec solum *tenuiori* sed & *crassiori* ac pu-  
rulentæ materiæ transitum *foras introrsum* concedens, quod pro-  
batur per *injectiones amaras* in vulneratis thoracis cavitati in-  
trusas; quod sapor ipse amarus in ore *patientum* percipiatur, ab  
*intro*

*intrò verò foras* nec aëri quidem exitum *in thoracis cavitatem* permittens, & id ob pororum membranæ figurationem *per modum valvularum foras intrò spectantium* se habentem contingit; Unde & Riolani dubium tollitur; qui in pulmonibus circulantem sanguinem ob violentos motus per hujus membranæ poros in thoracis cavitatem exstillaturum putabat.

Secundò quoque obstat, quòd pori membranæ pulmones cingentes non cum *vasorum sanguiferorum* sed bronchiorum extremitatibus *continuitatem* habeant, hinc ni *halices valvulosa* arctissime opponerentur, facillimè aër totus *in thoracis cavitatem* elaberetur; & licèt aliquis aër è *cavitate thoracis* accensâ candelâ vulneribus oppositâ & diffatâ erumpere videatur, ille tamen nequaquam è *pulmonum substantiâ* elabitur, sed *ipissimus est aër*, qui per *vulneris aperturam* cavitatem ingressus, denuò per diaphragmatis & pulmonum motum *foras* expellitur.

*Vasa pulmonum* triplicis sunt generis nempe *aspera arteria* bronchi dictæ *arteria & vena pulmonalis*, quæ in minimos & pene invisibiles surculos fissa & inter sese mixta per totam vesiculosam substantiam instar artificiosissimi retis decurrunt, mutuisque inter se *anastomosibus* hiant, unde si ab humoris acris erosione magnâ tussi, vel aliâ causâ istorum vasorum apertio alicubi contingat, tunc sanguis ex iis in *vesiculas* & ex his in *bronchia* profluens sputo ejicitur, & *hemophtisin*, ac temporis progressu *Pthysin* parit, unde sæpius hoc morbo affecti *inopinâ morte* occumbunt, quia erosio vasis majoribus nimiumque effuso sanguine cor obruitur, ac suffocatur: habent insuper & plurima vasa lymphatica, & nervos pulmones.

## §. 16.

### De Officio & Usu pulmonum.

**U***Sus* pulmonum est secundum Hypocrat lib. de corde, textu quarto *cor munire*, quare tutelæ & custodiæ gratia illud pulmones quasi *circumvallationis munimento* includunt, insuper secundum eundem Auctorem, & Galenum, Celsum, & fermè omnes alios, primarius pulmonum usus esse credebatur, ut

me-



*mediante frigidioris aëris inspiratione continuo facta cordis quasi incendium, & calidum sanguinis flumen pulmones permeans refrigeretur, quatenus nempe frigidus attractus aër per asperam arteriam omnes pulmonum recessus ingrediens, inibi sanguinem in vasis contentum refrigeret, ac ejusdem calorem ventilet, hoc autem ita fieri ideò opinabantur; quia nempe pulmones ab aëre frigido inspirato distenduntur, atque simul thorax, ut spatium satis amplum concedat pulmonibus, mediantibus musculis pectoralibus dilatatur, quam dilatationem, quum reliquæ partes in tali statu permanere nequeant, excipiat constrictio, seu coarctatio, per quam aër inspiratus & jam jam calidior, ac quasi ineptus reditus expiretur, novusque denuò per inspirationem hauriatur.*

Verum enim verò ex mirâ pulmonum fabricâ, & propter in- & expirationem aëreis, & continuâ pulmonum mobilitate certè patet, usum eorundem primum in sanguinem chylosum esse particulas enim in sanguine chylosas vi cordis per arteriam pulmonalem in pulmones trajectas; hinc mediante spiritu aëreo-nitroso subtilissimo vi motûs vesicularum in inflato pulmone à contactu liberarum, in collapsò plurimâ superficie sese contingentium, hinc arteriosos & venosos (atque in illis contentum sanguinem particulis chylosis turgidum) plexus reciproce premunt, subtilem cruori aëreo-nitrosam spiritum (ut plerique volunt) immiscent; proin particulas chylosas unacum sanguine conquassant, atterunt, resolvunt, immutant, discernunt, volatilifant; hinc canalibus trajiciendis adaptant; atque sic in fluidorum & solidorum humani corporis partes & formas immutandi aptissimos faciunt: In pulmonibus igitur chylus accuratissimè sanguini commiscetur; hinc lymphâ diluitur, hinc formâ pro nutrimento cunctis corporis partibus apta induitur, hinc in fluore & calore chylus conservatur, hinc color rubicundus coccineus & spumescencia ei conciliatur: ergò usus pulmonum in corpore sano majoris est momenti, quàm refrigerii cordis & sanguinis, dum in statu sano cuncta temperatè procedunt, nec ullo refrigerio indigeant, ratio est, quia omnis cruor sive sanguis chylo in vena subclavia imbutus statim mediante venâ cavâ in cordis dextrum ventriculum, & nullâ quasi morâ inibi habitâ, primò totus quantus per munitissimos pulmonum recessus & vias in illis arteriarum venarumque plexus fertur,

O

dein


dein reliqua viscera *divisus* transit, hinc in pulmonibus *chyli intima mixtio in sanguinem* & prævia in nutrimentum bonum præparatio contingit; ergò in pulmonibus vera est officina sanguinis, & hoc ex data sanguinis chylosi *massâ*, ex datâ pulmonum *mirâ fabrica*, & in illis observata cruoris *immutatione*, & summâ rubedinis *exaltatione*, ex data totius sanguinis mox chylo imbuti è dextro cordis ventriculo in pulmones *propulsione*, ex data *aëris inspirati fluidi & elastici* per vasa trachealia in vasa sanguifera transmissiōe, quasi evidentèr consequitur.

Alter pulmonum usus est, ut mediante *aëris expulsiōe* in genere materia voci edendæ apta suppeditetur: scimus utique *vocem articulatam* per varias aëris expirati ad laryngem & fauces *factas refractiones & allisiones*, hinc variâ factâ linguæ *moderatione* in specie produci & efformari, edere *vocem sonoram* nec ullum animal poterit; Quam ob rem Hypoc. Lib. 4. de corde textu 30. ait: *è pulmone vocem edimus*, & hoc probant cuncta animalia pulmonibus carentia, quæ singula voce privata destitutaque deprehenduntur.

Ad tertium pulmonum usum quod attinet, ubi Antiqui ex hausto in pulmonibus aëre, *spirituum vitalium* generationem fieri volunt; illud haud adedò *à veritatis scopo* aberratum esse, saltem mihi videtur; modò non *immediatè ex aëre*, sed *mediate illo* & particularum in sanguine salino-sulphurearum, ac per circulationem *summè exaltatarum* id fieri concipiatur. Docet nos idem magnus Chymix Magister Johannes Baptista von Helmont, dum  $\ominus \square \text{ri fixi}$  in  $\ominus \square \text{ri volatile}$  immutationem per ignis blandam circulationem & maximè ope *spiritus athmospharici aëris* nempe *nitrosi* id fieri clarè demonstratur.

## §. 17.

### De Aspera Arteria.

 Ri & faucibus annectuntur pulmones mediante *asperâ arteriâ*, aliis etiam *fistula sive canna pulmonum* dicta: Veteribus idedò aspera arteria nominata, quia primò per

per hanc aër in pulmonum substantiam, prout per arterias sanguis in omnes corporis partes deportatur, *secundo aspera* autem propter *inaequalitatem cardilaginum* & ad aliarum lævium artiarum differentiam nuncupata fuit, & hæc est *canalis*, per quem ab ore & faucibus aër ad *pulmones* descendit, eosque plurimis ramis ingreditur, per quas inspiratus aër hauritur, & in minutissimos pulmonum recessus dispergitur, & idem rursum aër condensatus per *eandem fistulam* foras redditur, ut sanguis propter inspirationem in pulmonibus *liberè circulari*, & *vox sonora per expirationem* produci, aliæque è pulmonibus excrementa *forti aura explosione* eliminari possint.

Porro dividitur aspera arteria seu trachea in *laryngem seu caput ejus*, & in *bronchum* sive continuatam ejus productionem, sita est in anteriore colli parte æsophago incumbens, & sic ab ore ad pulmones descendens, ad quartam thoracis vertebra in duos ramos dividitur, quorum uterque sui lateris pulmonem ingreditur, inibi rursum uterque in duos ramos subdividitur, & hi iterum in alios, donec tandem in minutissimos, & innumeros ramulos inter arteriæ & venæ pulmonariæ radices dispersos, tandem in *vesiculas patentes* & sic in pulmonum superficiem desinant. Appellantur hi rami quousque majusculi sunt, *bronchia*, magnitudo eorum variat, nempe pro ætatis, sexûs, & temperamenti varietate.

Componitur *aspera arteria* plurimis annulis *cardilagineis*, qui inter se superficie tenus sunt colligati, & primò ne *conci-dat*, sed ad aëris liberam reciprocationem *perpetuò aperta* servetur; secundo ut *contrahi & laxari possit hac arteria*, quæ igitur memoratis annulis uno super alterum positis artificiosissimè mediante membranà manifestè carnosà adinvicem alligatis, *fistulam formaliter* repræsentat; constant, ut diximus, annuli isti ex *cardilagine*, quæ verò non integrum circulum, sed paulò plus quàm *semi-circulum* efformant, quatenus in *parte posteriore*, quæ æsophagum tangunt, *quarta circuli* pars ex cardilagine deest, cuius loco *membranosa cernitur substantia*, ideò ne in deglutione boli majoris æsophagi dilatatio *corporis durioris incubitu* impediatur, dum verò truncus asperæ arteriæ in plurimos ramulos subdivisus, & pulmonum parenchyma ingressus est, tunc ramulorum annuli haud *amplius semilunares* sunt, sicut in superiore



parte, sed variis figuris formati, nempe *rotundi, quadrati, & triangulares*, & quo profundius Parenchyma ingrediuntur, eo magis *membranosi*, minùsque duri fiunt arteriis venisque similes, atque vesiculis pulmonum continui sunt.

*Obducitur aspera arteria* duplici membranâ, unâ externa, quæ *tenuis est*, & à pleura provenit, arcuque cohæret cum cardilaginum intermediis ligamentis, alterâ internâ, quæ *crassior, & densior palatogue continua est*, sensûque tamen exquisito ad molestorum perceptionem prædita, ne verò continua in- & expiratione aëris exsiccetur; natura obliniit *tenui, sed unctuosò humore*, quo à particulis aëris acrioribus, aut catharri ferositatibus salis abrafo, *vox rauca*, à nimio autem calore ut in febribus exsiccato, *clangosa* editur.

*Arterias* trachea à *Carotidibus*, *venas* à *jugularibus* externis, nervos verò à *recurrentibus* sexti paris habet.

*Usus* primus est, ut in *inspiratione* per *illam fistulam aër*, quo mediante particulæ chylosæ sanguini intimè commisceantur, à *pulmonibus recipiatur*, vesiculæ pulmonum inflentur, pulmones dilatentur, hinc sanguis liberrimè per illos ab uno ad alterum cordis ventriculum circulare possit.

Secundus ejus *usus* plurimùm ad *edendam vocem facit*, unde ab Hypocrate *organon vocale* dicitur.

*Tertiò* ut mediante expiratione per illam cannulam vi aëris fortiter expulsi *plurima è pulmonibus excrementa* puta in catharri & Pthysicis per os excernantur, & sic è corpore eliminantur.

## §. 19.

### De Collo.

**C**ollum appendix est medii ventris, seu pars illa media oblonga & rotunda, quæ inter faciem & thoracem cernitur, aliis etiam capitis sustentaculum dictum; nominis derivatio à *colendo* desumpta fuit, quia coli, id est *auro gemmisque exornari solet*, ut plerumque in mulieribus patet; collum oblongum est, ob vocis modulationem, cum nullum animal collo *carens vocem fortem ac modulatam* proferre possit. Dividitur in

in partem *anteriorē*, ubi aspera arteria unacum musculis est, & *posteriore*, quæ propriè *cervix* nuncupatur; habet partes externas continentēs seu communes, quæ sunt *cuticula*, *cutis*, *panniculus carnosus*, & internas contentas sive proprias; & hæc sunt vasa percurrentia, aspera arteria cum larynge, œsophagus cum gulâ, cardilagine & proprii utriusque musculi.

## §. 20.

## De Larynge cum Cardilaginibus.

**P**ost descriptionem asperæ arteriæ in §. 18. factam, ad ejus caput laryngem ordine devenimus. Est ergo *larynx caput asperæ arteriæ* in viris magis quàm in fæminis protuberans, situs ejus est in medio colli ob commoditatem in edenda vocis actione, figuram habet fermè circularem, *anticâ parte extuberantem*, posticâ non nihil depressam, ut gulæ cedat in deglutione;

*Magnitudo* ejus ratione substantiæ, ætatis, & sexûs variat, nam in juvenibus larynx *angustior*, hinc *vox acuta*, in adultioribus *amplior*; unde in pubertatem consecutis *gravior vox evadit*.

*Laryngis partes propriæ* sunt, *Cardilagine*, *membrana*, *musculi*, *glandula* & *vasa*.

*Cardilagine* laryngis sunt *quinque*, quæ aliquando in senescentibus ossium instar indurantur, unde aliqui *suffocationis periculum* in patibulo declinavère, hinc mortem evasère.

*Prima cardilago Tyroides seu scutiformis* vocatur, hæc intus cava, foris gibbosa est, prominet in virorum collis, & vulgò *pomum adam* dicitur, in medio distinguitur lineâ, hinc aliquibus duplex hæc cardilago credita fuit, in angulis suis processus habet, superiùs duos longiores, quibus *ossi hyoidi* sed ligamenti interventu jungitur, inferiùs quoque duos habet processus, per quos cardilagini inferiori adhæret.

*Secunda Cardilago Cricoides, sive annularis* dicitur, ideò quia rotunda est annuli instar, quo turcæ intendendo arcum pollicem armare solent, hæc totam ambit laryngem, ad infima sita ac immobilis est, utpote ad sustinendas reliquas cardilagine comparata.

*Tertia & quarta Arytanoides, sive gutturniformis* dicitur, quia processibus sibi mutuò junctis formam *gutturnii* vel acutæ ollarum partis, quâ aquam effundimus, refert; hæc aliis unicam, sed si membrana vestiente exuitur, geminam esse apparebit, prout id observavit Valopius & alii.

*Quinta cardilago* est *Epiglotis* ad radicem linguæ sita, hæc peculiaris cardilago & mollis est, incumbens *glotidi* seu tracheæ rimulæ *folii hadera* instar, hinc germanicè *das Kleeblät* dicta. Est operimentum, quâ regitur *rimula sive glottis*, ne inter deglutendum, cibus potiusve in asperam arteriam delabatur; hinc veluti super pontem transeat dum ingeratur in gulam; sunt, qui credunt per parietes hujus rimulæ *aliquid asperam arteriam* præfertim in affectibus thoracis per assumpta *eccegmata* ac diutius resupinato capite in ore detenta, *intrare*, ac inde in pulmones descendere, ut expectoratio promoveatur, verum credat hoc, qui vult, nos non credimus, *aëri* nempe tantum patet hic aditus, si enim incautè manducamus, vel bibimus, aut inter risum bibimus, & vel *minimum* per hanc rimulam in *asperam arteriam* descendat, subito *molestissima* excuscatatur *tussis*, non cessanda usquedum illapsum penitus excussum fuerit: quod si non eveniat, mors præ foribus erit. Historia Vallopii Lib. 9. Capit. 12. de Anacreonte nostram confirmat opinionem, qui, cum seniles vires succo uvæ passæ reficeret, fortè vi *unius acini glottidem ingressi*, sed defectu virium non revocare aut excutere valens, suffocatus obiit; Item fabius senator in lactis haustu (*uno pilo rimam subingresso*) strangulatus est:

Præscribo equidem *tabellas, rotulas, & eccegmata* in catarrhis & aliis pulmonum affectibus, modus autem medicamentorum operantium hic est, dum nempe resupinato capite hæc diutius in ore detinentur, ac *lentè deglutuntur, fibrilla membrarum laryngis & glottidis* ab acrimonia medicamentorum irritantur; quæ irritatio per continuitatem fibrarum membranam æsophagi constituentium per consensum in asperam arteriam & hinc ad ipsos usque pulmones continuatur, hinc motus fibrarum *peristalticus* adaugetur, *membrana convellitur*, tunc & illud quod asperæ arteriæ *molestum*, & in pulmonibus *infarctum* est, separatur, ac mediante tussi per *irritationem* excitata, foras excutitur, atque



que ejicitur, adde, quod medicamine lentè descendente *per æsophagum* fibrillæ membranarum æsophagi æquè irritentur, hinc per consensum etiam *fibrilla membrana aspera arteria* simul convellantur, unde tussis vel screatus excitatur, quo mediante *impactum* istisque partibus *molestum* expellitur; quod hauriendo spirituosos aut acidos liquores manifestè experimur, dum *fortes screatus aut tusses* inde subitò oboriuntur.

*Interna laryngis cavitas*, & *externa* obvolvitur membranâ tenui, quæ ori communis & utrinque illi alligatur, ac *lento humore* perfusa est.

## §. 21.

### De Musculis Laryngis.

**L**aryngi adhærent *musculi*, qui Cardilagine movent; hos verò idèò obtinet larynx, ut voluntario motu ad vocem pro arbitrio edendam moveatur, sunt autem humanæ laryngis musculi *novem*, sive *quatuor paria*, & *unus musculus*, aliis quintum par dictus.

*Primum* par appellatur *Cricotyroides*, in inferiori parte laryngis transversum situm est, & à Cardilagine tyroide initium sumit, implantatur in *arithenoidis latera*, quæ rimulam *glottidem* dictam efficiunt, hoc musculorum par Cardilaginem Arithenoidem anteriora versùs trahens *rimulam claudit*.

*Secundum* par claudens glottidem *Aritenoides simpliciter* vocatur, quia & principium & finem in Cardilagine *Aritenoide* habet, exile admodum est, & insertione cum priori pari jungitur, fibrasque habet obliquas.

*Tertium* par *Crico Arithanoides posticum* dicitur, quod ab inferiori & posteriori cricoidis Cardilaginis sede exoritur, & fibris suis rectè ascendens in *inferiori Arithanoides* parte finitur, aperit hoc par *rimulam glottidis* latera ejus extendendo.

*Quartum* Par *Thyro Arithanoides laterale* vocatur, communem cum priori usum habet, à Cardilaginis *Thyroidis* latiori parte, sed angusto principio exortum, mox latius factum, ea in parte desinit, quæ à priori tacta non erat.

*Nonus musculus* ab aliis etiam quintum par dictus *Antari-thenoides* dicitur, & oritur à *posticâ guttalis linea*, & fibris transversis delatus in ejusdem latera inferitur, & Arithænoidem Cardilaginem constringens *laryngem recto ductu claudit*.

*Larynx* ex dictis partibus conformatus est, ut verò in vocis prolatione commodè officio suo fungatur, continuâ indiget humectatione, in quem finem ei variæ adjacent *glandula*, quarum conspectiores sunt *duæ majuscula* ad altiorē laryngis sedem è *lateribus uvula* sitæ, quæ *tonsilla & amygdala* dicuntur, porro rursum cernuntur *duæ glandulæ* (& quidem utrinque una magna) inferiori laryngis regioni adjacentes, quæ *insignes & totæ fungosæ* sunt, præsertim in fæminis.

Harum glandularum usus est, *partes vicinas & laryngem humiditate suâ viscosâ & pingui irrigare*, Cardilagines humectare, sicque ad motum aptiorem reddere, vocem suaviorem efficere, quod imitantur ii, qui fistulas ad sonum suaviorem efficiendum oleo inungunt.

*Vasa venosa* habet larynx, à *jugulari externa*, arteriosa à *carrotidis ramo majori*, nervos *vocales dictos* pro motu musculorum, à sexto paris ramo recurrente.

Usus ejus primarius est, *proprium vocis articulata esse organon*; fit autem vox quatenus aër inspiratus motu pulmonum denudò per asperam arteriam propellitur ad laryngem, ubi dum rimulam reliquâ parte angustiorē pertransire debet, sonum efficit, qui in faucibus ad varias partes allidens, hinc linguæ motu aliter atque aliter refractus, alteratus ac modulatus, articulatam vocem constituit.

Secundarius verò usus est, cohibere *spiritum*, quoties ejus *cohibitione est opus*, ut in exoneratione alvi, uteri, vesicæ &c. tum ad comparandum partibus robur in subeundis magnis laboribus, tollendis ponderibus, aut quid tale molliendo.

## §. 22.

De *Æsophago* & *Pharynge*.

**L** Aryngi à posteriori parte appensa est pars, quæ ab Aristotele *Æsophagus*, latinè verò *gula* nominatur, & est canalis membranaceus, à faucibus in ventriculum protensus, ut cibus & potus per eundem in ventriculum deportetur.

*Situs est* à parte posteriori & membranacea asperæ arteriæ initium habens in faucibus, & dicitur *ibi pharynx*, ubi descendendo versùs ventriculum circa thoracis vertebram declinando aortam paululùm dextrorsum declinat, mox verò rursùm medium thoracis occupat, & deorsum penetrato diaphragmate ad undecimam vertebram progressus sinistro ventriculi orificio unacum binis nervis, à sexto pari oriundis, implantatur.

*Figuram* obtinet longam & rotundam, magnâque pollens cavitate, ita ut ampliari & concidere possit pro rerum exigentia.

*Tribus* constat *æsophagus tunicis*, duabus propriis & una communi, hæc insigniter tenuis est, & in collo à *vertebris*, in thorace à *pleura*, in ventriculo à *perithoneo* orta, propriarum exterior, quæ & *tunica media* dicitur, *carnosa* & *crassa* est instar musculi, rotundis transversisque fibris sibi invicem ex opposito obliquè occurrentibus & decussatim se interfecantibus atque impositis prætexta

*Tertia* interna etiam propria, membranæ oris, palati, fauciumque continua, *tenuis*, *dura*, ac *nervosa est*, stipatâque fibris rectis, longis, atque obliquis, quibus motus *deglutitionis* perficitur, quæ juxta Verheyen intùs *quadam crustâ villosâ* obducitur, totam ejus superficiem veluti lanugine quadam investiens.

Glandulas habet *æsophagus* in superiori ejus parte cum larynge communes, *tonsillas sive amygdalas* vocatas; in itinere verò circa quintam thoracis vertebram à parte posteriori *glandula* insuper *quadam* deprehenduntur in tunica carnosa & mediâ magnitudine & figurâ *Phasæolum* referentes, quæ humorem suppeditant ad humectandam cavitatem pro faciliori humorum deglutitione.



*Arterias* habet œsophagus, & quidem in collo à *carotidibus internis*, in thoraci supra diaphragma ab *intercostalibus*, inter diaphragma ab *arteria caliacâ ramo jugularis interna*, in thorace supra septum ab *azygis* & *intercostalibus ramis*, infra septum à ramo coronario venæ portæ. *Nervos* à sexta Cerebri conjugatione.


Musculi œsophagum dilatantes *sex, vel tria sunt paria*, ipsisque data sunt nomina græca. Primum par vocatur *Cephalo-Pharyngæum*, incipit eo loco ubi caput primæ cervicis vertebræ jungitur, atque amplo fibrarum plexu in tunicam Pharyngis expanditur.


*Secundum* par *sphano-pharyngæum* dictum ab acuto apice ossis *sphanoidis sive cuneiformis* incipit, & in lateribus pharyngis circa gurgulionem finitur.

*Tertium* par *stylo-pharyngæum* appellatum ab ossis *styloformis acuto processu* oritur, atque ad gulæ latera exporrigitur, hi ergo musculi *dilatando pharyngem* cibis ad liberiores ingressum in œsophagi canalem viam sternunt.

Musculus constringens pharyngem vulgò datur unicus, qui *sphyncter gulae seu œsophagæus* dicitur, Clarissimus DD. Verheyen duplicem esse pronuntiat, quatenus ab utroque scutiformis cardilaginis latere enatus, sphyncteris instar œsophagum ambit, eumque constringendo ingressos ob dilatationem cibos deorsum usque ad ventriculū propellit.

*Ufus* œsophagi est *cibos ore assumptos ac masticatos deglutire*, quæ actio præcipuè ope prædictorum musculorum & *œsophagi fibrarum* perficitur; est igitur actio animalis, cum non solum mediantibus dictis instrumentis perficiatur, sed & à libera hominis voluntate dependeat, deglutimus enim, quando volumus, & non aliter in statu sano & naturali.






# LIBER III.

## De Partibus supremi ventris continentibus & contentis.

### §. I.

#### De Capite & Sensibus.



Aboluta Historiâ *partium vitalium*, quæ in thorace  
sive medio ventre continentur, nunc *caput seu su-*  
*preum ventrem*, qui partes animales complecti-  
tur, seu regiam in corpore nostro & sublimem  
Palladis arcem, unde cæteræ partes reguntur,  
perlustremus.

Totum ergo illud, quod supra collum sursum situm est, Ga-  
leno scribente Lib. 3. de placitis C. 8. *Caput* vocatur; habet hoc  
*figuram rotundam*, sed non exactè sphericam, cum ob cerebri  
molem homini præsertim (præ cæteris animantibus) major est ce-  
rebrum magnitudo non nihilque *oblongum*, antè scilicet & poste-  
riùs aliquantulum *protuberans*, à lateribus verò *depressum*, ac  
pro tutiori munimento totum osseum est. Dividitur in partem  
*capillatam*, quæ *calvaria*, & non *capillatam*, quæ *glabra* est, &  
*facies* nuncupatur. Capillata rursus in quinque dividitur partes,  
nempe in anteriorem, quæ *synciput* sive etiam *bregma* dicitur,  
& hæc est illa pars cranii anterior, quæ à fronte ad *suturam us-*  
*que coronalem* se extendit, & in posteriorem, quæ *occiput* voca-  
tur, & est illa posterior *calvaria* pars, quæ ab initio *sutura*

*Lambdoidea* usque ad *primam cervicis vertebra* descendit; *Media Occipitis* sive *summa calvaria* pars *vertex* ab omnibus nuncupatur, denique duæ illæ partes laterales, quæ utrinque à *bregmate* atque inter oculos & aures sitæ, *tempora* appellantur, quasi nempe *ætatis & annorum tempus* suâ canitie, vel macilentia in nobis prodant.

## §. 2.

## De Capillis.

**C**apillata pars à capillarum ibidem luxuriantium occasione dicta, nobis capitis pilos contemplandos objicit; qui Microscopio conspecti, figura *teretres*, ab aliis quadrati aut triangulares deprehensi fuerunt, infiguntur in parte cutis carnea cuidam *globulo mucoso* figuræ ovalis; qui pilis extractis aliquando adhæret, sæpius verò in cute remanet, quare *alimento chylo* licet plus minus crasso ac viscido reliquarum partium instar nutriuntur, intus *cavi sunt*, ut docet effectus ille præternaturalis, qui dicitur *Plica Polonica*, in quo sanguis ex pilorum extremitatibus exstillat, quare pili quoad eorundem radicem *communem toto vitâ* fruuntur, quod pari modo de radicibus unguium & dentium dici poterit, cum verò non ad corporis *necessitatem*, sed potius ad ejusdem *ornatum* faciant, hinc in senectute ob deficiens nutrimentum omnium partium primi *albescunt ac decidunt*. Crassities, tenuitas, durities & mollicies ac multitudo pilorum differunt *locorum ratione*; interest enim, quam & qualem corporis partem & cutem nacti sint pili, nam in crassiore cute magnâ ex parte pili *duriores & crassiores* sunt, sed in locis humidis sunt *frequentiores & proluxiores*, modò locus ille à naturâ institutus & ordinatus sit ad habendos pilos. Alimentum etiam pilorum *colorem & substantiam* immutat, unde differunt in colore pro diversitate alimentorum, ætatis, temperamenti, sexûs, regionis, aëris & similium &c.

*Dividuntur pili in congenitos & postgenitos*, congeniti vocantur, quos recens nati secum ex utero afferunt, ut sunt in capite *casaries*, in palpebris *cilia*, & in fronte *supercilia*; *post-*  
geni-



*geniti* verò sunt, qui sua habent & tempora & loca, & jam in lucem editis succrescunt, ut in *utroque sexu*, primum in regione *pubis*, deinde sub *axillis*, tum ad *mentum in viris*.

Meritò & hîc quæritur, cur natura dederit pilis aliis *certum crescendi terminum*, aliis *verò non*, ad primum respondet Galenus Lib. 11. de usu partium Cap. 14. Usûs gratia, hanc factam esse diversitatem, quia enim *cilia & supercilia* eatenus serviunt oculis, quatenus eorum servitus nunquam nocet, sed *decorem faciei humana* omni tempore conciliat, & hîc semper consistit eadem actionis incolumitas, adeoque iste usus est perpetuus in omni ætate & conditione hominum.

*Ad alterum membrum* respondeo, quâ licet capilli perpetuò quidem tegere debeant, non autem in *omni ætate & conditione* æqualis integumentum est necessitas, hinc pro diversitate subjectorum, requiritur pilorum multitudo, longitudo & crassities, vel etiam contra.

Usus eorum primarius est *defendere partes, quibus adnascuntur pili contra injurias*, quas pati vel à se ipsis vel ab aliis foris incidentibus possunt, ita pili sub axillis & inguinibus cavere videntur *intertigini*, ex mutuo attritu fieri solitæ, ita fibrissæ pilorum obstat *irreptioni animalculorum*, & arcere ab oculis atomos, quæ in aërè volitant.

Secundarius usus est *ad ornatum facere*, hinc Galenus suprâ citato loco, pili circa mentum inquit, non solum tegunt malas, sed & *dignitatem* conferunt, venerabilior enim mas apparet, si in progressu ætatis undique faciem ejus pili decorent.

### §. 3.

#### De Pericranio & Perioestio.

**C**apillis subjacet cuticula & cutis, quæ hac in parte insignem habet *crassitiem*, ut externarum injuriarum vim facilius eludat, atque ut hîc capilli *firmius* ac *profundius* adhæreant, hîc cutis membrana *musculosa* & non *nervosa* est, hinc sponte naturâ mobilis est, de pinguedine & panniculo carnoso haud dubiè jam alibi actum est.

Igitur ex ordine sequuntur duæ membranæ cranium cingentes *Pericranium* nempe & *Periostrium*, illud fibris per suturas cranii delatis cum *dura matre* connectitur, hoc proximè cranium tegit, atque ob nerveam ac tenuissimam substantiam *exquisito sensu* prædicitum est, sicut autem *periostrium* cranio firmiter connectitur; ita etiam *Pericranio* tam exactè jungitur, ut simul una membrana esse videatur, deceptus inde est Fallopius, dum affirmat idem in capite esse *pericranium*, quod in aliis partibus sit *periostrium*; transcendit etenim pericranium *musculos temporales*, e contra verò *periostrium musculos nunquam* transgreditur, hinc artificiosa separatio *diversas esse* membranas demonstrat.

Hæ membranæ arterias habent à *temporalium ramo externo*, quæ sanguinem ad caput ferunt, & cum venis sociis per anastomases unitæ superfluum in has deponunt sanguinem, quem in *jugulares externas* transmittunt, à quibus in cor deportatur.

Usum utriusque membranæ & vox & situs indigitat, esse nempe ad *tegendum cranium*.

#### §. 4.

##### De Cranio & Suturis ejusdem.

**A** Blatis membranis statim ossea capitis pars apparet, quæ *cranium* dicitur, estque antèriùs *globosa & rotunda*, interiùs *concava & ossea* pars, cerebrum ac cerebellum continens, nominis sui derivationem à græco nomine *κεράνιον* id est *galea*, habet, quatenùs *galea militaris* instar cerebrum pro munimine circumdat.

Cranium hoc in Embryone *membranacea* in recens nato *cardilaginea* videtur esse substantiæ, atque etiam per aliquot annos *ejusmodi mollitiem in vertice servat*, ut copiosa cerebri humiditas, quæ in infantibus abundat, commodius exhalare possit; *crassities* variat, pro ætatis, sexùs, & regionum diversitate, sic refert Herodotus, *Persarum* crania valde *tenuia & fragilia* esse, ita ut facile perforentur, *Ægyptiorum* verò admodum *crassa & firma*, ita ut vix lapidis gravioris ictu confringantur, ad hæc in delicatulis, ut plurimum *minor crassities & durties* reperitur  
quàm

quàm in rusticis aliisque durioribus hominibus, cujus rei causa esse putatur, quòd delicatuli caput *semper benè tegant*, ab eoque æstum ac omne frigus arceant, econtra verò rustici & milites faciunt, hinc ossa à frigore *indurantur*, & *crassiora evadunt*.

Constat cranium duabus *tabulis* & laminis, *externâ* nempe & *internâ*, quarum illa *crassior & aqualior*, hæc verò *durior & multis sulcis* exarata, ut locum concedat vasis duram meningem perreptantibus, à qua meninge nonnulla insignia vasa juxta aures intrâ geminas *cranii laminas* sese insinuant meditullium interjectum irrigantia, inter has tabulas mediò latet substantia quædam spongiosa & cavernosa, *medullarem subcruentum succum* ad cranij nutritionem continens, qui conficitur ex sanguine per minimas arteriolas influente, *meditullium* hoc spongiosum mediò inter cranii laminas interjectum ab Anatomicis *Diploë* vocatur.

*Hoc meditullium* alibi magis, alibi minùs cernitur, nonnullis in locis *vix animandvertitur*, ubi ambæ tabulæ simul coire, ac cranium simplex ac pellucidum constituere videntur, & licet cranium *unum os continuum esse videatur*, reverà tamen *ex octo ossibus* componitur, quorum primum *Anticum* sive *os frontis* vocatur, 2. & 3. sunt *lateralia superiora* *syncipitis* sive *bregmatis*, quartum *posticum*, sive *os occipitis*, quintum & sextum *ossa temporum* cum processu interiori & styloide, septimum *os sphenoides*, seu *cuneiforme* cum basi calvæ processibus *sellam equinam* referente, octavum verò *Ethmoides* seu *crybrosum* cum processu *crystato & vomere* visitur. Memorata ossa distinguuntur sex suture; quarum tres primæ *vera*, tres verò posteriores *mendosa* dicuntur, prima est *sutura sagittalis* incipiens à *Coronali* & finiens in *lambdoideam*, hæc dividit *ossa syncipitis*, *secunda coronalis*, *os frontis ab ossibus syncipitis dirimens*, *tertia lambdoidea* seu *ypsioides*, à litterarum harum græcarum similitudine sic dicta, hæc separat *os occipitis*; quarta *Ethymoidea*, quinta *sphenoides*, sexta *temporalis*, ab ossibus, quæ separant, sic dictæ.

*Usus suture* omnium primò est, *ad meningum suspensionem*, *faciliorem transpirationem*, *topicorum penetrationem*, & *ossium securitatem* conducere.



## §. 5.

## De Dura &amp; Pia matre.

**A**blato cranio partes cerebri interiores in conspectum veniunt, inter quas primò occurrunt *duo velamenta seu membra- na* totum cerebrum ambientes, quas describit Hypocrates Lib. de locis in homine textu quinto, sic inquit: *Meninges cerebri dua sunt*, una superna & crassior, altera tenuis & cerebro proximè adaptata, Arabum interpretes *Matres* vocârunt, sed minùs rectè, cum vox, quâ Arabes utuntur Matrem quidem significet, ast usitator hîc græcorum est vox *μενιγξ*, quæ idem ac *tegumentum* sonat, exterior membrana à crassitie & duritie *crassa meninx* seu *dura mater* appellatur, hæc laxo ambitu cerebrum amplectitur, tantùm ab eo distat, quantum motùs commoditas exigit, *dura insuper mater* dicta ob substantiam, quam obtinet præ cæteris membranarum *durior*, superiùs inter futuras *cranium* se insinuat, & spatiis intermediis è foraminulis in interna calvaria superficie ad id insculptis per membranaceas quasdam fibras iis insertas suspenditur, ut mediante illa *veluti sacco quodam* tota cerebri moles suspendatur: *dari aliquam distantiam* inter duram matrem & cranium admodùm probabile est, quoniam primò in apertis cadaveribus *aliqualis distantia* reperitur, *secundò motus cerebri peristalticus* illam exigit, ut id *commode ac sine noxa* dilatari queat, denique in cranii vulneribus conspicitur *meningem non immediatè cranio adharere*. Insuper foraminibus multis ad vasorum transitum pervia est hæc meninx, uno quidem ac magno ad medullæ descensum, altero versùs glandulam pituitariam, quâ verò in parte ossi cribriformi adhæret instar cribrum perforatur, seu potiùs per ossis foraminula tenellos tubulos (*processus mamillares* dictos) ad nares transmittit.

*Superficies* crassæ meningis, quâ cranium respicit, *asperior* est, ac supernè cranio ope *filamentorum* quibusdam in locis annectitur, & insuper per suturas trajectorum in *periostium* est expansa, quâ verò tenuem meningem tangit, *lavis, aqualis ac lubrica* est, humore aqueo perfusa, ac tenui meningi multis in locis adhæret mediantibus vasis sanguiferis.

Arte-

*Arterias* habet hæc *crassa meninx* à majori & anteriori ramo *Carotidis*, postquam verò is per *proprium foramen* in osse temporis exsculptum cavitatem cranij ingressus, & sub durâ matre pervenit ad os *cuneiforme*, ibidem *bivaricatur*, & in utrumque latus ramum mittit, postmodum divisus in plurimos surculos minores per totam hujus membranæ substantiam distribuitur.

*Venas* etiam obtinet arteriis istis comites, quæ se exonerant in *sinus*, & dein in venâ jugularis internæ ramos.

*Duplicatur* crassa meninx in capitis vertice, ubi cerebrum dividit in partem *dextram* & *sinistram*, & quia hæc reduplicatio in parte posteriori latior & sensim coarctatur, ut falcis messoria figuram repræsentare videatur, idcirco *falx* appellatur, *quaduplicatur* etiam, ubi cerebrum à cerebello distinguit: porro in *falce hac* & præcipuè in his duplicaturis crassæ meningis *insignes cavitates* seu *sinus*, qui videntur ductus venosi esse, inveniuntur, sunt autem quatuor majores hujuscemodi sinus, quibus addunt nonnulli quosdam minores.

*Primus sinus est sagittalis*, qui per dorsum falcis sub suttura sagittali ab osse frontis ad cerebellum usque excurrit, estque prope frontem angustior, & versùs occiput sensim ampliatur.

*Secundus & Tertius* sunt *duo sinus laterales*, siti in duplicatura duræ meningis inter cerebrum & cerebellum, quorum alter tendit ad *latus dextrum*, alter ad *sinistrum*, sensimque descendendo ad basim cranii, tandem in *venam jugularem* utrinque terminantur.

*Sinus quartus* exoritur prope *concursum sinuum lateralium* & hic brevissimus est, ac *deorsum* vergit ad basin cerebri, ubi inter hoc & cerebellum recta abit ad *nates*, & *pinealem glandulam*.

His quatuor sinibus Recentiorum industria alios adhuc tres adinventos adjecit; *quintus* itaque est *falcis inferior* dictus, quòd ille ob inferiori apice *crystæ galli* per inferiorem *falcis partem* feratur usque in quartum ductum, estque figurâ prorsus illi similis.

*Sextus & septimus* sunt *duo laterales minores* dicti, sinus hi se habent ad *latera* duorum majorum lateralium sinuum, sed

non

non in omnibus subjectis deprehenduntur, porro ex istis sinubus producantur varii ramuli, qui inter cerebri cavitates expansi atque in plurimos surculos divisi, modò cum dictis ramulis atque arteriolis concurrentes, seseque mirè intersecantes, *plexus choroidales & rete mirabile constituunt.*

Ufus horum sinuum est, *sanguinem à nutritione cerebri superfluum mediantibus suis vasculis in sinus hosce desinentibus in se recipere*, ac illum dein in ramos venarum jugularium refundere & ad cor circulationis lege deportare.

*Ablatâ durâ menige*, mox altera membrana interior conspicitur, quæ exquisitissimo gaudet sensu, plurimisque arteriolis venulisque referta est, & *hæc tenuis meninx ac pia mater* vocatur; ita vocata, quia sanè subtilis ac tenuis est, ac instar bonæ ac piæ matris immediatè ac molliter cerebrum ejusque partes complectitur, simulque omnes gyros & cerebri anfractus profundissimè involvit, sicque impedit, ne *substantia*, quæ mollis & fluxilis est, diffuat, quare si cultro auferatur hæc membranula gyrorum anfractus concidendo *mox dilabuntur*, insuper exteriorem cerebri substantiam planam reddit, atque *ductus arteriosos ac comites venosos* ad interiora cerebri tutè deducit, quoniam artificiosissimè cerebri substantiæ adhæret, ut vix in ulla parte distrahi, aut cultello separari possit, nisi cerebrum præviè fuerit *aliquantulum putrefactum*, aut humoribus serosis longo tempore inundatum, ubi non tam ipsius piæ matris tractus faciliùs separantur, sed etiam distributiones vasorum meliùs observantur.

## §. 6.

### De ipso Cerebro.

**R**Emotis duabus meningibus, *cerebrum ipsum* aggredimur, in quo anima tanquam ex suo throno sensuum interiorum ac exteriorum, tumque voluntarii motûs ministerio *omnes in corpore exercet functiones*, hîc enim partium sensationes ad cerebrum delatas *percipit, ac dijudicat*, & rursus ex eo tanquam ex scaturigine pro re natâ suâ benignitatis radios, nempe *spiritus animales* per nervorum rivulos omnibus corporis partibus



tibus communicat, & sic *potentiam actiones quasunque edendi istis tribuit.*

*Cerebrum* per se *immobile est*, & tanquam motus principium statuitur, verum *per accidens* continuo movetur, non quidem *animali* sed *naturali motu*, *sistoles nempe & diastoles*; ut videre est in capitis vulneribus, & recens natis, inque vehementissimis capitis doloribus, itaque cerebri motus ab arteriarum motu dependet, quoniam *motus cerebri cum motu pulsus coincidit*, quod in recens natorum capitibus observatur.

*Universum* ergo *cerebrum* in duas partes *anteriorem* nempe & *posteriorem* dividitur; Illud *cerebrum simpliciter*, vel etiam *cerebrum anteriùs* nominatur, hoc itidem vel *cerebellum simpliciter*, vel *cerebrum posteriùs* dicitur, rursus anterior cerebri pars dividitur *per processum falcem* à summo usque ad corpus callosum in partem *dextram & sinistram*.

*Substantia* ejus duplex est, altera enim est exterior habens colorem cineritium & *corticalis*, altera verò interior colore albo prædita & cerebri *medullaris substantia* audit.

Figura ejus ordinaria superiùs *subrotunda est*, inferiùs verò *varia & inæqualis*; gyri oculis plurimi obijciuntur, qui adeò mirificis meandris circumvolvuntur, ut describi calamo nequeat.

Diductis cerebri lateribus & exemptà *meningis crassæ portione falceformi* dictâ, mox in conspectum venit dura & candidior cerebri substantia, quæ *corpus callosum* appellatur, & est quædam cerebri pars durior & callo persimilis, unde callosum dicitur corpus, cujus interventu cerebri latera inter se uniuntur.

Hoc *calloso corpore* læviter excavato, apparent *duæ cerebri cavitates*, altera à parte dextrâ, altera à parte sinistrâ, quæ duæ cavitates appellantur *anteriores cerebri ventriculi*, in fundo horum ventriculorum procedunt *duæ cerebri processus*, ex eadem substantia cerebri constantes & in anteriori parte cerebri in os frontis *Æthmoides* seu *Crybrosus* supra nares finiuntur, & à simili-

litudine, quam cum mammis habent, communiter processus *mammillares* dicuntur.

## §. 7.

## De Substantia Cerebri.

**U**trumque hunc ventriculum distinguit tenuis quædam & lucida cerebri substantia, quæ idè *septum lucidum* sive *speculum* nominatur, quilibet etiam horum ventriculorum figuram retinet *semilunarem*, ambo verò sunt in magnitudine *æquales*, & suis parietibus portioni tenuis meningis adhærent, circa fundum & internam partem horum ventriculorum observantur *revolutiones quædam*, sive texturæ arteriolarum venularumque, quæ communiter vocantur *plexus choroides*, qui sunt sanè *elegantes & mirabiles* è *subtilissimâ pia matris membranulâ productus*, plurimisque glandulis arteriolaris venulisque intertexti, denique ubi memorati ventriculi duo invicem junguntur, ibi aliqua cerebri est *protuberantia*, quæ *fornix* dicitur, estque tribus quasi cruribus, uno anteriori & duobus posterioribus innixus, in communi sectione *fornix tertio ventriculo superstare* putatur, & *corpori calloso subjacere*: Porro sub fornice retrorsum inverso conspicuus evadit *tertius ventriculus*, qui duorum præcedentium ventriculorum *concurfus* est; & aliis *media cavitas* dicitur, in hoc ventriculo occurrunt *bini meatus*, quorum alter deorsum ad infundibulum, & abhinc ad glandulam pituitariam fertur, per quam pituitosa cerebri excrementa vulgò evacuari traduntur, *alter meatus* membranâ vestitus posteriora versùs per foramen quoddam *anum* seu *aniforme* vocatum sub *natibus ad ventriculum quartum* transit, qui ventriculus sub cerebello ab inferiori parte elevato posterius in conspectum venit, & hic quartus ventriculus *reliquis minor est*, qui in principio latior, deinde sensim angustior factus quodammodo in acumen desinit, unde similitudinem cum calamo scriptorio habens, *calamus scriptorius* nominatus fuit, quem verò alii nobilem ventriculum nominârunt.

Inter tertium & quartum ventriculum annotantur ab anatomicis *quatuor protuberantia*, quarum superiores seu anteriores majores à lævi similitudine *nates* dicuntur, inferiores verò & minores

nones *testes* nominantur, inter quas verò striatas protuberantias conspicua est rima, *vulva* appellata, continens superius dictum *ani foramen*, sunt autem hæ quatuor protuberantiæ unacum striatis protuberantiis super iis impositis *principia medulla cerebri oblongata continuata*, superius & à lateribus tenuissimæ piæ matris membranulâ obducta, & substantiam habentia ex innumeris tenuissimis fibrillis compactam, prout microscopio conspiciere licet, rursus inter *nates testes* & *foramen ani* quod versùs quartum ventriculum ducit, apposita est *glandula Pinealis* à figura nuclei pini sic dicta, aliis verò *penis cerebri* vocata.

## §. 8.

## De Cerebello &amp; Vasis sanguiferis cerebri.

**P**Ars altera cerebri est *cerebellum*, quod in posteriore & inferiore calvariæ parte scilicet intra ossis occipitis *amplo sinu* est reconditum, magnitudine in tantum cedit cerebro, in quantum *occipitium* reliquo cranio minus est, igitur aliis *parvum & privatum cerebrum* dicitur, constat substantiâ gemina *cortice & medullâ*, sed utraque *durior* & *firmior* cerebro, cortice etiam magis cineritio & *medullâ magis flavâ*, & meninge ambæ tectæ sunt partes.

Substantia non multum itaque differt à cerebri substantia, excepto, quòd *nullo sinu aut ventriculo* excavata videatur, sed processus duos obtinet *vermiformes*, qui ex multis particulis transversis & quasi invicem contortis, tenuique membranâ copulatis *vermium instar* constant, harum *anterior processus* ad quartum ventriculum tendens, *natibus testibusque* adjacet, *posterior* non ita prominet, sed mucrone in *cerebelli substantiam* absumitur.

*Supereſt* vasorum cerebri *consideratio*; habere autem cerebrum vasa sanguifera per totam suam substantiam disseminata fidem facit authopsia: quia primò cerebro recenti per transversum dissecto *sanguis* effunditur in superficiem, & *rubicundus maculis* album ejus maculat, dein secundo, quia fluida & friabilis cerebri substantia facili negotio separatur à *vasis sanguiferis*, tamquam *fibris* constantibus solidioribus; tertio si *arteria carotis* per immissum tubulum infletur, sanguis introrsum propulsus *innumera-*  
*bili-*



*bilibus punctulis cruentis* dissectam cerebri substantiam inficit, si verò *atramentum* in hanc arteriam injiciatur, mox innumera *nigricantia punctula* per cerebri dissectam substantiam propullulant: quartò Sylvius accuratissimo cerebrum dissecandi modo observavit, omnes vasorum furculos primùm *pia matri* implicari, sed dein superato cortice in *ipsam medullam cerebri* sese immergere, è qua elabentes in *spinam nervorum* desinunt.

*Arterias* igitur habet cerebrum à *carotidis*, venas verò comites à *jugularis ramo* utriusque lateris interiore, & utrisque diversis in locis modò sanè admirabili inter sese per *frequentissimas anastomoses* coëuntibus, insuper ex ista ramificatione vasorum, eorùmque mira conjunctione *bis geminus in cerebro plexus* reperitur, sicque in dextro sinistroque cerebri ventriculo *plexus mirus* invenitur, qui utrinque *plexus choroides* vocantur; hi ex infinitis ac exilissimis vasorum meningumque divaricationibus intertextis glandulis constant, *alius* verò *plexus* juxta glandulam pituitariam sub basi cerebri & à lateribus *sella equina* situs est, ac *plexus retiformis* sive *rete mirabile* nominatur, hunc plexum malè aliqui cum *plexu coroiide* confundunt, differentiam enim horum plexuum *diversus cujusbet situs* manifestè probat. Insuper ex Galeno lib. 9. de usu partium capite 14. annotatur, *plexus choroides* intra cerebri ventriculos, sicque in meningibus existere, *rete verò mirabile* extra meninges locatum esse, adeoque ambo plexus à se invicem diversas omnino partes fore: Cæterùm non sine ratione à naturâ factum esse videtur, quod omnes hi plexus quasi *in locis emunctoriis* siti sint; procul enim dubio id factum est, quia natura ad generationem spirituum animalium purissimo ac perfectissimo *opus habet sanguine*, hinc secretio & filtratio purioris sanguinis inibi fieri debuit, ubi natura quàm citissimè *heterogeneitates* per sua constructa emunctoria è corpore eliminari potuit.

### §. 9.

#### De Medulla oblongata & spinali.

**P**Rotenditur cerebrum & cerebellum in *medullam oblongatam*, quæ est *medullaris cerebri pars*, *durior compacta & alba*, partim intra cranium longitudine scilicet quatuor digi-

digitorum transversorum prolongata (anterioriùs in hujus medullæ oblongatæ basi, propè coalitum *nervorum opticom* apparet *infundibulum*, quod est *tubulus membranaceus à pia matre* productus, ad glandulam pituitariam *sellæ equinæ* insidentem tendens, inferioriùs angustior, superiorìs latior, intus substantiâ medullari obductus, atque *rimam* in concursu duorum anteriorum ventriculorum cerebri completitur, ut humores ex iis commodè exicipere, hinc *glandula pituitaria* tradi, à qua demum in os, & abhinc è corpore elimari valeant) partim per *magnum foramen* ossis occipitis elapsa ac per totam spinæ longitudinem extensa, ubi *medulla spinalis* appellatur, quæ plurimis filamentis nerveis componitur & formam *caudæ equinæ* repræsentat: Hæc igitur substantia medullaris cerebri oblongata *ex innumeris tenuissimis ac longis filamentis* constat, ex quibus omnes totius corporis nervi suum principium atque originem sumunt.

Oritur autem hæc substantia *ex cerebro & cerebello* à quatuor radicibus seu fundamentis, & quidem in cerebro à duobus majoribus, quæ passim dicuntur *cura*, in cerebello autem à duobus minoribus à *Wilissio pedunculi* vocatis, dividitur insuper *medulla spinalis* uti & cerebrum in partem *dextram* & *sinistram à pia matre* immediatè vestitam, hinc *Paralysis unius vel alterius lateris* suam causam agnoscit, utraque pars rursus in plurimos quasi funiculos divaricatur, unde circa finem in plurimos quasi pilos divisa *fermè caudæ equinæ* figuram repræsentat:

Cingitur spinalis medulla *triplici membranâ*, quarum prima immediatè illam interiùs cingens *pia matris productio est*, secunda & media à *dura meninge*, tertia verò & exterior à *valido ligamento* anteriores partes vertebrarum colligente oritur, hoc verò ligamentum à parte posteriori in validam tunicam definit, & obstat, ne medulla faciliè lædatur, in hujus substantiæ dissectione *innumera sanguinea punctula* passim apparent eodem planè modo sicut in disseccto cerebro, vascula tamen sanguifera per hanc substantiam transeuntia *adèd tenella* sunt, ut oculis conspici nequeant, est tamén per *membranas* secundum medullæ longitudinem supra ejus divisuram *vena* insigniter conspicua, unacum *arteria*, quæ utrique ad latera progrediendo *ipsam substantiam* medullæ spinalis tandem ingrediuntur, ex quibus vasa eleganti serie minutissimi-

tissimique ramusculi per utramque ejus investientem tunicam disperguntur, atque ex arterioliis etiam sanguis in ipsos *medulla* poros infunditur, cujus redundantia demum à *venarum finibus* resorbetur, ac ad commune centrum reportatur.

Una itaque *medulla oblongata* pars intra cranium supra magnum occipitis foramen, ut supra dictum, sita est, altera verò pars, *medulla spinalis* dicta, longissimè extra cranium elapsa intra cavitatem vertebrarum à prima cervicis usque ad ossis sacri ultimam vertebra[m] extenditur; continetur hæc medulla intra spinam dorsi, quam græci *sacram fistulam* vocarunt, quia excavata est fistulæ instar, & principem partem continet, ac tuetur, quâ fractâ infrà, fracturam momentaneè *sensus & motus perit, ac de hominis vita actum est*: Hæc fistula est quasi ossea columna, pluribus constans ossibus in medio excavatis, ut corpus quaquà versum flecti queat, quæ proinde à *vertendo* & ob motum continuum, quo in quacunque corporis flexione moventur, *vertebra* vocantur, quodnam verò sint vertebræ, ac quomodo vocentur, dicetur illo loco, ubi de *skeleton* explicationem faciemus.

## §. IO.

## De Nervis ex cerebro &amp; spinali medulla egredientibus.

**M**edulla oblongata est *immediatum omnium nervorum principium*, prout partim intra cranium, partim verò extra cranium & in spina vertebrarum est posita, quare ex ea intra cranium vulgò à cerebro secundum aliquos *septem nervorum paria* oriuntur, qui tribus versibus comprehenduntur:

Optica prima, oculos movet altera, tertia adorat,  
Quarta est, quæ gustat, quinta audit, sed vaga sexta est,  
Septima laxatas linguæ moderatur habenas.

Juxta recentiores inter quos *præstantissimus Wilisius* ejusque affectæ, *decem paria nervorum*, totidem scilicet simplices ab utroque cerebri latere egredientes nervos statuunt: Quare secundum hos



*Primum par olfactorium* dicitur, quod duobus nervis olfactoriis constat, qui sub *processibus mamillaribus* absconditi latent, & unacum illis ad *os cribrosum* accedunt, in vitulis, ovibus & similibus magis conspicui sunt, quàm in homine.

*Secundum par*, sive horum nervorum conjugatio, ammotis processibus mamillaribus mox in conspectum venit, & dicitur par nervorum *opticum seu visorium*, ideo quia spiritus animales, qui visivam seu videndi facultatem oculis tribuunt ad sensorium oculorum commune deferunt, & hoc est *maximum* inter reliqua nervorum parla, & hi nervi utrinque à *cruribus* medullæ oblongatæ egressi, ante infundibulum *coeunt*, sed rursus *disjuncti*, & aliquibus vasculis sanguiferis stipati, ad oculum in utroque latere unus nervus transit.

*Tertium par*, *oculorum motorium* est, qui nervi è basi medullæ oblongatæ penes infundibulum exorti *lateraliter antrosum ad oculos* deferuntur.

*Quartum par* à Wiliffio appellatur *Patheticum*, egreditur à parte superiori medullæ oblongatæ propè cerebellum, & fertur cum pari præcedente per *idem foramen* ad oculos.

*Quintum par divisum* à Wiliffio & Verhayen nominatur.

*Sextum par* tendit ad linguam pro gustûs sensu efformando, quare *gustatorium* dicitur, ex *intimâ cerebri medullâ* egreditur, & per *idem cranii foramen* cum nervis oculorum motoris trajicitur, ab his dein *segregatum ad linguam* deferuntur.

*Septimum par* per *ossis petrosi foramen* ad aures deducitur, ad auditûs sensum efformandum, igitur *auditorium* par appellatur.

*Octavum par vagum* appellatur, procedit paulo infra medullam oblongatam, & *multis constat filamentis*, quorum quidam tendunt ad stomachum, & *stomachici* dicuntur, aliqui ad *cor & pulmones*, aliqui ad *Epar & costas*, ubi nervi *costales* dicuntur, hoc par *Vagum* membranis vestitur robustis & per *ossis occipitis foramen* ad jugulum descendit, postquàm ramulos *colli, laryngis & lingue ossisq; hyoidis musculis* impertivit, hinc in *ramum internum & externum* dividitur in utroque latere.

*Ramus externus dexter* demissis aliquot furculis ad pectoris musculos, nervum efficit *recurrentem* dictum, qui in pleura, in tunica

nica pulmonis, in pericardio & in superiori orificio ventriculi disseminatur.

*Ramus verò externus sinister* nervum *recurrentem sinistrum* efficit, hic in sinistro latere per easdem fermè partes, ut dexter in dextro disseminatur, nisi quòd ad *ventriculi orificium superius* delatus cum dextro nervo recurrenti *jungatur*, sicque conjuncti progrediantur ad *ventriculi orificium inferius* & ad *Epatis partem inferiorem*.

*Ramus internus dexter* nervis *intercostalibus* propagines exhibet; & diaphragma, postquam perforavit, infimi ventris partes omnes *nervulis instruit*, & finitur in *osse sacro*.

*Ramus verò internus sinister* in suo latere eodem modo distribuitur, nisi quòd loco Epatis in *lienem* penetret, sed ab utroque *ramo interno* propagines demittuntur ad *uterum in feminis*.

Nonum *par lingua motorium* est. Oritur hæc conjugatio in *occipitio*, ea in parte, quâ propè nascitur *spinalis medulla* & inferitur in *musculos, qui sunt in lingua*.

Decimum & ultimum *par nervorum cervicale* juxta sæpe memoratum *Wilissium* è *medullæ oblongatæ* jam in *spinalem medullam* abituræ lateribus exit, eo in loco, ubi *arteria vertebrales* in cerebrum ascendunt, adeò ut dubium sit, utrum hoc *par ultimum* cranii, an *primum* vertebralium *par* appellari debeat: & hic est ordo & numerus nervorum capitis à *Wilissio* & aliis recentioribus annotatus, qui & nobis hætenus arrisit.

Extra cranium propullulant omnes nervi à *spinali medulla*, & ut plurimum ipsorum *triginta paria* observantur, nam à septem cervicis vertebis, *septem paria* nervorum egrediuntur; *duodecim verò* à duodecim dorsi vertebis, *quinque* à vertebis lumborum, & *sex* ab osse sacro sive innominato, omnia autem hæc paria eodem ordine oriuntur, quo & ipsæ vertebrae sunt positæ, & unus nervus oritur à *parte dextra* alter verò à *sinistra parte*.

*Paria autem septem cervicis* terminantur in *musculos colli, aures & genarum*, & in *musculos scapularum, brachiorum & diaphragmatis*.

*Duodecim autem paria* è duodecim dorſi vertebris procedentia; omnes horum nervuli fermè terminantur in mufculos *brachiorum, dorſi & thoracis* tam anteriori quàm poſteriori parte.

*Quinque paria* è vertebris *lumborum* terminantur in mufculos *dorſi, lumborum* & descendunt uſque *ad teſtes*. *Paria* oſſis ſacri descendunt *ad femora & pedes*.

## §. II.

### De Officio Cerebri & Cerebelli.

**U**T tandem *cerebri uſum* ritè explicemus, partium ejusdem atque vaſorum, in primis verò *tubuloſa* atque *filamentosa* ejus ſtructuræ magna videtur eſſe habenda conſideratio; *cerebri* enim ſubſtantia *adeo peculiaris* eſt, qualis nulla alia in toto corpore exiſtit.

Hanc Hypocrat. Lib. i. de glandulis, *glandula* aſſimilavit dicens: *majus eſt cerebrum quàm reliqua glandula*, quaſi ſignificare voluiſſet cerebrum eſſe *maximam glandulam*, ex eo quod ſit *corpus album, molle, humidum, ſubpingue*, ut ſunt glandulæ, inſuper partis ipſius *dignitas*, operationum principum, quas edit *nobilitas*, ſuas *proprias* eaſdemque *principes* operationes edere demonſtrat. *Spiritus* igitur *animales*, in quibus totiùs vitæ humanæ conſiſtit cardo & integritas ad omnes corporis partes *per nervos amandat*, hos verò non propria ſui ipſius ſubſtantia *conſicit, ac creat*, ſed vi & virtute *pultaceo tubuloſa corticalis* ſubſtantia, primò ex *ſanguine arterioſo* & ſpirituoso per arterias carotides ad cerebrum translato, *cribratione, filtratione*, ac *transcolatione* ſegregat, ſeparatque, talem autem ſpirituum animalium ſegregationem ac ſequeſtrationem in *ſubſtantia corticali* primùm fieri, tum ex *Authoritate Hypocratis*, tum ex *tubuloſa ipſius* conſtructione microſcopio obſervata, tum ex *ſegregationis* officio deducitur, atque probatur, dein ſequeſtrati ſpiritus per *medullarem albam & mollem ac ſubpinguem* cerebri ſubſtantiam ulterius propulſi ac ruruſum quaſi tranſcolati *omniquè Heterogeneitate* liberati, poris trajiciendis proportionati, puriſſimi que *redditi* ad operationes *animales* ritè perficiendas *in nervos* ablegantur, per quos tam



quàm per debitos canales in omnes corporis partes à natura distribuuntur, & hæc tam de cerebro propriè dicto, quam de cerebello ac medullâ oblongatâ in explicationem *veri earundem partium usûs dicta sunt.*

Quantum verò ad *processus mamillares sive papillares* aliasque cerebri eminentias & ventriculos attinet, certò valde arduum erit singulis *propria assignare officia*, interim per *has cavitates*, & præsertim per *tres anteriores cerebri ventriculos* humorem serosum & mucosum in cerebro sequestratum, tum mediante *glandulâ pituitariâ & Pineali*, tum per foramina ossis Sphænoidis *sub formâ muci*, partim per *nares*, partim per *os* excerni, ac tanquam excrementum è corpore eliminari admodum verum esse videtur.

*Plexus autem choroides & rete mirabile* ideo per ventriculos potissimum expansi esse videntur, ut sanguis *curso citatiori* per arterias ad cerebrum delatus sese in his paululum divertendo *securius reassumatur in venas*, hinc etiam, ut illius *serositas superflua* segregetur, & rursum ad venas mandetur, interea *purior spirituosâ* & subtilissima ejusdem portio, *heterogeneitate* omni liberatâ, nempe *spiritus æthereo-aereâ natura* cerebro offerantur, & ab illo in nervos ablegantur.

*Ufus spinalis medulla* est, ut nervea filamenta ad omnes partes capiti subjectas, tam internas quàm externas transmittantur, quibus mediantibus *spiritus animales* quaquà *versum ritè distribuuntur, in gratiam omnium corporis partium debiti sensûs & motûs.*

## §. 12.

### De Facie sive Vultu.

**D**iximus superius aliam capitis partem esse *capillatam*, aliam verò *non capillatam*, quare considerata illâ, hanc modò contemplari ordinis ratio postulat, non capillata verò pars *facies sive vultus* nominatur, unde Poëta:

Os homini sublime dedit, cælumque tueri  
Jussit, & erectos ad fydæra tollere vultus.

*Facies* ideò nominatur, eò quòd à *brutis homines* differre faciat, *vultus* verò à *voluntatis indicio*, pro varietate enim voluntatis mutatur, ac voluntatem detegit; *facies* partes habet continentes & contentas; continentes & sunt *communes & propriae*, communes verò sunt *cuticula & cutis*, quæ hic est valde *tenuis*, item *pinguedo*, *panniculus carnosus*, continentes verò propriæ sunt *musculi*, *ossa*, *cardilagines*.

Partes autem contentæ sunt *oculi*, *auris*, *nasus & os*, quæ sunt sensuum organa, ac in facie suam sedem habent, ut sensus *visus*, *auditus*, *odoratus & gustus*; *tactus* verò sensus ordinariam non habet sedem, sed per *totius corporis cutem* disseminatur.

*Dividitur facies* in partem superiorem & inferiorem, superior à capillis oculos inter & tempora usque ad supercilia, *frons dicitur*, inferior autem est pars illa, quæ ad extremum menti usque extenditur, atque oculis, naso, genis aliisque partibus describendis dotata, propriè *facies* dicitur.

*Frons* dicitur à ferendo, eò quòd nempe *animi indicia*, *gravitatem*, *hilaritatem*, *tristitiam*, *clementiam*, *severitatem &c.* præferat; *cutis* in fronte *mobilis est*, ideò quia duobus *musculis* donatur, qui oriuntur à calvaria propè *suturam coronalem* ad latera musculis temporalibus annectuntur, superiùs quidem distinguuntur, sed descensu paulatim ita uniuntur, ut inferiùs conjuncti *unus musculus* esse videatur, ubi ad supercilia desinunt, *quæ attollunt*, unaque firmiter annexam sibi cutem *in rugas* contrahunt, obtinent hi musculi fibras non obliquas, vel transversas *sed rectas*, quod diligenter notandum, *propter incisiones*, si quas fieri necesse est.

*Nervos* habet à *vago paris ramulo*, Arterioliis donatur à *Carotidibus externis*, venulis verò à *jugularibus*.

*Ufus frontis est custodire oculos*, ideò constructa est ex osse duplici & validissimo.

### §. 13.

#### De Oculorum partibus externis.

**A** fronte rectè descendendo ex parte anteriori immediatè in oculos descriptione nostrâ Anatomicâ incidimus, qui igitur

*ab occultando sic dicuntur, quia nimirum sub palpebris occultantur.*

*Sunt autem oculi visionis organum, & constant ex musculis, adipe, membranis & humoribus tanquam partibus propriis, præter quas dantur etiam nonnullæ impropria oculorum partes, quæ pro eorum nutrimento actionumve commoditate interviunt, & ab anatomicis æquè considerari solent.*

*Ejusmodi ultra orbitam, sunt palpebra cum ciliis & superciliis, item glandulæ cum vasibus communibus, & ductibus excretoriis.*

*Palpebra vocantur illæ partes, quibus oculi tempore somni ordinariè, vel etiam alias pro data occasione occultantur, sunt respectu utriusque oculi binæ nimirum superior & inferior. Ex concursu palpebrarum resultant duo Canthus seu anguli oculorum, quorum ille, qui utrinque naso adjacet internus & major dicitur, alter verò, qui tempora utrinque respicit, externus & minor vocatur, in quibus caruncula glandulosa & præsertim ad Canthum internum foramini lachrymali incumbunt.*

*Harum glandularum usus est, serosum & lymphaticum humorem ex sanguine separare, & per suos tenuissimos ductus secretarios in oculos effundere, partim ad eorum humectationem, palpebrarum motum faciliorem, ac subministrationem materiæ pro effundendis lachrymis.*

*Constant palpebra cuticula, cute & panniculo carnosò sed tenuioribus, cardilagine etiam cum pilis, musculis & tunica exteriori.*

*Cardilago cuilibet palpebræ unica est in limbo aut margine sita, parva & instar arcus incurvata, Græcis tarsus dicta, latinis cilium, cui pili cilia dicti implantati sunt, qui verò pili immediatè supra orbitam oculorum copiosè accrescere solent, & supercilia vocantur.*

*Usus cardilaginum est margines oculorum expansas tenere, ut faciliùs claudantur & aperiantur oculi.*

*Usus superciliorum est sudorem à fronte defluentem interciperè, ne in oculos illabatur, atque ad ornatum hominis facere.*

*Usus*



Uſus ciliorum verò eſt, remorari ea, quæ aliunde in oculos incidere poſſent, item pulveres, muſcas, aliæque in aëre volitantia infecta abigere.

## §. 14.

### De ipſis Oculis.

**S**ub palpebris poſiti ſunt oculi in ſuis domiciliis, quæ vulgò *orbita* nominantur, utrinque ad naſi latera ſub oſſe frontis ſiti ſunt, & hi ſunt *numero duo*, tum ob majorem viſus perfectionem, tum ut uno læſo vel deficiente, alter vicem ſuppleret:

*Globoſam circularémque* obtinent figuram, ut tam ad motum aptiores, quàm ad ſpecierum viſibilium *receptionem* comodiores eſſent.

*Magnitudo* oculorum in homine *mediocris eſt*, non omnibus tamen exactè æqualis, ſed talis, quæ ſpeciebus viſibilium recipiendis ſufficit.

Iſthæ viſionis organa oculi nempe *triplicibus conſtituta ſunt partibus*, quarum aliæ ad *nutritionem*, ut arteriæ ſanguine chyloſo turgidæ, venæque illum reducentes; aliæ ad *motum vel efficiendū vel facilitandū*, ut muſculi, adeps, glandulæ & vaſa lymphatica, aliæ ad *ipſum viſum formaliter producendū*, ut *nervi optici, tunica, & humores*.

*Arteriæ* ſanguinem Chyloſum ad nutritionem oculorum, muſculorum, glandularum & adipis deferentes, partim ſunt externæ à *Carotidis ramo externo*, partim internæ, ab interno *ejuſdem ramo* plexum retiformem conſtituente procedentes.

*Vena externa* in oculi albo ſpectabiles ad jugularis externum, internæ verò nervum opticum comitantes ad ejusdem ramum internum immittuntur.

Muſculos oculorum quot attinet, *ſex numerantur*, quibus mediantibus oculi humani intrà orbitæ cavitatem *quaquà verſum* moventur, quorum quatuor majores *recti* motum rectè furſum, deorſum & ad latera, & duo minores *obliqui* motum obliquum per

perficiunt; quibus musculis omnibus *adeps copiosus* ad facilitandum motum, vasæque lymphatica, *glandulae* ad oculorum humectationem & lævigationem interponuntur: *Oriuntur* musculi omnes *principio acuto* è profundo orbitæ parte *juxta foramen*, ubi nervus opticus orbitam ingreditur, cui membranæ à pericranio natæ adnascuntur, & desinunt in tendinem tenuissimum corneæ adhærentem, in qua omnes musculorum tendines in circuitu simul juncti tunicam quamdam *vulgò innominatam* constituunt, quæ latioris circuli instar oculo adnectitur, sed totum non ambit.

*Primus* musculus superior & crassus oculum attollit, ideò *attollens* aliis verò *superbus* appellatur.

*Secundus* ei oppositus in parte inferiori & humiliore *depri- mens seu humilis*, quia oculum deorsum trahit, vocatur.

*Tertius* in majori angulo ad canthum internum positus *adducens*, quia oculum introrsum nasum versùs adducit, vel etiam *bibitorius* dicitur.

*Quartus* ad parvum angulum in canthu minori situs *abducens seu indignabundus* nuncupatur, eò quòd indignantium lateralem aspectum exprimat. Ab his quatuor simul agentibus oculus tantisper intrò trahitur, ac motus sistitur, & hæc *actio tonica* à medicis dicitur:

*Quintus obliquorum primus* gracilis, teres & brevis, atque inferiori loco & in extrema inferioris orbitæ parte situs, & oblique deorsum & ad angulum externum oculum quasi *in gyrum* movet:

*Sextus obliquorum alter* omnium tenuissimus est, habens tendinem longissimum, *oculum circumagit* ac ad angulum internum ducit, hinc etiam *trochlea musculus* dicitur, hi duo musculi obliqui minores etiam *amatorii* vel *circumactores* nominantur.

## §. 15.

### De Oculorum Membranis.

**O**culi *bulbus* constituitur ex membranis & humoribus, membranæ igitur seu tunicæ oculorum *numerantur septem*, qua-

quarum duæ sunt *communes*, & quinque *propria*, inter communes prima est *tunica adnata*, quæ à *pericranio* & *perioſtio* simul oritur, & hæc in ſubſtantia ſua craſſa eſt, quare & pericranii & perioſtii ſupra *tunicam ſcleroticam* uſque ad circulum iridis expaſio eſt, & hæc oculum in ſua orbitâ tanquam in ſuo thalamo *ſtabilit*, & interioribus oſſibus *annectit*, atque *conjungit*, unde etiam *conjunctiva* dicitur.

*Arteriolas venulasque* multas interſparſas habet, quæ in ſanis oculis *non cernuntur*, in ophthalmia verò laborantibus valdè turgescunt, ideoque *facillimè tunc conſpiciuntur*.

*Secunda Communium tunica* vocatur *tunica innominata*, quam Galenus Lib. 10. de uſu partium Cap. 2. & 7. ex tendinibus muſculorum oculos moventium conſtare dicit, & tunica *tendinea rectè* appellari poteſt; *Alba ac ſplendida eſt*, hinc major ei candor, quam tunicæ adnatæ, deſinit hæc in eundem quoque *Iridis circulum*, ob eandem uti prior cauſam, ſubſterniculi nempe ut vicem in oculo gerat, & ad pinguedinem in ſua Sphæra continendam.

Remotis duabus hiſce communibus, propriarum primò viſui ſe offert *tunica Sclerotica dura ac cornea* dicta, eò quòd antiùs inſtar pellucidi cornu pollita pellucida ac tranſparens ſit, hæc tunica *totum circulum involvit*, & à *durâ meninge ortum ducit*, itaque craſſa, dura, denſa attamen ſummè æqualis eſt.

*Uſus ejus eſt totius oculi ſphæram conformare, & formatam in ſua ſphæra & ſede confirmare.*

Corneæ proximè adjacet tunica *choroides* etiam *uvea* vocata, quæ præcedente longè tenuior eſt, & à *tenui meninge ſeu pia matre originem habet*, & quia in oculo humores, ſicut membrana chorion fatum in utero amplectitur; Ideò *choroides* nominatur, anteriori parte in ſui medio ad lucis intromiſſionem *perforata eſt*, in hominibus *foramine rotundo*, in brutis quibusdam *oblongo ſeu ovali*, & hoc foramen latini *pupillam* appellant, quæ *mobilis eſt*, ut nempe ad lucem intenſius in oculum irruentem *arctari*, remiſſam verò copioſius intromittendam *ampliari* poſſit.



*Pars hujus tunica uvea* per corneam transparet, variisque coloribus ad similitudinem cælestis Iridis dotata etiam *Iris oculi* dicitur; quæ prout *subnigra*, *carulea* aut *casta* observatur, ab illo colore oculus conformiter & *niger*, *fuscus caruleus* aut *castus* appellatur, cum verò hæc tunica Iridem attingit, *reflectitur* in circumferentia *uvea portio*, atque ubi aliquantulum retroivit, *ligamentum ciliare* constituit, quæ sunt tenuia quædam filamenta, referentia lineas nigras palpebrarum pilis similes, & Crystallinum humorem cingentes, qui horum ope annectitur vicinis partibus.

*Uvea* connectitur tertia tunica *retiformis*, sive *retina vocata*, quæ *expansio* esse videtur interioris substantiæ *nervi optici*, æmulatur reticulum illud expansum, quale ad piscium capturam aquis injicitur, ejus substantia *mollis est*, in quâ filamenta quædam tenuissima, & vascula maximè tenella è plexu *choroide* & *rete mirabili derivata*, sanguinemque afferentia manifestè conspiciuntur, hæc tunica est magis *opaca* quàm *lucida*, mixta *obscuriori rubore*, quoniam hic *visibilium recepta species sistuntur*, & veluti per cameram obscuram repræsentantur tanquam in speculo, ex hac tunicâ ulterius progredienti *quarta tunica*, *arana* sive *Crystallina* dicta, quæ sui tenuitate *aranearum telam* refert, & *humorem Crystallinum* cingit. *Quinta* propriarum additur *tunica vitrea*, quæ vitreum investit humorem & hunc à Crystallino separat.

## §. 16.

## De Humoribus Oculorum.

**I**Ntrâ tunicas oculi continentur *tres humores*, nempe humor *aqueus*, *vitreus*, & *Crystallinus*, quorum hic nobilissimus est, ac *centrum oculi* à quibusdam dicitur.

*Aqueus humor tenuis, pellucidus, ac instar aquæ fluxilis est*, nullâque propriâ tunicâ comprehenditur, hinc mox à sectione oculi effluit, in parte oculi *anteriori* inter corneam & uveam tunicam ante pupillam concluditur.

*Ufus est, corneam tunicam ita distendere, ne rugosa, indeque opaca fiat*, item luminis nimium splendorem infringere, &  
ra-

radios visibiles dilatare: sin autem humor iste à debitâ suâ puritate recedat, & *crassior* evadat, tunc *visus hebetatur*, prout in senibus contingit, cum verò particulæ aliquæ heterogeneæ ei innatent, tunc *culices, muscæ, paleæ* aliæque simillima ante oculos oberrare aut volitare videntur; sin verò illæ particulæ *concentrentur*, ac ita cohæreant, ut *pellicula* inde generetur, quæ ante *pupilla* foramen subsistat, tunc visus aboletur, eò quòd radorum visibilibum ingressus in humorem CrySTALLINUM impediatur.

Hòcque incipiens vitium latinis *suffusio*, consumatum verò *Cataracta* nominatur.

*Secundus humor vitreus dicitur*, ideò *quia vitro fuso similis est*, quinduplo major existit CrySTALLINO & duplo major aqueo, figurâ *ex curvo cavus* est, cavus versùs anteriora, ut veluti intra sinum suum admittat CrySTALLINUM humorem, curvus verò posteriora versùs, quâ uveam ac retinam tunicam spectat, tenuissima ac pellucida tunica investitur, ne diff luat, aut reliquis humoribus commisceatur.

*Tertius humor CrySTALLINUS sive glacialis dicitur*, eò quòd clarissimâ pelluciditate *CrySTALLI instar* splendeat, vel concretam *glacealem gemmam* æmuletur, hic humor est absque omni alieno colore, ut omnes recipere colores aptior sit, duobus etiam reliquis humoribus *solidior atque splendidior* est, atque tenuissimâ tunicâ *CrySTALLINA* dicta obducitur, insuper oculo exemptus, ac chartæ scriptæ impositus non solum repræsentat litteras, sed & illos perspicilliorum vitreorum instar *maiores efficit*; Vitreo humori infidet iste humor, sicut aquis innatat pomum, ac in oculi *meditullio* positus est.

*In hoc humore primariò non fit visio*, cum species visibiles hunc humorem penetrando, dein concentratæ variæque refractæ, tandem in *tunica retina corpore opaco* terminentur, ubi fibrillis nerveis hujus tunicæ variè à dictis speciebus visibilibus alteratis *sensationes impressæ* in cerebro percipiuntur, ac tum species visibiles *ab anima* dijudicantur.

*Nervorum in oculis duo numerantur paria*, primum *opticum vel visorium* dictum crassum est, ac spiritus animales ad oculos,  
S 2  
sine

sine quibus visionis actio perfici nequit, desert, iste nervus parte posticâ inferitur *tunica retina*, & ad ipsum *tunica centrum*, cujus est expansio, penetrat. Secundum par motorium est, quod in quemlibet oculi muscolum ramum dimittit.

## §. 17.

## De Organo auditûs externo.

**S**equitur visionem *auditûs organon*, quod communi nomine *auris* ab audiendo vocatur, utrinque temporum regioni una apposita est *auris*, ut una auriculâ forte læsâ, altera hoc munere pro necessitate fungatur: Dividitur *auris* in *externam* & *internam*, interna constat partibus communibus, ut *cuticulâ*, *cute*, *pinguedine* &c. & propriis nempe *musculis*, *vasis*, & *car-dilagine*.

*Magnitudo* in homine satis exigua est; figurâ *semicircularis* & variis protuberantiis & cavitatibus elaborata, in quibus cum aërè sonus non statim diffluit, sed non nihil sistitur, ac infringitur, ut dein rectius ac minus impetuosè in *cavernas auris internas* succedat.

*Pars* ejus superior *ala vel penna*, inferior verò mollis & propendens *lobus* dicitur, *Ambitus* auris exterior à tortuositate *Helinx*, item *Capreolus*, interior huic oppositus *Anthelinx* nuncupatur, cavitas verò, quæ inter has partes observatur, *schapha* dicitur, pars tempora versùs, quâ pili enascuntur, quam fossula quædam sive rima à lobo separat, *Tragus* sive *Hyrus*, huic oppositum tuberculum quasi in *concham* eminens *Antitragus* appellatur, cavitas verò media *concha audit*, quæ ubi angustatur *meatus auditorius* incipit, & est ea pars, in qua fordes flavæ ac amaræ gignuntur, ac *alvearium* nuncupatur; Inter proprias auriculæ externæ partes primò visuntur *musculi*, quorum numero quatuor & quidem ab officio denominantur, ut *attollens*, *destrahens*, *adducens*, & *abducens*, cum verò in homine parvissimi sint, idcirco aures humanæ non moventur, adeoque hi musculi in *asinis*, *equis*, *bobus*, aliisque animantibus, quorum aures ad abigendas muscas moventur, conspicui sunt, ut primò *attollens* musculus, à fine *musculi frontis* prolatus, in auris *exteriorem* & *superiorem partem* inferitur, adeoque aurem *sursum antrorsumque* movet.



*Secundus detrahens* dictus, à *mamillari processu* ortus toti auris cardilagini inseritur, *auremque detrudit*.

*Tertius adducens* musculi *bucca quadrati* pars est, & carnosis fibris ad auris radicem ascendit; ibidem inseritur, *auremque tempora versùs* movet.

*Quartus abducens*: Ab occipitis musculorum involucris supra maxillarum processum oboritur, dein in tres partes divisus auri posterius implantatur, *auremque retrorsum* movet.

*Vasa auri arteriosa venosâque* implantantur, & quidem *venas* habet externa auris à *jugularibus & temporalibus*, quibus sæpius in doloribus capitis ac oculorum inflammationibus *hyrundines* cum fructu apponuntur, *arterias* verò à *Carotidibus* recipit.

*Nervos* autem plurimùm à *secunda vertebra cervicis*, subinde etiam à quinta cerebri conjugatione habet.

*Insuper* auris pars propria, est substantia quædam *cardilaginea*, quæ ossi petroso per ligamentum validum à *pericranio* natum, summâ naturæ providentiâ alligatur, hinc substantia *cardilaginea* apposita fuit, si enim *ossea* fuisset, facile frangi, *carnea* verò expansa & patula detineri haud potuisset.

Exterius auribus adstant variæ glandulæ crassæ & insignes, quæ *Porotides* dicuntur, suntque non tantùm ponè aures, ut vulgus putat, verùm etiam *sub auribus*, & *ad utrumque latus*, inter has *duæ insignis magnitudinis* reperiuntur, sibi invicem propè accumbentes, quarum minorem *conglobatam*, majorem verò *conglomeratam*, appellant Anatomici.

*Ufus* harum glandularum est, *vasa ascendentia fulcire*, atque *serum ex sanguine segregare*, tum per *lymphatica & salivaria vasa*, ad *fauces & ad os* dimittere, hinc abusivè emunctoria cerebri appellantur, adstant adhuc aliæ plurimæ glandulæ sub maxillâ inferiori sitæ, in quibus *scrophuli* solent accidere, & hæc *jugulares* vocantur.

*Ufus* auris externa est, *facere ad perfectionem auditûs*, perfectio autem consistit in eo, ne adjectæ voces dilabentur antequam ad verum auditûs organon (*quod intûs latet*) perveniant,

quatenus in protuberantiis & flexibus externis *amplificatur sonus*, ut validius organon moveat, & hinc surdastricavas manus opponunt auribus, quod & *Adrianus Imperator*, ut accuratius audiret in consuetudine habuit, hinc etiam tubulus *novus in Anglia inventus auri* immittitur, quo mediante aer facilius in internam auris cavitatem suscipiatur, & sic melius audiatur.

## §. 18.

## De Organo Auditus interno.

**A**uris interna in petroso ossis temporum processu continetur tutelæ gratiâ, in hac quam *plurima* considerantur *cavitates*, quarum quatuor propriis insigniuntur nominibus, ut *Meatus auditorius*, *Tympanum*, *labyrinthus* & *cochlea*, item *membrana Tympani*, *duo muscoli*, *quatuor ossicula*, *aer congenitus* & *vasa*.

*Primò meatus auditorius* vocatur antrum illud, quod ab *auris extrema concha* incipiens, *versus interiora tendit*, & *tortuoso ductu*, seu *foramine non nihil sursum tendit*, tum ut, si quid extrinsecus in hunc meatum incidat, facilius declivi tramite deorsum ferri queat, in hoc meatu colligitur *humor quidam flavus, biliosus, amarus, crassus & viscidus* è cerebro expurgatus, à mollioris ceræ similitudine priscis *cerumen* dictus, post meatum auditorium, *tympanum* sive potius *membrana tympani* cernitur, & est illa *membrana tenuis & subtilis*, qua *diaphragmatis instar dividit aurem internam ab externâ*, perioستio suum agnoscit ortum, *siccissima* est, ut melius personet, quoniam sicca ad sonum aptiora sunt, *pellucida* etiam & *subtilissima* est, ut sonus *facilius* transmittatur ad aërem congenitum, insuper *nervosa* est membrana tympani, ut nec stylum immissum, nec acres ferat humores, itidem *robusta* est, ut duret adversus injurias externas, læsa enim, vel erosa, vel rupta incurabilem auditus abolitionem infert, quod experiuntur ii, quibus ob vehementioris aëris motum à tormentis bellicis propè aures explosis causatum, rumpitur.

*Ufus* hujus membranæ est *meatum auditorium claudere, ac aërem congenitum ab extrinseco separando intus cohibere.*

Hic

Hic duo muscoli observantur, alter *externus*, alter verò *internus*, externus oritur à *membrana* investiente meatum auditorium, & *tendine suo* in tympani centrum exterius inseritur. *Internus* verò in basi ossis cuneiformis oritur, & in duos tendines gracillimos abit, quorum alter in *superiorem malleoli processum*, alter verò in *hujus cervicem* implantatur.

*Ablatâ* prædicta membranâ in conspectum venit *ampla illa cavitas*, quam recentiores propriè *tympanum* appellant, cujus interior superficies multis *colliculis sinubusque* inæqualis cernitur.

In hoc tympano mox consideranda offeruntur *quatuor* exigua, dura, ac densa officula, nempe *malleus*, *incus*. *Stapes & os orbiculare*, quæ circa extremitates, quibus invicem committuntur, obvinciuntur ligamento exili.

*Primum igitur officulum* à formæ qualicunque similitudine *malleolum* nuncupatur, *capitulo rotundo* incudis cavitati incumbit, *altero processu* membranæ tympani adhæret.

*Secundum incudis* nomine insignitum est, referens *dentem mollem* duabus radicibus præditum, hoc *malleolo* subjacet ejus caput leni sinu excipiens in superiori parte, in inferiori parte duos habet processus, *unum brevem tympani specui* insitum, alterum *longiorem & firmiter stapedis capitulo* devinctum.

*Tertium officulum stapes* à figura *stapedis Equestris* dictum.

*Quartum* perexiguum atque *rotundum* est *officulum*, & hinc *orbiculare* vocatur, hoc stapedi per tenue ligamentum ad latus annectitur.

A latere cavitatis *tympani* datur *altera cavitas*, ob ductus varios & anfractuosa *labyrinthus* vocata, in hanc cavitationem à tympano datur *foramen*, quod ab hoc in illam & vice versa *aëri transitum* concedit, & ideo *fenestrella* vocatur.

*Inferius anteriora versùs* in cavitate tympani datur *alter meatus*, qui ad *palatum* deducitur, atque hoc mediante aër *ab ore & palato*, quoties opus est, ad *interiora auris* dimittitur, per hunc



hunc canalem *sonus interiori auditûs organo* affertur, quare hebetioris auditûs homines ore aperto, expiratione cohibita, *melius audiunt*, unde Virgil. *æneid. secundo* inquit.

Conticuere omnes, intentique ora tenebant.

In aurium igitur morbis *hic canalis* benè notandus est, quia per illum crassi humores *massicatoris*, aut *sternutatoris* sæpe feliciter ejiuntur medicamentis.

In parte interiori cavitatis tympani rursus eminet *globulus offeus*, qui si perfringatur, cernitur tertia cavitas, quæ *cochlea* à cochleæ in gyros contortæ similitudine *nominata*, è tenuissimâ membranâ succinctæ sunt gyre cochleæ, in quam per minima foraminula tenuissimæ *nervi auditorii* fibrillæ ingrediuntur, & hæc membrana *nervosa* per *cochleam*, *labyrinthum*, aliasque ossium cavitates expansa, *proprium auditûs organon* dici potest.

In his abstrusis & anfractuosissimis ossis petrosi cavitatibus *aër continetur purissimus*, & cum ab ipsius fatus ortu hic invenitur, ideoque *aër insitus congenitus & implantatus* vocatur, quo aëre perturbato, illæ *susurrationses*, *sonitus tympanorum*; vel *aquarum delabentium susurrationses & stridores* audiri quasi semper putantur.

Distribuantur etiam per internum auditûs organon *arteriola venulaq; plurima*, ab internis Arteriæ Carotidis, & venæ jugularis ramis profectæ, quæ dictarum cavitatum profundissima loca variis propaginibus perreptant.

Ad sensum auditûs nervi inseruntur, quorum nervorum *quinti paris portio* in meatum ossis petrosi posteriorem delata ad *cochleæ labyrinthi* circulos progreditur, *utrobiquè audiendi munus perficiens*; insuper accedit ramus à quarta conjugatione productus, is in *membranam tympani* progreditur, ei que *sensum & musculis movendi facultatem* tribuit.

## §. 19.

### De ipso Sensu Auditûs.

Circa hanc materiam & quomodo jam hæ partes simul cum aëre congenito, ad *sensum auditûs perficiendum* concurrant, quàm plurima occurrunt consideranda, & primò in quâ

quânam hujus organi parte auditûs sensatio compleatur. Secundò quodnam sit medium, quo mediante auditus perficietur. Tertiò quomodò sonus aëri & hic organo auditûs communicetur.

Pro eo igitur, quod primò considerandum proposuimus, variæ sunt Medicorum & Philosophorum opiniones, aliqui enim putârunt in extrema auris cavitare sensationem auditûs perfici; ast constat apud omnes ferme Authores, naturam hæc parte uti tantum modò infundibuli loco, quatenus aër illam percutiens facilius ad auditorios perveniat recessus.

Alii opinati sunt sensationem hanc peragi in concha sive specu auditorio interno, sed decipiuntur, cum per hunc specum sonus tantum traducatur, & halitûs effluvium existat, nonnulli arbitrârunt, stapedem, incudem & malleum auditionis sedem esse, sed errant, scimus enim non dari sensationem absque nervorum ministerio, quibus officula hæc carere reperiuntur.

Vulgarium verò grex auditionem in aëre innato ponit, sed maxime decipitur, licet enim aër iste sit causa sine qua non, attamen cum aër non sit corpus organizatum, sensus auditûs in illo fieri nequit.

Opinamur itaque auditionem fieri in cochlea fundo, Tympani & labyrinthi cavitatibus, ubi scilicet.

Nervi auditorii per modum tenuissima membrana succincti & expansi existunt, qui nervi, cum à cerebro originem ducant, eidem cerebro rursum sonum mediante aëre specificè commoto, factâque ad nervos allisione, hinc per translationem fibrarum nervearum, ac quàm maxime mediante spirituum animalium in illis undulantium motu communicant, atque repræsentant, ubi anima tanquam in cerebri throno existens, advertendo hujusmodi fibris nerveis impressas, ac mediantibus spiritibus in illis undulantibus apportatas specificas alterationes seu impressiones, sonorum differentias tum cognoscit, tum dijudicat.

Quod ad secundum pertinet, nempe quodnam sit medium, quo mediante auditus perficiatur, putamus secundum plerosque Recentiores, aërem esse unicum illud medium, quo sonum per-  
T pia-

piamus qualemcumque, cum enim mediante voce emissâ, vel alio quocunque instrumento, *aër* (qui instar aquæ lymphidissimæ se habet) *commoveatur*, hæc comotione factâ, *undulando sese diffundendoque* ad auditûs organum alliditur, ibidemque & *aër innatus commovetur*, ubi dum variè commotus, in *cochleâ* cæterarumque cavitatum *membranas* ex fibrillis nervi auditorii expansis constantes, variè *ad illas allidendo* has afficit, hinc *spiritus animales* in hujus membranæ fibrillis nerveis undulantes, etiam *variè ac specificè commoti cerebro sonorum differentias reportant*, quas dein anima percipiendo distinguit, ac discernendo dijudicat.

*Mediante aëre* autem sonus percipi posse, probatur per cubiculum clausum, vel apertum, in hoc enim facilius cuncta audimus, in illo verò nihil, vel obscure tantum prolata sentimus verba, quò nempe *aër liberiùs* vel *obscuriùs* portæ rimas penetrat, eò *apertiùs* vel *obscuriùs* à nobis sonus percipitur.

*Ad tertiam denique*, quomodo sonus aëri communicetur, & ille auribus; Opinamur sonum *per impulsum* vocis, aliùsve instrumenti *in aërem* quasi impelli, hinc mediante aëris impulsu (*motu tremulo ac undulationi* consimili) auribus communicari (credimus enim sonum in *motu aëris tremulo* undulationi consimile consistere) agitâtâ nempe campanâ, cuncta ferme in vicinia imo & nubes commoventur; explosione enim è tormentis bellicis factâ, equidem *aër* tantopere commovetur, ut inde & imbres nubésque discutiantur, quod observari in magnis urbium obsidionibus licet.

Igitur intelligimus per *violentiam* ac *impressionem actionemque motûs* sonum aëri commisceri, propagationem verò soni *in tremulâ successione aëris commoti* aquarum instar undulantis consistere. Cujus rei clarissimum præponimus exemplum: v. g. si in opposito aquæ stagnantis vado seu ripa, lapillos in aquam rectâ descendentes projiciamus, mox ex utraque parte *undulationes* rotæ instar sese *dilatantes* conspiciemus, & unam quamque undulationem ad oppositas usque ripas continuari videbimus, cumque *aër aquæ* instar sit fluidus, imò *fluidior*, accidit, ut ob motûs facti impressionem etiam *undulationes* in eum impressæ eodem modo, sicut aqua commota usque ad ripas, illæ, ad aures usque nostras continuentur.



## §. 20.

## De ipso organo Odoratûs.

**A**uribus ad nares ordine tendimus, quæ in editiori faciei parte suam habent sedem, ut sursum ascendentes invisibiles exhalationes melius suscipere possint.

Nasus itaque sive illa faciei protuberans pars, est odoratûs organum, & dividitur sicut auris in internum & externum, internus constat ex ossibus, nervis & processuum mamillarum propagatione:

Externus verò rursus subdividitur, & in partem superiorem & inferiorem, superior igitur pars, quæ ossea & immobilis est, dorsum nasi dicitur, cujus pars acuminata spina, & illa cardilaginea ac mobilis est, hujus extremitas globulus sive orbiculus, ab Hypocrate verò pinnula extrema nuncupatur; hæc sæpe duplex est, quibus nempe extremæ cardilaginis mucro bipartitus est, partes laterales utrinque à spina versùs malas declinantes scapula, harum verò infimæ partes ala sive pinnae narium vocantur; pars autem carnosa in medio prominens, labioque vicina columna appellatur.

Intrinsècus dividitur nasus per septum in duo foramina vel tubos nares vocatos, ut uno obstructo per alterum in- & exspirare valeamus, & quia hi tubi satis amplii & patentes sunt, igitur ad ostium pili vibrisci dicti nascuntur, quibus mediantibus pulveres, musca, palea, aliæque insecta arcentur, quodlibet autem foramen rursus dividitur in duas partes, unum sursum ascendit ad os spongiosum, alterum verò supra palatum ad fauces & ad oris interiora abit, ubi aër in- & egreditur pro respiratione, & etiam vocis modulatione, hinc contingit, ut potus subinde per nares ejiciatur, aqua verò sive tabacus naribus attracta naso clauso per os elabi soleat.

Constat nasus cuticulâ, cute, cardilaginibus, musculis, membranis, & vasis &c. Cutis hîc loci admodum tenuis est, & quia nulla pinguedo substernitur, idè cardilagini & musculis tam firmiter adhæret, ut vix integra separari queat; in interioribus narium cavernis quædam substantia fungosa & spongiosa ob-

servatur, quæ ex ossis *cribriformis* inferiori parte producitur nasi parietibus adhærens, septo tamen *non annexa est*, inferius spongiosis subrubris carnibus oppleta, & hæ spongiosæ carnes hujus substantiæ supremam cavitatem occupant, *ut descendens muci subitaneus influxus retardetur.*

*Insuper* investitur hæc carnosæ & fungosæ substantia *tenui membranâ*, quæ à dura matre per foramina ossium cribriformium erumpente oritur, *exquisiti est sensus*, quare irritata *sternutationem* suscitât, pervia tamen & *porosa* membranula est isthæc, ut *mucosæ descendenti transitum præbeat.*

### §. 21.

#### De Partibus nares constituentibus earumdémque Usu.

**S**uperiorem & immobilem nasi partem expansum sustinent ossa, *duo scilicet lateralia & unum internum medium*, quod nasum in *duas* dirimit partes, & hoc dicitur *spongiosum* in media frontis basi situm, & narium cavitatem opplens, dicitur etiam os *Ethmoides vel cribrosum*, quia pars ejus interior; quâ capiti jungitur, *multis foraminibus* cribri instar pervia est, adeoque hæc pars propriè *cribrosa* dici potest.

*Inferioris* nasi partis substantiam constituentes sunt *quinque cardilagines*, *duæ supernæ & latiores*, quâ nasi ossibus adhærent, & quò magis descendunt, eò *molliores* evadunt, adeò ut circa nasi extremitatem in ligamenta abeant.

*Tertia* inter has *septum medium* constituit, vel illud interstitium, quod inter utrumque nasi foramen datur.

*Quarta & quinta* sunt inferiores duæ cardilagines laterales *pinnae narium* constituentes, & hæ per membranosum ligamentum in summa extremitate ita colliguntur, ut una cardilago esse videatur.

*Harum Cardilaginum* motui præsumt *quatuor musculorum paria*, duo paria ad *dilatationem* faciunt, dum alis vel pinnis sur-

furfum tractis narium foramina aperiunt, & totidem ad *constrictionem*: primum par dilatantium, *Pyramidale*, secundum verò *commune* dicitur, illud canosum est, & ab ossibus malorum oritur, ac inferitur juxta labiorum musculum in *pinnam* *exteriorem*.

Hoc verò *triangulare* initio acuto & carnosum à frontis futura juxta foramen lachrymale nascitur, & *nasi spine* implantatur.

*Constringentium* verò primum par *Myrriforme*: secundum *internum* vocatur; illud par oritur circa pinnarum radicem, dein transversim fertur & *angulis alarum* inferitur; Hoc firmissimum est & membranosum, latitans sub tunica narium parte interiori, oritur ab ossis nasi extremitate, & *pinnis* implantantur.

*Nervus* utrinque unus, qui *tertii paris* soboles est, & per foramen commune, ad majorem oculi angulum, abhinc in tunicam nasi internam, ac ab eadem tunica in *substratam carnem papillofam* abit, indeque ulterius ad musculos progreditur.

*Arterias* nares recipiunt à *Carotidibus*, *venas* verò à *jugularibus*.

*Ufus nasi* est, ut sit *certum odoratus organon*, & quidem mediante *tenui illâ carne papillosâ* sub interiori narium tunica sitâ, quæ non habet aliam sibi similem in toto corpore, cujusque *papille* nervorum odoratoriorum fines ingrediuntur, quibus mediantibus *alterationes*, hinc ab effluviis exhalantibus *factæ impressiones*, illæ verò ipsæmet per spiritus in nervulis undulantes cerebro communicantur, ibidemque perceptæ ab animâ dijudicantur.

Serviunt insuper nares juxta Hypocratem *non solum ad liberam sed & coactam respirationem*, ut enim ore obdurato *per nares respirare* in casu necessitatis queamus; in liberâ autem respiratione muscutorum nasi *nulla fit actio*, per cardilagine enim satis aperta sunt orificia, in coacta verò respiratione à musculis dilatantur alæ, ut aër confestim ingredi possit, cujus beneficio etiam nares *ad sonoram vocis pronuntiationem* faciunt, quod in morbis cardilaginum nasi clarè observari licet.

*Istis usibus* addit Aristot. tertium, nempe *sternutationem*; qui verò potius *abusus esse* dici potest, per accidens enim fit; & non



& non ex naturâ *necessaria* est sternutatio, utpote per illam rei non naturalis, neque secundum naturam fit evacuatio, sed motus violentus & *quasi convulsivus* esse videtur, multi enim *sine sternutatione* diutissimè vixerunt; Igitur potius alium usum narium tanquam secundarium substituemus, ut nempe *pituïtosa excrementa* in cerebro collecta, tum à glandula pituitaria segregata, hinc per os crybrosum transcolata, *per nasum tanquam per canalem appropriatum* effluant. Insuper *nasus ornatum faciei* addit, unde Chyrurgia Curtorum, quæ circa renascendum nasum occupatur, nata est, de qua inspicitur Chyrurgus Taglia-Cozzus.

## §. 22.

De Organo gustûs & in specie de Ore, & Labiis.

**M**Odò exminandum est *organum gustûs* videlicet *lingua*, cujus explicationem trademus, postquam *de ore, labiis cæterisque vicinis partibus necessaria* explicaverimus.

Igitur os duplices habet partes *externas* nempe circum circa os positas, & alias *internas* in ipso ore sitas, quas singulatim proponemus, *partes externæ superiores* sub oculis, inter nares, aures & mentum expansæ communiter *gena* dicuntur, & dividuntur in partem superiorem, quæ inter nasum & aurem existit, & hæc ob ruborem in pudore oborientem *sedes pudoris*, ab Hypocrate verò *faciei circulus*, item *malum* sive *pomum faciei* nominatur, *inferior latiorque pars*, quæ inflari potest, *bucca* vocatur, has partes sequuntur *duo labia*, quibus mediantibus *oris rima* clauditur, harum partes externæ *prolabia* dicuntur, & quæ in oris commissura rubent, græcè *Prostomia* vocantur, *cavitas* labio superiori sub septo nasi impressa *Phyltrum* appellatur, pars verò *utrinque* à cavitate prostant *Myrtax* audit, internè sub prostomio labii superioris membranula cernitur, quâ mediante labium hoc cum summis gingivis alligatur, & hæc *frænum* dicitur, sub *inferiori labio* pars externè in acutum pressa *mentum* vocatur, sub mento pars in pinguibus propensa *buccula* nuncupatur.

*Constant* verò labia ex carne molli, & fungosâ, cui cutis cum musculis ita exactè commiscetur, ut musculus cutaneus esse videatur, teguntur labia interna *tunicâ*, ori, *œsophago* & *ventriculo communi*, unde in vomituriensibus *inferius labium* tremit.

Inter duo labia cernitur *rima magna*, quæ latinè *os*, græcis *stoma* dicitur, continet *amplam cavitationem* ad fauces usque conspicuam, *os* in media faciei parte collocatum est, ut assumpta non solum gustu, sed & ore quodammodò cognoscerentur, & *declivi viâ* facilius ad ventriculum descenderent, tota interna oris capacitas succingitur *tunicâ*, quæ intra dentes crassior ac in palato *rugosa*, in gingivis verò extrâ dentes & labiis *tenuior* existit, & hæc est *tunica gula* & *ventriculi* continua.

*Usus* ergò labiorum est, ut *os claudant*, *dentesq;* ac *partes interiores ab injuriis tucantur*, edendi bibendique *commoditatem ut præsent*, & ad *sermonis modulationem*; item *salivæ retentionem*, *sputi conglobationem* & *rejectionem tandemque ad ornatum faciant*.

*Oris* autem *usus* est *primarius, ut in eo alimenta tanquam in infundibulo recepta, masticata & preparata per Oesophagum commodè ad ventriculum descendere*, ac in eo facilius *digeri possint*: *Secundarius, ut ad vocis & soni modulationem faciat*.

Cum verò *os* ipsum partim ex partibus osseis, ut *maxillâ superiori*, & *inferiori cum infixis dentibus*, partim ex *carnosis ut labiis & buccis* constet, hæc verò *partes omnes beneficio muscutorum moveantur*. Quare

## §. 23.

### De Musculis buccarum & labiorum.

**M**usculorum itaque duo paria ab utroque latere & buccis & labiis sunt communia, nempe *musculi quadrati & buccinatores*, quorum fibræ ita *miscentur*, ut *discerni nequeant*, itaque nec potest dari *ratio diverforum*, & *fortium horum motuum*, quos *succedunt*.

Pro-

Propriorum sunt quatuor paria & musculus orbicularis, primum par superius labium elevat, alterum deprimit inferius, tertium abducit, quartum constringit utrumque labium; Musculi quadrati oriuntur à colli vertebrarum spinis; à scapulâ, à clavicula & à pectore, ab his principiis sensim ad faciem ascendentes, tandem implantantur in labia & mentum & radicem nasi ac aurium. Adeoque levatores sive elevantes ab osse primo superioris maxilla proventi inferuntur ad latera labii superioris juxta narium pinnas; depressores oriuntur ab inferioribus & lateralibus menti asperitatibus indeque ad labii inferioris medium obliquè procedunt, abductores à cavitate subdita malis exorti ac multâ pinguedine involuti descendunt ad fines sequentium, constrictores arcuatis fibris excurrunt secundum longitudinem labiorum, & ad oris fines utrinque ingrediuntur; Musculus orbicularis est etiam constrictor, quia utriusque labio communis est, & inde labium utrumque in oris circuitu informat, totum os sphyncteris instar ambiens, labia ad se mutuo adducens fibris orbicularibus constringit, ac cuti rubicundæ scilicet prosthomio firmiter adhæret.

§. 24.

De Musculis Maxillæ inferioris.

**M**usculi maxillæ inferioris (hæc enim movetur superiori immobili existente) validissimam constrictionem perficientes in ciborum comminutione, masticatorii, molares & mandsorii nominantur, eorumque singulatim decem sunt, sive quinque paria. Primi sunt crotaphites seu musculi temporales, quod singulari naturæ beneficio in temporibus pro illis tuendis exsculpta sit cavitas, in qua securè & tutò lateant, prætendens illis natura quasi scutum, os jugale dictum; oriuntur hi musculi ab ossibus frontis, bregmatis, temporum & tunciformis sensimque rectis fibris descendunt versùs tendinem nervosum ac robustissimum, cui coronæ instar inferuntur, tendo autem hîc originem non habet, ubi videtur habere, sed per totos pene musculos disseminatur, ab his itaque musculis maxillas sursum trahentibus os clauditur.

Riolanus hos robustissimos totius corporis esse pronuntiavit, quia fortissimâ maxillarum constrictione sustinent majora pondera, quam omnes reliqui musculi simul agentes sustinere valent.

Secun-



Secundi duo *biventre*s nuncupantur, hi à processu *styliformi* utrinque oriuntur, & in *mentum* inferuntur, ab his *maxillam deorsum trahentibus os aperitur*.

*Terti*i sunt *aliformes*, quia à processibus *aliformibus* & ossis *cuneiformis asperis lineis* nati sunt, dein progredientes ad *partes laterales maxilla internas validis ligamentis* figuntur, hi *maxillam* veluti à capite abducendo *hanc directè movent antrorsum*.

*Quarti* sunt *Mansorii primi*, geminum hi principium habent, oriuntur à *sutura terti*i *quartique ossis maxilla superioris*, alterum verò ab *osse jugali*, ab his itaque initiis versùs *mentum* progredientes & latiores facti, totius tandem *maxilla amplitudini validà insertione implantantur*, horum fibræ, quia ob diversa capita sese decussatim intersecant, igitur *maxillam ad latera dextrorsum nempe & sinistrorsum, imò etiam ad interiora movent*.

*Quinti* sunt *Mansorii alteri*, hi à cavitatibus internis *processuum aliformium enati* descendunt ad *maxilla internas asperitates juxta sinus*, quibus latis tendinibus affirmantur, productam hi à *primis mansoriis maxillam revocant, & movent retrorsum*.

## §. 25.

### De Maxillis & dentibus.

**A** Musculis maxillarum ad ipsas maxillas, dentes in ore continentes progredimur, duæ igiturveniuntur *maxilla, superior & inferior*, superior à superioribus ad ipsum *orbita oculi os* protenditur, inferior reliquam faciei partem *mentum versùs* complet. Prior *immobilis*, secunda verò *mobilis* est; superior maxilla constat in utroque latere *quinque ossibus*, quæ potius per harmoniam, quàm futuram junguntur, quarum primum est *os Zygomaticum*, secundum *tachrymale*, tertium *maxillare*, quartum *nasale*, quintum *palati posticum*.

Inferior verò *duobus* constat *ossibus*, quæ in media parte menti uniuntur per intermediam cardilaginem, ideoque in recens natis divisum quasi videtur, in adultis verò hæc cardilago durescit, ac

ossibus similis evadit, continet *præsepiola* dentium cum *processu coronide* & *condillo*.

*Usus* maxillarum est, tum ad *efformandam faciem*, quàm ad *cibos comminuendos*, quâ ratione inferior præcipuè facta est mobilis, superior verò immobilis, & idèd, ne per ejus motum *visio* deturbetur.

In utraque maxilla sunt *dentes*, ita dicti, quasi edentes, per *gomphasim* inarticulantur, & in alveolis à nervulis ipsorum radicibus insertis, ac à *gingivarum cardilagine* firmiter continentur; & sunt numero *triginta*, vel *triginta duo*, scilicet in utroque latere *quindecim* vel *sedecim*.

*Usus* dentium est *comminuere* & *masticare cibos*, & ad *distinctam pronuntiationem*, ac etiam oris ornatum facere.

## §. 26.

### De Gingivis & Palato.

**P**ost dentes occurrunt *gingiva* *duæ*, quas constituit caro sui generis & immobilis, dentes valli instar cingens, eosque in *suis alveolis* mediante cardilagine stabiliens, quâ valde indigent edentuli, quia illâ vel *exesâ* vel *relaxatâ* dentes vacillant, aut excidunt.

*Usus* gingivarum est *dentes in suo ordine continere*, atque *vacillaturos firmare*.

Post gingivas consideranda venit oris interna ac superior pars leviter concava, quæ *palatum* dicitur, estque *cerebri basis ex osse sphanoide* formata, à faucibus ad dentes usque extensa.

Constat ex carne *peculiari* & *glandulosâ*, exilibus nempe glandulis conglomeratis, & *tunicâ crassâ* quibusdam in locis *rugosâ* constructa per hanc per minima foraminula è glandulis substratis *salivalis liquor* in oris cavitatem transmittitur.

Insuper notantur hîc in interiori processu à naribus *spiracula* in oris cavitatem hiantia, *aëremque transmittentia*.

*Usus*

Usus palati est, *partim una cum lingua gustum perficere, vocis sonum infringere, ac perfectiorem reddere*, atque hinc illi, quibus hæc pars ex infelici ulcere exesa est, gustum habent imperfectiorem, potumque *per nares* facili negotio vel leviter nauseati rejiciunt, ac *raucam, clangosam & ingratam* vocem edunt.

## §. 27.

## De Uvula &amp; faucibus.

**A** Palati Medio juxta narium meatus in os supra laryngis rimam inter amygdalas uvæ instar propendit *uvula*, quæ est *caruncula rubra glandulosa & fungosa* tenui, sed laxâ/vestitâ pellicula à palato demissâ, & à pituitolis defluxionibus facile intumescit, & prolongatur, qui affectus *relaxatio uvula* appellatur.

Riolanus & veslingius huic duo musculorum paria ad suspensionem levemque illius motum adscribunt, ast opinio eorum solummodò conjecturalis est, cum nulli muscoli ea in parte demonstrari queant, & uvula etiam motu voluntario prorsus destituatur.

Usus *uvula* sive gurgulionis ac Columellæ triplicem esse Galenus Lib. 7. Cap. 5. de usu partium dicit: primò, *ut sit vocis plectrum*, id est, ut conferat ad vocis magnitudinem & elegantiam, secundò *ut aëris frigidioris inspirati impetum nonnihil frangat*, tertio ne humores per palati superiora descendentes rectè in laryngem copiosi incidant; sed per uvulam versùs Œsophagum deriventur, secundum aliquos etiam impedire, ne potus ex ore in nares facile regurgitet.

Uvulam fauces proximè insequuntur, quæ, licet improprie de toto oris hiatu dicantur, strictè tamen tantum designant illud *spatium posterius, & inferius*, ubi linguæ & asperæ arteriæ extrema nariumque foramina per palati posteriora descendencia concurrunt, & ore operto & linguâ depressâ conspicitur atque ab Hypocrate *Isthmin* dicitur.

Faucium usus est, *illaqua in ore assumuntur, & masticata sunt, ad æsophagum transmittere & deglutire*, quæ actio median-  
tibus tribus musculorum paribus Pharyngi cum æsophago communibus perficitur.



## §. 28.

## De Osse Hyoide ejusque Musculis.

**A**Ntequam linguæ Anatomen aggrediamur, de *osse hyoide* aliqua præmittimus. Est igitur in faucibus os, quod à formagræcæ litteræ Y. dicitur *Ipsiloides*, ab aliis *hyoides*, & etiam *os lingua* dicitur, cernitur quidem ut *unum*, sed reverà constat ex *tribus*, rariùs ex *quinque*, *septem* vel pluribus ossiculis, inter hæc *medium* est maximum & *basis* cæterorum, hoc verò in modum *arcus* curvatum est, foris *gibbum*, intus non nihil *cavum*, sub quo hæret *Epiglottis*, huic utrinque gemini processus *cornua* dicti, quia duorum cornuum instar se habent, committuntur, sin autem supra ternarum numerum plura ossicula adsint, illa *cardilaginea* existunt. Jungitur os hyoides per processus breviores *Cardilagini scutiformi laryngis* mediante ligamento, per longiores verò processus articulatur *processibus temporum styloformibus* mediante cardilagine & valido ligamento.

*Usus ossis hyoidis est firmare linguam, tam in loquendo, quam in deglutiendo*, cum enim loquimur, lingua fulcrum habet per articulationem processus *ossis hyoidis brevioris* cum larynge, qui hic ossis vices gerit, dum enim deglutimus, fulcrum accipit in appendice *ossis styloformis*, cujus beneficio cibus & potus supra laryngem tanquam per pontem trajicitur, cum verò hoc os non moveatur, antequam priùs & lingua commoveatur, igitur *quatuor paria* musculorum cum linguæ musculis *communia* habet, & non nisi illis remotis musculis demonstrari possunt.

*Primum* igitur par *ossis hyoidis* dicitur *sternohyoides*, quia oritur ab altiori & interiori regioni sterni, & finitur in *basi ossis hyoidis*, usus est *os hyoides recta deorsum trahere*.

*Secundum* par dicitur *geniohyoides*, oritur sub mento ex interna parte maxillæ inferioris, & finitur in *media sede ossis hyoidis*, usus est *illud os recta sursum & nonnihil antrorsum trahere*.

*Tertium* par dicitur *styloceratohyoides*, est gracile & teres sub mento situm, oritur ab ossis stylohyoidis appendice, & finitur in *cornua ossis hyoidis*, usus est *memoratum os ad latera movere, & nonnihil sursum trahere*.

Quar-

*Quartum* par dicitur *coracohyoides*, oritur ex latere superioris scapulae, & propè ossis *carocoyoidis* processum deferitur sursum, & finitur obliquè ad ossis *hyoidis* latera, *Ulus* est os *hyoides* deorsum trahere.

## §. 29.

## De Lingua si ve Organo gustûs.

**T**Andem ad linguam, quæ à *lingendo* nomen adepta est, deveniemus, hæc græcis *glossa* seu *glotta* dicitur, sita est in ore sub palato, & capacitatem maxillæ inferioris replet, numero *unica* est, *oblonga* nempe *lata* & *crassa* in homine; sed ad radicem *crassior*, in extremitate verò *tenuior* & *acutior*, quæ si expeditè moveri nequeat, *blasos* & balbutientes homines reddit, subtus sub linguâ *ligamentum* est firmum & latum, cujus extremitas *frænulum* dicitur, hîc sectio subinde in infantibus instituitur; sed cautela adhibenda est, ne *nervi linguae substrati* incidantur, lingua undique libera est, sed posterius ossi *hyoidi* laryngi item faucibus & tonsillis annectitur.

*Substantiam* obtinet lingua peculiarem, quæ *caro* est *peculiaris*, qualis nulla alia, estque *gustûs organon*, interim *mollis*, *rara*, *laxa*, & *spongiosa* ad imbibendos humores solutos.

*Geminâ* contegitur *membranâ*, unâ nempe exteriori *crassâ*, alterâ interiori & *tenui*, *crassa dura matris*, interior & *tenuis pia matris* productionem esse putatur; sub hac plurimæ exiles *prominentes nerveæ papillula* cernuntur, quæ per hanc membranam protuberantes in *crassæ incumbentis membranæ poros latiusculos* inferuntur.

*Lingua* præcipuè humanæ *substantia fibris valde tenuibus* prædita est, tam variè autem & obscurè hæ fibræ sibi invicem intermiscuntur, ut earum ordinem & situm explicare difficillimum sit.

*Arterias duas* majusculas accipit lingua à *carotidibus* nempe, & venas ad *jugularium* ramum internum dimittit; quæ sub lingua *vena Ranina* (insigniter subinde turgentes & conspicuæ) dicuntur, ac in *variis in affectibus non raro secari solent*.

*Nervi tam motorii quàm gustatorii inferuntur linguæ, crassius par interiora pereptans, à septima conjugatione, tenuius verò par exteriora tunicæ linguæ percurrrens à quarta conjugatione oritur.*

*Movetur lingua in quamcumque partem, idque beneficio partim illorum musculorum, quas cum ossè hyoide communes habet, ut diximus, partim singularibus & propriis, quinque nempe musculorum paribus.*

*Primum par styloglossum appellatur; ab ossis styloformis appendice natum, circa medium in utrumque lingua latus inferitur, atque linguam attollit, & introrsum ducit.*

*Secundum par Basiloglossum seu Psiloglossum dicitur è basi ossis hyoidis prodiens, & in medio lingua finitur, hoc linguam rectè introrsum trahit.*

*Tertium par Genioglossum nominatur, in interna menti sede oritur, & medio lingua inferiùs inferitur, quam exserit.*

*Quartum par à cornubus ossis hyoidis progignitur, atque & ceratoglossum vocatur, lateribus lingua inferitur, eamque in latus movet dextrum, vel sinistrum, si verò ambo simul agant, linguam deorsum versùs interiora trahunt.*

*Quintum par Myloglossum vocatur, oritur à lateribus maxilla inferioris, ad radices dentium mollarium & sub lingua in illius ligamentum inferitur, eamque deorsum trahit.*

*Uus linguæ est, primò gustûs, secundò loquela esse instrumentum, tertio cibos hinc inde in orevolvendo masticationem adjuvare, quartò actionem lambitivam efficere.*

### §. 30.

#### *De Glandulis oris & ductibus salivalibus.*

**A**D radicem linguæ glandulæ sublinguales dictæ plurimæ sunt, ex his semper aliquid humoris ad partes siccas irrigandas defluit, & imprimis in utroque latere glandula major est, à qua



à qua ductus salivales originem habent, hosce ductus salivales annotat Galenus Lib. II. de usu partium ajens, quoniam exsiccata lingua ad motus tardior efficitur, quare natura mirificè providens in larynge glandulas carnosas spongiis similes & quidem unam majorem utrinque apposuit, quod ipsum etiam sub lingua fecit, atque ex iis per meatus obliquos ad inferiores partes serosum & pituitosum humorem eructat, sic linguam ipsam per omnes ejus partes in ore humectat; Hic ipse humor sive eadem saliva, non solum oris inferiora lubricat, sed & cibis in ore masticatis admixta facilem deglutionem efficit, atque alimentorum assumptorum resolutionem promovet, præter hos sublinguales salivales ductus, adhuc duos alios utrinque nempe unum Recentiores observant, quorum superiores ductus salivales stenoniani, inferiores verò ductus Warthoniani dicuntur; originem hi habent à maximaglandula ad radicem aurium sita, atque externè decurrentes in oris cavum finiuntur, modò remotius, modò propius ad utriusque labii confinium accedentes; glandulæ hæ quasi ex plurimis glandulis conglomeratis constant, quibus vasa lymphatica & arteriolæ venulæque ac nervorum fibrillæ intertextæ adnexæque sunt.

## §. 31.

## De ipso Gustus sensu.

**E**xplicatâ totius oris ac linguæ Anatome, quæ pro gustus organo à natura est constructa, igitur pro coronide de gustu aliqua prætexere conabimur.

Primò nempe in quânam lingua parte hujusmodi sensatio perficiatur.

Secundò, quo pacto gustus ejusque diversitas habeatur, & ex quâ causa sursum. Et denique

Tertiò de sapore ac quomodo is linguam efficiat.

Ad primùm itaque dicimus secundum opinionem fermè omnium Recentiorum, nerveas papillas prominentes & ex tenui membrana lingua protuberantes, indeque in poros exterioris crasse membrana se se insinuant, sedem sive locum pro gustu efficiendo suppeditare, ratio est, nam ubi major harum papillarum ner-

vea-


vearum datur concursus, ibi major promptior & acutior percipitur gustatus, quod in linguæ apice comprobatur.

Ad secundum famur *gustationem fieri, quoties corpus, quod vulgò sapidum dicitur, salivali humore solutum sese intra linguæ poros insinuans dictas nerveas papillas offendit, easque aut titillat, vellicat, mordet, aut pungit, stringit & irritat, aut alio quovis modo afficit, impressio seu idem affectus per spiritus in papillis nerveis undulantes cerebro communicatur, ibidemque ab anima percipitur, dijudicaturque; diversitas autem impressionis in papillas nerveas facta oritur, vel ex varia particularum salino-crearum sicque corporis sapidi configuratione, vel ex diversa linguæ ejusque pororum structura.*

*Ad tertium de saporibus & modò linguam afficiendi, quod attinet, dicimus duo saporum dari genera, scilicet unum suavem, qui dicitur dulcis, & insuavem, qui varius, amarus nempe, falsus, acidus, acerbus, acris, austerus, adstringens, &c. dicitur.*

*Suavis autem sapor fit, quando corporis comesti particula Salino-Sulphurea ita cum poris linguæ & papillarum nervearum per tunicam disseminatarum proportionem nasciscantur, ut invicem in figura fermè conformentur, & propterea linguam & papillas nerveas leviter tangentes hanc commode leniant, demulceant leniter placidèque afficiant.*

*Insuavis verò sapor oboritur, cum ciborum corpuscula Salino-acida, vel Sulphureo-acria, ita poris linguæ ac papillarum nervearum sunt difformia, ut illas subintrando, aut pungant, mordeant, acutè vellicent, distendant, incidant, dilanient, discerpant aut restringant, quapropter ex diversâ affectione à particulis figurâ diversis tactu vario in papillis nerveis inductâ, varius ac diversus resultat sapor, prout enim papilla nervea leviter aut fortiter in lingua feriuntur, spiritus variè alterati vel magis vel minus celeriter versùs cerebrum percurrunt, hinc ab anima vel suavis vel insuavis sapor percipitur, ac dijudicatur.*



# LIBER IV.

## *De Artubus & Musculis totius Corporis.*

### §. I.

#### *De Artubus superioribus.*



Ivisionem humani corporis observaturis, de artubus nobis jam dicendum est, sunt verò artuum alii *superiores*, alii *inferiores*, superiores *manus*, inferiores *pedes* vocantur.

Est igitur manus *organum organorum*, quo homo donatur, ne brutis inferior sit, sed dum arma aliàque instrumenta sibi parat, manibùsque dirigit, *illa vincat ac dominetur*, quare scècùs quàm bruta rationem & manus accepit homo.

*Sunt autem homini manus bina & gemina*, ut altera alteri in subsidium venire, & unâ languente, altera alterius vicem supplere possit; Intelligimus autem per manum non tantùm cum vulgo *manum summam*, sed id totum, quod à *summo humero usque ad digitos extremos extensum* propendet, & sic dividitur primò in *brachium*, & *extremam manum*, brachium subdividitur in *humerum sive brachium stricte sumptum*, & in *cubitum*, brachium itaque stricte sumptum est pars illa, quæ à *summo humero usque ad cubiti flexuram* extenditur, ubi cernitur sub humeri articulo cavitatis; quæ *Axilla* sive *Ala* vocatur, hîc sub panniculo carnosol latent *tres glandule magna* juxta vasorum divaricationes positæ, ab aliis *cordis emunctoria* putatæ; *Cubitus* verò à flexurâ usque



*ad carpum* porrigitur: *Extremam* autem manum dividimus in *brachiale*, sive *carpum*, *postbrachiale* seu *metacarpum*, & in *digitos*; *carpus* est pars inter *cubitum* & *palmam*, *metacarpus* est pars inter *carpum* & *digitos*, pars interna *palmæ* sive *vola manûs* pars externa *dorsum manûs*, manus verò contracta & clausa *pug-nus* vocatur, digitorum articulationes *internodia* nominari solent.

In *vola manûs* observantur *monticuli*, & *linea*, *monticuli* sunt *prominentiores*, & *carnosiores interne manûs partes*; sic initium manûs aliquantulum extuberans, radix manûs vocatur, *monticulus pollicis* substratus *mons martis*, qui *indici* adhæret, *mons Jovis*, qui medio *digito*, *mons saturni*, qui *annulari*, *mons solis*, qui verò minimo *mons veneris* dicitur, *spatium* verò quod inter *pollicem* & *indicem* intercedit *Mercurio*, *hypothenar* autem *Lunæ* dicatus *mons* est.

*Linea* in *vola manûs* multa sunt, ex quibus *Chyromantici* ridiculâ sane conjecturâ multa præagia pollicentur, inter eos autem *tres præcipuè* considerantur; ut prima, *pollicis ambitum* circumscribens, quæ *linea vite* seu *temporalis* nuncupatur, secunda *transversim* per mediam *volam* delata usque ad *lunæ montem* extensa, *Jecoraria* & *naturalis* dicitur, tertia à minimo *digito* ad *indicis articulum* porrecta, *Mensalis*, *thoralis* & *veneris* *linea* appellatur.

## §. 2.

### De Digitis.

**P** *Artem manûs* utpote organi sensorij præcipuam constituunt *digiti*, sive eorundem in tenendis *robur*, sive in motibus *miranda varietas* & *stupenda agilitas* consideretur, digitorum itaque, græcis *dactili* dictorum in quâvis manu *quinque* sunt, longitudine & crassitie inter se differentes; Horum itaque primus crassus, roboreque cæteris omnibus æquipollens, *Pollex* nominatur; secundus ab usu *index*, & *demonstrator* dicitur, quoniam eo in rebus demonstrandis & indicandis uti solemus; Tertius, qui medius & longissimus est, *impudicus* vocatur; Quartus *annularis* & medius, quia *annulo aureo* ante alios ornari solet; Quintus autem à parvitate minimus & etiam *auricularis* dicitur, quia *aurium sordes* eodem expurgantur,

Digitorum extremitatibus exterius impositi sunt ungues, quorum pars posterior albicans radix unguium & lunula vocatur, maculae autem in unguibus albæ subinde apparentes, mendacia, loca verò sub unguibus abscondita crypta vocantur.

Sunt autem ungues partes cornea extremis digitis manuum pedumque imposita, transpauitate & pelluciditate donata, ideoque varîe colorata, nam pro ratione carnis subjectæ, vel rubent vel liuent &c. Hinc Hypocrates sect. 8vâ aphorissim. 12. ait, ungues nigri &c. mortem proximam esse portendunt, hinc Medici unguium colores observare solent.

Substantiam habent ungues mediocriter duram, ut resistent, sed tamen flexilem, ut non nihil cedant, & non frangantur, crassities eorum varia est etiam in uno eodémque ungue, crassissimi enim sunt versus extremitatem, sive ea in parte, quæ resecari solet, & econtra tenuissimi & acutissimo sensu præditi sunt in radice, sive ea in parte posteriore, quæ sub cute absconditur, quia, ut docet Anatomia, omne vasorum genus ibidem concurrît, quare & nutrirî ungues antiquis omnino fuit indubitatum; Itaque Galenus Lib. 2. de administrationibus anatomicis capit. ultimo ait: unguibus arteriæ, venæ, nervi in radice junguntur in gratiam vitæ sensûs & nutrimenti. Hypocrates verò Lib. de natura pueri textu 16. & Lib. de alimento capit. 4. ait, sentire ungues quidam negant, quia eos sine dolore quotidie resecamus, quidam verò affirmant, quia exsectione illius partis, quâ carni adhærent, maximum dolorem percipimus, ergo distinguendum esse judicamus, unguis ergo quâ unguis maximè verò in extremitate suâ non sentit; quâ autem valis inseparabiliter adhæret, scilicet in radice acutissimo pollet sensu.

Unguium finis & usus est, primò digitorum vasa & partes mollissimas tueri, & iis duritiæ suâ munimento esse, ut commodius, melius, & facilius objecti duri apprehensio fieri queat. Secundò ad fricandum, scalpendum & defendendum facere. Tertio Medicis vita sanitatisve indicia præbere, & ad ornatum saltem aliquid conferre.

## §. 3.

## De Artubus inferioribus.

**A**rtus superiores ordine sequuntur artus inferiores *nempe pedes*; sicut enim ad *apprehensionem* manus, sic ad *stationem & ambulationem* homini pedes dedit summus rerum Conditor, qui ad maiorem commoditatem & gressus firmitatem, *longi, latique, ac subtus in medio aliquantulum cavi*, variisque articulis distincti sunt.

Est autem pes in genere totum id, quod à *natibus*, nempe ab osse *Ischios* sive *coxendicis* articulo ad *extremos usque digitos pedis* extenditur, dividiturque in suas partes sicut manus, non ab simili prorsus comparatione, scilicet in *femur, tibiam & parvum* pedem, parvus verò pes rursus dividitur in *tarsum* seu *pedium*, in *metatarsum* sive *metapedium* & in digitos.

*Femur* à *coxendicis articulo* ad *primam inferiorem articulationem* usque procedit, quæ anteriori parte *genu*, posteriori parte *poples* appellatur, in hujus summitate ad flexuram *Inguen* est, in quo utrinque latet *famosa glandula* ex minoribus glandulis composita, quæ olim *Epatis emunctoria* esse credebantur.

*Tibia* sumpto à *genu initio* ad *calcem usque fertur*, cujus anterior & durior pars in superficie *tibia*, posterior carnosâ pars *sura* nominatur, duæ verò inferiores laterales prominentiæ *Melleoli* dicuntur. Hic *internus* ille *externus* vocatur: *Parvus* pes est *basis*, cui totum corpus *insistit*, dividitur in *pedium, metapedium & digitos*.

*Pedium*, cujus pars posterior *calx* sive *calcaneum* vocatur, hoc constat *septem*; *metapedium* verò *quinque ossibus*, *digiti singuli tribus, & ossibus sesmoideis*, excepto pollice, ut in explicatione *skeleton* videbitur: *Mollibus* etiam horum *digitorum extremitatibus* ad tutelam impositi sunt *Ungues*, ejusdem substantiæ, naturæ & usus prout in manibus sunt, de quibus supra egimus.

Uusus *Pedium* est *stationis & ambulationis esse instrumentum*, quia verò hoc fit per motum & firmationem, hinc omnino necessarium fuit, ut essent *bini pedes*, neque enim corpus de loco in locum trans-



transferri posset, nisi pede altero quiescente & corpus fulciente, altero interea promoti, cum verò motus tam manuum quàm pedum, hinc omnium corporis partium à musculis dependeat, igitur modò de musculis totius corporis agemus.

#### §. 4.

#### De Musculis Capitis.

**I**gitur de musculis acturi ordo & ratio postulat, ut de capite initium faciamus. Quare Caput vel *primariò* per musculos sibi proprios, vel *secundario* scilicet ope *musculorum colli* movetur; & hoc idè, quia caput arctissimè connectitur cum *prima colli vertebra*, unde musculi ad primam spectantes vertebam, etiam *inter musculos capitis* numerari solent.

*Propriorum ergo capitis musculorum octo sunt paria*, per quos capitis motus perficitur, ex his *duo paria* caput *flectunt* seu *antrorsum* agunt, quatuor *extendunt*, sive *retrorsum trahunt*, duo *circumagunt*, seu obliquè ad latera ducunt.

Itaque *flectentes* seu *antrorsum* caput moventes sunt musculi *duo mastoidei*, & *duo interni recti* dicti, *Musculi Mastoidei* in parte colli anteriore sunt siti, oriuntur à *sterno* ex parte *anteriori claviculæ* gemino inter sese distante principio, sed his deinde junctis ascendunt per collum & *Apophysi ossis Mastoidei*, hinc ossibus temporum, & lateribus ossis occipitis inseruntur.

*Musculi duo interni recti* sub *æsophago* sunt siti, oriuntur nervosis principiis à *transversis vertebrarum processibus*, desinuntque in *capitis basim* inter utrumque processum, quo caput cum *Athlante* articulatur.

Musculi caput *extendentes* sunt *quatuor paria*, sive utrinque quatuor, nempe *splenius*, *complexus*, *rectus major*, & *rectus minor*; splenii à spinis quinque vertebrarum superiorum thoracis exoriuntur, indeque per cervicis spinas sursum delati *occipiti implantantur*, *complexi* à variâ fibrarum intricatione nomen habentes *sub prioribus* collocantur, originem ducunt à *processibus verte-*

*brarum inferiorum* colli, & aliquorum superiorum dorfi, & in medium *occipitium* versus processus mamillares expanduntur.

*Remotis his musculis sequitur utrinque rectus major*, qui à *secunda cervicis vertebra spina* oritur, & eminentiori parti *occipitis* implantatur, sub musculo recto majori utrinque *musculus rectus minor* latitat, qui initium sumit à *prima cervicis vertebra* tuberculo, penesque eundem in præcedentis terminum finitur.

*Usus horum musculorum est movere caput retrorsum & cervicem erectum tenere.*

*Succedunt in utroque latere duo musculi obliqui*, caput circumagentes, seu obliquè ad latera trahentes.

*Obliqui superiores* è medio occipite juxta latus externum musculorum rectorum majorum exorti, obliquè descendunt ad apices transversorum processuum primæ vertebrae iisdemque transversim inseruntur.

*Musculi obliqui inferiores* econtra à *secunda cervicis vertebra spina* enati obliquè ascendunt, & in processum transversum supernæ vertebrae excurrunt.

## S. 5.

### De Musculis Colli seu Cervicis.

**M**USCULOS capitis sequuntur musculi *colli seu cervicis*, qui musculi primariò *collum*, secundariò verò *caput* movent, horum octo sunt sive utrinque quatuor, nempe *longus, scalenus, transversalis, & spinatus*, quorum ope *collum* versus *anteriora, latera, & posteriora* movetur, duo primi *longus & scalenus* *flectunt*, duo reliqui *transversalis & spinatus* *extendunt collum rectà*, si in utroque latere simul agant, *obliquè* verò, si alteruter eorum seorsim agat.

*Primi itaque duo longi* sub *æsophago* latitant, & hi à *quinta vel sexta thoracis vertebra* anteriùs, quâ costis jungitur carnosii enati ac sursum ascendentes tendine acuto in *prima cervicis vertebra* processum & subinde in *occiput* delinunt.

*Secundi scaleni sunt*, qui latera magis occupant, à *claviculâ*, & à *primâ costâ* prodeunt, & sursum ascendendo omnium cervicis vertebrarum transversis processibus affiguntur, & internè inseruntur, habent hi musculi *foramen peculiare*, per quod *arteria* ad brachium descendentes & *venæ* ab eodem ascendentes transeunt.

*Tertii sunt duo transversales* in dorso siti, hi à superiorum thoracis vertebrarum transversis processibus exorti in omnes processus transversos vertebrarum cervicis externâ sede terminantur.

*Quarti sunt duo spinales*, hi totam cervicem inter spinas occupant, oriuntur à septem superiorum thoracis & quinque vertebrarum colli spinis, ac in totam interiorem sedem spinæ vertebræ secundæ implantantur, atque unâ cum transversalibus cervicem sive collum ad posteriora sive obliquè flectunt.

## §. 6.

### De Musculis scapularum.

**M**usculos cervicis seu colli sequuntur musculi respirationi dicati, nempe *musculi pectorales* sive *thoracis* dicti, & *musculi intercostales*, item *musculi abdominis*, sed de his ubi de abdomine Lib. 1. & de illis Lib. 2. §. 3. tractatu de thorace actum est, igitur in præsentî paragrapho de musculis *scapula* jam *dorsi* & *lumborum* descriptionem faciemus.

*Scapula* itaque præterquam, quòd ab humeri & brachii musculis per accidens moveatur, etiam peculiares habet motus, puta *antrorsum*, *retrorsum*, *sursum*, & *deorsum*, qui quatuor musculorum beneficio nempe *serrati*, *antici minoris*, *trapezii* sive *cucullaris*, *Rhomboides*, & *lavatoris* perficiuntur.

*Primus ergo serratus anticus minor* dictus, musculo pectorali substratus est, à costis quatuor superioribus oritur, & *scapulæ* ad *processum coracoidem* inseritur, eamque antrorsum ad thoracem adducit.

*Secundus Trapezius* usitatiùs verò *cucullaris* dictus cum suo pari dorsum tegens, Monachi cucillum aliquo modo refert, ortum su-



mit ab occipite è sinu propè aurem, nec non à *spinis quinque vertebrarum cervicalium*, atque superiorum vertebrarum thoracis, tandem versùs scapulam angustatus procedens in ejusdem totam spinam, ad summum humerum & ad claviculæ latiorrem partem implantatur, hic scapulam propter varium exortum, variasque fibras diversimodè movet, *sursum, deorsum rectè & obliquè*, prout modò hæ, modò illæ fibræ contrahuntur.

*Tertius Rhomboides* dictus à figura quadrilaterali sub cucullari situs, est *tenuis & latus*, hic emergit à spinis trium vertebrarum inferiorum colli, & trium superiorum thoracis; atque in externam basim scapulæ inseritur, eamque *obliquè, sursum, & ad posteriora* trahit & dorso applicat.

*Quartus levator*, etiam *patientia* musculus dicitur, quia elevant hi scapulam, quibus è voto res non succedunt, hic à transversis processibus, secundæ, tertiæ & quartæ vertebræ colli, diversis principiis circa medium coeuntibus prodiens, lato & carnoso tendine scapulæ angulo elatiori & inferiori infigitur, eamque *sursum versum anteriora* trahit & cum humero attollit.

His ergo mediantibus musculis scapula quævis *per se & brachium per accidens* movetur, & vicissim scapula *per accidens* à brachij musculis propriis movetur.

*Scapulis* annectuntur *clavicula*, quæ quidem *immobiles* esse videntur, non autem revera sunt, quod quilibet vel in se ipso poterit experiri, quoties enim scapulæ sursum elevantur, toties & ipsæ claviculæ attolluntur, hanc ergo ob causam claviculis *musculus cucullaris* etiam inseritur, ut illæ cum his simul moveantur, quia verò clavicula unà cum scapulâ motâ denuo in suum locum reponi necesse fuit, igitur à naturâ ad hoc peculiaris musculus conditus est, & hic vocatur *musculus subscapularis*, hic verò à *scapulis* ortus in claviculæ partem humiliorem, quâ respicit costam propè acromium processum affigitur.

### §. 7.

#### De Musculis Dorsi & Lumborum.

**A** Musculis anticâ thoracis parte, ad illos, qui pectoris posteriorem partem occupant, transgredimur, & hi dorsi & lumborum muscoli in genere vocantur. Mo-

Movetur autem spina dorſi *antrorſum, retrorſum, ad latera, & circulariter*, prout in hyſtrionibus infinitos dorſi motus videre licet, & quidem beneficio quatuor *musculorum parium*, ubi notandum eſt, quòd ſi *alteruter musculus tantum* agit, ſpinam *in latus* moveri, ſin autem *totum par*, ſpinam dorſi *flecti vel extendi*. Horum autem in ſpecie

*Primum par quadratum* appellatur, quod conſtituunt duo *musculi triangulares*, qui ſimul juncti quadraturam aliquo modo exprimunt, hi ſunt *lati & craſſi* ab offis *Illii* cavitate poſticâ ſuperiore, & *offis ſacri* parte laterali internâ proſiliunt, abhinc in tranſverſas vertebrarum apophyſes uſque ad ultimam coſtam carnoſi inferuntur, atque *lumborum vertebraſ antrorſum vel ad latera* flectunt.

*Secundum par longiſſimum* dicitur, & oritur ab extremitate *offis ſacri & Illii*: & ſecundùm longitudinem ſpinæ uſque ad proceſſus mamillares propè oſſa temporum extenditur, & ſingulis vertebrarum lumbalium & proceſſibus dorſi tendines largitur, ac cum *musculis ſacro lumbo & ſemiſpinato* uſque ad infimam dorſi vertebram firmè deſcendit, hinc multi iſtos tres *musculos pro uno tantum* habent.

*Uſus* ejus eſt *thoracem, lumbos & eorum vertebraſ extendere*.

*Tertium par* huic ſubjectum *par ſacrum* appellatur, quia ab *oſſe ſacro* poſterius oritur, & in duodecimæ vertebræ thoracis ſpinam, & in lumbalium quoque vertebrarum ſpinas & in obliquos, proceſſus variis tendinibus finitur: *Uſus* eſt *priorum actionem adjuvare*.

*Quartum par ſemiſpinatum* nuncupatur, oritur hoc ubi præcedens deſinit, & omnes vertebrarum ſpinas amplectitur, & deſinit in primæ thoracis vertebræ ſpinam: *Uſus* ejus eſt *thoracem erigere*.

Poſt *musculos dorſi & lumborum artuum muscoli* à nobis deſcribendi ordine veniunt, qui & in artubus ſuperioribus & in inferioribus alii inveniuntur. Quorum illi *brachii, ſeu humeri muscoli* vocantur.

## §. 8.

## De Musculis Brachii &amp; Humeri.

**S**uperior ergo brachii pars est illa, quæ à summo humero ad cubitum usque pertingit, & variè movetur, antrorsum nempe, retrorsum, sursum, deorsum, & in gyrum, & hi motus novem musculorum beneficio perficiuntur.

*Quorum primus pectoralis* dicitur, quia pectoris vel thoracis anteriorem partem occupat, estque *magnus & carnosus*, oriturque ex *osse pectoris* fermè toto, & annexis cardilaginibus, ubi parum tendinosus est, ex parte claviculæ, & à costis veris, in *quinta* nempe, *sexta* & *septima* implantatur, & tendine brevi, lato, nervoso & robusto in *os brachii* inter musculum deltoideum & bicipitem inferitur: Usus hujus musculi est *brachium pectori ad-movere*, & hic ille musculus est, qui patitur in *torturis*, valde enim distenditur & divellitur, dum brachia fortissimè retrò trahuntur.

*Secundus dicitur deltoides* seu *triangularis humeralis*, oritur ex claviculæ media parte scapulam spectante & itidem ex summo humero, inferitur carnosus sine in medium humeri, in quo robusto tendine latet.

Usus est *brachium sursum attollere*, in hujus mediâ parte ordinariè *fonticuli* aperiuntur.

*Tertius à magnitudine latissimus dorsi* appellatur, quia totum fermè dorsum cum suo pari tegit, ab usu autem ani *aniscalptor* dicitur, eò quòd brachium retrò atque deorsum trahit.

Oritur hic membranoso latissimoque principio ab apicibus vertebrarum spinæ inter os sacrum sitarum, nec non à superiore Illi ossis parte, hinc ad scapulæ basin ascendit, & tandem brevi sed lato tendine inter pectoralem & rotundum musculum brachio inferitur, illudque etiam deorsum trahit.

*Quartus dicitur Rotundus major & carnosus*, parte posteriore sub axilla locum habet, hic carneo principio à tota inferiore scapulæ costâ pronascitur, inde brevi sed valido tendine in brachii os paulò infra cervicem desinit, *brachium intrò ac simul deorsum trahit*.

*Quin-*



*Quintus à situ musculus transversalis brevior*, à forma verò *rotundus* nuncupatur, hic ab infimo scapulæ angulo exsiliens, in brachii cervicem producit, & *motum Rotundi majoris adjuvat*.

*Sextus infra-spinatus*, sive etiam ab aliis *suprascapularis inferior* appellatur, quia totam exteriorem scapulæ partem, quæ sub spina est, tegit, hic à scapulæ basi infra spinam exoritur, & lato sed brevi tendine, humeri ligamento articulum continente extrinsecus inferitur, & *brachium ad exteriora circumagit*.

*Septimus suprascapularis seu superscapularis* vocatur, hic è scapulæ basi enascitur, & totam cavitatem inter spinam & costam scapulæ superiorem implet, lato & valido tendine articulum superante obliquè cervici inferitur, & *brachium cum priore circumducit*.

*Octavus subscapularis seu immersus* dicitur, hic carnosus est valde, & inter scapulam & costas habitat, & occupat partem internam scapulæ; Inferitur verò lato tendine in humeri ligamentum internè, & *brachium introrsum circumagit*.

*Nonus perforatus coracoides*, etiam *Coracobrachialis* dicitur, qui brevi, nervosoque principio à scapulæ processu coracoidè incipiens, robusto tendine ad medium fermè brachium antè excurrit, illudque *antrorsum pectori adducit*, hujus venter perforatus est, & transitum præbet nervis, qui ad cubiti musculos distribuuntur.

## §. 9.

### *De Cubiti Ossibus scilicet ulnâ & radio.*

Cubitus duobus constat ossibus, *ulnâ* nempe & *radio*, *ulna* quatuor musculorum ope movetur, *flectitur* nempe *duobus musculis flexoribus* internâ & anteriore brachii parte sitis, & *extenditur* quoque *duobus extensoribus* posteriorem brachii partem occupantibus, illi sunt musculi *biceps & brachialis*, hi verò *longus & brevis*.

*Biceps* ergo gemino validoque principio oritur, altero exteriorè & nerveo, à superiore parte acetabuli ipsius scapulæ, altero verò partim nerveo, partim carneo, à scapulæ Apophysi coracoidè exor-

to, quibus principiis dein unitis, corpore suo brachii internam sedem occupat, & crasso tendine in caput seu prominentiam internam inferitur.

Secundus *Brachialis* prædicto substernitur, eoque brevior, sed totus carnosus est, & à media parte ossis brachii procedens desinit in radium & cubitum, quâ parte simul connectuntur, hic *cum priore cubitum arctissime flectit.*

Extensorum primus *longus* dicitur, qui valido latoque & gemino emergit principio, uno *sublimiore* ab Omoplatæ costa inferna, altero *verò humiliore*, quibus junctis, sub capite in ossis humeri *olocrano* seu cubiti summo exterius terminatur.

*Brevis* è cervice posticâ humeri exortus, in illam *olocrani partem*, ubi connectitur cum præcedente, desinit, hinc una cum musculo longo, unicum robustum ac nerveum tendinem efficit, quo mediante *brachium extenditur.*

*Os Radii* quatuor æquè movent muscoli, quorum *duo interiores* radium *introrsum* movent, & *Pronatores* dicuntur, *duo verò exteriores supinatores* vocati eundem *extrorsum* convertunt.

*Primus Pronatorum*, qui superior est, à forma *rotundus* seu *teres* dicitur, hic ab interiori parte tuberculi humeri productus, tendine membranoso ad radii ferè medium decurrit.

*Secundus pronatorum*, qui inferior est, *quadratus* dicitur, ab ulnæ interno latere transversim extensus, supra ligamentum quod radium cubito connectit, progreditur, radiisque internæ parti committitur.

*Primus supinatorum*, qui *longior* dicitur, ab extremo humeri tuberculo exoritur, & ad radii apicem inferiorem descendit.

*Secundus brevior & tenuis* est, & è brachii externa apophysi emergens, propè radii medium terminatur.

### §. 10.

#### De Musculis carpi & volæ manûs.

**C**ubiti musculos insequuntur carpi & volæ manûs muscoli, carpus igitur *extenditur, flectitur & lateraliter movetur* beneficio *quatuor musculorum*, ex quibus duo sunt *interni*, & totidem *externi.*

Pri-

Primus interiorum *cubitus internus* vocatur, hic oritur à brachii Apophysi, & crasso tendine quinto ossi carpi implantatur.

Secundus *Radius internus* nuncupatur, ab eodem fermè loco cum priori educitur, & in os metacarpi indicem sustinens desinit; *hi duo manum contrahunt.*

Externorum verò carpi, primus est *Radius externus*, sive *bicornis*, hic lato & gemino principio à brachii acumine osseo, ejusque condillo externo procedens, radio carnosus innititur, & duplici tendine in os metacarpi infigitur, primum nempe & secundum.

Alter *cubitus externus*, ab externa Apophysi brachii enascitur, ac per cubitum delatus in quartum os metacarpi inseritur, & *hi duo manum extendunt.*

Modò demonstrandus occurrit *musculus palmaris*, qui omnibus fermè musculis *manus interioris* substernitur, originem hic sumit ab interno humeri tuberculo, carnosus in principio existens, mox in gracilem tendinem attenuatur, & ligamentum annulare carpi supergressus, rursus dilatatur, & in membranam nervosam per volam manus usque ad digitorum confinia expansam, cuti adèò tenaciter affixam transit, ut difficillimè ab ea separari queat, hic *musculus cutem volæ manus corrugando apprehensionis firmitatem præstat, eamque eximio sensu dotat.*

## §. II.

### De Musculis digitorum manus.

**M**usculos digitorum modò delineaturi, à Pollice, qui robore cæteris digitis æquipollet, initium faciemus; Pollex igitur duorum musculorum beneficio extenditur, duobus stectitur, tribus adducitur, & rursus duobus abducitur.

*Extensores* ab exteriori cubiti latere oriuntur, quorum unus ad tertium usque internodium pertingit, alter carpum prætervectus in primum & secundum pollicis articulum duplici tendine extrinsecus inseritur.

*Flectentium* alter à superiore radii parte enatus, ad primum & secundum pollicis internodium excurrit, alter verò minor ab osse



osse carpi procedens, alteri subijcitur, & in medium pollicem extenditur.

*Adducentes* versùs alios digitos, ex tribus ossibus internis metacarpi prodeunt, in pollicis primum & secundum os inferuntur.

*Abducentes* versùs exteriora, alter à parte interiore ossis carpi porrectus, in secundum internodium pollicis membranoso tendine inferitur, alter verò spatium, quod inter pollicem & indicem est, occupat, & à posteriori sede ossis metacarpi oritur, & in pollicis internodium primum, totique externo ejus lateri implantatur.

*Digiti reliqui ad robur, variòsque motus*; etiam multiplices variòsque obtinuerunt mulculos, quibus flectuntur, extenduntur atque ad latera moventur.

Flectit digitos *musculus sublimis*, *profundus*, & *lumbricalis*, *sublimis* etiam *perforatus* dicitur, ab interno ossis humeri tuberculo exortus, & circa carpum in quatuor tendines divisus & hic in secundum digitorum internodium inferitur.

*Profundus* à partibus superioribus cubiti & radii paulò infra articulum emergit, hinc partitus robustis tendinibus tertio digitorum ossi implantatur.

*Lumbricales* appellati tenues sunt, à musculi *profundi* tendinibus orti in primum digitorum internodium rotundo tendine, cum interosseorum tendinibus commixto desinunt, interdum per latera digitorum usque ad tertium internodium excurrunt, & digitos lateraliter flectunt.

Digitos extendunt *musculi duplices*, alii communes, & alii proprii, communes omnibus quatuor digitis inserviunt, & bini sunt, ab extremo humeri tuberculo prognati, qui in progressu simul junguntur, & tendinibus unitis secundo tertioque digitorum ossi firmiter annectuntur.

*Proprii* verò sunt, qui unum tantummodò digitum extendunt, & horum duo numerantur.

*Primus est extensor Indicis proprius*, etiam *indicator* appellatus,

latus, è mediâ & extremâ cubiti regione ortus, bifido tendine in *secundam articulationem* inseritur, quorum tendinum alter cum tendine extensoris communis coalescit.

Alter proprius est *extensor minimi digiti*, qui à radii supernâ parte ortus, externè in *auricularem digitum* etiam duplici tendine implantatur, quorum unus etiam cum tendine communis extensoris musculi miscetur, dantur insuper *lateraliter moventes* musculi proprii etiam duo.

Primus *adductor indicis proprius*, ab interno pollicis interno-dio primò exsurgit, hinc in ossa indicis desinit, & *indicem versùs pollicem* adducit.

Alter *abductor minimi digiti proprius*, qui in volâ ex tertio & quarto carpi osse emergens in *articulum primum digiti auricularis* exterius ad latus inseritur, eumque à reliquis digitis abducit.

Denique digiti ad latera & versùs pollicem adducuntur, vel ab eo abducuntur, & id beneficio *octo musculorum interosseorum* perficitur, quorum quatuor *interni* intervallum ossium metacarpi obtinent, quatuor verò *externi* in palma manûs collocati prioribus incumbunt. Oriuntur à supernis ossis Metacarpi partibus juxta carpum, deinde modò inter se, modò cum lumbricalibus coeunt *lateraliter tria digitorum ossa* tendinibus pereptant & usque ad radicem unguium, ubi *antrorsum & supernè* in tendines coeunt terminantur, ab his *medius & annularis* digitus duos tendines, item *Index & auricularis* unum accipiunt, & horum musculorum ac tendinum ope adeò stupenda digitorum in motu *varietas & celeritas* perficitur.

## §. 12.

### De Musculis femoris.

**A**B artubus superioribus eorûmque musculis ad inferiorum partium musculos, ordine describendos, devenimus, inter quos *femoris musculi* primò occurrunt.

Femur itaque *flectunt, extendunt, adducunt, abducunt* varii musculi, *flectentium* verò tres numerantur, quorum

Pri-

Primus est *lumbalis* sive *Psoas*, qui est verè, *teres crassus & lividus* ac in abdominis cavitate situs,

Oritur carnosio principio circa duos inferiores thoracis, & tres superiores lumborum vertebrae, & per ossis Illii internam faciem descendens tereti validoque tendine in *rotulam femoris minorem & latiore parte anteriorem* inseritur, ac femur *valde sursum* trahit, quia autem huic musculo insigni nervo praedito *renes incumbunt*, eo loco, ubi nervus ingreditur, hinc fit, ut calculo in rene existente *ab illius pressione stupor in ejusdem lateris femore, ac subinde in crure persentiat*; hic annotarunt aliqui Anatomici etiam exiguum musculum, *parvum Psoas* vel parvum lumbalem dictum, illum complectentem & in sua sede continentem.

*Secundus* est *iliacus internus*, qui tenui & crasso principio in ossis Illii interna cavitate exortus tendine suo lumbali jungitur, & inter *magnum & parvum trochanterem* antrosum desinit.

*Tertius* est *Musculus pectineus*, qui lividus est à parte superiori ossis pubis, ad commissuram juxta ejus cardilaginem carnosus & latus profluens, brevi latoque tendine *femoris lateri interne implantatur*, & ad posteriora usque progreditur, quo mediante femur *valide sursum & introrsum* flectitur, sicque femur unum, alteri superimponitur, unde à Bartholino ad musculos adducentes refertur.

*Extendunt femur tres muscoli, glutei dicti*, qui nates constituunt, & etiam inserviunt *ad retrogrediendum*, quorum

*Primus* est *gluteus major*, à Coccyge, & spinâ ossis sacri, & ossis Illii costâ, carnosus admodum enatus, quatuor dein digitis infra magnum trochanterem valido tendine desinit.

*Secundus gluteus medius*, hic primò magnâ ex parte subster-nitur, hinc à costâ & dorso ossis Illii anteriori Regione carnosus exiens, totamque fermè ossis Illii Regionem occupans lato validoque tendine in trochanteris majoris anteriorem & elatiorem partem implantatur, ac eam undique cingit.

*Tertius gluteus minor*, qui totus sub secundo latet, & hic etiam ab ossis Illii dorso, ejusque sede posteriore ac inferiore car-nosus



nosus procedit, & lato robustoque tendine etiam trochanteris majoris parti interiori & apici inseritur.

*Adducitur femur introrsum* Musculo triplici, vel potius quadruplici, estque omnium musculorum *crassissimus*, cujus singulae partes, ut ortu & insertione, sic fibris & aliquantulum etiam usu variant, qua de causa ab aliquibus in quatuor musculos divisus describitur.

*Pars igitur ejus* prima, principio nervoso ab ossis pubis linea superiori oritur & in femoris lineam asperam inseritur.

*Secunda procedit* ab ima ossis pubis commissura, & desinit rursum in femoris lineam asperam, sed parte superiore.

*Tertia* à tota coxendicis interna parte emergit, & in femoris posticam lineam asperam sub Rotatore minori implantatur.

*Quarta* pars à coxendicis apice enata, teretri tendine in femoris tuberculum internum inferius finitur.

*Abducitur femur in latus externum* beneficio musculorum quatuor exiguorum, *quadrigeminorum* dictorum, qui ferme sibi invicem similes sunt, & in parte posticâ supra femoris articulationem alternatim collocantur.

*Primus & superior* horum à formâ *Pyriformis* à situ verò *iliacus externus* nominatur, & ab imo ossis sacri procedit.

*Secundus* à tubere ossis Illii.

*Tertius* huic contiguus ab eodem loco exsurgit, & omnes illi tres in trochanteris cavitatem inferuntur.

*Quartus quadratus dictus*, cæteris latior & carnosior tantisper est, & duorum digitorum latitudine à tertio distat, exoritur ab interna parte tuberis Ischii, & in partem externam trochanteris terminatur.

*Obliquè femur rotant* duo musculi *Rotatores* appellati, qui foramen inter os pubis & Ischium patens occupant, atque gressum adjuvant, unus est internus & alter externus.

*Internus est validior, & ab interna foraminis ossis pubis circumferentiâ, carnosus & latus procedit, & transversim supra os coxendicis extrorsum delatus, trivido tendine magni trochanteris cavitatem ingreditur, & rotationem externam facit.*

Externus pectineo musculo subjacet, & ab ossis pubis foramine in circumferentiâ externa carnosus incipiens & per cervicem femoris velut per cochleam revolutus, in magni etiam trochanteris cavitatem amplo validoque tendine sub musculo quadrigemino implantatur, & internam rotationem dirigit.

## §. 13.

## De Musculis tibiæ.

**A** Femore ad Tibiam progredimur, quæ tripliciter movetur, *flectitur nempe, extenditur & obliquatur.*

*Flectunt tibiæ quinque muscoli, quorum*

*Primus longissimus & fascialis* dicitur, antè statim sub cute occurrens, ab interiore ossis Illii tubere oritur nerveo & carnosò principio, estque *gracilis*, & per interiora femoris instar *fasciæ* aliis musculis instructus fertur, ac juxta genu in tendinem definit, qui in *anteriorè & interiorem partem* ossis tibiæ in lineam acutam sub genu inseritur, hinc Riolanus hunc *non flectere, sed potius extendere tibiæ putat.*

*Secundus gracilis* vocatur, qui longissimo intrò accumbens in commissurâ ossis pubis, nerveo amploque principio enascitur, & per femoris anteriora excurrrens, teretri tendine in partem tibiæ interiorem excurrit, ac implantatur.

*Tertius seminervosus* à tubere Ischii nervoso, gracillique principio exurgens per femoris posteriora & interiora oblique descendit, ac tereti tendine in tibiæ posteriorem ac interiorem partem definit, ejusque tendo ad tibiæ medium excurrit.

*Quartus semi membranaceus*, qui ab eodem sub præcedente loco egressus, tendine paulò latiore ad tibiæ posticam protenditur.

*Quin-*

*Quintus* est *biceps* ex eodem Ischii tubere exortus, per externam femoris partem defertur, ac circa medium femur carneam molem, tanquam novum musculum assumit, sicque deorsum descendens insigni tendine inferius in ossis fibulæ processum inseritur.

*Extendunt tibia quinque vel sex musculi, quorum*

*Primus membranofus* à superna spina ossis Illii acutus carnosusque interiore parte juxta femoris processum majorem prodiens, abítque in membranam longissimam, quæ *fascia lata* dicitur, fermè omnes femoris & tibix musculos circumdans, ac in sua sede continens, atque ad extremum usque femoris excurrit, miscetur autem circa insertionem cum tendinibus musculorum sequentium, & in tibix ac fibulæ partem anteriorem versùs externum latus implantatur, *tibiámque rectè extendit, & non nihil extrorsum ducit.*

*Secundus longus sutorius & fascinalis* etiam vocatur, ab appendice ossis Illii anteriore ortus, & per interiora femoris obliquo ductu decurrens, sub genu ad tibiam inferius descendit, eamque extendendo adducit.

*Tertius rectus* dicitur, ab inferna spina ossis Illii enatus, carnosus teretique ventre rectà secundum longitudinem femoris decurrit, & forti ac rotundo tendine patellam includens, sub eà in tibiam desinit.

*Quartus vastus internus* est, quia à cervice & Rotatore femoris minore ortus, tibix internæ paulò infrà patellam inseritur.

*Quintus est vastus externus*, hic à Rotatore femoris minore exterius principium sumens, amplo tendine in tibiam externè paulò infrà patellam inseritur.

*His quinque* nonnulli addunt musculum sextum femori adhærentem *crureum* appellatum, cujus principium esse dicunt inter duos femoris rotatores, finem verò cum vastis musculis ponunt.

*Notandum* est, quòd horum extensorum quatuor musculi posteriores circa genu sint uniti, ac simul unicum musculum com-



*munem* ac latum, validumque tendinem efforment, quo *patellam involvunt*, & femoris tibiæque ossa instar ligamenti validè colligant.

*Obliquat Tibiam Popliteus*, laticans in cavo poplitis ab inferno & exteriore femoris tuberculo exortus, & obliquè in appendicis tibiæ superioris partem posteriorem & internam defertur.

## §. 14.

### De Musculis Pedis.

**A** *Musculis tibiæ* in pedis musculos recta incurrimus, *flectitur* itaque pes & *extenditur*; Itaque flectunt antrorsum *musculi duo*, quorum

Primus est *Tibialis anticus*, qui tibiæ fixus & à superno tibiæ processu ortus, & in os pedii ante pollicem tendine circa finem bifido inseritur.

*Secundus Perineus biceps* vocatur, uno principio promanente à fibulæ supernâ Epiphyssi, altero à Peronis medio, hic æquè duplicem habet tendinem, minorem in minimi digiti os delatum, & majorem sub plantâ obliquè incedentem, & insertum in os pedii à regione Pollicis.

*Extendunt retrorsum postici quatuor, duo gemelli, internus & externus*, & hi suram constituentes *gastrocnemii* nuncupantur, & à femoris capite sub poplite oriuntur.

*Tertius Soleus* dictus his subditur, & iste à priori fibulæ appendice exoritur, tres hi muscoli desinunt in crassissimum & validissimum tendinem, calcisque principio inseruntur, quo *suspendi solent mactata pecora*.

Hypocrâtes tendinem hunc vocavit *chordam magnam*, ut ex *calcis fractura* febres singultuosas & convulsivas contingere vult.

*Ultimus denique musculus pedis plantaris* dicitur, & respondet *palmari in manu*, hic gracilis est, inque tendinem longum degenerat, totamque plantam tegit, ab exteriori femoris capite exor-

exoritur, & in quinque digitos inferitur, eundemque hic usum, quem ille in manu habet.

*Tibialis posticus* hinc adduci potest inter obliquè moventes, inter adductores autem numeratur à spigelio: inter extensores verò à Riolano.

## §. 15.

### De Musculis Digitorum Pedis.

**C**oronidem imponunt musculi digitorum pedis, qui & ipsi varios musculos habent, illos extendentes, flectentes, obliquantes.

*Extendunt* quatuor digitos duo musculi tensores dicti.

Primus itaque est *longus tensor*, sub tibiæ antico reconditus, oritur ab antica & internâ tibia, quâ parte fibula recta descendit, & in tendines quatuor separatus, ligamentum annulare transit, atque in quatuor digitorum tres articulationes supernâ parte immiscetur.

*Secundus brevis tensor* est, ab astragali vicinia parte superiori projectus & longo subtractus in omnes primi internodii articulos suis tendinibus desinit, qui tendines supra *metatarsum* sese decussatim interfecant.

*Flectunt* quatuor digitos sex musculi flexores, quorum

*Primus longus flexor*, sive *perforatus* & *sublimis* dicitur, qui sub musculis suram constituentibus posteriori sede occultatur, hic à superna tibiæ parte posterius originem sumit, & circa malleolum internum tibiæ, calcisque ligamentum subiens, in planta pedis finditur, & in quatuor tendines dividitur, qui in quatuor digitorum articulos inferuntur.

*Secundus brevis flexor*, etiam *perforatus* & *profundus* appellatur, inferius & interius à calce procedit, dimissisque tendinibus quatuor, circa finem procedentis musculi tendine in secundum digitorum internodium excurrit.

*Tertius, quartus, quintus, & sextus* sunt musculi *lumbricales* dicti, qui à flexoris longi & brevis tendinibus, eorumque ligamen-

mento eos tendines involvente producantur, & carne quadam à calcaneo exsurgente adaucti, primò in quatuor digitorum internodia singulis tendinibus inseruntur.

*Obliquè digitos movent musculi interossei decem*, sub ossibus metatarsi atque inter illa locati, & à carnea massa exorti, externi ad primum digitorum internodium, interni verò usque ad secundum internodium excurrunt, agentibus musculis externis *digiti abducuntur*, internis verò *adducuntur*, simul agentibus *extenduntur*.

*Digitus* verò minimus *peculiarem abductorem* habet à calcaneo productum, qui primi internodii externo lateri implantatur.

*Pollex* pedis etiam *singulares obtinet musculos*, quorum Primus *flexor*, secundus *extensor*, tertius *abductor*, quartus *adductor major*, quintus *adductor minor* nuncupatur.

*Flexor* adjacet longo digitorum tenori, posterius à superiori fibulæ parte oritur, & *tertio pollicis ossi* annectitur.

*Extensor* ab externo tibiæ latere enascitur, ac *toti pollicis parte superiore* implantatur.

*Abductor* ab interna parte calcis ortus, & in pollicis os primum extrinsecus defigitur.

*Adductor major* à ligamento ossis metatarsi emergit, & in primum pollicis articulum obliquè desinit.

*Adductor minor* à minimi digiti ligamento transversim carnosus deferitur, atque in primum pollicis os à latere excurrit.

In plantâ pedis, quæ *vestigium* appellatur, observatur carnea massa, quæ instar pulvinaris musculorum tendinibus substernitur; hanc carnem nonnulli cum *musculo transversali* confundunt.

Ufus horum musculorum & maximè pollicis est, *ad securam ambulationem facere*, quando nempe per viam asperam rotundis filicibus refertam, aut per aliud inter minutum & lubricum eundem nobis est, nam horum musculorum ope *pes ad substrati corporis figuram se accommodat, & id quasi comprehendit, ut tuto gressum firmare valeamus.*





# LIBER V.

## *De Vasis sanguiferis Arteriis nempe & Venis.*

### §. I.

#### *De Aorta ejusque primis divisionibus.*



Lacet in memoriæ facilitationem præcipuas *Vasorum sanguiferorum* distributiones ordine repetere, easque ab omni aliarum partium intricacionibus liberatas delineare; hinc *ab arteriis* exordium faciemus.

Dico primò : *arteria* ad duas ultimatè reducendæ sunt, videlicet ad *arteriam magnam seu aortam*, & *arteriam pulmonariam*, reliquæ omnes harum *surculi & propagines* esse *videntur*.

*Arteria* autem magna est illud maximum vas, quod amplissimo trunco *sinistrum cordis ventriculum* egreditur, quæ mox sub ipsis *valvulis semilunaribus* duas *arterias cordis coronarias* dictas progerminat, egreditur *aorta* Pericardium *indivisa*, & sic ad quatuor circiter digitos sursum fertur; tum in *duos truncos* dividitur, quorum pars major *deorsum*, ac *inlatus sinistrum* reflectitur, quæ *Aorta descendens* dicitur, altera verò pars non nihil *dextrorsum* inclinando *recta sursum* fertur, & *Aorta ascendens* vocatur; hanc sequitur *arteria subclavia sinistra*, quæ ex trunco descendente originem sumit; propè hanc ex trunco *aortæ*, *Arteria Carotis sinistra* exoritur, ubi verò *aorta ascendens* ad sesquidigi-

digitum circiter fursum delata fuit, ibidem *arteria carotis dextra* & *subclavia dextra* suam originem sumit, & in parte inferiori non multum à principio arteriarum subclaviarum utrinque propullulant *arteria intercostales superiores*, quæ intra costas superiores disseminantur; Ita quoque ex iisdem *subclaviis* internè emergunt *arteria mediastina*, & *diaphragmatica superiores*, à parte anteriori sub arteriis subclaviarum egrediuntur *arteria mammaria*, quæ utrinque sub sterno incedentes, hinc inde ramos ad partes externas thoracis, in mulieribus verò maximè ad *mammas* transmittunt, nec non alii harum furculi descendentes, ac per musculos abdominis dispersæ cum arteriis *lumbaribus* & *Epigastricis* connectuntur.

A parte superiori arteriarum subclaviarum progignuntur utrinque *arteria cervicales seu vertebrales*, fursum ad caput ascendentes; cum verò *subclavia* thoracem egressa fuerit, demissis hinc inde tam superiùs quàm inferiùs *arteriis muscularibus* dictis, tunc mutato nomine & ipsa, *axillaris arteria* vocatur, de qua inferius plura, cum modò arterias caput scandentes contemplaturi simus,

## §. 2.

### De Arteriis caput ascendentibus.

**I**gitur ad caput per collum ascendunt quatuor *arteria*, duæ nempe majores & *carotides*, duæ verò minores & *cervicales* seu *vertebrales* dictæ: *Carotides* sive etiam *capitales* utrinque duæ sunt, *externa* nempe & *interna*; quæ sese utrinque extendunt ad *latus asperæ arteria*, ubi in magno sanguinis orgasmo illarum *pulsatio* non solum digitis deprehenditur, sed & oculis manifestè cernitur, hæ in transitu demittunt aliquos ramos ad asperam arteriam & partes vicinas.

*Carotis externa*, ubi caput attingit in quatuor ramos notabiliores sese diffundit, quorum primus tendit ad musculos *ossis bicornis lingue* & faucium. Secundus ad musculos *labiorum* &c. Tertius arterias temporales constituit, ubi pars alia excurrit per inferiorem *maxillam ad dentes*, hinc Emplastra styptica temporibus applicata dolores dentium mitigant. Quartus tendit in musculos posteriores *colli* & *capitis posterioris*.

*Carotis interna* utrinque perforato cranio dispergit ramos insignes *per duram matrem*, quos etiam *ad oculos, aurem internam* & *ad glandulam pituitariam* transmittit, altera verò *Carotidis interna* portio, in duos ramos divisa, suos furculos *per meninges ipsūque cerebrum* copiosissimè ac minutissimè divisos distribuit.

*Cervicales arteria* dua minores dictæ; hæ cervicem seu per posteriorem capitis partem excurrunt, ac *per foramina processuum vertebraliū* transeunt, ideoque etiam *vertebrales* nominantur; Hæ arteriæ, dimissis aliquibus furculis *ad spinalem medullam* & partes vicinas ingrediuntur *occiput*, ac in *cerebelli substantia* disseminantur, simul ac in ipsam *cerebri medullam* præsertim *oblongatam* expanduntur.

### §. 3.

#### *De Arteriis Axillaribus & Scapularibus.*

**E**numeratis arteriis ad caput ascendentibus modò rursū sicut in §. I. dictum, ad arteriam subclaviam, ut redeamus oportet.

Quare *arteria subclavia* thoracem dum egressa est, *arteria axillaris* nuncupatur, quæ dividitur in *duos ramos*, quorum majorem *truncum*, minorem verò *ramum* appellamus, ex *ramo minori* abscedit *arteria scapularis externa*, & aliæ arteriæ inferiores.

*Scapularis externa* dividitur in *tres minores*, quorum ramus aliquis rursū in alios tres minores, & dein in plurimos alios, qui omnes per *scapularum musculos* præsertim externos distribuuntur, alius ramus hujus arteriæ per *exteriorem brachii partem* secundū ejus longitudinem excurrit, inde dimissis in *musculos brachii* paucis furculis, circa *cubiti flexuram* disinnere videtur.

*Econtra* verò *truncus* sive *ramus major arteria axillaris* arteriam scapularem internam & *arterias thoracicas* constituit, quare per medium brachii internè cum magno nervo extenditur; sub *flexura cubiti* dividitur in duos ramos, hinc magna in *venæ sectione attentio* & exploratio facienda est, ne *arteria infelicitè* pro *vena Epaticâ* aperiat, quoniam hæc per longitudinem brachii ad carpum usque excurrit, ubi *pulsus ejus* à medicis ordinariè explorari solet, in transitu autem dimittit hinc & illinc furculos, deinde *carpum egressus* ad manum & digitos, præsertim ad *pollicis musculos* amandat ramulos:



alter ramus sub *flexura cubiti* germinat *ramum notabilem*, qui per *cubiti musculos* exspatiatur; ex his ramis oboriuntur plurimi *furculi*, qui tandem ad *iplos digitorum musculos & extrema manus* excurrunt.

## §. 4.

## De trunco Aortæ descendētis.

**D**elineatis *Aortæ descendētis* ramificationibus, sequitur trunci *maximi aortæ nempe descendētis* descriptio: Igitur ex aorta descendente, uno aliquando nullo à principio ejus digito distante, emergit *Arteria bronchialis*, cujus ramuli *asperæ arteriæ* inferuntur; ad latera aortæ descendētis *arteriæ intercostales* 8. 9. vel 10. in uno latere *una infra alteram* propullulant, quarum in latere dextro plures ab aorta, in sinistro verò plures à *subclavia* originem sumunt, his succedunt *arteriæ lumbares*.

*Propè intercostales*, sed magis ex parte anteriori propullulat *arteria diaphragmatica*, etiam *phrenica dicta*, aliquando *una*, subinde *gemina*; Paulò infra diaphragma in parte Anteriori Aortæ exsurgit *truncus*, & hic *arteria celiacæ* vocatur, distinguitur ista in *ramum dextrum & sinistrum*.

Dexter Ramus producit *gastricam sive Epiploicam dextram*, quæ *ventriculum & omentum* perreptat, deinde emergunt ex isto ramo ulterius *arteria duodena, pancreatica, dextra Cystica & Epatica*.

Ramus sinister progignit *sinistras gastricas*, nempe *Epiploicam & gastro Epiploicam*, unde rami exigui ad *pancreas* tendunt, maxima verò hujus rami pars in liene *arteriam splenicam* constituit.

Rursum paulò inferius etiam à parte anteriori originem ducit, *arteria mesaraica superior*, quæ in varios ramos divisa, per *mesenterium* ad *omnia intestina tenuia* tendit, & hujus furculi mirabilissimè per omnia intestina distribuuntur.

Hic utrinque ad *latus aortæ* emergunt *arteriæ Renales Emulgentes* dictæ, quarum sinistra altior est dextrâ, his succedunt *arteriæ spermatica*, sed magis à parte anteriori egredientes, quas ad latera sequuntur *arteriæ lumbares*. ast

*Adiposæ & atrabiliarie seu succenturiatæ* dictæ in quibusdam ab *Emulgentibus*, in aliis à *lumbaribus* decedunt.

*Infra lumbares nascitur in parte anteriori meseraica inferior, cujus ramuli ad intestina crassa distribuuntur, ex quibus in podicem ani, seu intestino recto arteria hamorrhoidalis interna oritur; Truncus arteriae meseraica inferioris circa os sacrum dividitur in duos ramos insignes, qui arteriae Illiaca dicuntur, & tendunt versùs crura, ex hac divisione secedit arteria sacra; insuper utrinque ramus arteria illiaca dividitur in externam & internam, ab interna arteria propullulat arteria hypogastrica, quæ ad vesicam & partes genitales virorum quàm mulierum tendit, ac itidem arteriam hamorrhoidalem externam constituit; à ramo illiaca externo arteria Epygastrica emergit, quæ ad musculos aliàsque partes abdominis itidem ad pudenda terminatur: Paulò inferiùs cernitur utrinque arteria Cruralis, ex qua derivantur plurimæ arteriæ musculæ dictæ, hæc dividitur in cruralem externam à latere exteriori sita, & hæc valde ampla est, & in varios ramos distribuitur, quorum præcipui recta versus inferiora descendunt, & circa poplitem rursus in plurimos ramusculos subdividuntur: datur & arteria Cruralis interna, è qua arteria poplitea suam scaturiginem habent.*

Rursum truncus arteriæ cruralis paulò infrà genu dividitur in duas ramificationes, quarum altera inter utrumque os tibiæ fertur exterius ad pedem, & dimissis hinc inde plurimis furculis in tarsum magnum dimittit ramum, cujus propagines per superiorem partem tarfi & metatarfi & quorundam digitorum longè latèque dividuntur.

*Altera Ramificatio rursus secatur in duas partes, quarum minor arteria suralis dicitur, hæc post plurimorum furculorum productionem ultra medium suræ in alios duos ramos dispescitur, qui tandem sensim evanescere videntur, major pars memorata Ramificationis, suas propagines potissimum versùs posteriora dimittit, ipse truncus verò iuxta malleolum internum propè calcem ad plantam pedis tendit, sed antequam plantam attingit, dividitur in duos ramos, quorum minor versùs pollicem exspatiatur, ubi in diversos ramulos distribuitur, alter mittit furculos egregios in anteriorem calcis partem; ipse trunculus verò valde profundè incedens versùs parvum digitum plurimos furculos partibus vicinis largitur, ubi tandem in majores atque minores furculi divisim sensim obliterantur.*

Circa distributionem *arteria pulmonaria* pauca observanda sunt, hæc enim Pericardium egressa dividitur in duos ramos majores pulmones utriusque lateris adeuntes, atque hi rursus paulatim in alios atque alios ramusculos, & conformiter ad distributionem bronchiorum seu asperæ arteriæ ramificationum distribuuntur.

## §. 5.

## De Vena cava superiori.

**A**rteriarum delineationem venarum sequitur distributio *vena cava* nempe & *vena porta*.

Igitur *vena cava* trunco valde amplo annectitur *dextro cordis ventriculo*, unde originem ducit, ibidemque germinat *venam coronariam* Cordis basim cingentem; Deinde nondum egressa pericardium dividitur in truncum *superiorem*, & *inferiorem*; superior perforato pericardio fertur indivisus fermè usque ad jugulum, tum à latere dextro abscedit *vena azygos* etiam *vena sine pori dicta*, quæ est valde insignis & dextrorsum reflexa, ac vertebrarum lateribus applicata, ad spatia intercostalia suos transmittit ramulos, qui *vena intercostales* dicuntur paulò infra exortum venæ sine pari egreditur *vena bronchialis*. A parte anteriori *vena cava* egreditur *mediastina* ad *mediastinum* & *Pericardium* tendens; Deinde ipse truncus *venæ cava* dividitur propè jugulum in duas venas *subclavias* ita vocatas, quia sub claviculis incedunt versùs brachia.

A parte *vena subclaviæ* anteriori in utroque latere propullulat *diaphragmatica superior*; arteriæ ejusdem nominis associata; à latere *subclaviæ* oriuntur etiam *vena intercostales* sed superiores, quæ per spatia intercostalia superiora, ubi intercostales à *vena azygos* deficiunt, distribuuntur.

Insuper à subclavia profluit utrinque *mammaria*, & etiam *muscula inferior*, cum verò hæc *subclavia* magis sursum delata fuerit ex ejus superiori loco producuntur in utroque latere quatuor *vena* caput versùs excurrentes, quarum *prima jugularis externa*, quæ sub cute lateraliter sursum scandens, *exteriori carotidis arterioso ramo* respondet. Secunda est *jugularis interna*, quæ à latere asperæ arteriæ per jugulum ascendit, mittitque in transitu quasdam propagines ad *asperam arteriam*, ad *musculos laryngis*, ad os bitor-



*bicorne, linguam, dentes & alias partes vicinas, ita tamen ut modò ab interna modò jugulari externa rami disseminentur; ubi verò jugularis interna cranium ingressa fuit, dividitur in duos ramos, quorum major cedit in sinum lateralem dura meningis, minor verò surculos quosdam ad glandulam pituitariam transmittit; reliquum verò per duram matrem distribuitur; Rami venarum jugularium internarum & externarum sibi invicem sæpius inosculantur; & hoc probatur injectionibus in hasce venas factis. Tertia est vena cervicalis sive vertebralis ad vertebrae, spinalem medullam & musculos vicinos se diffundens. Quarta est vena muscula superior dicta, quæ in musculos colli & capitis maxime verò in exteriores disseminatur.*

Rursum vena subclavia mox ante egressum thoracis à parte superiori venam scapularem internam & scapularem externam germinat, postquam verò thoracem egressa & sub axillæ flexura ad brachium tendit, mutato nomine axillaris vocatur; hæc axillaris vena rursus in duos ramos nempe in superiorem minorem Cephalicam, & inferiorem majorem, basilicam dictam secatur; à Basilica verò abscedunt duæ vena thoracica, ad musculos thoracis externos tendentes; vena Cephalica dividitur in ramum anteriorem & posteriorem, Ramus exterior conjungitur circa carpum cum altero ramo Basilica, & ex iis emittuntur ramuli ad digitos præsertim ad annularem & auricularem, ab his propaginibus etiam oritur salvatella, quæ sæpius à practicis incidi solet.

Ramus Cephalicus internus propè cubitum jungitur ramo majori basilica, ex iis tum unitis exsurgit mediana, quæ frequentissime inciditur, quia inter Cephalicam & Basilicam media existit; Cephalica in cubito ad extra, sub qua plerumque nervus latet, Basilica ad internum brachii sita est, & hæc in brachio dextro, Epatica in sinistro verò vulgò splenica vocatur. Cephalica in utraque manu communiter inter pollicem & indicem digitum secatur, salvatella verò inter minimum & annularem, saphana in utroque pede vulgò die Rosen; Uder ad internum malleolum secatur; Ischiatica ad externum, Cephalica pedis quoque circa majorem digitum & salvatella pedis propè minimum, prout in manu inciditur.

## §. 6.

## De Venâ Cardâ inferiori.

**S**equitur distributio *vena cava inferioris*; *vena cava* igitur inferior, perforato inferius pericardio, tota per cavum thoracis usque *ad diaphragma* fertur, cui in transitu utrinque insignem ramum largitur *diaphragmatica* vena dicta.

*Truncus* autem *venæ cavæ* perforato diaphragmate immergitur *parti sinæ Epatis*, sed non adedè profundè, hinc tantùm *tres amplos ramos* ad ipsam Epatis substantiam immittit, tunc *truncus venæ cavæ* ipsum epar deserit, atque *lumborum vertebra* appropinquat, juxta *aortam* descendentem, & à quolibet ibidem latere progerminat venas: imò *lumbares superiores*, dein *emulgentes* & etiam *spermaticas*, quarum *spermatica sinistra* ab ipsâ *venâ emulgente*; *dextra* verò *spermatica* immediatè à trunco *venæ cavæ* exoritur, his succedunt utrinque *lumbares inferiores*; tunc *truncus venæ cavæ* sensim *sub arteria magna* se quasi subijciendo abscondit, & tandem circa os sacrum in duos ramos *iliacos* dictos dividitur; ab his abscedit utrinque *vena sacra*; quam insequitur *ramus illiacus*, in internum & externum divisus; à *ramo illiaco interno hypogastrica*, à qua procedit *Hæmorrhoidalis externa*, generatur *vena Epigastrica* superius talis, inferius verò *pudenda* dicta, deinde ulterius *truncus venæ cavæ* divisus utrinque Nomen *venæ cruralis* assumit, & dividitur in *ramum internum minorem*, & in *ramum externum majorem*; *Ramus internus saphæna* vocatur germanicè in sexu fœmineo *die Rosen-Uder* aperitur sæpius in obstructione mensium, sita est *ad malleolum pedis internum*, à *Ramo cruralis* externo *vena Ischiatica* oboritur, quæ *ad malleolum pedis externum* adjacet, & in doloribus *Ischiaticis* aperiri solet: Datur & *muscula interna*, quæ *musculis in femore sitis* potissimùm impenditur, sequitur *vena Poplitea*; quæ circa genu & poplitem incipiendo distributis huc & illuc suis furculis circa *extremitatem pedis* variè diffeminatur, hinc ad pollicem *cephalica pedis* vocatur, tandem circa pedem *venæ* in plurimos ramos innominatos disperguntur, & *crebra in osculatione conjunguntur*, ut sic sanguis ex arteriis circa extremitates in minores venas confluens, per diversas vias ad cor revehatur: Notandum insuper est, *ramificationes tam venarum*

rum, quàm arteriarum, in manibus pedibûsque non tantùm in diversis subjectis, sed etiam in ipso individuo *valde dissimiles esse*, idèò ut sæpe distributiones aliæ *in pede dextro*, aliæque *in sinistro*, aliæ *in manu dextrâ*, aliæ *in sinistra* conspiciantur; rami verò majores, quos supra depinximus ordinariè non multùm variant.

## §. 7.

## De Vena Porta.

**A**ccedimus ultimò ad distributionem *vena porta*, quæ abdomen non egreditur, sed in furculos innumeros divaricatur, quorum alii per *Epar*, alii per *reliquas partes in abdomine contentas* disperguntur; truncus autem verus est *valde brevis*, & ab egressu ex Epate *deorsum* protenditur; Rami *vena porta per Epar dispersi* funguntur officio *arteriarum*; afferunt nempe cum sanguine materiam *alcalino Aream* in Epate segregandam; Truncus igitur *vena porta* in Epate dividitur *in duos ramos majores*, qui in *Epatis cavum* expanduntur; *ramus minor* versùs *hepatis gippam* pergit, sic totus *vena porta* truncus *in quinque ramos* distribuitur, qui deinde in plures semper minores atque minores dividuntur, sicque per *totam Epatis substantiam* distribuuntur.

Inter *ramos vena porta* sanguinem ad truncum revehentes primæ sunt *Cystica gemella*, per *vesiculam fellis* extenlæ, dein succedit *stomachalis vulgò gastrica dextra*, quæ per *superiorem ventriculi partem* distribuitur, dein dividitur truncus in duos *ramos in sinistrum & dextrum*, sinister vulgò *splenicus versùs lienem* extenditur. Unde oritur *vena hemorrhoidalis interna ac externa*, quæ in *intestino recto* in nonnullis hominibus etiam *in ano* intumescunt, cujus ramuli tam arte, quàm naturâ sæpè *aperiuntur*; rursus procedunt *stomochales* seu *gastrica sinistra*, quæ in *ventriculo venam coronariam* constituunt, dein truncus *splenicus* dividitur in *ramum superiorem & inferiorem*, inferior dimittit propagines in *omentum Epiloicas* dictas, item *gastro Epiploicas*, sive *ventriculo omentales*, superior ramus ad *ventriculum ramum, vas breve* dictum transmittit.



Ramus dexter *vena porta* largitur omento ramum, nempe *Epiploicam dextram*, & *gastro* sive *stomachico Epiploicam dextram*, dein *duodenam*, à qua sparguntur ramuli per *pancreas* & *omentum*, tandem secatur ramus iste *venæ portæ dexter* in *tres venas meseraicas majores*, quæ per *mesenterium* versùs *intestina* excurrunt, ubi in ramos minores atque minores semper divilæ, per *tunicas intestinorum* quaquâversum disseminantur.

Nervorum distributionem, tam qui immediatè ex *cerebri pentralibus* sensuum organis communicantur, quàm qui per *spinam dorsæ artubus musculisque* largiuntur, jam in *quavis partis* descriptione specificâ annotavimus: Igitur nova hîc descriptione non indigemus.

F I N I S.



❁ ) ❁ ( ❁

# PARERGA

EX  
UNIVERSA MEDICINA.

I.

**M**edicina Dogmatica, ratione & experiētiā constans, non est ars, sed scientia.

2. Subjectum ejus est corpus humanum vivum utpote corruptioni hinc morti obnoxium.
3. Consideratur autem à Medico, quā sanabile.
4. Ipsa verò sanitas consistit in vigore ac integritate omnium actionum, cum animi tum corporis.
5. Quæ à partium solidarum tono, & à Libero, regulari, ac temperato fluidarum ac impetum facientium motu, earundemque temperie, & debita crassi, dependet. Itaque
6. Non datur sanitas à partibus hisce memoratis ritè se habentibus, debiteq; inter se unitis, atque contemperatis, ut ens realiter distinctum.
7. Constat autem corpus humanum, sicut omnia mixta perfectà, materiā & formā substantiali.
8. Et hæc in homine est vera, absoluta, immaterialis substantia, nempe anima rationalis.
9. Quæ infunditur à Deo Embryoni, postquam omnia organa ita sunt disposita, sicut pro corpore humano disposita esse debent. Hinc
10. Nulla determinata Dies pro infusione anima, contra AA. & etiam aliquos R. R. assignari potest.
11. Ista verò materia, considerata ut prima, juxta plurimorum modernorum mentem, videtur esse suo modo completa, atque sub nomine corpusculorum minimorum comprehensa.
12. Ex his etiam principiis corporis nostri partes tam solide, quàm fluidæ materialiter componuntur.

13. Inter has verò primatum tenet Sanguis in concreto sumptus.
14. Qui in nullo viscere sanguificante dicto formaliter efficitur.
15. Attamen in corpore animalis viventis per certa sua vasa circulariter movetur.
16. Et hac circulatio primario in motu sanguinis progressivo, secundario in motu ejusdem regressivo consistit.
17. illius instrumentum primarium & organon est cor, una cum arteriis.
18. Hujus verò partium Solidarum flexibilium tonus, cum fibris motricibus, & partium carnosorum membranarum specialis structura.
19. Unde in glandulis, aliis partibus, & visceribus, Secretiones, & excretiones humorum identidem contingunt.
20. Qui specialiter sub nomine Lymphae aut feri comprehenduntur.
21. Humor verò rubicundus tñ sanguis dictus, non nutrit.
22. Sed tantummodo Lympha Seroso-chyloso-spirituosa, in partium porulis, tubulís que sensim à Massa sanguinea secedendo nutrit.
23. Ex qua & semen in testibus virorum, (semen verò aliud in mulieribus, præter ovula declinationes in se continentia non admittimus) & Lac in mammis ob singularem harum partium structuram conficiuntur.
24. Sic denique Spiritus cum vitales, tum animales, ob continuam chyli sanguinisque circulationem & particularum resolutionem ac volatilisationem educuntur.
25. Qui verò essentialiter inter sese non differunt, sed duntaxat à functionibus, passim vitales, & animales nuncupantur.
26. Interim nec sanguis, nec semen in corpore humano vivunt.
27. Sed unice vivunt partes corporis nostri solidae.
28. Quae Gangranâ aut sphacelo correptæ, curari arte Medica non possunt.
29. Nec magis partium internarum ulcera, teste Hypocrate sectione octava aphorismorum sexto, curationem admittunt.
30. Econtra vero fluidorum vitia Medelam non respuunt.





31. Unde Epilepsia etiam teste Hypocrate sectione quinta Aphorismo-  
rum septimo, ante vigesimum quintum annum curanda venit.
32. Omnis verò morbus est Læsio actionum immediatè, ac per se, tum  
animi, tum corporis, à solidarum fluidarumque partium vitio  
& utrarumque turbato motuum ordine dependens.
33. Unde datur tantummodò morbus materialiter sumptus, excluso  
morbo formali, tanquam ente à memoratarum partium læsione  
realiter distincto.
34. Morborum verò causa interna, Spiritus & humores, præcipuè  
verò partium solidarum, ac fluidarum motus statuuntur.
35. Econtra causæ externæ sive procatarectica sunt sex res non natu-  
rales necessaria, & indecenter usurpata.
36. Quarum inter aer, cibis & potus, animique patemata primatum  
tenent. Hinc:
37. Aer in animantibus respirantibus vita quasi pabulum constituit.
38. Res verò non naturales non necessaria morbos tum plerumque  
(quando absque prudentis Medici consilio usurpata fuerint) pro-  
ducunt.
39. Et hujus generis sunt cursus, saltus, Equitatio, acidula, balnea,  
& therma.
40. Quarum ultimarum calor actualis particulis sulphureis in terra  
poris sui Juris redditus adscribendus venit.
41. Insuper sanitas aequè ac morbus per certa sua signa cognoscantur.
42. Est autem signum Medicum omne id quò cognito, in alterius  
prius ignoti notitiam pervenire licet.
43. Et aliud est Diagnosticum, quò præsentem, prognosticum, quò fu-  
turum, anamnesticum, quò præteritum corporis humani statum  
cognoscimus.
44. Inter hæc autem, signa Patognomonica Medico practico scitu apri-  
mè necessaria sunt.
45. Quæ verò pleraque signa ab effectibus, atque morborum causis  
desumuntur. Quare

46. Bonam pulsus & urina notitiam Medicus practicus ut habeat, necesse erit, nec non:
47. Aphorismos Hypocratis raro fallentes ad prognosticon solidum faciendum, medentes ut probe intelligant, oportet.
48. Symptomata vero morborum non nisi valde urgentia in praxi tantummodo attendenda sunt.
49. Insuper methodus medendi genuina ex indicationibus, à causis morborum plerumque desumptis, eruenda erit.
50. A qua nec vena sectio, neque purgatio άνω vel κάτω instituta excludi rationabiliter possunt.
51. Dummodo hac per tutta, ac probata pharmaca, respectu etiam habito ad Idiosyncrasiam patientis procurentur.
52. Qua ex regno vegetabili, animali, & minerali variè ac diversimodè parata desumuntur.
53. Sed tamen hac cum prae cautione in mulieribus hystericis, gravidis, atque puerperis ordinanda sunt.
54. Ipsa vero venena, praesertim arsenicalia, licèt correctà & nescio quomodo preparata internè tuto, & securè propinari non possunt.















3382

Nov 18

7

8.

